

# ANALYSIS LOGICA TRIGIN- TA PSALMORVM, A PRIMO SCILICET AD tricesimum primum:

*Authore* GVLIELMO TEMPLE  
*Dubliniensis apud Hibernos*  
*Collegij Præposito.*



LONDINI,  
Excudebat RICHARDVS FIELD.  
1611.

210 V 11 A

OGICAT

A 124110

AD

1111

1111

1111

1111

1111

1111

1111

1111

1111

1111

1111

1111

1111

1111

1111

1111

1111

1111

1111





NOBILISSIMO ET  
ILLVSTRISSIMO DOMI-  
NO, DOMINO ROBERTO CECI-  
lio Comiti Salisburiensi, Vicecomiti Cranbor-  
nensi, Baroni de Essingdon, Summo Angliæ  
Thesaurario, Regiæ Maiestati à Secretioribus  
consilijs & principali Secretario, Militi clarissi-  
mi ordinis Garterij, & Academiæ tum Can-  
tabrigiensis apud Anglos tum Dubli-  
niensis apud Hibernos honora-  
tissimo Cancellario.



*Q*UOD mihi ob oculos  
proponēbā (Comes no-  
bilissime) postquā in-  
uisere Hiberniam &  
Dubliniensis Acade-  
miæ moderandæ pro-  
vinciā suscipere in a-  
nimum induxerā, ut  
nēpe moliri quid & efficere queam, unde ad  
illustrandam Iesu Christi gloriam afferri ali-  
quid

## EPISTOLA

quid potuisset: id iam pridem præstare studui, animo saltem & conatu, utcunque re & euentu successerit. Non multum temporis intercessit, ex quo tentare cæpi quid in Theologicis, præsertim in explicatione Psalmorum, analysis Logica consequi valeat. Idem denuo per libenter aggredior, non ut antehac, Psalmis aliquot sparsim excerptis & patrio idiomate expositis, sed serie sua & Latine tractatis. Quod in hoc genere conatus sum, id Amplitudini & nomini tuo (illustrissime Comes) inscribendum esse censeui. In quo si peccauerim, tantuli peccati ream virtutem tuam esse necesse est. Nam fecit illa, ut tibi meritissimo deberi putem, quæcunque à me proficisci officia possint vel maxima. Agnosco teneri me tum communi quodam vinculo summi erga nomen tuum honoris & obseruantie, tum singulari meo ac proprio. Vinculum commune multiplex est: egregium est: & patet latissimè: adeo ut iustam historiam desideret. Sed à me summa tantum eaque paucula capita breuissimè percurrentur. Omitto quæ à natura, generis splendore, doctrina institutione ornamenta acceperis: omitto gradum quem obtines clarissima in republica functionis & dignitatis: omitto promptissimam alijs succurrendi

# DEDICATORIA.

*currendi voluntatem, insignem etiam iustitiam ac bonitatem in omnes. Ornant te ista incredibiliter, & nomini tuo decus cōparant apud uniuersos. Sed illa quanta & quā admiranda sunt? Esse scilicet propugnatorem & columnam veræ religionis: esse Senatorem longè prudentissimum: esse denique vindicem & patronum literarum. Senatoria prudentie gloria sic te excellere, vt reipublica regenda scientissimus habere & celebrere, constat partim ex eo quòd consilia abs te inita procuranda reipublica & tuenda religionis faelicissimo susceptarum actionum euentu non modo Magna Britannia sed vniuersa Europa semper approbaueris: partim inde, quòd propter admirabilem in expediendis amplissimi regni grauissimis negotijs dexteritatem duobus Monarchis, ijsq; omnium quos nostra ceteræue gentes viderunt illustrissimis, non modo à secretioribus consilijs perpetuò fueris, sed vtrique etiam (quod minùs sepe accidit) multo charissimus. Neque id mirum cuipiam videri potest adeo pollere te scientia administrandi publica summorum Regum negotia & Monarchias, cogitanti nimirum quā magni interest à quò instituti sumus. Pericles in Phædro Platonis ideo dicitur ceteris orato-*

## EPISTOLA

ribus palmam praripuisse, quòd Anaxagora  
 fuisset auditor, à quo egregia quedã & mag-  
 nifica addiscere potuisset. Cum Homerus V-  
 lisssem sapientie nomine clarum apud omnes  
 & illustrem vult reddere, fingit eum à Palla-  
 de instructum fuisse. Id si ita est: quis tuam  
 (præstantissime Comes) fœlicitatem non ad-  
 miretur? Etenim in tua persona ad excellen-  
 tes naturæ dotes & ad usum illum tractan-  
 de reipublicæ, quem sub maximorum Princi-  
 pum auspicijs maximum consecutus es, accessit  
 & illud, ut gerende reipublicæ disciplinã ex  
 institutis & actionibus accerferes patris tui,  
 hominis politica sapientie laude sic apud orbis  
 Christiani Principes commendati, ut ex illius  
 ore, si quando de statu publico & summorum  
 Regum negotijs differeret, diuini semper ali-  
 quid & oraculorum simile prodire existima-  
 retur. Exposui hæcenus (honoratissime Sena-  
 tor) commune illud vinculum, quo me unã  
 cum alijs obstringi fateor ad te eximijs officijs  
 colendũ honoris & obseruantia. Audies, si pla-  
 cet, quod me singillatim & propius attingit:  
 immo quod dedicationem istam qualemcum-  
 que deberi à me tibi planè euincit. Est tu qui-  
 dem clarissimus Cancellarius ut Academia  
 Cantabrigiensis, sic etiam Academia apud  
 Hibernos

## DEDICATORIA.

*Hibernos Dubliniensis, cuius me designatum  
 Præpositum voce & literis comprobasti. Quem  
 ergo potius quam te ( illustrissime Comes ) ob-  
 servandū mihi & celebrandum proponerem?  
 Academia nostra, cum primum ab Elizabe-  
 tha serenissima Principe sata esset, & patris  
 tui Senatoris excellentissimi tutela commen-  
 data, præclarè voluisti: acceptam in patroci-  
 nium tuum, & expositam iniurijs temporum,  
 non modò pro authoritate tua aduersus vim  
 omnem & insidias maleuolorum tutatus es,  
 sed etiam pro tua apud huius imperij Monar-  
 chas gratia singulari, eadem subsidijs augē-  
 dam & amplificandam curasti. Testis est an-  
 nua illa & gratissima pensio, quæ auctore te  
 ac suasore & concessa primum est Dublinien-  
 si Collegio ab illustrissima illa Elizabetha An-  
 glia Regina, & confirmata deinceps à Iacobo  
 magna Britannia Rege potentissimo. Testis e-  
 tiam est Ultoniensis apud Hibernos planta-  
 tio: quæ intercedente & moderante te descri-  
 pta sic est & informata, ut intra pauculos an-  
 nos non mediocre instrumentum & apparatus  
 suppeditatura sit, non solum ad sustentandam  
 quasi vitam erectæ Academia, sed ad nervos  
 & uniuersi corporis membra roboranda, ne  
 Societas tantæ spei, tam oportuna ad usum se-*


# EPISTOLA DEDIC.

rende ac propagande religionis, à tanta Principe inchoata, à tam præpotente Rege adiuta magnifice & confirmata, recidere aliquando cogatur & interire. Debet igitur tibi (Comes nobilissime) Academia Dubliniensis id omne, quod patronus optimus à gratissimis clientulis expectare queat. Debet insuper Amplitudini tue Præpositus Collegij, quod & vindicaueris ipsum periclitantem olim de capite fortunisq; omnibus, & naturæ tuæ excellenti bonitate promocatus, eidem tum offerre gratiam, tum præstare non grauatus sis. Vides iam (Cecili Comes illustrissime) quibus argumentis inductus analysin Psalmorum istam nomini tuo consecrarim. Erit Amplitudinis tue in eam partem interpretari studium in hoc voluntatis mea, ut siquid in me vel ingenij vel industria & facultatis sit, id omne deuotum existimes & consecratum ornando & obseruando nomini tuo. Dublinj è Trinitatis Collegio Elizabethæ Regine,

Amplitudini tue  
deuotissimus

Gulielmus Temple.





ANALYSIS LOGICA TRIGINTA PSAL-  
MORVM, A PRIMO SCILICET  
ad tricesimum primum,

---

PSAL. I.

**B** *Eatus est vir ille, qui non ambulat in  
consilio improborum : & in via pec-  
catorum non stat : & in cathedra de-  
risorum non sedet :*

2 *Sed cuius oblectatio est in lege Iehoua : & qui  
de lege illius meditatur inter diu ac noctu.*

3 *Est enim sicut arbor plantata ad riuos aqua-  
rum, quæ fructum suum edit in tempore suo : cuius  
folium non decidit. Sic quicquid faciet, prospera-  
bitur.*

4 *Non ita improbi sunt : sed sicut gluma quam  
dispellit ventus.*

5 *Idcirco non consistent impij in illo iudicio : nec  
peccatores in cœtu iustorum.*

6 *Nam*



6 *Nam agnoscit Iehona viam iustorum: ut via impiorum peritura est.*

## ANALYSIS. PSAL. I.

**Q**uestio disceptata in hoc Psalmo à Propheta, huiusmodi est:

*An solus pius sit beatus.*

In huius questionis disceptatione id sibi propositum habet Propheta, ut doceat quis sit è tam infinita hominum multitudine, in quem cadit beatitas: ex consequenti verò, ubi conuenire in eum solū qui pietatis studio tenetur beati nomen constiterit, cohortetur ad vitæ sanctimoniam. Si enim quem fingunt Stoici, aut quem admirantur Peripatetici, aut de quo somniat Epicurus, in beatorum tribum transferendus non sit, sed is duntaxat qui pietatis & iustitiæ officia secutus legis diuinæ institutis parere studet: æquum est, si beati esse volumus, ut sepositis mundi delicijs, & abiudicata vanitate, piæ viuendi rationem persequamur. Nam Prophetam disputantem de Beato, & quis eo tam honorifico nomine dignus censendus sit pro Spiritus sancti iudicio statuentem, sic interpretari conuenit, ac si in hanc sententiam disliceret:

*Si soli pī sint beati: qui beati esse volunt, eos studere oportet pietati.*

*At soli pī sunt beati.*

*Qui igitur beati esse volunt, eos studere oportet pietati.*

Propositio est deductum è recepta apud omnes Maxima consecrarium: viz. *Qui obtinere quid eoque frui vult, par est ut medijs ad id consequendum accommodatis utatur.*

Assumptio est Psalmi, quem in manibus habemus, subiecta questio, & duobus Psalmi prioribus versiculis comprehensa.

Conclusio Syllogismi est omnium Psalmorum consequentium argumentum: cum eorum quilibet sit instar excellentissimæ concionis apud Dei populum habitæ ad persuadendam.

suadendum de studio pietatis.

Iam verò priusquam ad disputandam propositi Syllogismi assumptionem, seu ad Psalmi primi thesin vers. 1. & 2. comprehensam, accedit Psalmista: exhibet nobis hominis pij descriptionem insignem ab effectis. Nam pius iste

1. *Partim ab illicitis actionibus se continet.* vers. 1.

2. *Partim ad actiones pietatis incumbit.* vers. 2.

Illicitæ actiones, à quibus se cohibet, gradibus quibusdam distinguuntur singulæ, notatis insuper singularum efficientibus singulis, sic:

1. *Hortatu improborum statuere quid ac concludere de violatione legis diuinæ. Atque hoc idem est quod ambulare in consilio improborum.*

2. *Consilio capto peccata committendi, eisdem studiosè indulgere: ad ea animo & cogitatione quasi adhærescere, nec inde abduci se pari monitis aliorum. Atque hoc idem est quod in via peccatorum stare.*

3. *Ex inueterata peccandi consuetudine & quodam impietatis habitu, ludibrio habere officia pietatis & iustitiæ, immò publicè profiteri tradende nequitie disciplinam. Atque hoc idem est quod sedere in cathedra derisorum.*

Atque hæc est descriptionis pars prior de actionibus quas declinat & auersatur pius.

Actiones, ad quas in vulgari vitæ consuetudine præstandas se refert, sunt per Synecdochen membri omnia legis diuinæ munera & officia. Sed duo tantum in hominis pij descriptione recensentur, viz.

1. *Prosequi amore legem Iehouæ, & in ea se vehementius oblectare,* vers. 2. in principio.

2. *De lege Domini meditari assidue.* v. 2. in fine.

Exposita hominis pij descriptione, parat se Psalmista ad quæstionis institutæ explicationem. Quæritur ergo quis è tam incredibili hominū numero Beatus dicendus sit. Propheta hoc tam illustre nomen & magnificum soli pio tribuendum esse contendit. Eum igitur de hominis pij causa & dignitate amplissima perorantem audiamus. Propositam controuersiam Syllogismo tali conficit ac definit:

Cui

## ANALYSIS PSAL. I.

*Cui omnia feliciter succedunt in hac & futura vita, is beatus est.*

*At soli pio omnia feliciter succedunt in hac & futura vita, vers. 3. in fine.*

*Solus igitur pius est beatus. vers. 1. & 2.*

Propositio omissa est : utpote quæ descriptionem complectatur hominis beati adeo notam & insignem, ut in omnium sepe oculos incurrat.

Assumptio est vers. 3. in fine. Tertij versiculi postremam clausulam sic exponendam esse, constare potest e collatione facta clausulæ huius cum vers. 4. & 5. ubi impij, quorum conditio ad piorum statum dissimilitudinis argumento illustrandum proponitur, Spiritus sancti iudicio pro ijs censentur, quibuscum & in hac & in consequenti vita agitur infelicitissime. Nam si vel glutinæ instar fuerint quam leuissimus status dissipat, vel in eo statu versentur ut neque iudicii adhibiti, dum hæc viuitur, examen sustinere queant, nec commune quid habeant cum cœlesti illa iustorum familia; quid illis in alterutra vita miserius esse potest? Quod si igitur id Psalmistæ propositum sit ut piorum conditionem ostendat & illustret e notata dissimilitudine quæ intercedit cum pijs : par est, si cum impijs in alterutra vita miserè & infelicitè agi docuerit, Psalmistam de pijs differentem sic interpretari, ut putemus demonstrari ab eo, cum pijs, siue huius siue futuræ vitæ tempus spectemus, agi præclarissimè : non quod semper utantur pij rebus secundis & ad voluntatem fluentibus, sed quod euenta singula sint totidem testimonia diuinæ erga ipsos gratiæ ac benevolentiae. Sed Assumptio Syllogismi quomodo tractetur videamus. Nam in ea illustranda Psalmi pars reliqua tota consumitur. Assumptionis igitur illustratio altera est à comparatis : ab efficiente, altera. Comparatio duplex adhibetur : prior est à similibus, à dissimilibus posterior. Similitudo adhibita huiusmodi est :

*Quemadmodum arbor sata ad riuos aquarum profert fructu suo tempore, & retentis folijs semper in suo genere virescitur.*

Sic

*Sic homini pio usu venit ut Iehouæ gratia singulari semper  
vigeat, id est, ei succedant omnia in alterutra vita felici-  
cissime.*

Protalis comparationis est versu tertio, vbi arboris nomine per Synecdochen generis intelligitur Palma vel Oliua. Palmam describit Plinius, quemadmodum Prophetæ arbor ista describitur: nempe è subiecto loco vbi conseritur: ab effectu, per temporis circumstantiam amplificato, fructu nimirum quem oportunè profert: ab adiuncta denique perpetua viriditate ac vigore.

Apodosis est vers. 3. in fine. Hic similitudinis allatæ accommodatio spectanda est. Interpretes referri volunt inscriptionem nostram in Christum, plantatione arboris propter riuos aquarum: bonorum operum productionem, productione fructuum: perseverantiam in fide, perpetua foliorum viriditate. Commode ista & perscité dici agnosco. Id tamen tenendum est, comparationem in illo perpetuæ viriditatis capite præcipuè sitam esse. Illud propositum est Psalmistæ, ut doceat foliorum viriditate perenni, ea nempe quam nulla frigoris aut procellæ vis perimit, quasi ad oculum representari perpetuitatem illam felicitis in alterutra vita successus, quem homini pio obuenturum esse dislerit.

Sequitur ad illustrandam Assumptionem comparatio à dissimilibus. Ea verò sic instituitur:

*Impius aduersa semper & misera conditione vitatur, vers. 4.  
in principio, & vers. 5.*

*At homini pio omnia succedunt feliciter. vers. 3.*

Dissimilitudinis propositionem demonstrat Propheta ab adiuncto impiorum: sic nempe:

*Qui ex vi iræ diuinæ obnoxij semper sunt æternæ reiectioni,  
eorum conditionem deploratissimam & infelicitissimam  
esse necesse est.*

*At impij ex vi iræ diuinæ obnoxij semper sunt æternæ reiectioni. vers. 4. in fine.*

*Itaque impiorum conditionem deploratissimam & infelicitissimam esse necesse est. vers. 4. & 5.*

Pro-

Propositio ut res comperta satis & illustris reticetur.

Assumptionem inclusam comparatione breuiuscula & complicatam reperiemus. vers. 4. in fine, *Impij* (inquit) *sunt paleæ instar quam dispellit ventus.* Comparatio ista, si euoluta & partibus suis distincta prodierit, exhibebit illico & Assumptionem de qua agitur, & Assumptionis insuper exornationem à similitudine :

*Ut palea ( inquit ) qua nihil contemptius esse potest , flatu quouis facillime dispergitur :*

*Sic impij, quos scilicet Iehoua contemnit insigniter & à quibus nihil ad alios emolumenti redundat, sunt ut ira diuinæ obnoxij æternæ reiectioni.*

Conclusio Syllogismi est comprehensa vers. 4. in principio : sed versiculo quinto iterata & exposita lulentius. Siquidem disertis verbis asseritur ac concluditur, impios scilicet, quia paleæ instar sunt, id est ; æternæ dissipationi iusto Dei iudicio expositi, idcirco non substitutos in illo iudicio, nec in cœtu iustorum : id est, ad rationem perditissimæ conditionis reductum ita : quippe qui nihil commune cum pijs in præsentis aut futuræ vitæ excellentibus bonis habituri sint. Vocabulo *iudicii* notari statuo insignem illam & consolationis plenissimam conditionem, qua pij, dum hæc vita agitur, è sensu diuini erga se amoris in rerum singularum singulis euentis, fruuntur. Cœtus verò iustorum est beatus ille in regno cœlesti status.

Adhuc comparatio duplex ad Assumptionis superius propositæ illustrationem adhibita est.

Superest eiusdem Assumptionis explicatio ab efficiente conditionis prosperæ conclusa id hunc modum :

*Cuius institutam vitæ rationem agnoscit Iehoua approbatq̃, cum eo semper agitur feliciter.*

*At pius is est, cuius institutam vitæ rationem approbat Iehoua, vers. 6. in principio.*

*Itaque pius is est, cui semper succedit feliciter. vers. 3.*

Assumptio est amplificata à collatione parium contrariorum : sic :

*Iehoua odit viam impiorum. vers. 6. in fine. Vbi ē Metonymia effecti intelligenda est efficiens: efficiens (inquā) ad nihilum redigendi vias impiorum. Ea verō est odium Iehouæ aduersus improbos susceptum. Atque hac interpretatione retinebitur analogia prioris membri ad posterius, comprehensi versu sexto.*

*Itaque approbat viam iustorum. vers. 6. in princip.*

*Hactenus de hominis pij in alterutra vita felici successu producta disputatio est. Vnde sequitur in solum pium Beati nomen conuenire.*

## PSAL. II.

1 **Q***uare tumultuantur Gentes & nationes meditantur inane?*

2 *Quare sistunt se Reges terre, & procures consultant simul contra Iehouam & contra Christum eius?*

3 *Dicentes: Dirumpamus lora istorum, & proyiciamus à nobis funes istorum.*

4 *Sedens in caelis ridebis: Dominus subsannabit eos.*

5 *Tunc alloquetur eos in ira sua, & in aestu ira sua confundet eos.*

6 *Dicet: Etiam ego unxi ac constitui Regem meum super Sionem montem sanctitatis mee.*

7 *Decretum enarrabo: Iehoua dixit mihi, Filius meus es: ego hodie genui te.*

8 *Pete*



8 *Pete à me, & donabo gentes in hereditatem tuam: & fines terræ in possessionem tuam.*

9 *Confringes istos virga ferrea: ut vas figlinum dissipabis eos.*

10 *Nunc ergo Reges prudentes estote: eruditionem percipite ô Iudices terræ.*

11 *Colite Iehouam cum reuerentia: & exultate cum tremore.*

12 *Osculamini filium ne irascatur & pereatis in via, quum exarserit vel minimum ira eius. Beati qui confidunt in ipsum.*

### ANALYSIS. PSAL. 2.

Instituta est in hoc Psalmo à Dauide cohortatio vt omnes hominum ordines, siue Principes fuerint, siue subditi, sepositis consilijs & machinationibus ad regnum Christi labefactandum susceptis, Christo se subijciant, ipsum agnoscant & colant vt Dominum, ipsius legibus & institutis obtemperent. Nam quod hic ipse de se commemorat Propheta, id de Christo, cuius personam referebat, interpretari conuenit. Refert historia sacra populi Israelitici tribus decem; Philisteos etiam, Ammonitas & Moabitas cepisse aduersus Dauidem arma, eo consilio vt ereptam Dauidi, quam à Domino acceperat, Regiam dignitatem ad se transferrent. Sed perinde certum est Iudæos eorumque Principes, summos Pontifices, Scribas ac Phariseos vnâ cum Herode & Pilato, consilia aduersus Christum & ipsius regnum varia inijsse. Huius tam nefariæ & perditæ conspirationis typus perisignis fuit in ira de interitu Dauidis multiplex coniuratio.

Princeps igitur quaestio, quam Psalmo isto explicandam suscepit Propheta, hæc est:



## ANALYSIS PSAL. II.

*Par esse vt omnes hominum ordines tam Principes quam subditi, sepositis aduersus Christum consilijs, se Christo ipsius legibus subiciant. vers. 10. 11. 12.*

Hoc illud esse, ad quod cohortatur Propheta, constat partim ē facta apostrophe, vers. 10. ad Reges & Iudices terrarum, partim ē cohortationis adhibitz argumentis. Apostrophe conclusionem ex antegressa suasionē deductam continet. Sic enim Reges & Iudices, id est, per Synecdochen, omnes hominum ordines affatur Propheta regius: Videtis suscepta à vobis aduersus Christū cōsilia diuinitus intercipi semper & eludi: exploratum certumque est Iehouam contulisse in Christum Regiz dignitatis splendorem, cūque Ecclesię suę regendę pręfecisse: nec minus compertum est fore vt, si diutius reluctemini, grauissimas pœnas luatis vestrę in hoc genere tam incredibilis contumacię. *Qua* propter ò Reges & Iudices terrarum, nolite diutius cōtra Christi principatum niri: sed positis armis & abiectis tumultuandi consilijs Christum pro summo Principe agnoscite: ipsum omni honore colite: & religionem ab eo inductam amplectimini. Atque hic sensus est instructę à Propheta apostrophę. Animaduertite (inquit v. 10.) & eruditionem percipite: id est, cognoscite pręcipere vobis Iehouam vt ab omni deinceps contra Christi regnum tumultuandi cogitatione desistatis. Tum vers. 11. & 12. suadet vt & priuatim omnem Christo honorem cultumque pręstent, & publice insuper profiteantur esse se Christi subditos, & religionis ab eo institutz legibus obtemperaturos. Publica, quę exigitur, professio Christum & ipsius instituta amplectendi, proponitur vers. 12. vbi de filij exortulatione pręcipitur. Apud priscos superiori ab inferioribus pręstitum osculum erat agnitę ab ipsis subiectionis publicum, & insigne testimonium, ac vt vulgò iam loquimur, tanquam perpetuę erga Principem fidelitatis iuramentum. Sed cultus istius & honoris, quem Christo deferre conuenit, formula quę datur vers. 11. ē duobus adiunctis pręscribitur. Etenim pręstari debet cum summa animi & reuerētia & alacritate. Exultate (inquit)

8 *Pete à me, & donabo gentes in hereditatem tuam: & fines terra in possessionem tuam.*

9 *Confringes istos virga ferrea: ut vas figlinum dissipabis eos.*

10 *Nunc ergo Reges prudentes estote: eruditionem percipite ô Iudices terra.*

11 *Colite Iehouam cum reuerentia: & exultate cum tremore.*

12 *Osculamini filium ne irascatur & pereatis in via, quum exarserit vel minimum ira eius. Beati qui confidunt in ipsum.*

### ANALYSIS. PSAL. 2.

Instituta est in hoc Psalmo à Dauide cohortatio vt omnes hominum ordines, siue Principes fuerint, siue subditi, sepositis consilijs & machinationibus ad regnum Christi labefactandum susceptis, Christo se subijciant, ipsum agnoscant & colant vt Dominum, ipsius legibus & institutis obtemperent. Nam quod hic ipse de se commemorat Propheta, id de Christo, cuius personam referebat, interpretari conuenit. Refert historia sacra populi Israelitici tribus decem, Philisteos etiam, Ammonitas & Moabitas cepisse aduersus Dauidem arma, eo consilio vt ereptam Dauidi, quam à Domino acceperat, Regiam dignitatem ad se transferrent. Sed perinde certum est Iudæos eorumque Principes, summos Pontifices, Scribas ac Phariseos vnâ cum Herode & Pilato, consilia aduersus Christum & ipsius regnum varia inijsse. Huius tam nefariæ & perditæ conspirationis typus perisignis fuit inita de interitu Davidis multiplex coniuratio.

Princeps igitur quaestio, quam Psalmo isto explicandam suscepit Propheta, hæc est:

*Par esse vt omnes hominum ordines tam Principes quam sub-  
diti, sepositis aduersus Christum consilijs, se Christo  
ipsum legibus subiciant. vers. 10, 11, 12.*

Hoc illud esse, ad quod cohortatur Propheta, constat partim e facta apostrophe, vers. 10. ad Reges & Iudices terræ, partim e cohortationis adhibitæ argumentis. Apostrophe conclusionem ex antegressa suasionem deductam continet. Sic enim Reges & Iudices, id est, per Synecdochen, omnes hominum ordines affatur Propheta regius: Videtis suscepta à vobis aduersus Christum cōsilia diuinitus intercipi semper & eludi: exploratum certumque est Iehouam contulisse in Christum Regiæ dignitatis splendorem, eumque Ecclesiæ suæ regendæ præfecisse: nec minus compertum est fore vt, si diutius reluctemini, grauissimas poenas luatis vestræ in hoc genere tam incredibilis contumaciæ. Quapropter o Reges & Iudices terræ, nolite diutius cōtra Christi principatum niti: sed positis armis & abiectis tumultuandi consilijs Christum pro summo Principe agnoscite: ipsum omni honore colite: & religionem ab eo inductam amplectimini. Atque hic sensus est instructæ à Propheta apostrophæ. Animaduertite (inquit v. 10.) & eruditionem percipite: id est, cognoscite præcipere vobis Iehouam vt ab omni deinceps cōtra Christi regnum tumultuandi cogitatione desistatis. Tum vers. 11. & 12. suadet vt & priuatum omnem Christo honorem cultumque præstent, & publice insuper profiteantur esse se Christi subditos, & religionis ab eo institutæ legibus obtemperaturos. Publica, quæ exigitur, professio Christum & ipsius instituta amplectendi, proponitur vers. 12. vbi de filij exultatione præcipitur. Apud priscos superiori ab inferioribus præstitum osculum erat agnitæ ab ipsis subiectionis publicum, & insigne testimonium, ac vt vulgò iam loquimur, tanquam perpetuæ erga Principem fidelitatis iuramentum. Sed cultus istius & honoris, quem Christo deferre conuenit, formula quædam vers. 11. e duobus adiunctis præscribitur. Etenim præstari debet cum summa animi & reuerentiâ & alacritate. Exultare

B

(inquit)

(inquit) cum tremore : id est, non seruire quid aut coactum à vobis requiritur, sed cultus huiusmodi, qui à studio paratissimæ voluntatis & ab affectu animi in Iehouæ amore ac gratiæ exultantis proficiscitur : exultantis tamen sic, vt eundem Iehouam semper memineritis esse & omnis iniustitiæ vindicæ, & infinita maiestate gloriosum : ac proinde in obedientiæ & datæ fidei curriculo cum tremore filiali progrediendum esse.

Iam verò vt Principibus & subditis cuiusvis ordinis de obsequendo Christi imperio & institutis persuadeat, triplici argumento contendit. In hanc enim sententiam cum ipsa dixerit :

*Successus consiliorum & conatuum vestrorum aduersus Christum semper irritus futurus est : Christo Iehoua Regum sceptrum & summum in Ecclesia sua principatum detulit : & Christo ulterius reluctantes ipsi vobis æternum exitum accersetis, vers. 1. & 2. vers. 6. vers. 12.*

*Quapropter abijcite (6 Reges Regumque subditi) omnem de Christi regno conuellendo cogitationem, vosque Christo & ipsius legibus alacriter & reuerenter subijcite. v. 10. 11. 12.*

Videmus quod Psalmo toto tractatur, id vno enthymemate comprehendi vniuersum. Enthymematis antecedens tria membra complectitur, tria nempe institutæ suasionis argumenta, eaque separatim à Dauide exposita, & suis locis demonstrata. Sed cum priori membro de consilijs & machinationibus contra Christum susceptis agatur, visum est Prophetæ descriptionem conatuum istorum ante instituire, quàm ad propositam demonstrationem accedat. Conatus igitur illi Principum ac populi describuntur :

1. *Ab efficienribus, vers. 1. & 2. Dauide regnante, Principes ac populus decem tribuum, Philistei, Ammonita ac Moabite aduersus vñctum Iehouæ tumultuari sunt : Christi autem tempore, Principes & populus Iudeorum, Herodes & Pilatus Vñctum Domini persecuti sunt.*

2. *Ad notatis in specie conatuum partibus : quæ sunt huiusmodi, viz.*

1. *Tumultuari & fremere, vers. 1. in principio.*

2. *Rationes & consilia inire de eo persequendo, & expediendo*

diendo quod propositum est. vers. 1. in fine.

3. Collectis copys & explicatis turmis, in campo & acie consistere, vers. 2. in principio.
4. Meditari unà ad artes & stratagemata, quibus occurrì possit inopinatis euentis, & rei susceptæ executio felicius succedere, vers. 2. in medio.
3. A subiectarum personarum designatione, aduersus quas se separant & instruunt Principes & populus. Consilia & sidera inierunt non modo contra Christum, sed in Christi persona contra Iehouam ipsum: quo auctore regni Christi constitutum est, vers. 2.
4. A fine conatibus proposito. Id unum intuentur ac volunt confederati isti, ut scilicet Christi regnum labefactetur & cadat, vers. 3. Vbi per lora & funes disciplinam & leges, quibus Christi regnum continetur, oportet intelligere; Sed huic fini subiecitur exornatio à confederatorum, effecta. Inducuntur siquidem à Propheta alij alios mutuo cohortantes ad infringenda Christi instituta, ipsumque de regio solio deturbandum. Dirumpamus (inquiunt) lora istorum, & proiciamus à nobis funes istorum. Istorum, id est Iehouæ, Christi, & eorum omnium, qui religionem amplectuntur & colunt.

Descriptis fœderatorum nefarijs conatibus, accedit Propheta ad explicandum enthymematis antecedens. Sed antecedentis membra singula separatim tractantur. Prius illud de fœderatorum irritis aduersus Christum conatibus sic demonstratur:

Si Iehoua conatus vestros minimi facit, eosq; dissipaturus est: tum quicquid aduersus Christum molimini, id omnia irritum futurum est.

At Iehoua conatus vestros minimi facit, eosq; dissipaturus est, vers. 4. & 5. ubi Iehoua tribuitur risus & subfarnatio, ut inde constet quanto contemptu hominum impiorum conatus excipiat. Propositum esse Iehouæ ut hostes Christi ipsorumq; facinorosas coitiones redigat ad nihilum, docetur vers. 5.

Itaque quicquid aduersus Christum molimini ( & Reges Regumque

*gumque subditi) id omne irritum futurum est, vers. 1. & 2. Vtrumque uterque versiculus figurate per interrogationem elocutionis habitu proponatur, dubium tamen non est quin ea sit, quam exposui, utriusque versiculi vis & sententia.*

Ac ne perduellium sceleratissima factio opinionis errore inducitur persuadeat ipsa sibi aut nō satis esse in Iehoua virium ad frangendos ipsorum impetus, aut credibile esse fore ut ipsos Iehoua nunquam ad supplicium vocet: Propheta facta amplificatione Assumptionis à duplici adiuncto, altero scilicet potentiz in Iehoua, altero temporis quo dissipandæ conurbationis negotium aggressurus est, huiusmodi opinionem, si quando in perduellium animis insederit, inanem & stultam esse conuincit.

Potentia Iehouæ, quæ est longè instructissimus ad quoscumque in cœlis terrisve principatus conuellendos, significatur periphrasi illa Iehouæ, quæ in principio versiculi quæritur exhibetur. *Sedens* (inquit) *in cœlis ridebit*: id est, qui potentia & maiestate infinita præditus est, eorum conatus nihili æstimabit.

Temporis adiunctum, quo rebelles istos vinculis constringendos & supplicijs exercuciandos traditurus est Iehoua, principio versus quinti notatur. *Tunc* (inquit) *alloquetur eos ira sua*, id est, eo puncto temporis, quod est ab ipso præstitutum & definitum.

Atque hæc est prioris membri, quod antecedente Enthymematis comprehensum esse diximus, demonstratio.

Secundum est de regia dignitate in Christum collata, v. 6. Anqui verò vnde constabit Iehouam detulisse Christo principatū, & in regio solio ad Ecclesiam regendam collocasse? Ad istud euincendum attulit Propheta vim duplicis testimonij. Nam de re præsentī & Iehouam ipsum testatorem adduxit, & decretum quoddam quasi in tabulas iam diu relictum, ac magno cœli sigillo consignatum produxit. Hinc iam est quoddē tanti & tam excellentis testimonij auctoritate in hanc formam concludit:

*Si Iehoua ipse affirmat vinctum à se esse Christum in summū populi*



populi sui regem : si etiam soleune aliquid ea de re decretum constituerit : tum longe verissimum est Christum à Iehoua regiam potestatem accepisse in populum ipsius.

At Iehoua ipse affirmat unctum a se esse Christum in summum populi sui regem : vers. 6 : & solenne insuper ea de re decretum sanxit. vers. 7. Enarrabo (inquit) decretum : id est, ego qui Dei filius æternus sum, notum vobis (6 reges regumque subditi) decretum illud faciam quod de auctoritate regia mihi demandata constitutum est.

Itaque longe verissimum est Christum à Iehoua regum imperium accepisse in populum ipsius. vers. 6.

Decretum, cuius meminit Assumptio, illustrationē habet.

1. A causa instrumentali, à qua publicatum est.

2. A notatis partibus.

• Causa instrumentalis seu is cuius vox adhibita est in promulgatione decreti, est Christus Iesus. Nam à quo publicationem decreti oportebat præstari, eum Iehoua in hunc modum affatus est : Tu es filius meus, At hoc de nemine, 6 Christum excipias, dici potest : ut patet è cap. 1. epist. ad Heb. v. 5.

Partes decreti quatuor sunt :

1. Designatio seu electio persone, cui regia potestas delata, est v.

7. Tu es ( Inquit Iehoua ) filius meus, & ex consequenti summus Rex cæli ac terre.

2. Publicatio factæ designationis, ut apud quosuis innotescat, quem elegerit ac consecraverit Iehoua in regem populi sui. Hodie (inquit) genui te. Quemadmodū vocabulo gignendi significari necesse est actionem illam, qua publice innotuit consecrationem ab æterno esse Christum in Seruatorem & Regem electi populi : sic voce illa, Hodie, tempus notatur, quo Christi consecratio in Seruatorem & regem cepit mundo innotescere, Innotescere verò tum primis coepit, cum Christus nasceretur : ac deinde, cum baptizaretur, Deo patre à cælis quasi concionante de Christi officio.

3. Regni Christo Iesu à Deo patre traditi descriptio. Regnum istud describitur :

1. A notatione causæ intermedie qua obtinebatur regnū, de qua agitur. Ea autem fuit Christi intercessio. Pete



(inquit Iehoua) à me: & donabo gentes, &c.

2. Ab adiuncta concessi regni qualitate seu genere: utpote quod sit non possessio aliqua ad certū tempus reuocata, sed hereditas nullis temporum finibus circumscripta, ac proinde eterna.
3. Ab adiuncta concessi regni amplitudine: quippe quod sit non terminis Iudea, sed complexu vniuersi orbis definitum. vers. 8.
4. Decreti pars quarta est de regni Christo cōmissi administratione. vers. 9. ubi per synecdochen membri, Christi administratio integra intelligenda est, tam illa scilicet quæ ad fideles verbo et spiritu regendos adhibetur, quàm illa, quæ pro seueritate iudicij diuini coercentur impij & dissipantur. Hic comparatione similitum mirifica Christi facilitas in conterendis impijs illustratur.

E tribus membris seu argumentis, quæ enthymematis superius propositi antecedente continentur, duo exposita sunt. Superest iam tertium de æterno Principum & populi exitio, si Christi imperio & legibus diutius obstitierint. Eueniet (inquit) ut in via pereatis nisi filium osculemini: id est, certo & inopinato exitio addicemini, nisi Christum Iesum pro rege & seruatore vestro agnoscatis. Sed quo argumento docet Propheta fore ut reges regūque subditi grauissimas pœnas luant suæ in Christum contumaciæ? Exitij, in quod incidere ipsos necesse est, si Christo vltius refragentur, notata efficiente causa, iustissima nimirum Iehouæ ira aduersus Christi contēptores: thesin hanc de luenda pœna contumaciæ erga Christum sic illustrat Propheta à collatione pariam oppositorum:

Qui Christo Christiūq; legibus se subiiciunt, erunt beati. vers. 12. in fine. ubi synecdochicus ex una parte obedientia erga Christum & subiectionis (fiducia scilicet in ipsum) integra, quæ à nobis exigatur, obedientia intelligitur.

Qui Christo igitur Christiūq; legibus diutius aduersantur, grauissimas pœnas luunt contumaciæ suæ. vers. 12. in priorē parte.

Hactenus demonstrata est primi enthymematis pars antecedens

recedens, de irritis scilicet Principum ac populi conatibus  
aduersus Christum: de autoritate regia in ecclesiâ Christo  
delata: de exitio eorum si qui se Christo diutius opposue-  
rint. Hinc ergo, ex hoc triplici nimirum argumento, illustri  
illo quidem & ad persuadendum valde accommodato, con-  
cluditur Psalmi Princeps quæsitio, excellentissima nempe  
adhortatio ut Reges regumque subditi sepositis aduersus Chri-  
stum consilijs, se Christo & ipsius legibus subiciant.

## PSAL. III.

**P**salms Davidis, cum fugeret metu Abscha-  
lomi filij sui.

2 Iehoua, quàm multi sunt hostes mei! quàm  
multi insurgunt contra me!

3 Multi dicunt de anima mea: non est ulla salus  
illi in Deo. Selah.

4 Tamen tu Iehoua clypeus es circa me: gloria  
mea: & extollens caput meum.

5 Voce mea ad Iehouam clamaui: respondit mi-  
hi e monte sanctitatis sue. Selah.

6 Ego cubui & dormini: expergesci me. Nam  
Iehoua sustentabat me.

7 Non timebo à myriadibus populi, quia me cir-  
cundarent.

8 Surge Iehoua: fac saluum me Deus mi: qui  
percussisti omnes inimicos meos super maxillam: den-  
tes improborum confregisti.

9 Iehoua est salus: super populum tuum eris be-  
nedictio tua. Selah.

ANALYSIS PSAL. 3.

Habet inscriptionem hic Psalmus. De ea primò videndum est deinde de ipso Psalmo.

Inscriptio proponit nobis

1. Psalmi autorem, nempe Dauidem,

2. Adiunctam circumstantiam temporis, quo se Propheta ad Psalmum hunc texendum retulit, id autem fuit cum metu Abschalomi filij sui ex urbe Hierosolymitana fugeret.

3. Occasionem siue causam, qua adductus Propheta ad Psalmum quem habemus in manibus, meditatus est. Causa, quae Prophetam ad huius Psalmi meditationem impulit, erat iustissimus quidam metus coniurationis aduersus personam suam & sceptri regij maiestatem ab Abschalomo inita. Cū enim de coniuratione ista Dauid inaudisset, compertumque haberet subniti eam exquisitissimis artificijs & consilijs, excipi multorum prepotentium applausu & votis, procedere incredibili spe perficiendi quod Abschalomo propositum erat, se denique derelictum ab Israelitis & amicis presidij orbatum in extremum rerum omnium certamen & dissonantiam incidisse, fugam sibi consulendum esse censuit. Hinc est quod sese ex Hierosolymis confestim proripuerit. Ac cum in periculo tam graui & imminenti nullam ad hostium consilia vel precipienda vel dissipanda magis explicatam promptamque rationem esse cerneret, quàm illam prouoluendi sese coram arca Iehouæ, & ad illius opem suppliciter confugiendi: illico ad preces conuersus, ens hoc Psalmum complexus est.

Quod ad Psalmum ipsum attinet, subiectum à Propheta in eo tractatum, est instituta in hanc sententiam supplicatio:

*Illustra gloriam tuam (o Iehoua) liberando me ab imminente periculo coniurationis aduersum me inite. vers. 3.*

Priore parte versiculi octauæ petitionem istam comprehendit Psalmista hisce verbis: *surgere & saluum me fac Deus mi.* Precatio ista Dauidis ut semetur seu liberetur, quid aliud est quàm imminenti periculo deprecatio, cui se perfidia & se-

lere

lere Abschalomi obiectum videbat. Ac dum Iehouam inuocat vt surgat ad liberationem præstendam, quid aliud postulat quàm vt Iehoua suam illam ad dissipandum iniquitatem coniurationis consilium potentiam exeret & demonstraret. Vt enim, dum patitur Omnipotēs homines flagitiosos & perditos curriculum impietatis suæ conficere, ipse interim quodammodo dormire seque quieti capessendæ tradere videtur: sic cum eorum flagitia sub publici iudicii examen reuocare placeret, & de ijs pœnas sumere, quasi surrexisse videri potest, & in tribunal suum iustitiæ exercendæ causa conscendisse.

Sed quibus tandem argumentis sui liberationem ab hoc tam graui & imminenti periculo persuadere vult Propheta? Repetens memoria auxilij promissionem, ijs à Domino factam qui ad ipsum confugerent, spemque omnem salutis in eo reponerent, cum apud se confidenter statueret fore vt Dominus in seruandis promissis fidem suam studiosissimè liberaret, in hanc sententiam proloquitur & dissert:

*Arg. 1. Si in angustijs periculisque constitutus gratia ac liberationis consequendæ causa ad te solum ô Iehoua confugio, illustra nomen tuum ferendo opem mihi, neque ab ista hostium meorum coniuratione liberando.*

*At in angustijs periculisque constitutus gratiæ ac liberationis consequendæ causa ad te solum ô Iehoua confugio. vers. 4.*

*Itaque nomē tuum illustra ferendo opem mihi, neque ab ista hostium meorum coniuratione liberando. vers. 8.*

Propositio deest; sed vt de Prophetæ argumento liquidius constaret, suppleendam iudicavi. Consequentiam, quæ propositione includitur, Domini exploratâ illa & constanti promissione ijs opem ferendi qui spem suam non aliunde suspensam, sed in ipso collocatam habent, niti videmus.

Assumptio est vers. 4. vbi proficitur David, Iehouam esse sibi clypeum ad excipiendas & retundendas hostium petitiones & impetus: Iehouam esse, cuius præpotenti ope eam quam adeptus est gloriam tuetur aduersus omne dedecus & ignominiam: denique Iehouam esse, cuius velut manu extollitur ad exoptatam & illustrem vitæ conditionem, si quando

quando prolabatur. Ista tam insignis de Iehoua prædicatio qua è tropo Metonymiz caulam pro effectu notat Propheta, fiducia scilicet efficientem pro ipsa fiducia, quid aliud est quàm suæ in Deum fiducia clarissima professio? Versiculū quartum in hanc sententiam exponendum esse inde liquet, quòd vers. 2. 3. 4. 7. supra memoratæ Assumptionis illustrationem Psalmista comprehenderit.

Sed quæ est illa Assumptionis illustratio? Triplicem videmus esse. Prima est à diuersis, sic nempe instituta:

*Hostium meorum incredibilis est multitudo, tibiq, o Iehoua, ad mihi succurrendum sermonibus suis impotentia quantam affingunt, vers. 2. 3.*

*At ego tamen spem omnem in te liberationis meæ fiduciam que colloco.*

Huius à diuersis argumenti pars prima duo membra complectitur: quorum alterum vers. 2. alterum vers. 3. proponitur. Quod vers. 2. de hostium multitudine dicitur, id admiratione raptus, & quasi obstupescens enunciat. Quòd enim ad propugnationem causæ tam odiosæ & nefariæ, susceptæ à filio contra patrem, & à subdito aduersus Principem, tanta Israelitarum multitudo ita repente ac quasi momento temporis se profuderit & coiuertit: id Dauidi omni fide maius & portentis simile videbatur.

Alterum illud deducti à diuersis argumenti membrum auctore Caluino & Beza sic interpretor, ut quos sermones hostibus suis attribuit Propheta, eos à magnifica opinione quam de suis viribus conceperit profectos esse existimem. Etenim credibile est eò recordiæ perduelles istos deuenisse, ut constatas Israelitarum copias diuinæ potentiz anteferrèt, persuasi scilicet infirmiores esse Iehouam, quàm ut Dauidem contra exercitum tam egregiè instructum tueri possit.

Secunda Assumptionis illustratio est ab efficiente causa tantæ ac tam eximie in Propheta fiducia. Ea autem fuit antegressus temporibus diuinæ in se gratiæ & opis collatæ observatio. E cuius recordatione in hunc modum concludit

*Tu mihi antebac o Iehoua, cum ad te confugerem, gratiam operumque præstitisti, vers. 5. Hoc versu dicitur propheta supplicanti*

*plicanti Iehouam è monte sanctitatis sue respondisse ac subuenisse. Sanctus hic mons erat mons Sionis, in quo arca fœderis, maiestatis scilicet diuine representatio, collocata subsistit. Ad sacro istius arce domicilium, qui nomen Domini inuocare volebant, debebant ex instituto legis dum id adorationis munus obirent, oculos conuertere.*

*Ad te igitur iam confugio certa spe adductus auxilij tui, v. 4.*

*Antecedenti istius enthymematis amplificationem subiiecit propheta ab effectis suis:*

*Si mihi confugienti ad te opem antehac non prestitisses, referre me ad rem pub. gerendam animo securo & à molestiis vacuo minime potuissem.*

*Atqui animo securo & vacuo à molestiis me ad publici muneris procurationem retuli. vers. 6.*

*Itaque confugienti mihi ad te antehac opemque imploranti succurristi. vers. 5.*

*Assumptio syllogismi, si sententiam ipsius spectemus, est actionibus illis cubandi, dormiendi, & surgendi comprehensa & expressa. Ex ipso enim intelligi vult quam soluto animo & libero ab omni metu rebus gerendis incubuerit. Qui in metu & angoribus versantur, ij sibi quietis & somni suauitatem interrumpi & eripi sentiunt, adeo vt qui dormitionis quotidianæ minimæque interruptæ beneficio perfruuntur, id immunitatis cuiusdam in animo à grauiori periculorum imminuentium metu argumento esse possit.*

*Sed Assumptionis exornationem, quam subiicit Propheta, videamus. Ea est ab efficiente tam securi & confidentis in ipso animi.*

*Sensit (inquit) sustentari me quotidie ac fulciri Iehoua singulari gratia & virtute. vers. 6. in fin.*

*Itaque animo securo & à molestiis vacuo me ad publici muneris procurationem retuli. vers. 6. in princ.*

*Sequitur Assumptionis primo principali syllogismo comprehensæ illustratio tertia, nempe à comparatis, sic:*

*Si hostium infinitæ myriades in acie aduersum me consisterent, non timerem, sed in te o Domine spem omnem confidenter reponerem. vers. 7.*

*Itaque*



*Itaque dum se mihi aduersariorum minor numerus opponit multo maiori fiducia & animo confirmationi in Iehouam recumbam* vers. 4.

Hactenus de argumento primo eiusque illustratione triplici.

Secundum argumentum, quo Iehoua persuadere vult Propheta ad hostium suorum dissipanda consilia impetusk; frangendos, est à patrum comparatione, sed adiuncto insuper experientiz testimonio.

Arg. 2. *Antehac o Domine, hostium meorum consilia & conatus ad nihilum redeigisti, tuumq; nomen in me liberando illustrasti,* vers. 8. in parte posteriori.

*Quo circa nunc itidem libera me ab hoc imminente periculo coniurationis aduersus me susceptæ.* Vers. 8.

Sed hic se Propheta continere non potest. Videt enim veritari se in summo & sceptri & vitæ discrimine. Ac proinde aliud petitionis suæ argumentum affert, ductum scilicet à contemplatione muneris & officij, quo creatorem regemque cæli & terræungi oportet. Id autem eiusmodi est :

Arg. 3. *Est muneris & officij tui o Iehoua, eos qui in periculis constituti ad te salutis obtinenda causa confugiunt, liberare.* Vers. 9. in principio, vbi sic loquitur Psalmista: *Iehoue est salus:* id est, ad officium Iehouæ spectat, vt afflicti & oppressi salutem & liberationem largiatur.

*Surge igitur, & ab imminente periculo coniurationis libera me.* Vers. 8.

Postquam Propheta Dominum de obeundo munere iustitiæ & liberationis in principio noni versiculi admonuerit, institutam supplicationem concludit adhibita commemoratione fructus qui è præstita liberatione ad populum peruenturus est.

Arg. 4. *Si (inquit) expetita liberationis fructus ad populum tuum peruenturus est: noli mihi, o æterna Deus, hanc liberationis gratiam recusare.*

*At expetita à me liberationis fructus ad populum tuum peruenturus est.* Vers. 9. in fine: vbi in hunc modum verba facit Psalmista: *Super populum tuum erit benedictio tua:*

id



id est, quam mihi ē singulari gratia liberationem præstabis, ea, utcumque personæ meę propria videatur benedictio, tamen vlu & fructu suo ad populum tuum diffunderetur.

*Surge itaque o Domine, mihiq; gravissimis periculis & hostium crudelitati exposito succurre. Ver. 8.*

Adhuc fuit Prophetę supplicatio, vehemens illa quidem & quatuor argumentis ad Iehouam permouendam subnixæ, Quod ad vocem illam *Selah* attinet, quæ versiculis quibusdam subiicitur, video de ea discrepantes esse interpretum sententiam. Sed non incommodè exponunt, qui eam Psalmorum versiculis nonnullis eo consilio additam existimant, ut admoniti occurrisset rem valde insignem, & quæ à nobis attentius expendatur dignissimam, ad vocis & cordis elevationem continuo excitetur.

## PSAL. IIII.

**I** *Magistro Symphonie Psalmus Davidis canendus in Neguinoth.*

2 *O Deus iustitia mee, cum te inuocem exaudi me. Cum essem in angusto, dilatasti mihi locū. Gratosus esto mihi & audi orationem meam.*

3 *Filij virorum, quousque gloria mea ignominia futura est? quousque dilecturi estis vanitatem & procuraturi mendacium? Selah.*

4 *Cognoscite iam selegisse Iehouam sibi eum quem benigne accipit. Iehoua exaudiet cum ipsum inuocauero.*

5 *Commonemini & ne peccetis: examine sor vestrum super cubile vestrum, & silete. Selah.*

6 *Sacrificate sacrificia iustitie, & fiduciam habete*

*betē in Iehoua.*

7 *Multi dicunt : Quis efficiet ut fruamur bono ? attolle super nos lumen faciei tuæ Iehoua.*

8 *Indidisti letitiam animo meo maiorem, quam ij habent quo tempore frumentum ipsorum & vinū ipsorum multiplicantur.*

9 *Cubabo & simul dormiam in pace. Nam tu Iehoua solus efficis ut securè habitem.*

#### ANALYSIS PSAL. 4.

*Psalmi inscriptione notantur tria :*

1. *Psalmi author, viz. David.*
2. *Psalmi cantor, Symphonie nempe magister, is qui inter ceteros eius generis cantores primas tenet : Huic Psalmus ad decantandum traditus est.*
3. *Toni seu modulationis species, qua Symphonie magister in Psalmi traditi cantione uti debeat. Ea Neguinoth appellatur. Varia est huius vocabuli Neguinoth interpretatio. Alij eo significari putant id musici instrumentum genus, cuius harmonia digitis symphoniaci artificiosè & scienter pulsantibus efficitur. Alij speciem toni eo notari existimant ad quam sacri cantores Psalmos decantandos modulari volebant. In hac opinione versantur, qui Biblia non multis abhinc annis Gallicè reddiderunt.*

*Psalmi inscriptio sic est. In Psalmo ipso spectare oportet Psalmi componendi occasionem : deinde compositi subiectum. Componendi Psalmi occasionem hinc natam esse probabile est. Cum ij qui Saulem assēctabantur magnates, quique apud eum autoritate & gratia valebant, Davidi omnem aditum intercludere cuperent, quo minus Regij sceptri maiestate potiretur, partim euentis criminationibus & odiosis calumnijs in ipsius nomen irruebant : partim elandestinis insidijs aut aperta vi Prophetæ sanctissimi caput petebant. Hoc ille à se ut periculum depelleret, hostiumq; conatus eluderet, ad Iehouam vindicem scelerum & innocentis*

centiæ propugnatorem se recepit, Psalmum quem in manibus habemus suauissimè fundens & concinens.

Psalmi compositi partes duæ sunt:

*Prima est periculi, quod sibi ab hostibus intentatum videt, deprecatio, vers. 2.*

*Secunda est adhortatio, qua aduersarijs persuadere vult, ut sepositis impijs consilijs, se ad meliora persequenda accommodent. A princip. 3. ver. ad Psalmi finem.*

Periculi deprecatio, vers. 2. generatim comprehensa & iter iterata proponitur. *Exaudi (inquit) me o Deus: gratusque esto mihi: audi orationem meam.* Sub hac verò generali orationis forma Synecdochicè intelligi vult Propheta illam specialem periculi deprecationem; quam ab illo, ex allatis argumentis, quibus periculum deprecatur, in hanc sententiam conceptam esse liquet:

*Peto abs te, o Iehoua, ut aduersariorum meorum consilia & conatus dissipet.*

Vt hanc à Deo gratiam impetret, triplici argumento contendit. Primum eiusmodi est, desumptum scilicet à contemplatione excellentissimæ cuiusdam actionis & muneris, quo Iehoua cœli terræque iudex fungi debet:

*Arg. 1. Tu is es, o Iehoua, qui te innocentie mee vindicæ esse profiteris. Ver. 2. hisce verbis: O Deus iustitie mee, id est, O Deus qui meæ & innocentie & causæ iustæ pro tuo suscepto exercendæ iustitiæ officio ac munere propugnator es.*

*Quapropter exaudi me, & inimicorum meorum consilia & conatus dissipato. Ver. 2. in princip. & fine.*

Secundum argumentum deprecationis est ab effectu Prophetæ, conclusum hoc enthymemate:

*Arg. 2. Opem tuam o Domine imploro aduersus hostium meorum, consilia & machinationes. Ver. 2. priori parte.*

*Exaudi igitur me, & eorum conatus ad nihilum redigito. Ver. 2. in principio & fine.*

Huius argumenti consequentia pendet ex illa gratuita & consolationis suauissimæ plena promissione, quam à Domino ipsa factam videmus, qui ad ipsam angustiarum suarum & afflictionis

sitionis die confugientes cum ex vera fide inuocant.

Deprecationis à Propheta institutę argumentum postremum est à comparatione parium : qua acceptę antehac à Domino liberationis memoriam complexus, cum scilicet de salute periclitaretur, in hunc modum concludit :

*Arg. 3. Tu mihi periclitanti antehac & in summis angustiis constituto liberationem & salutę largitus es. vers. 2. in medio Quapropter & nunc similiter exaudi me o Deus, meque ab hostium meorum impiis conatibus vindicato.*

Hactenus de periculi deprecatione, qua Propheta vsus est.

Sequitur adhortatio, qua Saulem Regem & aulę regię magnates satrapasque compellat. Hos filios virorum nominat id est, viros summa authoritate & imperio præditos, qui scilicet eam de potentia & opibus suis opinionem conceperant, vt vna quasi suppositione pedis cælum & terram commouere se potuisse crederent; & cæterorum omnium impetus vel leuissimo oris sui spiritu refellere.

Adhortatio Prophetę bipartita est. Nam

1. Suadet aduersarijs, vt à consilijs criminationibus & calumnijs, quibus labem nomini ipsius & perpetuum dedecus iniungere voluerunt, refugiant deinceps & abstineant, v. 1.
2. Hortatur vt Iehoue sincero & integro corde seruiant, vers. 6.

Adhortationis pars prior, vers. 3. hisce verbis comprehenditur : *Commouemini & ne peccetis : examine cor vestrum super cubile vestrum, & silete.* Quasi diceret Propheta: Contemiscite reuocata in memoriã, & ante oculos proposita pœna, quam ij meritisimò luere debent, qui Vñctum Domini importunis calumnijs & contumelijs afficiunt; nolite cõmittere, vt isto vos scelere deinceps alligetis : ac postquã ex antegressa cordium vestrorum examinatione seria compertum habueritis reos esse vos tanti & tanti atrocis criminis, silete, id est, ab hac perdita & profligata calumniandi consuetudine linguas vestras continete. Hoc sibi proponere Davidem, vt nempe aduersarios suos ab odiosa ista contumelię in alios conferendę ratione dehortetur, primum constare versiculo tertio, vbi & eos grauitissimis verbis re-

prehendit;

prehendit ob infanum illud in ipsis studium violandi decus  
exultationis suae, quod tanti facit ut nomine gloriae suae  
appellet, & simul exponit quibus rationibus vsi nomini suo  
odiosissimae ignominiae maculam aspergere conarentur.  
Rationes autem quibus id efficere studebant, contineri de-  
cet, amore falsitatis, & comminiscendi mendaciy libidine. De-  
inde id Davidi propositum fuisse, e postrema quinti versiculi  
particula euinci potest: ubi aduersarij suis consulit ut file-  
ant. Silere verò quid aliud est, quam a loquendo linguam  
continere? Taciturnitati autem ista, quam ab illis adhiberi  
suadet, quam optimè conuenit cum verbis versus tertij, qui-  
bus mentiendi & calumniandi peccatum notatur & coar-  
guitur. Quod si igitur versu 3. eos mentiendi & calumniandi  
nomine perstringat: credibile est quae ab illo instituitur  
persuasio versu 5. ut fileant, ex de lingua coercenda & ca-  
lumniandi procacitate refraganda admonitione contineri.  
Siquis silentij persuasione dissuasionem comprehendi arbi-  
tretur ab ineundis aduersus Prophetam vitam consilij & ma-  
chinationibus: siquis item quod vers. 2. dicitur de Prophetæ  
gloria ignominiae exponenda, in eo reprehendi putet ad-  
uersariorum studia & conatus, ad præcipiendam ipsi & in-  
tercipiendam sceptri à Iehoua demandati maiestatem: si-  
quis, inquam, ista in hunc sensum exponenda esse iudicet, non  
repugno: dummodo quam ego illi interpretationis liber-  
tatem concedendam esse censeo, eadem mihi ut conceda-  
tur non iniquum esse statuatur. Sed redeundum iam est ad  
propositum. Adhortationis igitur à Propheta susceptæ pars  
prior huiusmodi est:

*Desistite à criminationibus & calumnijs, quibus labem &  
dedecus nomini meo inurere conamini, vers. 5. in princip.*

Ut hac tam æqua postulatione apud aduersarios suos va-  
lere possit, in hanc sententiam cum illis disserit:

*Arg. 1. Vos multum temporis in oppugnanda existimatione &  
gloria nominis mei posuistis, vers. 3.*

*Æquum igitur est, ut iam tandem calumnijs in nomen meum  
congerendis supersedeatis, vers. 5. in princip. & fine.*

*Enthymematis antecedens est vers. 3. comprehensum sub*

interrogationis formula, *Quousque?* quasi diceret, Iamdū me populo odiosum iniquissimis criminationibus reddere conati estis. Antecedentis amplificatio est à notatione causarum instrumentalium, quibus Saul & aula Regiæ magnates ad infamiam Dauidi conflandam utebantur. Conclusio istiusmodi est:

*Vos excogitandis aduersus me mendacijs iamdū incubuistis.*  
Vers. 3. in parte postrema.

*Ac proinde in labefactanda nominis mei existimatione & gloria iamdū elaborastis.* Vers. 3. in parte priore.

Progreditur in hortationis institutæ cursu Propheta. Non vult latere aduersarios suos, se esse eum quem Iehoua ad regni Israelitici procuracionem è tot hominum millibus selegerit, & cuius supplicationem pro singulari misericordia exauditurus est. Hoc duplici argumento ad persuadendum instructus, eos tali Syllogismo alloquitur:

*Arg. 2. & 3. Cui ex decreto Iehoua & electione, summa reipub. Israeliticæ administrande potestas demandata est, & cui supplicanti Iehoua subuenire vult pro infinito erga suos amore, eum vos efficere probis & dedecore non oportet.*

*At is ego sum cui ex decreto Iehoua & electione, summa reipub. Israeliticæ administrande potestas demandata est, & cui supplicanti Iehoua subuenire vult pro infinito erga suos amore.* Vers. 4.

*Is ergo sum, quem à vobis affici probis & dedecore non oportet.* Vers. 5.

Assumptio de Dauide loquitur, cum tamen vers. 4. minime nominetur. Fateor quem Dominus electione facta populo Israelitico præfecit, eo versu dilectum appellari, seu eum quem Dominus benignè accipit. Sed è generis tropo species intelligenda est: è nomine scilicet *Dilecti* Propheta Dauid, in quem varia testimonioa contulisse Iehouam amoris sui constabat.

Ac ne *viverum illi filij*, id est, aula Regiæ magnates sibi incognitum esse dicant, qua ratione id assequi possint, ad quod ipsos hortatur Propheta, viam, immò quibus vestigijs insistendum sit, commonstrat. Vix commonstratio posita est



est in explicatione mediorum, quibus institui eorum mentes & erudiri queant ad fungendum officio iustitiæ & probitatis. Media illa duorum generum sunt:

1. *Metus scilicet & apprehensio pœnæ, quæ calumniarum & infamie auctoribus meritis debetur.* Vers. 3. in principio. Vbi præcipit vt contremiscant, reuocata scilicet in memoriam, & attentius considerata pœna, quam incurrit & iure sustinere debet calumniator.

2. *Examinatio conscientie serio illa quidem & priuatim instituta, ad disquirendum & explorandum, sintne rei criminis istius & peccati, cuius arguuntur.* Vers. 5. in parte media. *Examine* (inquit) *cor vestrum, &c.*

Hactenus de priore parte adhortationis: sequitur iam posterior, à principio vers. 6. ad Psalmi finem. Huius posterioris cohortationis subiectum est tale:

*Debere scilicet Saulem & aula Regie magnificos proceres Iehouæ sincero & integro corde seruire.* Vers. 6.

Officium istud Iehouæ ex integra & sincera cordis affectione seruiendi, duabus diuini cultus partibus vers. 6. expressum comperiemus: quarum altera oblatione sacrificij illibati & puri, altera fiduciæ in Dominum collocaione continetur. Sacrificium illud à Davide sacrificium iustitiæ dicitur. Id autem tale censetur, quod diuinæ legis præscripto congruenter offertur, siue offerendi sacrificij materiam formamque, siue offerentis animum spectemus. Ad hasce diuinæ adorationis partes obeundas, id est, ad cultû Dominò spiritu & veritate, nulla adhibita simulatione, præstandum, aduersarios suos Propheta cohortatur. Videamus itaque quo argumento susceptam cohortationem virgeat & persequatur. Proponit certe hisce virorû filijs, aulae nimirum Regiæ proceribus suum ipsius exemplum, pariam comparatione tractatum in hanc formam:

*Ego Vnctus Domini Domino celi & terra ex integro & sincero cordis affectu serui.*

*Quapropter & vos Iehouæ consimilem cultum præstate.* v. 6.

Enthymematis pars antecedens expressa non est: sed antecedentis loco antecedentis demonstrationem subiecit

**P**ropheta, desumptam scilicet ab effectis, & sic conclusam:  
*Ego à Iehoua totus pendeo, summumq; bonum in illius erga  
 me amore & gratia pono.* 7. in posteriore parte versu.  
*Ego igitur Iehoua ex integro & synoero cordis affectu seruis.*  
 Retinetur (vt observatum est) hæc conclusio, sic ta-  
 men vt pro conclusione illustratio conclusionis sub-  
 stituta sit.

Sed ubi est (inquies) Davidis professio ista collocandi in  
 Iehouæ erga ipsum amore & gratia fiduciam suam sum-  
 mumque bonum? Aio contineri eam vers. 7. sub conceptæ  
 precationis formula. *Attolle* (inquit) *super nos lucem faciei tue*  
*Iehoua.* Vltum Prophetæ est hoc orationis schemare pro-  
 fessionem tam excellentem completti, quasi ad testandum  
 aptissimo tanti à se fieri Iehouæ amorem & gratiam, vt ni-  
 hil cum ea conferendum esse arbitretur. Prophetæ petitio-  
 nem istam sic exponendam esse, tãquam apertis & rotidem  
 verbis professionem illam, de qua loquor, completeretur,  
 patet ex antithesi professionis institutæ ab alijs, quos in prin-  
 cipio vers. 7. eo nomine David perstringit, quod in huius  
 vitæ bonis summum bonum constituent: adeo vt credibile  
 sit Prophetam hoc versu, quid inter se & alios in summi  
 boni opinione ac definitione intersit, & dissimilitudinis com-  
 paratione ostendere voluisse. Id si ita fuerit, versus ille sic  
 explicandus est, vt comparationis analogia contineatur.  
 Cum & varia verba & variz formæ sint, quibus ad compli-  
 catas animi notiones euoluendas exprimendasq; uti liceat,  
 nouum videri non debet si quando, qui elegantiz in elo-  
 quendo & varietatis author est, Spiritus sanctus libertate,  
 quam alijs concedit, utatur ipse.

Sed ecce, vt constet profiteri vers. 7. Davidem de collo-  
 catione summi boni in Iehouæ amore & gratia, professio-  
 nis istius triplicem illustrationem subiecit.

Prima est à comparatione dissimilium.

*Multi* (inquit) *summum bonum in huius vitæ bonis colle-  
 cant.* Vers. 7. in principio.

*At ego in luce faciei tue Iehoua, quam super me attollis, om-  
 nem felicitatem pono.* Vers. 7. in fine.

Secundi

Secunda est ab effectu diuinæ erga se gratiæ & amoris, in istud enthymema conclusio:

*E contemplatione diuinæ erga me gratia, cor meum admirabili quadam letitia cumulari sentio. Vers. 8.*

*Id igitur in quo summam bonum constituo haud aliud est quam Iehouæ erga me amor & gratia. Vers. 7.*

Enthymematis antecedens habet exornationem hanc & minoribus:

*Permagna est letitia, qua alij è copiosa & abundanti messe & vindemia afficiuntur. Vers. 8. in fine.*

*At quam ego percipio letitiam è sensu amoris erga me tui & gratia longè maior est. Vers. 8. in principio.*

Tertiâ illustratio est etiam ab altero diuinæ erga se gratiæ effectu. Vnde in hanc sententiam concludit:

*Quo securus reddor aduersus omnem metum & pericula, in eo omnem meam felicitatem colloco.*

*At Iehoua erga me amore & gratia securus reddor aduersus omnem metum & pericula. Vers. 9. in principio. Vbi sub actionibus illis quib. vidi in pace, & dormiendi, notat Propheta singularem animi sui aduersus quævis pericula & terrores securitatem, ortam scilicet & susceptam è suauissimo Iesu diuini erga se amoris & gratiæ.*

*Iehoua igitur erga me gratia id certè est, in quo omnem meam felicitatem colloco. Vers. 7.*

Assumptio, ne plus ostentationis quam veritatis completi videatur, hoc argumento illustrata est:

*Quod solum tuetur me, & vindicat ab omni metu & periculo, id me securum reddit aduersus omnem metum & periculum.*

*At sola Iehoua erga me gratia tuetur me & vindicat ab omni metu & periculo. Vers. 9. in parte posteriori. Vbi illi loquendi formulâ (tu facis ut securè habitem) aperte significatur defendi ipsum à Domino, & protegi contra omnes impiorum machinationes & imperus.*

*Itaque sola Iehoua erga me gratia securum me reddit aduersus omnem metum & periculum. Vers. 9. in principio.*

## PSAL. V.

1 **M** Agistro Symphonie ad pneumatica instrumenta Psalmus Davidis.

2 *Dicta mea auribus percipe Iehoua: considera meditationem meam.*

3 *Attende voci clamoris mei, Rex mi & Deus mi: nam apud te orationem habeo.*

4 *Iehoua, mane exaudito vocem meam. Nam mane me dispono coram te & attendo.*

5 *Certe tu es Deus fortis nolens iniquitatem. Non habitabit tecum impius.*

6 *Non consistent insani coram oculis tuis. Odisti omnes qui operam dant iniquitati.*

7 *Perditurus es loquentes mendacium. Virum sanguinarium & dolosum abhominabitur Iehoua.*

8 *Ego autem in amplitudine benignitatis tue ingrediar domum tuam: incuruabo me versus templum sanctitatis tue cum reuerentia tui.*

9 *Iehoua deduc me iniustitia tua & propter observatores meos. Complana coram me viam tuam.*

10 *Nam non est in ore ipsorum rectum. Intimū eorum haud aliud est quàm prauitates: sepulchrum apertum guttur eorum: lingua sua dolose blanditur.*

11 *Subuerte eos o Deus: decidant de consilijs suis: conijce eos intra multitudinem transgressionū suarum. Rebellerunt enim contra te.*

12 *Es latabuntur omnes confidentes in te: in seculum*

*culum canent quos protegis: & exultabunt in te amantes nominis tui.*

13 *Quia tu benedicis iusto Iehoua: & gratias tanquam scuto circumdassis eum.*

## ANALYSIS PSAL. 5.

## Inscriptio Psalmi

1. Loquitur de autore Psalmi.

2. Docet traditum fuisse magistro Symphonie ad pneumatica instrumenta, id est, illi qui primas tenet inter eos, quorum est in ijs instrumentis tractandis versari; quæ oris spiritu inflata sonum edunt: cuiusmodi fuerunt Sacerdotum tubæ & Levitarum buccinæ. Nam Hebræis *Nechiloth* dicuntur ea instrumentorum musicorum genera, quæ tubulata & excavata sonum viminatum spiritus edunt. Nonnulli vocē *Nechiloth* toni seu Symphonie apud veteres Hebræos receptæ speciem quandam designari putant.

De Psalmo ipso si percontetur quis, fueritne à Davide contextus cum Saul, an Abschalomus ipsi infidias & capiti periculum crearet, quid respondendum sit video inter Psalmorum interpretes parum convenire. Illud pro comperto habemus, Prophetam gravissimi periculi, cui se inimicorum perfidia & scelere obiectum animaduertit, contemplatione adductum ad opem Domini & liberationem implorandam confugisse.

Psalmi huius duo membra esse video.

In priori de audientia concilianda agitur. Vers. 2. 3. 4. Etenim frustra supplicatur, cum is, cuius gratiā imploramus, est animo averso minimeq; ad audiendum propenso.

In posteriori supplicationem proponit David, eamq; ardentem & sollicitè persequitur, à principio vers. 5. usque ad extremam Psalmi clausulam.

Audientiæ questio hisce verbis explicari & summam comprehendere potest:

O Iehoua, quam tibi supplicationem oblaturus sum, eam opta-

*timē & verum mearum necessitati convenienter exaudi.*  
 Verſ. 2. 3. 4.

De audientia primò generatim agitur verſ. 2. & 3. deinde  
 inſiſtentiſſimè & verbis expreſſis verſ. 4. in principio. Quid in  
 genere petatur, è poſtulatione verſ. 4. comprehenſa nobis  
 conſtare poſteſt. Hoc enim verſiculo non indefinitè ſed in-  
 ſtantis neceſſitatis habita ratione audientiam poſtulat. Vult  
 ſiquidem manè exaudiri orationem ſuam, id eſt, oportune  
 & abſque procraftinatione, prout nempe rei præſentis con-  
 ditio fert. Quòd verò eiufdem poſtulati iteratione frequenti  
 ratur Propheta (etenim quater proponitur) inde iudicium  
 facio de magnitudine periculi, in quo verſatur eſt: de fla-  
 granti deſiderio quo tenebatur conſequendæ liberationis:  
 denique de ipſius perſeuerantia in diuini nominis inuoca-  
 tione. Porro obſeruare non alienum tuerit appellari ab ipſo  
 petitionem ſuam nomine *verborum, meditationis, vocis, &*  
*vocis clamoris*, Nomine *verborum*: eò quòd verba ſint ob-  
 late petitionis interpretes. *Meditationis*: propterea quòd ad  
 eam Domino exhibendam non ſine ſeria cordis medita-  
 tione acceſſerit. *Vocis, & vocis clamoris*: quia in fundenda  
 oratione vocis contentionem quandam adhibuit, eam ſci-  
 licet quæ imminentis miſeriæ gravitatem & cordis vehe-  
 mentius afflicti pathos exprimeret.

Verum attendamus quibus rationibus vtiſ audientiam  
 efflagitet. Prior eſt eiufmodi:

*Arg. 1. Si tu, ô Iehoua, Rex meus ſis, & ego ſubditus tuus: tu  
 Deus meus, & ego è populo tuo electo vnus: quam tibi  
 petitionem oblaturus ſum, eam oportune ſine procraftina-  
 tione & mee inſtantis neceſſitatis habita ratione exaudi.*  
*At tu, ô Iehoua, Rex meus es, & ego ſubditus tuus: tu Deus  
 meus & ego è populo tuo electo vnus. v. 3. in priori parte.*  
*Quam itaque tibi petitionem oblaturus ſum, eam oportune  
 abſque procraftinatione & mee inſtantis neceſſitatis habi-  
 ta ratione exaudi. Verſ. 2. 3. 4.*

Porro conciliandæ audientiæ ſtudio prouectus David  
 Iehouam ſic aſſatur:

*Arg. 1. Qui te, ô Iehoua, inuocat die afflictionis ſuæ, cum te  
 exau-*



exaudire oportet oportune, absque procrastinatione, & habita ratione afflictæ conditionis qua premitur. Hæc est illa Domini gratuita & excellentissimæ consolationis promissio.

At ego te Iehoua inuoco die afflictionis meæ. Vers. 3. in parte poster. Hæc est conditionis, qua nititur Dei promissio, ex parte Prophetæ præstatio.

Itaque me oportet exaudiri à te oportune, & habita ratione ad grauissimam afflictionem qua premor. Vers. 2. 3. 4.

Postrema ad conciliandam audientiam ratio est secundæ admodum affinis: sed adiunctam professionem habet Iehouæ gratiam sollicitè & patienter attendendi. Conclusio hæc est:

Arg. 3. Ego adducta in summum discrimen salute meæ, sollicitè & absque mora ad te confugiens, gratiam operumq; tuam omni studio & vigilantia patienter attendo. Vers. 4. in posteriore parte.

Quamobrem ô Iehoua petitionem, quam tibi oblaturus sum, absque procrastinatione exaudi, habita ratione afflictissimæ conditionis in qua versor. Vers. 2. 3. 4.

Audientiæ conciliandi questio hætenus explicata est. Superest ipsa petitio, cuius exauditionem videri tantopere à Propheta videmus. Petitio hæc verbis summatim comprehendendi potest:

*Libera me, ô Iehoua, ab hostibus meis, eosq; subuerte.*

Propositæ petitionis duæ sunt partes: quarum altera est de liberatione & salute Prophetæ, altera de hostibus Prophetæ delendis. Pars illa, quæ est de Prophetæ liberatione, comprehenditur vers. 9. vbi Iehouam in hæc verba compellat: *Deduc me in iustitia tua, & complana coram me viam tuam*: id est: Peto ab te ô Iehoua, vt pro eo quo funderis munere in distribuenda iustitia, me è periculo, in quod hostium meorum scelere coniectus sum, eduas & eripias: peto vt omnes rationes & quasi vias liberationis meæ sic expedias & complanes, vt aditu patefacto & sepositis obstaculis, tuto elabi possim è vitæ discrimine. Hanc liberationis suæ viam Iehouæ viam appellat: vt inde constet, non  
aliā

alium se salutis & liberationis authorem agnoscere quàm Iehouam.

Pars altera supplicationis institutæ à Davide de hostium suorum subuersione vers. 11. continetur : vbi à Domino dilectè precatur , *ut eos subuertat & perdat : ut eorum consilia & machinationes ad nihilum redigat : ut eos intra multitudinē transgressionum suarum detruat & compingat.* Sic enim hanc postremam clausulam vnā cum Gallicæ versionis authoribus reddo & interpretor. *Coniici intra multitudinem transgressionum,* idē est, ac derelinqui à Domino & in reprobū Iesum tradi, ad scelus ex scelere nullo habito discrimine cūmulandum. Vt versiculi vndecimi priori membro hostium euersionem & interitum vrget : sic duobus succedentibus rationem viamque exponit, qua hostes sui euerti & deleri queant. Id autem fit, si quando & euentus consiliorum actionūque susceptrarum interceptus fuerit, & ipsi deliberationum principes rerumque actores omni mentis sanitate iustissimo Domini iudicio destituti, se ad omne scelus & impietatem proiecerint.

Intelligimus iam & quibus versiculis & qua orationis forma supplicationem suam comprehenderit Prophetæ. Restat ut quibus eam argumentis prosequatur videamus. Primum sic conclusum reperimus:

Arg. 1. *Tu (Iehoua) pro eo, quo fungeris, munere iustissimi iudicis, impios perditurus es.* Vers. 5. in fine, & vers. 6. in principio : vbi ex more Scripturæ nomen insanorum impijs attribuitur : vtpote qui tanquam cæcitate & rabie quadam mentis agitati ad omnem impietatem ferantur.

*Libera itaque me ab hostibus meis, eosq; perde.* Ver. 9. & 11. De illustranda enthymematis consequentia Prophetæ minimè laborandum fuit : cum & ipsi & alij Dei verè colendi studiosis compertum esset, ijs, qui odio Davidis incensi, eum aut vi expogatum aut insidijs interceptum e medio tollere staterint, nihil præter impietatem & flagitiosissimæ vitæ libidines sapere. Constat hoc quidē potest e descriptione illa facta hostium suorum vers. 10.

Quod

Quod ad enthymematis antecedentē attinet: est illa quidem dupliciter confirmata, à causa nempe, & inductione specialium. Confirmatio è causa præcedit, sic:

*Odisti pro natura tue infinita sanctitate omnes qui operam iniquitati dant.* Vers. 5. in principio, & vers. 6. in fine.

*Ac proinde eos perditurus es.* Vers. 7. in fin. & v. 6. in princ.

Inductio specialium sequitur:

*Perditurus es mendacem, virum sanguinarium, & dolosum, ceterosque eiusdem farinae nefarios & impuros homunculos.* Sic enim inductio adhibita per Synecdochē intelligenda & supplenda est. Quod autem v. 7. non de perdendo sed detestando virum sanguinarium & dolosum loquatur Propheta, idem est, si è causæ Metonymia loquentem Dauidem interpretèrè, ac si perditum iri à Iehoua virum sanguini & alijs circumueniendis auidius inbiantem affirmasset.

*Itaque impios, & Iehoua, perditurus es.* Vers. 5. in fine, & vers. 6. in principio.

Vt Iehouæ persudeat diuinus hic vates de illa, quā tanto studio implorat, gratia concedenda: commemoratione facta cuiusdam effecti; id est, professione vultus testificandæ in posterū suæ erga Iehouam gratissimæ voluntatis, in hunc modum disserit:

**Arg. 1.** *Hoslibus meis perditis, & ab ijs tua ope, & Iehoua, liberatus, acceptæ à te liberationis gratiam ad nominis tui gloriam celebrabo.* Vers. 8. Ego (inquit) in amplitudine benignitatis tuæ, &c. id est, vt tuam in me liberando & hoslium meorum dissipatione singularem gratiam agnoscam & prædicem, in sanctuarium nomini tuo colendo & ornando consecratum ingrediar, tibi que de me tam præclarè merito omnem honorem ac gloriam deferam, idque eo animi affectu & reuerentia quam in obediendo cultu tuo à nobis ex Lege afferri & præstari vis. Atque hæc est illa reuerentia, quæ reuerentia seu timor Iehouæ à Dauidè dicitur.

*Quocirca libera me, & Iehoua, ab hoslibus meis, eosque perde.* Vers. 9. & 11.

Progredi-

Progredimur adhuc Propheta, & ut supplicationi suæ satisfiat, alio argumento contendit:

Arg. 3. *Profiteris d. Iehoua, iustissime acturum esse te & cum pijs & cum impijs.* Vers. 9. hisce verbis: *Deduc me in iustitia tua, id est, me & periculo mihi ab hostibus intentato deduc pro ea, quam suscepisti; profelsione & munere tuendi pios, & impios puniendi.*

*Libera igitur me ab hostibus meis eosq; perde.* Vers. 9. & 11. Eodem v. 9. subiicitur & alia ad petitionis institutæ satisfactionem ratio: qua notato & Iehouæ, quasi in memoriam reuocato euentu, qui neglectam Prophetæ liberationem & hominum facinororum impunitatem cõlecturus est, in hanc sententiam verba facit:

Arg. 4. *Neglecta ab te (d. Iehoua) liberatione mea, & hostibus meis nullo supplicio affectis, impij obseruata hæc, qua ueris, administrationis ratione ad triumphandum & nomini tuo blasphemandum se comparabunt.* Vers. 9. Vbi sic loquitur Propheta: *Et propter obseruatores meas deduc me: id est, & periculo, in quo versor, deduc me, ne homines profligati ac perdit, quibus magnæ curæ est in omnes administrationis tuæ rationes & euenta inquirere, si quid forte pro ipsorum sententia & expectatione successerit, inde ansam confectum arripiant agendi triumphi, & ea proloquendi, quibus nominis tui gloria imminui & obscurari possit.*

*Quapropter libera me ab hostibus meis eosq; perde.* v. 9 & 11.

Eo studio tenetur Propheta consequendæ gratiæ & à Domino impetrandæ liberationis, ut facere non possit, quia nouarum rationum momenta ad persuadendum afferat.

Arg. 5. *Omnia (inquit) hostium meorum consilia & conatus ad meam perniciem & presentem inuictum spectant.* v. 10.

*Aggredere igitur d. Domine liberationem meam & hostium meorum euersionem.* Vers. 9. & 11.

Enthymematis antecedentem hostium suorum illustri descriptione vers. 10. complexus est Propheta. Descriptio est ab effectis: unde patere clarissime potest quàm illi se flagitiose erga sanctum Prophetam & immaniter gerant.

Effectus

Effecta quadruplicia notantur à Davide:

1. *Non est (inquit) in ore ipsorum rectum*: id est, mendacijs & calumnijs me persequuntur.
2. *Intimum eorum haud aliud est quàm prauitates*: id est, cor ipsorum haud aliud quidpiam machinatur & terit, quàm ad me peridendum fraudes & maleficia.
3. *Sepulchrum apertum est guttur eorum*: id est. Quemadmodum sepulchrum quasi hianti ore ad cadaver excipiendum & conterendum attendit: sic hostes mei tanquam in procinctu stant personæ meæ imminentes & inbiantes, ad eam assu aut vi oppugnandam ac delendam.

4. *Lingua sua dolosè blandiuntur*: id est, alios blandirijs suis allicere conantur ad perniciem mihi constandam.

Postquam vers. 10. hostium suorum impietatem & malitiam luculenta descriptione proposuerit, posterius supplicationis suæ membrum vers. 11. subiicit, amplificatum argumento tali:

Arg. 6. *Inimici mei, dum mihi Vñcto tuo se opponunt, bellum tibi & Iehoua indixerunt.* Vers. 11. in fine.

Itaque ad eos perdēdos meq̃, liberandum accingere. v. 9. & 11.  
Institutz petitionis suasio nondum est ad exitum perdu-  
cta. Instat igitur Propheta & Iehouam de concessi postulati optatissimo euentu admonet hoc Syl ogismo:

Arg. 7. *Si liberato me ab imminente periculo, & deletis hostibus meis, futurum est ut sancti & fideles omnes letentur, nomēque tuum prædicent: non est quamobrem à liberando me, hostibusq̃, meis delendis abstineas.*

*At me ab imminentibus periculis liberato, & hostibus meis deletis futurum est ut sancti & fideles omnes letentur, gloriāque tuam celebrent.* Vers. 12.

*Libera igitur me Iehoua, & inimicos perde.* Vers. 9. 11.

Assumptio hanc habet confirmationem:

*Concessa mihi quam tantopere cupio liberatione, & dissipatis aduersarijs meis, illustre testimonium exhibebis paratissimæ voluntatis ad tuas benedicendum, eosq̃, à periculis vindicandum.* Vers. 13. *Quia iusto (inquit) benedicis,*

&

*Et gratia circumtegit eum: id est, quoniam inde, nempe largiendo mihi salutem & liberationem, aperte testaris quoniam promptè & expeditè fidelibus, si quando periclitentur, succurras;*

*Itaque me ab imminentibus periculis liberato, & hostibus meis deletis, futurum est ut fideles omnes letentur, tuamque gloriam celebrent. Vers. 12.*

*Confirmatio vers. 13. proposita habet divinæ protectionis & gratiæ amplificationem à similitudine, quæ si partibus suis distinguatur & explicetur, erit eiusmodi:*

*Ut scuto corpus nostrum aduersus petitionem & vim protegimus:*

*Sic gratia & fauore suo protegit fideles Iehoua aduersus pericula & sceleratorum impetus.*

## PSAL. VI.

**I** *Psalmus Davidis traditus magistro Symphoniae, ut cantetur in Neguinoth super Sheminih.*

**2** *Iehoua, ne in ira tua reprehendas me, neque in excarescentia tua castiges me.*

**3** *Sed gratiosus esto mihi Iehoua: quia languefactus sum. Cura me Iehoua. Nam obstupescita sunt ossa mea.*

**4** *Et anima mea obstupescita est valde. Et tu Iehoua quousque?*

**5** *Reuertere Iehoua: expedi animam meam. Saluum me fac propter gratuitam misericordiam tuam.*

**6** *Nam non est in morte recordatio tui. In sepulchro*



*pulchro quis celebrabit te?*

7 Defeci in gemitu meo. Feci ut natet per singulas noctes lectus meus. Lachrimis meis spondam meam irrigavi.

8 Caligavit præ angore oculus meus, & consenuit vis illorum omnium, quibus premor.

9 Recedite à me omnes qui datis operam iniquitati. Nam exaudivit Iehoua vocem fletus mei.

10 Exaudivit Iehoua deprecationem meam. Iehoua orationem meam acceptam habuit.

11 Erubescant & conturbentur valde inimici mei. Reuertantur, pudefiant momento.

## ANALYSIS PSAL. 6.

Monet Psalmi inscriptio fuisse ipsum & compositum à Dauide, & magistro Symphoniz traditum, ut caneretur ad eam toni seu modulationis speciem quæ dicitur Neguinoth, sed adhibito instrumento musico chordarum octo, quod nomine Sherninith appellatur.

Psalmo hoc complexus est Propheta,

1. Deprecationem, qua morbo gravissimo laborans utebatur. A principio vers. 2. ad finem vers. 8.
2. Sanctam quandam insultationem aduersus hostes suos, eo nomine quod præter eorum spem à Domino exauditus pristinam sanitatem recuperavit. Vers. 9. 10. 11.

Prophetæ deprecatio potest hisce verbis comprehendì summam :

*Ne me Iehoua diutius castiges presentis morbi acerbitate: sed pro misericordia tua ab eo me libera. vers. 2. 3. item 5.*

Deprecationis membrum prius proponitur vers. 2. verbis hijs: *Ne me in ira tua reprehendas.* Reprehensionis nomine castigationem significat Propheta, prout versiculi secundi posteriori parte exponitur. Iræ verò appellatione, per Metonymiam causæ, morbum ab irato & exandescente Domino

mino inflictū Dauidi, & diutius harentem, notari arbitror.

Supplicationis membrum posterius, ut scilicet à morbo liberetur, vers. 3. traditur, & eodem iteratur. *Gratiosus* (inquit) *esto mihi Iehoua*. Quam hīc gratiam à Davide implorari dicemus, nisi illam à morbo liberationis Sapientis recuperationem expeti sub illa generali gratiæ petitione, inde constat, quod statim eodem versu cum Domino suppliciter agat ut curetur & conualescat. Ac si Dauidi propositum fuisset, discretè & speciatim exponere, quid in genere sub gratiæ nomine postulet. Morbi ingrauescentis & acerrimè pungentis, vel leuationem vel depulsionem requiri, liquet etiam è considerata prioris argumenti natura, adhibiti à Propheta ad instruendam suasionem gratiæ exhibendæ. Argumentum eiusmodi est (quemadmodum deinceps patebit) ut multò aptius ad persuadendum relaxationē morbi quàm peccati remissionem seruire videatur. Statuo igitur generali illa gratiæ petitione recuperandæ valetudinis postulatum contineri, & secundo versiculo comprehensam supplicationem hāud aliud esse quàm postulati istius illustrationem quandam à *Diuersis* detumptam: ac si in hanc sententiam locutus esset Propheta: *Ne me diutius morbo ex-cruciari sinas, effecto scilicet & testimonio inæ gravissima aduersum me tua: sed esto mihi gratiosus, id est, ex gratia erga me tua me ab eodem liberato & curato.*

Sed videamus quemadmodum apud Iehouam morbi excutiendi & sanitatis recuperandæ causam dicat Propheta.

*Arg. 1.* Ita me vis morbi (inquit) grauiter affligit, ut vires totius personæ meæ, corporis nempe & animæ, fregerit & oppresserit. Vers. 3. in medio & fine: itemque in principio vers. 4.

*Quapropter o Domine ne me diutius castiges præsentis morbi acerbitate, sed pro misericordia tua ab eo me libera, ver. 2. 3. 5.*

Enthymematis antecedens primū verbis generalibus comprehenditur in medio vers. 3. deinde quod in genere de totius personæ languore & enervatione dicitur, id notatis personæ partibus ipsas, quas attriuit morbus & confecit, in specie

specie illustratur. Partes illæ suæ corpus & anima. Corpus ossium nomine Synecdochicè significatur vers. 3. in fine. Ad totius personæ amplificandam debilitatem, personæ v. traque pars obstupescit & examinata esse dicitur. id est, sic labefacta & conuulsa, ut omni spiritu, motu, & facultate obtundi munus suum orbata videatur.

Postquam admonuit Propheta de totius personæ sum prostratis & attritis viribus, queritur multum temporis interfuisse, ex quo hocce tam graue cruciatu & angore perpetitur. Quod eo consilio facit, ut diuturni temporis intuitu Ichon admonetur de minuenda iam tandem gravitate morbi, & restituenda sanitate.

Arg. 2. Per multos iam dies (inquit) me & Iehoua gratissimo hoc modo afflixisti. Vers. 4. in fine. Vbi sub interrogationis formula hanc sententiam enunciauit Propheta. Et tu Iehoua quousque? id est, quamdiu insidere visceribus meis, & hærere vis hoc tam graue malum? quasi diceret: acerbissime iamdiu extruic me morbus iste: adeo ut tempus ipsum de eo amouendo iure admonere queat.

Quæ circa peto abs te, ut eo me pro tua singulari gratia lenatum esse velis. Vers. 5. 3. 5.

Pergit adhuc Propheta, ac tanquam decessisset nullum prosequendæ supplicationis suæ tempus intermittere, nec conquiescere nisi perfecta re de receptata valetudine, Iehouam sic alloquitur:

Arg. 3. Si morbum, quo propè conficior, non amoueris, nulla mihi in hac vita facultas dabitur, prædicandi clementiam ac bonitatem tuam. Propositio hæc tenetur: sed in eius locum vers. 6. substituta probatio comperietur.

Sed offerri mihi in hac vita oportunitatem aliquam magnopere cupio celebrandi gratuitam illam tuam misericordiam & bonitatem. vers. 5. ubi in hunc modum loquitur Vates: Saluum me fac propter gratuitam misericordiam tuam: id est, libera me ab hoc morbo, ut restitutæ sanitatis beneficio facultatem aliquam & oportunitatem assequi possim illustrandi gloriam misericor-

dic & bonitatis tuæ.

Quapropter morbum, quo prope conficior, amoueto. vers. 2. 3.  
5. Versu quinto, liberatio quam postulat à morbo, appellatur Iehouæ reditus ad ipsum, reditus inquam quo testetur apud Prophetam & profiteatur officia veteris gratiæ ac benevolentiæ. Vt enim cum luos excipit alperius & affligit, recessisse ab ipsis interim videtur: sic reuertisse Iehoua dici potest, simul ac lumine vultus & antiquæ gratiæ in ipsos quasi resurgere coeperit. Quod autem adiungit vers. 5. *Expedi animam meam:* haud aliud est quam petitionis vers. 2. & 3. comprehensæ iteratio, (dummodo animæ liberationem synecdochicè personæ totius liberationem intelligamus) & quasi illustrior explicatio quid per Iehouæ ad se reditum significet.

Propositionem Syllogismi instituti omissam esse dixi: sed suppleri vicem ipsius adhibita confirmatione: quam reperietis esse eiusmodi:

*Qui mortui sunt, ijs predicandi nomen tuum inter viuos oportunitas non datur. vers. 6.*

*At si morbum hunc à me non amoueris, futurum est ut in mortuorum numero sim. vers. 7. & 8.*

*Itaque si morbum hunc à me non amoueris, mihi predicandi nomen tuum inter viuos facultas non dabitur.*

Huius prosyllogismi Assumptio nō est verbis disertis proposita, sed re & sensu comprehensa sub illustratione quadā ipsius, vers. 7. & 8. allata. Siquidem hijs versiculis I'ropheta, ne simulationis artificio vltus ludere videatur, aperte se ex terrore vitæ discrimine periclitari ostendit, expositis nimirum mortis imminenti atque instantis quatuor iudicijs. Ex hijs appropinquationem mortis suæ sic concludit:

*Ed debilitatus redigor ut vix ingemiscere & suspirare possim: humor natiuus corporis mei planè exaruit: visus me deficit: & oculi mei retriufi interius ac quasi demersi in caput sunt. vers. 7. & 8.*

*Itaque si me morbo isto neuiquam liberaueris, mihi continuè ex hac vita migrandum esse video.*

Antece-

Antecedens Epithymematis illa quatuor, de quibus meminimus, mortis imminenti indicia complectitur.

*Primum indicium est in principio vers. 7.*

*Secundum in posteriori parte vers. 7. Feci (inquit) ut nater per singulas noctes lectus meus: lacrimis meis spandam meam irrigavi.* Sub hac locutionis forma vult innoscere nobis Propheta, se dum hoc morbo conficere-tur tam incredibilem interea lachrimarum vim profudisse, ut corpori suo nihil super sit humidi natui, sed exhaustum planè sit & evanuerit.

*Tertium est vers. 8. in principio. Caligavit (inquit) pra angore oculus meus: id est, vi morbi, quo tantopere angor & tormentor, defecit visus meus.*

*Quartum est in postrema clausula vers. 8. Consenuit (inquit) sive interius retrusus est oculus meus vi illorum omnium, quibus premo. Ut priori versus octavi membro angoris appellatio tribuitur morbo quo laboraret: sic in eiusdem versiculi parte posteriori eundem morbum nomine appellat rei, qua premitur, seu quae est cruciatus acerbitate insignis. Morbi ista periphrasis numero plurali & addita nota vniuersali enunciat, ut inde morbi huius notetur asperitas incredibilis ac prope singularis: quasi omnes omnium morborum acerbitates & cruciatus hoc vno complicati contine-rentur.*

Hactenus Dau'is supplicatio exposita est: qua cum lehoua egit de recuperanda sanitate.

Sequitur pia illa, qua ad insolentiam hostium suorum refutandam & frangendam vitur, insultatio. Exoptabant illi interitum Prophetae, & sperabant fore ut à morbo tam graui nunquam conualesceret. Id cum ex singulari lehouae misericordia & bonitate secus acciderit, ac illi opinionione & spe confinxerant, adhibita religiosa quadam insultatione eorum malitiam & arrogantiam retundit. Insultationem tali Syllogismo conclusit:

*Si Dominus exaudita oratione mea mihi sanitatem restituit: vos aduersarii mei, qui interitum meum consilijs, votis, &*

*spe tantopere estis persecuti, quin erubescitis & ora vestra obstruita? quin delusam spem vestram & irritos conatus confitemini?*

*At Dominus exaudita oratione mea mihi sanitatem restituit.*

*Hoc vers. semel propositum, bis vers. 10. repetitur.*

*Quin ergo vos aduersarii mei, qui interitum meum consilijs, votis, & spe tantopere estis persecuti, ora vestra obstruita? quin erubescitis & delusam spem vestram ac irritos conatus confitemini?* vers. 9. in principio, & vers. 11.

*Recedite (inquit) a me; ac deinceps, Erubescant & conturbentur valde inimici mei: reuertantur, pudefiant momenta. In hunc modum alloquitur Propheta aduersarios suos, quasi diceret: Vos qui nequitie operam nauatis, tempusque omne impietati transmutatis, cum iam consiliorum & cogitationum vestrarum spem exardixit à Iehoua orationis mee & restituta mihi sanitatis euentus fefellerit, refugite ab oculis & conspectu eorum, quibuscum vota & consilia de meo interitu communicare, & apud quos exquisitis contumelijs & calumnijs iniquissimis violare nomen meum & proscindere volebatis: agnoscite cum illulisse vos ipsos, tum me insigni iniuria affectum à vobis esse: ac promde non parum subesse causæ quamobrem mecuatis, ne isto nomine & apud populares vestros male audiat, & mihi postquam ad summi imperij procurationem accessit rationem scelerum vestrorum reddere cogamini.*

## PSAL. VII.

*1 Signation Davidis, quod cecinit Iehoue ad verba Caschi Biniammite.*

*2 Iehoua Deus mi, in te confido. Saluum me fac ab omnibus persequentibus me, & libera me.*

*3 Ne*



3 Ne abripiat tanquam Leo animam meam,  
dilaceret, nemine liberante,

4 Iehoua Deus mi, si feci istud: si est iniquitas  
ista in manibus meis:

5 Si intuli malum colenti pacem mecum (immo  
oripui qui me immerito opprimebat)

6 Persequatur inimicus animam meam & as-  
sequatur: conculcet in terra vitam meam: & fa-  
ciat ut gloria mea in puluere habitet. Selah.

7 Surge Iehoua in ira tua: extolle te contra  
rabiem inimicorum meorum: & euigilato pro me  
ad iudicium illud quod decreuisti.

8 Catus populorum circumdet te: & supra  
hunc in altum reuertere.

9 Iehoua ius dicit populis. Iudica me Iehoua  
secundum iustitiam meam, & secundum integritatem  
meam in me.

10 Desiciat quæsa malum improborum, & stabili-  
tato iustum, etiam tu Deus iuste, explorator ani-  
morum & renum.

11 Clypeus meus est in Deo: qui salutem dat  
rectis corde:

12 Deus iudicat iustum: & Deus fortis irasci-  
tur quotidie.

13 Si non conuertatur, gladium suum acuet:  
arcum suum adduxit, & sagittam aptauit ei:

14 Aptauit etiam in eum arma letifera: sagi-  
tas suas in fernidos istos occupaturus est.

15 Ecce: parturit iniquitatem. Concepit enim  
malitiam: sed mendacium pariet.

16 *Patentem fodit & excavavit eum : deiecit eò se, ut in fovea operetur opus suum.*

17 *Malitia eius redibit in caput ipsius: & super verticem ipsius descendet violentia eius.*

18 *Celebrabo Iehouam secundum iustitiam eius: & psallam nomini Iehoua excelsi.*

## ANALYSIS PSAL. 7.

Psalmi inscriptione admonemur,

1. *De Psalmi autore.* Is autem fuit David.

2. *De genere Psalmi.* Est verò ode mixta, si Tremellium audimus: id est, cantu multiplex, & per omnes modos musicæ quasi oberrans. Gallicæ editionis authores vocem *Siggaion* significari volunt, canticum antiquitus usurpatum ab iis, qui doloris æstu abrepti continere se ab oratione intemperata & effervescentium affectuum impetu concitata non potuerunt. Mollerus illa voce professionem innocentie seu inficiationem calumniæ notari putat. Ac profectò, si Prophetæ consilium spectemus, non incommodè sic exponi potest. Hoc enim ista in ode propositum Davidi fuit, ut purgaret se ab obiecto crimine, & de innocentia sua palam profiteretur.

3. *De occasione, qua adductus Propheta ad huius Psalmi meditationem accessit:* ea fuit Cuschi Beniaminita virulenta calumnia & consilia ad Davidem *Maiestatu crimine accersendum accusatio.* Credibile est Beniaminitæ hunc, quicumque tandem fuerit, siue cognationis vinculo Sauli coniunctus, siue è primoribus regni, & ex aula Regiæ purpuratis quispiam alius, Davidi crimen intendisse affectati regni, & aduersus Sauli vitam conirationis cuiusdam initæ, illius scilicet, de qua se purgat Propheta. 1. Sam. 24. 10.

4. *De fine compositæ & decantatæ odes:* quippe quam cecinerit Iehoua: id est, de consilio (sic enim pace aliorum interpretor)

terpretor) ut Iehoua de sua innocentia, quantum ad crimen obiectum attinet, satisfaciat; & vitæ periculum deprecetur.

Psalmi partes duæ sunt: quarum altera continet,

1. *Petitionem liberationis ab hostibus*: à principio versus secundi ad finem vers. 10.

2. *Petitionis euentum*: à principio vers. 11. ad Psalmi exitum. Petitionis summa huiusmodi est:

*Libera me ô Iehoua ab inimicis meis.* vers. 2. 7. 8. 10.

Vers. 2. petitio disertis verbis proponitur: sed vers. 7. & 8. sub ea specie & figura orationis, quæ à solenni forma & consuetudine publici inter homines iudicii exercendæ desumpta, ad id exprimendû transfertur, quod in liberationis suæ negotio à Iehoua fieri cupit Propheta. Urget igitur ut Iehoua quasi indictis & habitis comitijs tribunal cõscendat, & in eo se ad iustissimi iudicis munus obeundum comparet. Hinc est quòd vers. 9. tam sollicitè contendat, ut expurgetur & surgat Iehoua tanquam è lecto diuturna erga hostes suos patientiæ, extollatq; se ad compescendam & frangendam rabiem impiorum. Hinc etiam est quòd vers. 8. conuentus & comitia iudici à Domino & haberi tantopere cupiat, ut esse possint administri aliqui & rerum expediendarum testes. Hinc porro est quòd eodem 8. versu petat, ut Iehoua reuertatur, & tanquam denuò ascendat in tribunal illud suum, vnde quasi ad accuratius disquirendum de hominum impietate & nequitia descendisset. Hinc denique est quòd vers. 9. & 10. cum Domino agat de ferenda ac pronuncianda sententia in præsentì controversia. Videmus notari à Davide gradus quosdam in iudiciali processu obseruari solitos: sed quorsum tanto studio urgetur istud à Propheta, ut Iehoua non modò paret se ad forum, sed pro tribunali sedens in conuentu amplissimo litem disceptet & dirimat? Annon hoc postulatur ut in controuersia quæ Davidi cum impijs intercedit ius dicat? At si inter litigantes istos ius dixerit Iehoua, sententiam ferri conuenit de absolvendo Davide, id est, eo liberando ab hostibus, & de ijs condemnandis, id est, supplicio tradendis, qui astutia vi Davids è medio tollere

voluerant. Liquet igitur sub hac orationis specie & habitu, quæ à similitudine & solenni formula publici in hominum foro iudicij configuri desumitur, id vnum peti à Davide, ut ab inimicis suis liberetur. Postulatum illud vers. 2. & 9. nulla adhibita modificata & translatæ orationis forma proponitur: immo etiam extrema versus septimi clausula & ver. 10. non obsecro comprehenditur. *Evigilato* (inquit) *pro me ad iudicium illud quod decreuisti*, id est, perage & exequere eam iustitiæ partem, quæ te decernente & autore meam ab hostibus liberationem & in regio solio inaugurationem spectat. Quod verò ait vers. 10. *Deficiat queso malum improborum, & stabiliro iustum*: nonne hanc sententiam completur? *Domine dissipa queso & ad nihilum redige hominum facinorosum*, id est, hostium meorum conatus: & eorum malitiam & fraudes sic coerce, ut progredi ulterius non quæant: me verò, qui à crimine obiecto immunis sum, stabiliro, id est, sic tuere & sustentare, ut quod mihi periculum & perniciem machinatur, declinare possim & subterfugere. Nomine iusti, synecdochicus ipse Propheta intelligendus est, ut qui in hoc, de quo eum inimici accusabant, omni prorsus culpa vacaret.

Prophetæ petitio quæ sit, & quibus comprehensa versiculis, videmus. Superest ut institutæ petitionis suasionem attendamus. Argumentum primum tale est

*Arg. 1. Qui à te in liberationis suæ negotio totus pendet à Tebo-  
na, ei tu æquum est ut liberationem ab hostibus largiare.  
At ego is sum qui in liberationis meæ negotio totus à te pen-  
des.* vers. 1. in principio.

*Quamobrem is ego sum, cui æquum est ut liberationem ab  
hostibus largiare.* vers. 2. in posteriore parte.

Propositio reticetur: vipote quæ promissionis à Deo factæ est, qui extremo discrimine periclitantes ad ipsum confugiunt, celebre illud & illustre axioma complectatur.

Assumptio, in quam David professionem inclusit (scilicet in Dominum repositæ fiducie, est conditionis illius, quæ promissio divina nimirum præstatio.

Conclusio igitur, cum annexa promissioni conditio præstita sit, appellatur *Ichoua* & *irgetui* de fide liberanda, qua

qua se obstrinxit. Sed perlequitur David salutis suae petitionem, hoc nempe modo :

Arg. 2. Si me ab hostibus liberare haudquaquam placeat, illi me crudeliter tractatum & immaniter mactabunt. ver. 3. Placeat itaque tibi o Iehoua me ab illis liberare. ver. 2.

Antecedenti exornatio addita est à cōparatione similitum. Ut Leo ouiculam à pastore destitutam corripit & dilaniat : Sic in me ope tua & patrocinio orbatum irruent hostes mei, & pro singulari immanitate sua minutatim diserpent.

Supplicationis à Propheta oblatae suasio producit ad huc, tractata certe excellenti argumento professionis cuiusdam, quam publicè instituere de innocentia sua ipsi visum est. Conclusio eiusmodi est :

Arg. 3. Si maleficy, cuius accusor, minimè reus fuero : eam in causa mea iustitiam adhibe o Iehoua, qua liberer ab accusatoribus & inimicis meis. ver. 9. in posteriore parte. Sic enim interpretor illam clausulam : Iudica me Iehoua secundum iustitiam meam, &c.

At maleficy, cuius accusor, minimè reus sum. Assumptionis loco illustratio ipsius substituta est. ver. 4. 5. 6.

Eam igitur in causa mea iustitiam adhibe o Iehoua, qua liberer ab accusatoribus & inimicis meis. ver. 2. 7. 8. 10.

Huius Syllogismi primùm Assumptio, deinde propositio à Davide disputatur. Assumptionis tractatio pro syllogismis duobus perficitur : quorum prior sic concluditur :

Si criminis obiecti reus sim : & me acerbissimo supplicio excruciatum mactant, & labes aeternae ignominiae post mortem in nomine meo insideto ac inueterato. ver. 4. 5. 6.

Propositionis istius membrum prius est ver. 4. expressum bis : & postea ver. 5. repetitum : ubi Saul dicitur is qui pacem cum Davide coluit : id est, is quem fingebant impij studiosum Davidis fuisse, & ab iniuria ei inferenda longe alienum. Propositionis membrum posterius est, ver. 6. ubi poena, quam ipse sibi imprecatur Propheta, pars prior huius verbis comprehenditur : *Conculcet in terra vitam meam*, id est, me immani & barbaro more trucidet. Inspirationis pars altera

altera sequitur expressa sic: *Et faciat ut gloria mea in pulvere habitet.* Gloriæ vocabulo intelligit nominis sui exultationem & decus; voce pulueris, abiectionem & infamiam plenam conditionem: nomine habitationis, petentem in ea commorationem.

*At nollem, si criminis obiecti reus essem, adhibita imprecatione ipse me tam dira poena nullo cogente exponere & deuouere.* Assumptionem hanc conceptis verbis proponere minime necesse fuit, cum nemo fuerit qui Prophetæ de ea non assentiretur.

*Itaque criminis, cuius me insimulant inimici, reus non sum.* Innocentiæ, quam profitetur David, prosyllogismus alter sequitur:

*Quoties ferebant tempora, nunquam, oblata facultate, Sauli in salute ipsius à periculis tuenda defui.* vers. 5. *Huius protestationis veritas* 1. Sam. 24. 6. exponitur.

*Ac proinde sceleris seu coniurationis aduersus Saulis vitam inite reus non sum.*

Assumptionis propositæ, in qua de integritate sua tanto studio profitetur David, Prosyllogismus duplex expositus est. Restat propositionis confirmatio, Ea in hanc formam instructa est:

*Tuum est, ô Iehoua, qui totius mundi summus Index es, iudicare & tribuere populo tuo.* vers. 9. in principio. Vbi Prophetam sic interpretari conuenit, ac si oratione directa Iehouam alloqueretur & compellaret, ut ex conclusione, quæ eodem versu statim subiicitur, apparet.

*Me igitur, qui criminis obiecti reus non sum, secundum integritatem meam ab inimicis meis libera.* vers. 9. in posteriore parte.

Vers. 10. repetitur (quemadmodum supra exposui) liberationis & salutis petitio, sed facta nouæ commendationis accessione, Siquidem ijs titulis in versiculi fine Iehouam ornat, quibus de iure dicundo admoneri possit ac debeat. *Stabilito* (inquit) *& protage me, etiam tu Deus iusse & explorator cordium.* His ego Davidem sic loquentem interpretor,



ac si Iehouam in hæc verba affatus esset:

*Si mihi homini innocenti & id quod æquissimū est postulanti  
ius haudquaquam dixeris & tribueris: id tue aut volun-  
tati aut ignorationi integritatis meæ ascribendum est.*

*Sed nulla voluntatis culpa à iure dicundo & tribuendo refu-  
gies, cum sis naturā & professione iustissimus. Nec verò  
ex vlla in te ignoratione innocentia meæ potest id accide-  
re, cum tibi, quicquid in hominis corde maximè recondi-  
tum abstrusumq; fuerit, compertissimum sit.*

*Ac proinde non dubita quin mihi homini innocenti & quod  
æquissimum est, nempe salutem & liberationem postula-  
ti, assensurus sis.*

Hactenus de liberationis exoptatæ petitione. Confe-  
quens est, ut de petitionis euentu inquiramus.

Petitionis exhibitæ euentus triplex à Dauide describitur:

1. *Certissima persuasio fore vti liberetur: id quod è Prophetico  
Spiritu præuidet.*
2. *Interitus hostium suorum: de quo per eundem Spiritū va-  
ticipatur.*
3. *Professio celebrandi Iehouam vtriusque beneficii nomine, viz.  
& misericordie erga se, & vindictæ in impios.*

Quod ad persuasionem Prophetæ attinet, fore scilicet ut  
ab inimicis suis liberetur, eam hoc Syllogismo niti com-  
perimus:

*Iustissimus ille Iudex, qui innocentem tuetur & impium  
supplicio afficit, me sine dubio tuebitur & liberabit ab  
inimicis meis.*

*Iehoua quem iustitia aduersus hostes meos obtinende causa  
appello, est iustissimus ille Iudex, qui innocentem tuetur  
& impium supplicio afficit. vers. 1. & 12. Protegi à Do-  
mino innocentem, quem David rectum corde & iu-  
stum nominat, constat è sine versus vndecimi & priu-  
cipio duodecimi. Impium à Iehoua tradi supplicio  
docet vers. 12. postrema clausula, quæ iræ diuinæ me-  
minit. Ira autem Dei, quid aliud est quàm diuinæ iu-  
stitiæ pars illa, quæ impijs pœna infligitur?*

*Iehoua igitur sine dubio me ab inimicis meis tuebitur & li-  
berabit.*

*berabit. vers. 11. in principio.*

Interitum hostium suorum, qui est exhibitæ supplicationis euentus alter, proponit hoc Syllogismo Propheta:

*Si inimici mei in suis contra salutem meam impijs conatibus persisterint, delebit ipsos perdetq. Iehoua. vers. 13. & 14.*

*Id est in suis contra me impijs conatibus persistant inimici mei. vers. 15. & 16.*

*Iehoua igitur eos perdet & delebit. vers. 17.*

Propositionis antecedens vers. 13. principio comprehenditur hijs verbis: *Si impius non conuertatur*: id est, per Synecdochē generis, si inimicus meus persisterit in suis conatibus, &c. Propositionis consequentem expressit Propheta orationis specie quadam & forma; desumpta illa quidem ab apparatu militari. Nam Iehoua ad impios perdendum accinctus, militi ad hostes suos delendum accincto comparatur. Miles cum interitum afferre vult hostibus, gladium acuit, arcum contendit, sagittis aptandis & emittendis incumbit. Iam verò vt constet Iehouam ad impiorum interitum meditari, immo iisdem dissipandis & profligandis incumbere, tribuitur ei à Propheta habitus militaris, gladius scilicet, arcus, & sagitta,

Assumptio est vers. 15. & 16. ubi captum ab impijs de scelere perpetrando consilium, seu maleficij texendi ratio, fortis in vtero conceptioni & efformationi comparatur: conatus & studium exequendi conceptam nequitiam parturitioni mulieris de excludendo foetu laborantis: actus ipse seu maleficij executio partim infantis partui, partim putei effusioni à venatore ad feram intercipiendam elaboratæ. Atque hæc est prima Assumptionis exornatio è comparatione similium. Secunda est è notatione inanis cuiusdam euentus, quem consilia & machinationes improborum sortiuntur. Nam (vt ait Propheta) mendacium pariunt: id est, consilia euentus non responderet, sed irrita ac inanis redditur.

Conclusio est vers. 17. *Malitia eius* (inquit Propheta) *redibit in caput eius*: & super verticem ipsius descendet violentia eius: id est, Iehoua sic impij hominis consilia & conatus moderabitur ac disponet, vt ex ijs ipse sibi certam perniciem

perniciem accersat.

Tertius petitionis à Propheta institutz euentus, professio scilicet prædicandi nomen Iehouæ, cum ob concessæ salutis & liberationis beneficiump, tum ob euerisionem & interitum hostium suorum, comprehenditur vers. 18. vbi iussit nomen tam misericordia Iehouæ erga suos, quàm vindictæ seueritas erga improbos intelligenda est.

## PSAL. VIII.

**I** Agistro Symphonia traditus Psalmus  
Davidis cantandus super Gittith.

2 Iehoua Domine noster: quàm magnificum est nomen tuum in vniuersa terra; qui posueris gloriam tuam supra cælos.

3 Ex ore infantium & lactentium perfecisti laudem tuam: propter hostes tuos ad compescendum inimicum & oleum sui.

4 Cum respicio cælos tuos, opus digitorum tuorum, lunam & stellas, quas statuisti: video ex ijs etiam te perfecisse laudem tuam.

5 Quid est mortalis quod memor sis eius? & filius hominis quod visites eum?

6 Minorem quidem paulo fecisti eum Angelis: sed gloria & maiestate coronasti eum.

7 Præfecisti eum operibus manuum tuarum: omnia posuisti sub pedibus eius:

8 Greges & armenta quotquot sunt: etiâque bestias agrestes:

9 Aues cæli & Pisces maris: & quicquid permeat semitas marium.

10 Icho-

10. *Iehoua Domine noster: quàm magnificum est nomen tuum in uniuersa terra.*

## ANALYSIS PSAL. 8.

Psalmi epigraphæ loquitur,

1. De Psalmi auctore, nempe Dauide.

2. De Psalmi cantore, viz. Symphonia magistro cui ad canendū tradebatur.

3. De genere instrumenti musici, quo in huius Psal'mi decantatione Symphonia magister uti debuit. Sic vocem à Propheta adhibitam Gallicæ editionis authores interpretantur. At Tremellius & Iunius voce illa notari putant locum, ubi Psalmus à Dauide conscriptus est, nempe Githzæam viam siue stationem & commorationem, tum scilicet cum ex vrbe sylvarum arcem Iehouæ in domum Hobede domi deducendam curaret. Alij eo vocabulo significari volunt tempus, quo Psalmus decantandus fuit: tempus nimirum torcularium seu vindemizæ, quod ad nominis diuini prædicationem celebrari ab Israelitis solebat, facta beneficiorum, quæ ad vitam alendam & tuendam à Iehoua accepissent, solenni commemoratione.

Ad Psalmum ipsum quod attinet: videmus regium Vatem admiratione captum diuinæ maiestatis in operibus naturæ & gratiæ insigniter relucens, hanc thesin disputandam suscepisse:

*Nomen tuum (Iehoua) est per uniuersum orbem admirabiliter gloriosum & magnificum.*

Thesis ista, cuius explicationem aggreditur Propheta, verbis disertis vers. 2. & 10. proponitur. Quod verò vers. 2. de gloria Dei supra cælos collocata affirmatur, id hanc habet vim: eam esse scilicet gloriæ diuinæ magnitudinem, ut orbis terræ finibus contineri nequeat, sed cælos ipsos similiter compleat: ac proinde tantam esse, ut ei ne mentis quidem cogitatione quicquam addi posse videatur.

Sed demonstrationem si placet thesis propositæ attendamus.

mus, eam sic informatam reperiemus.

*Cuius laudem prædicant opera & nature & gratia, illius nomen est per uniuersum orbem admirabiliter gloriosum & magnificum.*

*At tu is es o Iehoua, cuius laudem prædicant opera & natura & gratia. A principio vers. 4. and finem vers. 9.*

*Tu ergo is es, cuius nomen est per uniuersum orbem admirabiliter gloriosum & magnificum. v. 2. & 10. ubi synecdochicus terræ nomine tota vniuersitas intelligitur.*

Assumptio duobus membris constat: quorum alterum est de operibus naturæ, de gratiæ operibus alterum.

De naturæ operibus membrum illud, specialium exemplorum inductione (seu duplicis instantiæ notatione) illustratur. Instantia prior est de infantibus & lactentibus: posterior de sphaeris cœli & earum partibus. E priori instantia conclusio deducta hæc est:

*Quorum ore conuincuntur Athei, & agnoscere coguntur veritatem & gloriam diuinæ providentiæ, per eos Iehouæ laus apud omnes publicatur & promulgatur.*

*At infantes & lactentes y sunt, quorum ore conuincuntur Athei, & agnoscere coguntur gloriâ diuinæ providentiæ.*

*Ergo infantes & lactentes y sunt, per quos Iehouæ laus apud omnes publicatur.*

Propositio ut rem minimè dubiam complexa omittitur.

Assumptio est in tertij versiculi parte posteriori: ubi præ infantium Atheos conuinci asseritur primùm hisce verbis: *propter hostes tuos*: id est, ut hostes tui per lactentes & infantes refutentur & conuincantur. Deinde paulò aperitiùs hæc sequenti clauisula: *ad compescendum inimicum & ultorem sui*: id est, ad eum tam peruosa & illustri demonstratione refellendum, ut contradicendi facultate & argumento destitutus cogatur obmutescere, immò de providentiæ diuinæ veritate & gloria confiteri. Athei & Epicuri isti Iehouæ hostes & ultores sui à Dauide appellantur. *Hostes*: eo quòd Iehouæ renouent, ipsius legibus reluctentur, ipsius nomen ac gloriam obterant & proculcent. *Ultiores sui*: quia administrandæ iustitiæ munus ipsi sibi priuatiuim & nullo auctore assumunt.

assumunt, cum id quidem sit Iehouæ proprium, & eorum quibus dicendi iuris authoritatem Iehoua delegauit.

Conclusio est in principio vers. 3. Sed quodnam est illud infantium & lactantium os, cuius versiculus tertius meminit? Est certe in illis vitæ & virtutis diuinitus facta sustentatio, partim vi subministrati alimentis ab uberibus nutricis, partim ijs conseruandis & vindicandis à vitæ periculis. Hoc ore & voce de Iehonæ admirabili providentia & bonitate concionantur infantes. Ex hoc ore dicitur Dominus laudem suam perficere, id est, potentiz, sapientiz & bonitatis suæ gloriam hominibus exponere & annuntiare, non ex parte, & obscure, sed ita illustri & luculenta ratione, ut non modò aures hominum ipsius laude ab infantulorum ore profecta circumsonent, sed ea etiam in luce omnium & oculis collocetur. Hæc igitur est gloriæ diuinæ singularis perfectio, cum & splendore tanta existit, ut nulla contradictionis labe obscurari, & sic ad diuturnitatem stabilis est, ut incurrentium salutarum impetu conuelli nequeat.

Instantia posterior, ea scilicet quæ est de sphaeris cœli earumque partibus, quales sunt stellæ errantes & fixæ, est comprehensa versu quarto. An igitur hoc versu asseritur à sphaeris cœlestibus earumque adiunctis stellis promulgari Iehouæ laudem perficique? Fateor istam diuinæ gloriæ publicandæ actionem non esse verbis distinctis & explicitis propositam: sed (saluo aliorum interpretum iudicio) repetendam è versu tertio, & in quartum sensus explendi gratia transferendam esse intendo. Assentientur (credo) mihi interpretes propositam esse Dauidi ut Iehouæ gloriæ etiam à naturæ operibus, à quorum numero infantuli sunt, prædicari doceat. Id si demus: annon & versiculorum & sententiarum versiculis conclusæ aptissima coherrentia ac Prophetæ consilio pereleganter inseruiens, euincet, id esse vers. 4 de stellis & stellis intelligendum, quod præcedenti versiculo de infantulis dicitur? Ait Propheta ex ore infantium & lactantium perfici Iehouæ gloriam, id est, diuinæ potentiz, sapientiz & bonitatis eos præcones esse. Quid est cur non idem cœlis & stellis tribuendum esse arbitremur?

Sed



Sed quo tandem argumento demonstrat annuntiarī a cœlis & stellis Iehouæ laudem? Sunt (inquit) *opus digitorum tuorum*: id est, si machinæ cœlestis & stellarum originem, essentiam, ordinem & vsum spectes, comperies opera esse tam admirandæ & singularis præstantiæ, vt in ijs ad summam perfectionem nihil amplius desideres. Inde igitur est, quod ab illis ornari Iehouæ nomen & passim illustrari dicat. Conclusio cuiusmodi est:

*Opera digitorum tuorum, ô Iehoua, perficiunt laudem tuam;*  
id est, de potentie, sapientiæ, & bonitatis tuæ gloria per vniuersum orbem concionantur.

*At cœli & stelle sunt opera digitorum tuorum. vers. 4.*

*Itaque cœli & stelle perficiunt laudem tuam.* Supplenda hæc conclusio est in extrema parte versiculi quarti: vbi admissam ellipsin deprehendes.

Hactenus duplicis instantiæ inductione, prioris ab infantulis, posterioris a cœlis desumptæ, demonstratum est prædicari ab operibus naturæ gloriam Iehouæ. Superest vt quemadmodum idem ab operibus gratiæ præstetur, exponat.

Celebrari ab operibus gratiæ nomen Iehouæ & per orbem vniuersum annuntiarī docetur in idem specialis exempli seu instantiæ inductione. Siquidem in hanc sententiam a regio Vate dilletur:

*Hominem in Christo Iesu ad eum gloriæ & dignitatis gradum extulisti, qui ipsis Angelis nō conceditur. v. 6. in fine.*

*Itaque hoc gratiæ opere tam excellenti & admirando nominis tui laudem per vniuersum orbem illustrasti. v. 2. & 10.*

Antecedens Enthymematis vers. 6. comprehenditur hisce verbis: *gloria & maiestate coronasti eum*: nempe, ea gloria, cuius Angeli participes non erunt. Notari oratione Prophetæ hunc gloriæ gradum liquet ex Epistola ad Hebræos; vbi Apostolus è Psalmo octauo testimonium afferens, quo demonstret Dominum fidelibus vnâ cum capite suo Christo Iesu mundum futurum subiecisse, id est, per excellentē dignitatis ac dominationis in omnes creaturas ipsis tandem subiiciendas gloriam concessisse, diserte negat gloriā hanc

cum Angelis communicandam esse. Quodd si igitur id homini non Angelis ex singulari prerogativa concessum est, ut gloriam dominationis in mundum futurum una cum Christo communem habeant: consequens est, a Domino hominem gloria & honore supra Angelos coronatum esse, id est, credentes eum in Christo potestatis in mundum futurum & dominij honorem adeptos esse, ut in eo ipsis Angelis preferendi sint. Atque hæc est thesis illa, quam Propheta regius a principio quinti versiculi ad decimum usque disputandam sibi & explicandam proposuit. Attendamus ergo quemadmodum istam de hominis supra Angelos dignitate & exaltatione thesin persequatur & illustret. Adhibita illustratio est multiplex:

1. *A causa huius exaltationis & gloriæ.* Ea autem est Iehoua erga hominem immensa illa & gratuita misericordia, ut e vers. 5. patet. *Quid est mortalis (inquit) quod memoreris eius visitesq, eum?* Hic Dei in hominem amor planè gratuitus sub gratuiti amoris effectu significatur. Nam amica & officiosa visitatione quæpiam prosequi, memoremque esse conferendi in ipsum beneficij, est amoris non vulgare testimonium & effectum. Homo, si originem ipsius intueamur, est quiddam ipsa vilitate vilis: si cordis inclinationem, deprauatissimus: si vitæ actiones, ad omnem impuritatem factus quodammodo & proiectus. Ac tamen Iehoua maiestatis & gloriæ splendore infinitus non eum a se repellit & amandat, sed, amicissimæ cuiusdam visitationis officio prosequitur, seque illius memorem esse & gratuito & singulari amore proficitur.

2. *A comparatione dissimilium.* In hac, ut quam Iehoua rationem secutus est in hominis creatione secunda, eam eò magis ornet & exaggeret, exponit quid in prima ipsius creatione præstiterit.

*In hominis creatione prima (inquit) hominem è puluere terre creando, Angelis paulo inferiorem fecisti. vers. 6. in principio.*

*At in hominis regeneratione, diu scilicet eum è pretiosissimo*

*ssimo sanguine & Spiritu Messie secundo creatus  
formasq., hominem Angelis honore & gloria superiorem  
fecisti. vers. 6. in fine.*

3. *Ab adiuncto: notato scilicet in specie eo gloriæ & celsissimæ dignitatis gradu, ad quem euecti in Christo fideles sunt. Dignitas ista & exaltatio fidelium supra Angelos sic concluditur:*

*Quem dominationis in uniuersi orbis creaturas unâ cum Christo participem fecisti, is dignitatis & gloriæ conditionem supra Angelos sortitus est.*

*At homo is est, quem dominationis in orbis uniuersi creaturas unâ cum Christo participem fecisti. vers.*

7. Principatum de quo iam loquitur, interpretari conuenit, non de præsentis solum sed de futuro mundo. Heb. 2.

*Ac proinde homo is est qui dignitatis & gloriæ conditionem supra Angelos sortitus est. vers. 6. in fine.*

*Assumptio est confirmata ab inductione specialium:*

*Hominis dominio subiecisti creaturas terræ, aëris & maris. vers. 8. & 9. Vbi per Synecdochen cæteræ omnes creaturæ tam cælestes quam terrestres intelligendæ sunt.*

*Hominem itaque dominationis in orbis uniuersi creaturas unâ cum Christo participem fecisti, vers. 7.*

## PSAL. IX.

- 1 **M** Agistro Symphonie Psalmus Davidis canendus ad Muthlabben.

2 *Celebrabo Iehouam ex toto animo meo: enarrabo omnia mirabilia tua opera.*

3 *Letabor & exultabo in te: psallam nomini tuo o excelse.*

4 *Nam inimici mei sunt versi retrorsum: corruerunt & perierunt à facie tua:*

E 2

5 *Nam*

5 Nam tu mihi tribuisti ius & rectum: sedisti in solio o iuste Iudex.

6 Increpasti Gentes: perdidisti improbum: nomen eorum deleuisti in sacula sempiterna.

7 O inimice: consummata sunt vastitates in eternum? extirpasti ciuitates? istorum, istorum memoria perijt.

8 At Iehoua in seculum sedet: comparat ad iudicium solium suum.

9 Et ipse iudicat orbem iuste: ius dicit nationibus rectissime.

10 Et Iehoua est edita arx oppresso: edita arx temporibus quibus est in angustia.

11 Ac qui nouerunt nomen tuum, fiduciam habent in te: quia non derelinquis quærentes te Iehoua.

12 Psallite Iehoua qui habitat in Sion. Annuntiate inter populos res gestas eius.

13 Nam inquirit de sanguine & recordatur eius. Non obliuiscitur clamorem pauperum afflictorum.

14 Gratiam fac mihi Iehoua. Respice afflictionem meam illatam ab osoribus meis: exaltans me e portis mortis:

15 Ut enarrem uniuersam laudem tuam in portis filie Sionis: dicens, Exultabo in saluete tua.

16 Demersa sunt gentes in foueam quam fecerunt: ad rete quod absconderant captus est pes eorum.

17 Notum se fecit Iehoua iudicio quod exercuit. In opere manuum suarum illaqueatus est impius. Higgsaion Selab.

18 *Retroagentur impii in infernum: omnes gentes oblite Dei.*

19 *Non enim in eternū obliuioni tradetur pauper: expectatio pauperum non est peritura in perpetuum.*

20 *Surge Iehoua, ne robores te mortalis. Iudicium subeant gentes coram facie tua.*

21 *Incute timorem eis Iehoua. Agnoscant gentes se mortales esse. Selah.*

## ANALYSIS PSAL. 9.

Inscriptione docemur de Psalmi efficiente: de persona, cui decantatio eiusdem commissā est: de modulationis specie, qua in eodem canendo magister Symphoniz uti debet. Vox illa *Muthlabben* pro interpretum varietate variē exponitur. Mihi scita admodū & probabilis videtur interpretatio illa, quæ monet Hebræo vocabulo exordiū notari alicuius cantici ad laudem diuinæ potentiz, iustitiz ac misericordiz celebrandam comparati. Dauidem verò præcepisse, ut pro huius cantionis modulatione, quæ initium à voce *Muthlabben* capiebat, hic quem dictante Spiritu perscripserat Psalmus à magistro Symphoniz decantaretur.

Psalmi partes duæ sunt: quarum priore gratissimam agnitionem suæ ab hostibus liberationis, posteriore supplicationem quandam Propheta complexus est: illam vers. 2. ad vers. 14. hanc vers. 14. ad Psalmi finem.

Gratissima illa acceptæ liberationis commemoratio duabus rebus vertitur:

1. *Celebratione quadam diuini nominis. vers. 2. ad 12.*
2. *Cohortatione aliorum ad idem celebrandi Iehouæ munus obeundum. vers. 12. & 13.*

Celebratio diuini nominis à Dauide adhibita perficitur,

1. *Notatione circumstantiarum quibus celebrationem illam persequendam esse censet.*
2. *Explicatione argumentorum, quibus adductus gloriam Iehouæ*

ue predicat.

Forma illa & adiunctæ circumstantiæ, quibus ornare diuini nominis celebrationem Dauidi placet, sic ab eo exponuntur ut doceat præstari eam à se

1. Non ad speciem aut ostentationem, sed summa cordis integritate. vers. 2. in principio.

2. Non paræ aut dimidiatim, sed plenè ac cumulatè, expositis scilicet & in publicam lucem deductis, non aliquibus, sed ijs omnibus Iehouæ admirandis actionibus, è quibus oportune interpositis Prophetæ ab hostibus liberatio consecuta est, vers. 2. in fine.

3. Non homini sed Iehouæ integram gloriam salutis concessæ tribuendo. Aut enim vers. 3. Letabor in te, id est, cum te solum liberationis meæ authorem & Principem agnoscam, facere non possum quin ijs terminis letitiam meam circumscribam quibus tuæ ad me liberandum susceptæ actiones continentur.

4. Non interno tantum & recondito animi sensu, sed externa corporis demonstratione & gestu. Nam vers. 3. ait velle se exultare & psallere nomini Iehouæ: id est, quam è liberatione præstita mihi abs te letitiam capio singularem, eam non solum mente & cogitatione persequar: sed etiam externa significatione & indic ijs profitebor.

Argumenta, quibus adductus ad diuini nominis gloriam prædicandam accedit, duplicia sunt. Primum tali Enthymemate conclusum reperiemus:

Tu à Iehoua, inimicos meos deleuisti, & me seruum tuum liberaasti. vers. 4. 5. 6.

Ac proinde nomen tuum celebrabo. vers. 2. & 3.

Antecedentis pars prior, quæ de hostibus Prophetæ expugnatis loquitur, est vers. 4. comprehensa, & sexto repetita. Posterior, quæ liberati Prophetæ meminit, est hisce verbis vers. 5. expressa: Tu mihi tribuisti ius & rectum: sedisti in solio, & iusto Iudex. Hic Metonymicus sub causæ nomine effectum significatur, Prophetæ nempe ab hostibus liberatio sub nomine adhibiti à Iehoua processus iudicialis, & inde profectæ & administratæ iustitiæ. Sedisti (inquit Pro-

pheta



pheta) in folio : id est, quasi citatione facta pro tribunali hominum meorum, iisque conuictis immanissimi flagitij & sceleris, ad absolutionis & liberationis in ea, quæ me attingit, causa sententiam pronuntiandam & exequendam accessisti.

Secundum argumentum, quo velut fundamento aliquo suscepta à Davide Iehouæ celebratio nititur, est eiusmodi:

*Iehoua in æternum regnat & dominatur. vers. 8.* vbi Iehoua dicitur in seculum sedere, & solium suum ad iudicium comparasse. Hac loquendi formula à ciuiliū in terris magistratum more petita, qui solis ad iudicia comparatis insidere solent cum notum esse volunt dici ab eis ius & administrari, notat Propheta Iehouæ regiam administrationem & imperium.

Itaque Iehouæ nomen celebrabo. vers. 2. & 3.

Enthymematis antecedens triplicem habet exornationē.

1. A comparatione dissimilium, sic:

*Inimici Iehouæ funditus interierunt. vers. 7.* in fine : vbi nullam eorum memoriam superesse dicitur : ita obruti planè & extincti iacent.

*At Iehoua in æternum regnat & dominatur. vers. 8.*

Dissimilitudinis propositio tractatur Dissimili, sic: Nos salui sumus utique minati illi sint & machinati interitum nostrum. vers. 7. in principio. Vbi Propheta hostes suos compellens docet adhibito Sarcasmo ipsorum minas & conatus aduersus Ecclesiam irritos esse. Ecquid vastitatem (inquit) quam nobis minatus es, re ipsa intulisti? Ecquid ciuitates nostras radicitus extirpasti? quasi diceret, Ecce, longè falleris: ad nihilum reciderunt consilia & conatus tui. Nos gratia & beneficio Iehouæ è periculo & interitu recepti constitimus.

*At illi ipsi, hostes scilicet Iehouæ funditus interierunt. v. 7.*

2. A subiecto regni & gubernationis diuina. vers. 9. vbi monet exerceri à Iehoua imperium & potestatem in orbis vniuersi incolæ & populos.

3. Ab adiuncta qualitate administrationis, qua vititur Iehoua. Eam Propheta longè iustissimam & æquissimam esse pronuntiat,

nuntiat. verl. 9. Ac ne quis de administrationis, qua fungitur Iehoua, æquitate dubitet: vult in eo nobis satisfacere Psalmista, & omnem calumniandi ansam præcidere. Hæc igitur ab eo quaestio disceptatur:

*Iehouæ administratio est iustissima & æquissima.*

Quæstionis propositæ disceptatio duplici argumento perficitur: altero à partibus ducto iusti imperij & gubernationis: altero à iustæ administrationis effectu. A partibus iustæ administrationis singularem diuinæ administrationis æquitatem sic concludit:

*Qui oportune succurrit oppresso & in opprimentem animaduertit, illius administratione æquius nihil iustiusve esse potest.*

At Iehoua is est, qui oportune succurrit oppresso & in opprimentem animaduertit. verl. 10. Vbi etiam si iustæ administrationis pars vna tantum nominetur, ea nempe, quæ posita est in salute oppressis largienda: tamen & illam alteram, qua opprimenti poena infligitur, per Synecdochen significari & comprehendi, æquum est ut existimemus. Ad assumptionis exornationem comparatur Iehoua cum arce edita seu propugnaculo.

*Iehouæ igitur administratione nihil æquius iustiusve esse potest.* verl. 9.

Ab effectu iustæ gubernationis ad illustrandam gloriam administrationis diuinæ sic disserit Propbeta:

*Si Iehouæ administratio non esset iusta, tribuens scilicet cuique quod ius est: nollent pii observata diuinæ administrationis æquitatem, gratia & opis consequenda causa tam intrepide ac fidenter se ad Iehouam recipere.*

*At pii observata diuinæ administrationis æquitatem, gratia & opis consequenda causa, se intrepide & fidenter ad Iehouam recipiunt.* verl. 11. Vbi pii describuntur partim ex eo, quod Iehouæ nomen agnoscant, id est, potentiam ipsius, sapientiam, iustitiam & misericordiam: partim ex eo, quod Iehouam quærant, id est, ex vera fide inuocant.

*Argo Iehouæ administratio iusta est, tribuens scilicet cuique quod*

*quod ius est. vers. 9.*

Assumptio Syllogismi habet confirmationem ab efficiente illius fiduciam, qua instructi & muniti fideles ad Dominum confugiunt.

*Pij observato diuinae administrationis cursu deprehendunt gratiosè subueniri ijs à Domino qui ipsum invocant. vers. 11. in fine.*

*Itaque pij observato diuinae administrationis cursu, gratiae & opis consequendae causa se intrepidè & fidenter ad Iehouam recipiunt. vers. 11. in principio.*

In celebratione diuini nominis quomodo se gesserit Propheta vidimus: sequitur iam cohortatio, qua alijs persuadere vult, vt Iehouae gloriam vnà cum ipso similiter praedicet.

*Psallite (inquit) Iehouae qui habitat in Sion: annuntiate inter populos res gestas eius. vers. 12.*

Quòd Iehoua in Sion habitare dicatur, id habet hanc vim, vt inde doceamur partim de Iehouae distinctione ab impiarum Gentium idolis, quibus nulla cum Sione intercedit communio: partim de Iehouae erga eum quem elegit populum amore admirabili. Quid enim? Dum collocari domicilium suum in medio Israelitarum Iehoua vult, annon omnibus Israelitis consilij, gratiae & subsidij sui copiam facit? nonne promptè ac familiariter adiri se ab ipsis velle proficitur? Quòd igitur Sionem sibi pro domicilio selegit Iehoua, in eo sui erga Israelitas amoris summi non vultare testimonium exhibuit. Quod ad Domini res gestas attingit, de quarum laude publicanda & illustranda agitur, dubium non est, quin id à Dauide intelligatur, quod à Domino ad salutem suorum gratiosissimè ad interitum improborum iustissimè gestum est.

Iam verò argumentum, quo alij ad istam in ornando Iehoua societatem inuitari debeant, est huius conclusionis:

*Iehoua pro sua infinita bonitate pauperum afflictorum nunquam obliuiscitur, sed eorum memoriam sibi charissimam esse proficitur, & ostendit. vers. 13. in fine.*

*Ac proinde celebrate vnà mecum gloriam Iehouae. vers. 12.*

Enthymematis antecedens sic illustratur:

*Iehoua*

*Iehoua eos ad pœnam deposcit & rapit, quorum fraude sanguis fidelium profunditur. vers. 13. in principio. Vbi Propheta ait, Inquirere Iehouam de fuso suorum sanguine, ac si de perpetratae cædis auctore indagando,prehendendo, & ad supplicium rapiendo vehemens laboraret.*

*Iehoua igitur pauperum afflictorum nunquam obliuiscitur, sed eorum memoriam sibi charissimam esse ostendit. vers. 13. in fine.*

Hactenus exposita est gratissima illa agnitio liberationis & salutis, quæ Dautidi diuino beneficio contigit.

Supereſt Prophetæ supplicatio. Ad supplicandum accessisse Prophetam credibile est, eò quòd compertum haberet noua aduersum se consilia iniri, quibus fieret vt in dignitatis Regiæ & capitis discrimen vocaretur.

Supplicationis partes dux sunt:

1. *In priore petit vt ab imminente periculo mortis liberetur. vers. 14. ad finem vers. 19.*

2. *In posteriore contendit vt impij expugnentur & deleantur. vers. 20. ad Psalmi finem.*

Supplicatio, qua agit cum Iehoua de obtinenda liberatione ab imminente morte, est hijs comprehensa verbis:

*Gratiam fac mihi Iehoua: respice afflictionem illatam ab oſſoribus meis: exalta me à portis mortis. vers. 14.*

De liberatione ab imminente morte postulatum istud prioribus versiculi membris generatim proponitur: deinde eiusdem postrema clausula speciarim & disertè. Precatur siquidem vt è portis mortis exaltetur. Portarum nomine tropicis interdum Scripturâ vtitur ad notandam potestatem & auctoritatem magistratum in ciuitatum portis iuris dicendi causa pro more recepto confidentium. Siquis dixerit *porte* vocabulo posse hîc etiam Metaphoricè potestatem quandam significari, non repugnabo. Quo enim tempore in petitionis institutæ negotio versabatur Propheta, ita se septum vndique & implicatum periculis cernebat, vt traditus ab hostibus in potestatem mortis videretur. Sed siue cancellis & potestate mortis conclusum Prophetam dicamus, vt ab ea confestim

confestim iuguletur : siue in ipso vestibulo & aditu mortis constitisse , quasi in speluncam ipsius iam iam ingressurum : non vereor ne desinisse à sensu Prophetæ iudicemur. Quid igitur vers. 14. tam sollicitè & tam vehementi animi studio petatur, obcurum non est. *Fac (inquit) gratiam mihi Iehoua.* Quam tandem gratiam? Certè suauissimam illam exoptatæ liberationis & salutis. *Respice afflictionem meam* : id est, noli deesse mihi coniecto in extremum discrimen : noli oculos à meo grauissimo casu auertere, vt solent ij qui nullo studio tenentur succurrendi afflictis : sed me sic intueri, vt inde mihi salutem obortam esse sentiant.

Verùm attendamus quo argumento suam ab imminente morte liberationem persuadeat Propheta. Vt hanc tam excellentem liberationis gratiam consequi possit, commemorat finem, quamobré de ea impetranda vsque adeo laboret.

*Libera (inquit) me ab imminente morte, vt nomen tuum celebrare possim.* vers. 15, in principio.

Finis istius, quem sibi David proponit accepto liberationis & salutis expectatæ beneficio, amplificatio multiplex subiicitur :

1. *A loco, vbi Iehoua nomen celebraturus est : nempe in portis filiae Sionis*, id est, in loco vbi ad cultum Iehouæ obeundi conuenitur. Is autem locus est vrbs Hierosolymitana : cui nomen filiae Sionis ideo tribuitur, quod esset vrbs illa & ciuium multitudo beneficio & vi diuinissimæ doctrinae, quæ è Sione primum effloruit, spiritualiter generata.
2. *Ab adiuncta forma & modo celebrandi Iehouam.* *Exultabo (inquit) in salute tua* : id est, peralacri & læto affectu in nominis tui prædicatione versabor propter concessam mihi abs te liberationem & salutem. vers. 15.
3. *A subiecto laudationis, quam ornare instituit.* Subiectum eoncionis, quam in promulganda Iehouæ gloria habiturus est, proponitur primò generatim ver. 15. hisce verbis : *vt enarrem vniuersam laudem tuam* : id est, insignes illas & æterna laude dignissimas actiones, quas te in rebus salutem meam & dignitatem Regiam spectantibus præstitisse video. Deinde speciatim, vers. 15.

16. 17. Laudationis institutz subiectum interpretatur, est autem illud tripartitum :

1. *Liberatio concessa Prophete. vers. 15. in fine.*
2. *Subuersio impiorum per illa ipsa consilia & machinationes, quibus interitum p̃ys asserre studebant. vers. 16. & 17.*
3. *Vaticinium de futuris Iehouæ indicijs aduersus improbos. vers. 18.*

Quod ad liberationem atinet concessam Prophete à Iehoua. de ea sic loquitur : *Exultabo in salute tua* : id est, Liberatio illa à periculis, quam toties antehac beneficio tuo consecutus sum, erit argumentum orationis, qua in portis filiz Sionis, id est, in cœtu populi tui ad illustrandam nominis tui gloriam viurus sum.

Subuersio impiorum per illa ipsa media, quæ ab ipsis ad perniciem piorum comparata sunt, tractatur variè :

1. *Adhibita similitudine duplici, altera à venatore, ab aucupe altera. Vt enim ille in foueam, quam seris capiendis effodit, hic in tendiculus quas volucris struxit, nonnunquam incidit : ita quæ insidie & fraudes ad pios intercipiendū excogitate ab impio & adornate sunt, eisdem irretitus ipse concidit. vers. 16.*
2. *Notato euentu, qui intereuntibus impijs illa ipsa machinatione & fraude, quam p̃ys intendeant, existit. Is autem est quasi promulgatio quedam in celebritate & conuentu vniuersi orbis, esse scilicet Iehouam iudicem longè iustissimum & sapientissimum. vers. 17. in principio.*
3. *Interposita admonitione de fine & usu, quem proponere nobis conuenit, si quando Iehouam ad huius generis iudicia exequendum accedentem obseruemus. Higgsion Selah inquit Propheta : quasi diceret : Ecce rem singulari animi affectu & summo studio meditandam. Vult igitur vt obseruatis iudicijs, quibus ipsi se conficiunt impij ac perimūt, Iehouæ iustitiam admiremur & prædicemus : vult vt ab ijs peccatis refugiamus, quorum perpetratio consimiles penas accersit.*

Vaticinium de futuris Iehouæ aduersus improbos iudicijs



elſa verſ. 8. exponitur, *Retroagentur* (inquit) *improbi in infernum*: viz. omnes gentes oblita Dei. Hoc verſu impij, quos Pſalmiſta ad inferos deturbatum tri prædicat, grauiſſimi criminis acculantur, vt qui memoria ſui erga præpotentem Deum officiij flagitioſe ac turpiter abiecta, ſe ad omne ſcelus & impietatem retulerint. Sed enim vaticiniij propoſiti veritatem illuſtrat Propheta & comparatione parium:

*Iehoua ſuo tempore afflictis fidelibus in ipſum ſpem omnem reponentibus ſuccurret, & de optima conditione providebit. verſ. 19.*

*Impios igitur, quorum fraude & ſcelere fideles affliguntur, delebit & perdet. verſ. 18.*

Supplicationis à Propheta inſtitutæ pars prior hætenus expoſita eſt: poſterior ſequitur, qua cum Domino agit de impijs excidendis & conterendis. Petitionis ſumma hæc eſt:

*Surge Iehoua, & coram facie tua iudicium exequere contra impios. verſ. 20.*

De ſurgendi vocabulo ſuprà Pſal. 3. diximus. Quo dum hoc verſiculo Iehouam affatur, perinde eſt ac ſi in hanc ſententiam verba faceret: *Noli Iehoua pati vt impij diutius abundantur patientia tua: para iam te ad eorum audaciam coercendam: & quaſi citatos pro tribunali ſclerumq; grauiſſimorum conuiſtos ſupplicijs addicito.* Sed vrget Propheta vt iudicium aduerſus impios Iehoua exequatur coram facie ſua, id eſt, ipſo decernente & latæ ſententiæ executionem quaſi intpectante. in quo perſtringi à Propheta videmus hominum tribunaſia: qui in ferendis iudicijs vel ignorance cauſæ, vel partium ſtudio, vel muneribus adducti peccant læpiſſime: adeo vt qui luere debeant admiſſi flagitij pœnam, ij iudicij iniquitate & vitio impunitatem plerumque conſequantur.

Iam verò vt Iehoua perſuadeat de exercendo aduerſus impios iudicium: primò monet de euentu qui impunitatē conſecuturus eſt: deinde de genere ſuppliciorum loquitur, quæ impijs inſtigenda cenſet.

E contemplatione grauiſſimi incommodi quod ſclerum quibus ſe impij conſtrinxerunt, afferre impunitas poſuit, in hunc modum Propheta diſſerit:

Si

*Si impios impunitos patiare, iſe & erga te inſolentiùs & erga tuos crudeliùs gerent. verſ. 20. Surge (inquit) ne ſe reboret mortalis : id eſt, ne impunitate propoſita omnes impietatis & iniuſtitie rationes acriori ſtudio & contentione perſequatur is, quem e viliffimo puluere conſtitutum & natum ad dedecus & miſerias minimè par eſt ſe Iehouæ cœli ac terræ Domino opponere.*

*Quapropter ſurge Iehoua, & iudicium contra improbos exequere coram facie tua. verſ. 20.*

Suppliciorum genera, quibus affici impium Propheta vult, duo ſunt :

1. *Ut impij metu iudiciorum, quæ aduerſus ſe exercentur à Iehoua, percuſſi, totis artubus vehementiùs contremiſcant. verſ. 21. in principio.*

2. *Ut experti ſingularem vitæ ac conditionis ſuæ imbecillitatem, agnoſcant eſſe ſe non Semideos, ſed eos quos Iehoua miſeris & certiffima morti expoſuit. verſ. 21. in fine. Vbi gentium nomine appellantur impij, ad notandum non modò ipſorum in communi vitæ inſignem barbariem, ſed etiam excluſionem e ſacro fiedere, quod Iehouæ cum ſuis pro gratuita & infinita miſericordia inire placuit.*

## PSAL. X.

1 **Q**uare Iehoua abſiſtis in longinquo? quare te occultas temporibus, quibus ſumus in anguſtia?

2 *Superbia ſua improbus feruide perſequitur pauperem afflictum. Deprehendantur in cogitationibus quas comminiſcuntur.*

3 *Nam gloriatur improbus ſuper deſiderio animæ ſuæ: & benedicit ſibi quaſtum facienti: contemnit Iehonam.*

4 Improbus efferens na rem suam non inquiris.  
Omnes eius cogitationes sunt, nullum esse Deum.

5 Prosperantur via eius omni tempore. Altissime  
absunt indicia tua à conspectu eius. In omnes inimi-  
cos suos sufflat.

6 Dicit in corde suo, non dimovebor unquam:  
non ero in malo.

7 Execratione os eius plenum est, fraudibusque  
& dolo. Sub lingua eius molestia & iniquitas.

8 Desidet in insidijs villarum: in latebris occi-  
dit innocentem? oculi eius in pauperem intenti sunt.

9 Insidiatur in abscondito, sicut Leo in spelunca  
sua: insidiatur ad rapiendum pauperem: rapit pau-  
perem dum attrahit eum in rete suum.

10 Incernuat se, inclinat se: atque ita multitudo  
pauperum procidit intra vires eius.

11 Dicit in corde suo: Oblitus est Deus fortis:  
abscondit faciem suam: non respicit unquam.

12 Surge Iehoua, Deus fortis attolle manum  
tuam: ne obliuiscaris pauperum.

13 Quamobrem contemnit Deum impius? Di-  
cit in corde suo, Non requires.

14 Tu autem vides. Tu molestiam & vexatio-  
nem intueris, ad reponendum in manus tuas. Tua  
fidei committit se pauper: pupilli tu es adiutor.

15 Frange brachium improbi & mali. Inquire  
in improbitatem eius, donec non inuenias amplius.

16 Iehoua rex sempiternus est. Perierunt gentes  
è terra ipsius.

17 Desiderium mansuetorum exaudiisti Iehoua:

na:

*ua: confirmas animum horum: aduertis aurē tuam:*

18 *Ut iudices pupillum & attritum: ut mortalis  
ē terra non pergat amplius violenter exagitare.*

## ANALYSIS PSAL. 10.

Quod Psalmo decimo explicatur à Dauide, haud aliud est quàm petitio in hanc sententiam concepta:

*Perde impios & Iehoua, & populum tuum libera.*

Petitionis membrum prius de exitio impiorum proponitur ver. 2. in fin. & repetitur ver. 15. *Deprehendantur* (inquit, ver. 3.) *in cogitationibus quas comminiscuntur*: id est, quam fidelibus perniciem moliantur impij, fac & Domine ut in ipsorum capita recidat. Item, *Frange brachium improbi*: inquire in improbitatem eius donec non inuenias amplius, ver. 15: perinde ac si diceret, Adime improbo vim omnem & facultatem irruendi in tuos: adeo fractum & deiectum redde, ut ingenij & prudentiæ instrumento priuatus, ornamentis honorum spoliatus, orbatus præsidij amicorum & omnibus opibus exutus iaceat. *Inquire in improbitatem eius, &c.* Iehoua inquirere dicitur in improbitatem sceleratorum, dum interrupto adhibitæ patientiæ cursu eos quasi pro tribunali citat & supplicijs affectos pessundat. Sed vult Propheta non solum concidere improbos, sed iusto Dei iudicio eò redigi, ut eorum nullum vestigium, nullæ reliquæ super sint. Atque hoc illud est quod vrgetur hisce verbis: *Donc non inueniantur amplius.*

Petitionis membrum posterius de fidelium liberatione continetur ver. 12. vbi à Domino contendit Propheta *ut surgat: ut manum suam attollat*: ut pauperum afflictorum meminisse velit. Surgit Iehoua, dum se vel ad succurrendum suis, vel ad vindicandum hominum perditorum impietatem & tyrannidem comparat. Tum etiam attollere manum suam & ecclesiæ suæ meminisse dicitur: cum nempe aut documentum misericordiæ in propugnatione suorum, aut exemplum iustitiæ in excidio improborum exhibet.

Agedum: petitionis exhibitæ tractationem videamus. Primum petitionis exornatio quædam præmittitur à com-  
paratione

paratione dissimilium: sed proposita sub cuiusdam querelæ & expostulationis forma *Quid est (inquit) quodd te à nobis tanto loci intervallo disjuxeris? quid est quod hisce nostris difficilissimis temporibus te abdideris, ac si nullam populi tui rationem ducendam esse censes?* Huius querelæ seu expostulationis hæc vis, hæc mens est: viz. Continuisti te iamdiu & Iehoua à ferenda ope ecclesiæ tuæ, & à plectendis impijs: At iam omni procrastinatione remota, & tuorum saluti pro summa misericordia prospice, & de impiorum interitu ad iustitiæ tuæ laudem cogita. Protasis allatæ dissimilitudinis similitudine duplici illustratur. Nam Iehoua liberationem suorum & improborum pœnas differens, comparatur & ei qui in remotiori loco consistens non accedit ad id officij præstandum, quo tenetur: & ei qui tanquam in latēbris delitescens eo munere non fungitur, quo fungi par est. Sed dissimilitudinis protasi alia etiam adijcitur amplificatio ab adiuncto temporis: *Uideo (inquit) deesse te nobis etiā iam, cum in summo discrimine salus nostra versatur. v. i. in fin.*

Sequitur supplicationis institutæ persuasio. Persuasionis argumentum primum est eiusmodi.

**Arg. 1.** *Improbos tuos acerrimè persequitur. vers. 2. in princip.*

Hanc sententiam amplificat Propheta ab efficiente causa, dum ait id fieri ab improbo & cordis tui superbia.

*Quapropter noli Iehoua diutius differre, aut improborum exitum, aut liberationem tuorum. vers. 2. 12. 15.*

Conclusioni huic implicauit Propheta, & intexuit exortationem ab intermedijs & instrumentalibus causis illius exitij, in quod conijci vult improbum. Deprehendatur (inquit) & intereat: sed quibus tandem medijs? certè ijs ipsis consilijs & machinationibus, quibus ad piorum internecionem callidè excogitatis uti instituit. Ver. 2.

Pergit in propositæ supplicationis tuasione Propheta. Ut Dominum ad præstandam misericordiam alliciat, & odio impiorum vehementius incendat, eorum luculenta descriptione facta in hunc modum loquitur:

**Arg. 2.** *Impius gloriatur de felici successu cogitationum & consiliorum suorum: contemnit te & Iehoua: & tuos crudeli-*

*ter opprimit. A princip. v. 3. ad finem v. 11.*

*Itaque perde impios istos, & salutem largire populo tuo. Ver. 2. 12. 15.*

Descriptionis antecedente enthymeriatis comprehensæ membra sunt tria: nempe superbia impiorum in gloriantdo: blasphemia in Iehoua contemnendo: crudelitas in Dei populo opprimendo.

Superba illa qua vtuntur gloriatio, explicatur notato subiecto de quo gloriantur. Id autem bipartitum est. Nam gloriantur partim de fruitione voluptatum suarum, partim de emolumentorum & commodorum adeptione. Verl. 3. in princip. & medio.

Gloriatio de eo, quod ita facile & liberè voluptatibus suis potiantur, hinc verbis exprimitur: *Gloriatur impius super desiderio anime sue*: id est, quod sibi in susceptis consilijs explendarum cupiditatum suarum tam fœliciter euenierit.

Gloriatio de opum & facultatum expedita & minime interrupta adeptione, comprehenditur illa clausula: *benedicit sibi questum facienti*: id est, de se magnificè sentit vitæque suæ conditionem beatam esse prædicat, eò quod in augenda re familiari, & opibus cumulandis omnia sibi ad voluntatem fluant.

Descriptionis membrum secundum de insigni blasphemia & contumelia, qua Iehouam afficiunt impij, dum ipsum contemnunt, est in vericuli tertij postrema clausula comprehensum.

*Contemni Iehouam ab impio Propheta docet:*

*Progreditur (inquit) in rebus gerendis impius nulla adhibita contemplatione Dei vel hominis. Verl. 4. in princip. ubi sic loquitur Psalmista: impius non inquit: id est, ei neutiquam curæ est sintne deliberationes actionesque suæ licitæ an illicitæ: sed seposito diuini iudicij metu, & quasi indicto bello legum institutis, id vnum intuetur, quomodo ea consequi possit, quæ suis rationibus videntur aptissima.*

*Itaque Iehouam contemnit impius. Ver. 3. in fin.*

*Ad antecedentis illustrationem causæ exponuntur, quibus*



bus adductus impius ita se gerat perditè & insolenter, absque omni scilicet intuitu legis & conscientie, pœnæ ac præmij Causæ eiusmodi sunt:

1. *Arrogantia & fastus insignis.* Inflatum fastu egregio improbum esse, ex eo ostendit Propheta, dum ait eum nares efferre suas. Nam attollendis naribus, id est, frontis, oculorum, & totius vultus conformatione, quam in intimis sensibus complicatam habet, superbiam explicat & prædit. Ver. 4.
2. *Persuasio quedam, qua ipse sibi strenuè illudit, non esse scilicet Deum, qui velut ab ipso rationem actæ vitæ reposcere.* V. 4. in fin.
3. *Fælix ille, qui obtingit impio, consiliorum & actionum susceptarum euentus.* V. 5. in princ.
4. *Opinio nescio quæ, utcumque leuon aliquis fuerit qui hominès ad reddendam rationem possit cogere, se tamen ita septum ac munitum esse, ita supra omnem mortalitatem esse collocatum, ita (inquam) immuni ab omni periculo, & beata conditione uti, ut percelli diuinis iudicijs aut obrui nequeat.* V. 5. in medio.
5. *Animi apprehensio quedam, posse se vel leuissimo oris flatu aduersarios suos conficere, & ad nihilum redigere.* Ver. 5. in fin.
6. *Persuasio de perpetuitate illius beate conditionis, quam ipse sibi opinionis errore fingit.* Ver. 6.

Descriptionis institutæ membrum tertium superest, de rabie nimirum & tyrannide impiorum. Hanc duplicem facit Propheta alteram orationis, alteram facti.

Crudelitas, quam voce & oratione præstant, notatur versiculi septimi postrema clausula: *sub lingua eius* (inquit) *molestia & iniquitas*: id est, in conferendis sermonibus id sibi vnum proponit impius, ut alijs negotium facessat eoque inferendis iniurijs nefariè violet.

Conatus iste alios linguæ procacitate ac rabie violandi, tractatur explicatione mediorum, quibus ad finem propositum deuenitur. Media illa continentur externa professione beneuolæ & æquisimæ voluntatis erga eos, quibus impij pelsimè volunt. Professionis huius, quam adhibet

impius, ut ea intercedente alijs perniciem afferre possit, duas partes statuit Propheta: quarum altera est

*Horrenda imprecatio poenae per ipsum subeunda, si forte de iniuria afferenda cogitet. ver. 7. in principio. Os (inquit) eius est execratione plenum: id est, interposita execratione profitetur se nullam poenam reculaturo, si quando constiterit periculi quid intendi à se.*

*Oratio plenissima humanitatis & officij. Hanc orationem, quæ est ad speciem sic distincta insignibus benevolentiae & amaris, appellat Propheta fraudis & doli nomine, ver. 7. in medio.*

*Crudelitas facti, quia contra pios utuntur impij, exponitur ver. 8. 9. 10. Hisce versiculis demonstrat Propheta omnistudio & conatu incumbere impios, ut pijs interitum afferant. Eorum singularis furor & rabies describitur.*

*1. Ab adiuncto modo quo immanitatem exercent suam. Siquidem ad eam accedunt.*

*1. Occultè & ex insidijs. ver. 8.*

*2. Sub simulatione officij & obseruantie. ver. 10. ubi reuerenter se & officiose gerere dicuntur, dum se incurvant & inclinant.*

*3. Summa vigilantia & studio, dum nullum tempus prætermittunt rei perficiundæ. ver. 8. in fine, ubi eorum oculi dicuntur esse in pauperem intenti, id est animo & cogitatione assidue excubantes ad interitum pauperis.*

*2. A comparatione similium. Nam impij isti, qui clam & tectè exitium alijs machinantur, similes sunt:*

*Latronibus: qui in latebras coniecti viatores ex insidijs interceptiunt. ver. 8.*

*Leoni: qui in spelunca delitescens prædæ corripiente oportunitatem præstolatur. ver. 9.*

*Aucupi: qui anicula irretiendæ causâ rete suum callidè & latenter tendit. ver. 9. in fine.*

*3. A subiecto crudelitatis. Docet Propheta exerceri eam non in pauculos, sed in piorum multitudinem. ver. 10.*

*Expositis descriptionis institutæ tribus illis membris, de impiorum scilicet superbia in gloriando de sese, singulari scelere*

scelere in contemnendo Iehoua, & crudelitare in populum Dei: subiicitur a Propheta verſ. 11. huius tam horrendæ & inauditæ impietatis illustratio quædam ab efficiente cauſa. Ea autem eſt perſuaſio eiufmodi, A Deo ſcilicet res humanas non adminiſtrari. Atque hoc illud eſt, quod vult Propheta, dum impium ſic corde ſuo loquentem facit: *Oblitus eſt Deus fortis: abſcondit faciem ſuam: non reſpicit vnquam.* Nam cui res eſt memoria excidit, is ad eam ſuſcipiendam aut tractandam non aggreditur. Sic etiam qui à re intuenda auertit oculos, eo ipſo ſignificat, eam negligi à ſe & aliorum arbitrio exponi. Cum igitur Iehouam huiufmodi ſibi opinionem ſua impius ſinſerit, quem putet: ut non poſſe aut nolle rebus humanis moderandis præeſſe: mirum videri non debet, ſi ipſe ſeſe efferat insolentiùs, ſi Iehouam gnauiter contemnat, ſi in alios audacter & immaniter incurrat.

Hætenus de impiorum deſcriptione. Videamus iam quæ ſuperſint ad perfequendam ſupplicationem argumenta. Verſu decimo tertio in hunc modum cauſam ſuam dicit apud Iehouam Propheta:

*Si impios non perdidideris nec populum tuum liberaueris, impij progredientur in curſu ſui aduerſum te contemptus ac blaſphemia.*

*At vero ut impij permittantur in curſu cæpto tam deſtitan-  
de & proſtigate nequitie progredi, non poteſt quin faciat  
ad gloriam nominis tui minuendam. verſ. 13. Quamob-  
rem (inquit) contemnit Deum impius? id eſt, vide quam  
tibi nimis glorioſum futurum ſit pati te diutius  
contemni ab impijs.*

*Itaque impios perde & populum tuum libera. verſ. 12.*

Hoc loco Propheta, ne aut ſilentio ſuo perditæ illi opinionem quam de Iehoua conceperint impij ſuffragari videatur, aut non ſatis ardenti ſtudio in Domini negotio verſari, non alienum eſſe cenſuit, ſi digreſſione facta ſe ad impiorum blaſphemiam, qua Iehouæ nomen violare ſtudent, retellendam contulerit. Quæſtionis controuerſæ ſumma hæc eſt:

*Utrum hominum actiones obſeruentur à Deo, & in iudi-*

*cium vocentur.*

Negant impij Deo curæ esse res humanas : negant eum repolcere ab hominibus rationem traductæ vitæ. *Dicunt in corde suo* (vt est vers. 13. apud Prophetam) *Non requires: id est, utinque se in communi vitæ ratione homines gesserint, tu ô Iehoua non attendis: licebit per te id moliri & sequi, quod cuique commodissimum videbitur.*

Propheta contra ad conuellendum istud tam insanæ & sacrilegæ opinionis commentum, contendit humanarum rerum moderationem Deo curæ esse : & deduci ab eo sub examen iudicij hominum actiones. Hinc est quòd vers. 14. sic loquatur: *Tu autem vides: id est, tu, ô Domine, in hominum singulorum singulas actiones intueris & inquiris: tu de ijs id statuis, quod gloriæ tuæ maximè seruire posse videatur. Sed ne fingi ista potius quàm ad rei veritatem aptè dici putentur: ad asserendam diuinæ providentiæ gloriam Dauidem differentem audiamus.*

*Si (inquit) in hominum actiones non inquireret, nec eas sub examen reuocaret: minimè tu quidem animaduertes in improbum propter illatas pjs iniurias: neque ad te pji confugerent v. contra impios protegentur.*

*At animaduertis tu quidem Iehoua in improbos ob illatas pjs iniurias: & pji omnes opis aduersus improbos obtinende causa ad te confugiunt. vers. 14. in medio & fine. Itaque tu inquiris in hominum actiones easq; sub examen reuocas. vers. 14. in principio.*

Assumptionis membrum prius hisce v. bis comprehenditur: *tu molestiam & vexationem intueris, ad reponendum in manus tuas: id est, tu accuratè cognoscis & inquiris de iniurijs ijs quæ populo tuo inferuntur, eas vt vlcisci & vindicare queas.*

Assumptionis membrum posterius de piorum fiducia reposita in Deum, habet hanc ab efficiente amplificationem:

*Tu opem tuis expedire fers. vers. 14. in fine.*

*Itaque tui ad te semper confugiunt. vers. 14. in medio.*

Hucusque est Prophetæ digressio & apologia ad asserendam providentiæ diuinæ gloriam. Redit iam ad perorandam

dam susceptæ petitionis causam. Peroratio eiusmodi est:

*Si tu muneris tui regij & iudicialis executionem nunquam intermittendam esse censes: peto abs te ut iam munus illud in perdendis improbis & tuis seruandis exequare.*

*At tu, ô Iehoua, muneris tui regij & iudicialis executionem nunquam intermittendam esse censes. vers. 16. in principio. Iehoua (inquit Dauid) rex sempiternus est: id est, semper actu ac re ipsa officium præstat regis & iudicis iustissimj.*

*Itaque peto abs te ut iam munus illud tuum in perdendis improbis, & tuis seruandis exequare. ver. 12. & 15.*

Assumptio est in hunc modum amplificata:

*Tu, ô Iehoua, semper & ex iusta ira improbos perdidisti, & pro singulari misericordia tuorum desiderijs satisfacisti, & eorum fiduciam confirmasti. ver. 16. in fine. & v. 17.*

*Itaque muneris tui regij & iudicialis executionem nunquam intermittendam esse censuisti. ver. 16 in princ.*

Antecedenti enthymematis exornatio subicitur à duplici fine, quem sibi Dominus in hijs suis, quæ hominem spectant, actionibus proponit. Etenim vult Dominus ut isto prouidentiz suæ cursu

1. *Succurratur infirmioribus & oppressis. vers. 18. in princ.*

2. *Impij intercipiatur & præcidatur tempus sauiendi aduersus Ecclesiam. vers. 18. in fine. Vult igitur Dominus ali in terris & conseruari Ecclesiam, ut semper esse possit cœtus hominum, à quibus colatur ipsius nomen & celebretur.*

## PSAL. XI.

1 **M** Agistro symphonie ode Davidis. In Iehoua confido: quomodo dicitis anime mee, *migra in montem vestrum sicut avis?*

2 *Ecce: certè impij adducunt arcum: aptant sagittam suam nerno, ad iaculandum in caligine con-*

*tra rectos corde.*

3 *Cum fundamenta destruantur, quid faciet iustus?*

4 *Iehoua est in templo sanctitatis sue: Iehoua solium suum habet in cœlis: oculi eius vident: palpebre eius explorant filios hominum.*

5 *Iehoua iustum probat: improbum verò & amantem violentiæ odit animus ipsius.*

6 *Depluet super improbos prunas, ignem & sulphur: ventusq; procellosissimus portio calicis eorum erit.*

7 *Nam iustus Iehoua quæ iusta sunt diligit: relictum aspicit vultus ipsius.*

#### ANALYSIS PSAL. XI.

Psalmus hic refutationem complectitur suasionis cuiusdam, qua utebantur nonnulli ad Dauidi persuadendum de spe omni promissæ regis dignitatis abijcienda, & relictis dulcissimæ patriæ sinibus, de perpetuæ relegationis cursu persequendo. Hinc est quòd aduersus huius suasionis & sententiæ auctores hanc quæstionem disputandam suscepit: viz.

*Nihil subesse causæ quamobrem abiecta spe promissi regni consequendi sese absque mora in perpetuum exilium reciperet.*

Quæstio ista versiculi primi posteriori clausula comprehenditur. *Quomodo (inquit) dicitis animæ meæ, auola in montem vestrum sicut aucula? Perinde est ac si cum illis, qui hanc fugam persuadent, hisce verbis expostularet Propheeta: Quid est quod tam inconsideratè loquamini? Vultisne ut titulo regni Israelitici, quem in me Iehoua contulit, renuntiem? Vultisne ut abiecta spe promissi sceptri consequendi aufugiam à patria, ac quanta possum festinatione me perpetuo exilio addicam? At ego nihil causæ subesse video, quamobrem in eo vestris monitis obtemperem; præsertim cum non dubitem quin Iehoua*  
promissum



*promissum suum præstare mihi & possit & velit. Ac ne temere ad suadendum accessisse videantur, exponunt adhibitæ suasionis & consilij argumenta, ea scilicet quæ à Propheta ver. 2. & 3. referuntur.*

Sed quid affert contra suasionem istam Propheta? Primum allata ratione eam inanem & nullius ponderis esse conuincit: Deinde argumentis, quibus nititur, respondet.

Infirmam esse & minimè audiendam huiusmodi suasionem docet Propheta isto enthymemate:

*Ego fretus Iehouæ promissis de tradendo mihi sceptro reipublicæ Israeliticæ, ab eo totus pendeo & confidenter attendo promissam in regio solio successionem. ver. 1. in med. Nihil igitur causæ subest quamobrem desperatione quadam regni promissi consequendi, me absque mora in perpetuum exilium receperem. ver. 1. in fine. Vbi fugere instar aliculæ est summa pernecitate in fugiendo uti. Et fugere in montem idem est quod in aliquem tutum exilij locum secedere.*

Propositi enthymematis consequentia admodum firma est, ut quæ à pronuntiationis diuinæ veritate & certissimo euentu tota pendeat.

Suasione ista conuicta iam vanitatis, parat se Propheta ad argumenta diluendum, quibus ornare eam & munire voluerunt. Suasionis argumenta ver. 2 & 3. proposita, à præclaris illis Monitoribus ad persuadendum Dauidi de fuga & exilio sic concluduntur:

*Inimici tui paratis omnibus stant quasi in procinctu ad te perdendum: ac fieri nequit, ut in hac tanta cum subsidiorum ac facultatum destitutione tua, tum rerum omnium perturbatione, te incolumem conserues & sceptro Israeliticæ reipublicæ potiaris. ver. 2. & 3.*

*Ac proinde tibi egregiè consules si titulo promissi regni renuntiaueris, teq; in tutum aliquem & perpetuo exilio opportunum locum confestim retuleris.*

Antecedentis prius membrum de imminente periculo, cui Prophetam obiectum esse vociferantur, versu secundo proponitur illustratum comparatione similium ducta à sagitarijs. Membrum posterius est tertio versiculo com-

comprehensum. *Cum fundamenta* (inquit) *destruantur, quid faciet iustus?* Perinde est ac si in hunc modū cū Dauid dilexerent: Vides orbari te ac planē destitui ijs subsidijs & adiumentis, quibus tanquam firmissimis fundamentis spes tua promissi regni consequendi tota nitebatur: vides fundamenta reipublicæ Israeliticæ, legum scilicet vim & diuinæ religionis cultum, consueta prorsus esse & diruta. Cum igitur fundamenta ista, quibus tantopere confidere videbare, funditus labefactata conciderint: quam potes rationem inire expediendæ salutis tuæ, & regno Israelitico potiundis frustra in istis rerum & priuatarum angustijs, & publicarum vastitate ac clade laborem omnem & cogitationem de regno susceperis. Clausula illa (*quid faciet iustus?*) est per synecdochen generis de Dauid intelligēda: ac si diceretur: Quid potest in tam perditâ rerum omnium conditione moliri Dauid & efficere?

Videmus quibus isti argumentis freti, authores Dauidi sunt ut desperatione regij diadematis, se ad perpetui exilij pœnam subeundam comparet.

Videamus iam quomodo allatis argumentis respondeat Propheta. Quod ad propositi enthymematis antecedentem attinet: minimè quidem illam negat Propheta, sed deductæ inde consequentiæ reclamationat, ut è consequentiæ refutatione in locum negatæ consequentiæ substituta constet. Allatæ consequentiæ refutatio conclusa sic est:

*Si Iehoua de cuiusque operibus particulatim cognoscens tributurus est unicuique id quod suum est & ius: tum, ut-  
cunque mihi ab hostibus immineat capitis periculum, &  
in summa rerum omnium inopia verſer, nihil tamen causæ  
subest, quamobrem promissi regni titulo renunciem, meq;  
perpetuo exilio addicam.*

*At Iehoua de cuiusque operibus particulatim cognoscens tributurus est unicuique id quod suum est & iustum. ver. 4.  
Itaque, utcunque mihi ab aduersarijs periculum capitis im-  
mineat verſerq; in summa rerum omnium inopia, nihil ta-  
men causæ subest quamobrem promissi regni titulo re-  
nuntiem, meq; perpetuo exilio addicam. ver. 1. in fine.*

Propositio omiſſa est: sed ad iudicium nostrum infor-  
mandum

mandum, supplendam iudicaui. Aduersus propositionis consequentiam nihil occurrit exceptionis, si ē generis vniuersi affirmatione speciem rectē inferri concedamus.

Assumptionis sententia est in quartum inclusa versiculum. In versiculi membro priori dicitur Iehouam esse in palatio sanctitatis suæ, & habere solium in cœlis: id est, Iehouam summa maiestate imperij ornatum fungi officio inter omnes terræ incolas summi regis & iudicis. Non ascendit in solium suum vt se magnificē ostendet, sed vt ex eo ius dicat vniuersis. In posteriori parte eiusdem versiculi, Iehouæ totius orbis iudici æ regi iustissimo facultas de cuiusque operibus & meritis cognoscendi attribuitur. Nihil tam reconditum est aut tantis oblectum inuolucris, quod sub aciem oculorum ipsius non cadat. Immo intimas cordis latebras & recessus habet ille quidem exploratissimos.

Verum enimvero Assumptio, quæ de Iehoua vnicuique ius tribuente loquitur, in hunc modum confirmatur:

*Iehoua in iuris distributione iusto distribuit gratiam & gratiæ suæ testimonia: impio autem odium & odij sui illustria argumenta.*

*Itaque singulis distribuit id quod æquum est & ius.*

Syllogismi antecedens duas partes complectitur: quarum altera est de homine iusto, vers. 5 & 7. altera de impio, vers. 5. & 6.

Quod ad iustum attinet, dicitur vers. 5. probari eum à Iehoua, id est, gratiam & amorem à Iehoua in ipsum conferri. Hanc interpretationem sequi par est, vt oppositionis inter prius & posterius versiculi quinti membrum analogia retineatur. Iam conferre Iehouam testimoniis gratiæ suæ in hominem iustum docetur septimi versus postrema clausula. *Rectum* (inquit) *aspicit vultus ipsius*: id est, eos qui integritati operam dant ac quæ recta sunt sequuntur, singularibus gratiæ suæ beneficijs prosequitur, conferens in ipsos, & ea quæ ad futuræ vitæ gloriam faciunt, & ea quæ ad præsentis rationem commodissimè valent. Ac ne quis de diuinæ erga iustos beneuolentiæ testimonijs ambigere possit, in hanc sententiam disserit Propheta:

*Iustus Iehoua diligit iustos. v. 7 in prin. Vbi dicitur Deus diligere*

gere iustitias, id est, per metonymiam adiuncti pro subiecto, homines iustos.

*Itaque amoris sui & gratiæ testimonijs prosequitur iustos.*  
vers. 7. in fine.

Antecedentis prior pars de homine iusto, seu de Iehouæ erga eum gratia & gratiæ testimonijs, quomodo à Psal. mista tractetur videmus.

Antecedentis posterior pars de impio, seu de Iehouæ erga impium odio & odij illustribus argumentis, sequitur, explicata vers. 5 & 6. Iehouæ in impios odium acerrimum versu quinto proponitur: huius odij luculenta demonstratio versu sexto comprehenditur: vbi sub triplici similitudine comparantur pœnæ, quas Iehoua impijs infligit tanquam insignia quædam odij sui argumenta, primò candentibus prunis: deinde sulphuri: postremò turbini violentissimo & concitatissimo.

## PSAL. XII.

**1** *M* Agistro symphonie ad cantandum super  
*Shemini*th Psalmus Davidis.

2 *Da salutem Iehoua: nam desyt beneficus: nam defecerunt veraces ex filijs hominum.*

3 *Fallaciam loquitur quisque cum socio suo, labijs blanditiarum: & duplici corde loquuntur.*

4 *Excindat Iehoua omnia labia blanditiarum, & linguam loquentem magnifica.*

5 *Quia dicunt, Lingua nostra praualebimus: labia nostra penes nos sunt: quis dominus nobis?*

6 *Propter vastationem afflictorum, propter exclamationem egentium, iam exsurgam, dicit Iehoua: locabo in salute illum, cui laquei tenduntur.*

7 *Dicta Iehoua dicta pura sunt: argentum purgatum*

*gatum in catino lectissimo terra, defecatum septies.*

8 *Tu Iehoua seruato eos: seruato eorum quemq;  
à generatione ista in seculum.*

9 *Circumquaque impij obambulant: dum ex-  
altantur vilitates inter filios hominum.*

## ANALYSIS PSAL. XII.

Cum in Psalmi inscriptione occurrat nihil, quod non su-  
pra expositum sit, de quæstione Psalmi explicata inquiramus. Eam autem esse postulatum istud deprehendemus:

*Suscipe, ô Domine, tuorum defensionem aduersus impios. ver.  
2. & 8.*

Dauidi solenne id fuit ac in more positum, vt quoties-  
cunque periclitari se de capite, aut regia dignitate & nomi-  
nis existimatione videret, ilico de ope Domini imploranda  
cogitaret. Hinc est quòd virulentis calumnijs, quibus eum  
affectæ regij, gratiæ apud Saulem ineundæ causa, quotidie  
prosciderunt, vehementer commotus ad oden hanc tex-  
endam incubuerit: in qua magnopere contendit, vt Iehoua  
non patiatur proculcari suos ab impijs, sed ipsorum saluti  
consulat & defensionem suscipiat. Vt valere apud Iehouam  
in propositæ petitionis negotio possit, triplici argumento  
vitur. Primum eiusmodi est:

*Arg. 1. Tam incredibilis est hominum iustorum paucitas, vt ab  
ijs nihil opis expectandum sit aduersus impios. ver. 2. Vbi  
est iustorum descriptio ex adiunctis. Sunt enim be-  
nefici, id est, ad benignè alijs succurrendum paratissi-  
mæ voluntatis: & sunt insuper veraces, id est, verita-  
tis enuntiandæ & fidei in dictis factusque conseruan-  
dæ studiosissimi.*

*Itaque tuorum ô Domine defensionem suscipe aduersus im-  
pios. ver. 2. & 8.*

Enthymematis antecedenti subiicitur illustratio in hunc  
modum conclusa:

*Si non esset incredibilis iustorum paucitas, essent aliqui quo-  
rum oratio aliena est ab omni fraude & blanditiarum ar-  
tificijs.*

*At*

*At nulli sunt quorum oratio aliena est à fraude & blanditiarum artificys. ver. 3. Vbi Assumptionis istius exornatio est e notata efficiente ac quasi fonte omnis perfidiæ & fraudis, quæ adulationis artificio & honesti simulatione continetur. Fons ille, de quo loquor, est cor duplex, varium & astutū, aliud scilicet cogitans, aliud linguæ ad enuntiandum tradens.*

*Itaque est incredibilis inistorum paucitas. ver. 2.*

Sed hoc loco se Propheta sustinet, persequendæ supplicationis paulisper interrupto cursu. Nam zelo quodam abreptus saluti piorum prospiciendi, & odio accensus profligatissimæ impietatis, quæ in aula regia sese efferre insolentis & passim grassari cœpit, imprecationem quandam gravissimam interfert. Imprecationis subiectum est optatum quoddam de improborum excidio. *Excindat* (inquit) *Iehoua omnia labia blanditiarum & linguam magnifica loquentem*: id est, perditos hocce & nefarios calumniatores e medio tollat: quorum oratio est vndique aspersa blanditijs, & tam arrogantibus instructa sententijs, ut singularem fastum, magnificas comminationes, & Dei hominumque incredibilem contemptum ipiret ac præ se ferat.

Imprecatio ista habet expolitionem à simili: deinde ab efficiente. Simi itudo includitur metaphorâ illa excidij. Siquidem incredibile est comparari impiorum excidium cum amputatione sarmenti infrugiferi & noxij, vel putrefacti & nocituri membri.

Efficiens imprecationis, id est, causa qua impulsus Propheta ad imprecandum flagitiosissimis calumniatoribus excidium asserit, notatur ver. 5. sycophantarum effectus illis: e quibus sic conclusa est imprecatio.

*Sycophantæ isti superbe iactitant se linguæ suæ facultate quilibet effecturos esse contra Dauidem ceterosq; Iehouæ seruos. ver. 5 in principio.*

*Itaque excindantur à Iehoua sycophantæ isti. ver. 4.*

Esse in calumniatoribus huius summam nocendi voluntatem dubium non est. Sed de ipsorum facultate qualis sit queritur. Ut igitur constet posse calumniatores istos id omne assequi quod velint, sic ad propositi enthymematis ante-



antecedentem illustrandam disserunt:

*Penes nos est, rerum scilicet moderatores et dominos, id omne dicere & statuere quod volumus. vers. 3. in medio & fine.*

*Itaque linguae nostrae facultate quidlibet effecturi sumus contra Dauidem aliosq; eiusdem notae homines. vers. 3. in principio.*

Sed ab imprecatione, ad quam zelo quodam diuinæ gloriæ digressus est Propheta, reuocat iam ipse se, & instituit iam supplicationem perlequitur tali syllogismo:

**Arg. 1.** *Si populo tuo oppresso ab impijs & de salute sua periclitanti liberationem promiseris, ac si fueris insuper in fide seruanda iustissimus: suscipe queso populi tui defensionem aduersus impios à quibus opprimitur.*

*At populo tuo oppresso ab impijs & de salute sua periclitanti liberationem promissisti: atque es insuper in fide seruanda iustissimus. vers. 6. & 7.*

*Itaque suscipe queso populi tui defensionem aduersus impios, à quibus opprimitur. vers. 2 & 8.*

Assumptionis pars prior de liberationis & auxilij promissione est versiculo sexto explicata. Vbi amplificatur promissio illa primum ab efficiente causa, qua inductus Iehoua ad salutem populo suo ab hostibus oppresso promittendam accesserit: deinde ab adiuncta temporis circumstantia. Quod ad causam efficientem attinet, est illa quidem posita in vastatione & gemitu oppressorum. Hunc exaudit Iehoua, & in illam intuens exurgit, id est, se ad liberandum oppressos, & ad coercenda grauissimis poenis maleficia improborum comparat.

Adiuncta temporis circumstantia exponitur cum se iam surrecturum ad suis succurrendum profiteatur Iehoua: id est, tempore iam maturo & saluti afflictis præstandæ admodum opportuno.

Assumptionis membrum posterius de promissionis diuinæ excellenti & certissima veritate est. vers. 7. Similium comparatione illustratum. Comparationis apodosis est prima parte versiculi septimi: protasis reliqua. Integra comparatio suis partibus distincta sic est:

*Qualis*

*Qualis est in argento excocto sepius & defacato puritas ac soliditas:*

*Talis est firmitas & perfectio in promissione diuina: utpote que nihil adulterini aut fucati habeat, sed libera sit ab omni admissione simulationis, & minimè inquinata sordibus fallacis & incerti euentus.*

Versu octauo monuimus comprehendi institutam petitionem, vbi generationis nomine intelligere par est cohortem illam sycophantarum & nepotum perditorum de quibus conquestus est David, & aduersus quos opem Iehouæ implorat, ut nimirum & ipse & ceteri fideles seruentur in perpetuum, id est, quotiescunque in discrimen vocentur fraude & scelere improborum.

Superest iam postremum supplicationis propositæ argumentum conclusum sic:

*Arg. 3. Impij passim debacchantur & seuiunt aduersus fideles. vers. 9. in principio.*

*Itaque suscipe ô Iehoua fidelium defensionem. vers. 8.*

Ad confirmandam enthymematis antecedentem in hanc formam ratiocinatur Propheta:

*Homines ad omnem turpitudinem proiecti & quibus nihil insensius esse potest quàm pietatis & iustitiæ studium, ad excelsam in Israelitica republica dignitatis & imperij sedem euehuntur. vers. 9. in fine.*

*Itaque impij passim debacchantur ac seuiunt aduersus fideles. vers. 9. in principio.*

## PSAL. XIII.

**1** *M* Agistro symphonie Psalmus Davidis.

**2** *Quousque Iehoua? obliuisceris mei in æternum? quousque abscondes faciem tuam à me?*

**3** *Quousque repositurus sum consilia in animo meo, & mœrorem in corde meo de die? quousque attollet se inimicus meus contra me?*

4 Intuere, exaudi me Iehoua Deus mi: illustra oculos meos, ut non dormiam dormitionem mortis.

5 Ut non dicat inimicus meus, Praualui ei: & ne hostes mei exultent, cum cecidero.

6 Ego quidem in benignitate tua fiduciam habeo: exultabit cor meum in salute tua: cantabo Iehoua, quia bono me affecit.

## ANALYSIS PSAL. 13.

David animaduersa hostium suorum incredibili malitia & magnitudine periculi capiti suo ab ipsis intentati, ad Dominum confugit, ac è tantis malis liberationem petit. Petitionem Domino exhibitam complexus est hoc Psalmo.

Exhibita igitur petitionis subiectum est huiusmodi:

Libera me o Domine a presentibus quibus affligor malis.  
vers. 4.

Ad exprimendam propositæ supplicationis sententiam utitur Propheta varij loquendi formulis. Intuere me (inquit) exaudi me Iehoua, & illustra oculos meos. Perinde est ac si hisce verbis Iehouam affatetur: Non te fugit Iehoua, quantum capiti meo imminet periculi: Vides obrui me infinitis calumniis: non ignoras quam insigni odio prosequantur me hostes mei, & quanto studia incumbant ad perniciem meam. Quapropter intuere me o Domine, id est, commiseratione adductus conditionis meae incredibiliter afflictæ, mihi succurre: exaudi me, id est, obiectum me grauissimis periculis & confugientem ad te sic exaudi, ut ope tua ab eisdem continuo liberer: illustra oculos meos, id est, presentis mali tenebris, quibus vita meæ lux propemodum obruitur, reddite salutis & liberationis lumine dissipato.

Sed quibus argumentis cõtendit à Iehoua, ut incolumis à calamitate imminenti periculi seruetur? Si argumentorũ numerum species, causam tuam apud Dominum copiose dicit: si vim, ad modum neruose. Ut valere possit, septuplici ratione pugnat. Prima tali entymemate concluditur:

Arg. 1. Multum iam temporis effluxit, ex quo de vita & statu omni periclitor. vers. 1.

*Itaque iam fac mihi gratiam Iehoua, meq; à gravissimis quibus premor malis libera. vers. 4.*

Quod ad antecedentem attinet, est illa quidem minimè obscurè comprehensa expostulatione & querela, qua ob opis diuinæ dilationem vtitur Propheta. *Quousque* (inquit) *patiere me istis angustijs constrictum teneri? quantum temporis ante elabi vis, quam me ex periculis eripias?* *ecquid placet serui tui in æternum obliuisci?* Perinde est ac si diceret: Non parum temporis intercessit, ex quo in capitis discrimine & omnium fortunarum versor. Valeat apud te ratio longinqui spatij, quo miserrimè torqueor & contabesco. Cum iam diu hostium tyrannidi & insidijs obijciar, noli obsecro diutius te ab ope mihi ferenda continere.

Verùm instat Propheta, & argumento alio quid apud Iehouam proficere queat, experitur:

**Arg. 2.** *Per diu* (inquit) *me frustra afflixi varijs consilijs & rationibus ineundis expedienda salutis meæ. vers. 3. in principio.* Vbi est amplificatio perceptæ ægrotudinis & mœoris ab adiuncto temporis. Nam cum diurnum tempus sit propter incurrentium occupationum varietatem interrumpendæ ægrotudini & eludendæ longe aptissimum, conqueritur se nihilominus de die, non solum de nocte, angī vehementer distrahiq̃ue.

*Quapropter aggredere tu o Iehoua pro tua singulari bonitate ad liberationem & salutem seruo tuo præstandam. vers. 4.*

Huic suasioni subiicitur alia in tertij versiculi extrema clausula.

**Arg. 3.** *Fecit observata dilatio liberationis meæ, ut interea aduersarij mei vires suas & potentiam ad me perdendum valde adauxerint. vers. 3.*

*Idcirco para te o Domine, ad me presentibus periculis explicandum. vers. 4.*

Sequitur institutæ suasionis ratio quarta ducta à contemplatione acerbissimi euentus, qui expetitæ liberationis repulsam insequetur.

**Arg. 4.** *Intirire me necesse est nisi ad me liberandum accesseris.*

ris. ver. 4. in fine.

*Quamobrem à malis, quibus tantopere affligor, eripe me & Iehoua. ver. 4. in principio.*

Antecedenti enthymematis exornatio atteritur ab effectis impiorum qui Dauidem è medio sublatum volebant, conclusa in hanc formam:

*Si me interire patiaris, hostes mei ansum inde arripient gloriandi, se, utcumque ad te confugerim, valuisse tamen contra me.*

*At id à nominis tui gloria valde alienum fuerit, pati scilicet ut hostes mei glorientur se valuisse contra me, utcumque ad tuam fidem operumq, confugerim. ver. 5.*

*Itaque ne patiare interire me, sed mihi de incolumitate prospicito. ver. 4. in fine.*

Ne adhuc quidem supersedendum sibi esse censeret à persequenda supplicatione Propheta: sed quinto argumento de liberatione impetranda contendit. Id autem tale est, ut in se permagnam vim contineat alliciendi Iehouam ad seruis suis succurrendum. Est enim conditionis promissionibus diuinis annexæ complementum: & conditione præstita à fidelibus, Iehoua ad fidem liberandam se paratissimum esse ostendit. Sed attendamus istam tanti ponderis conclusionem:

**Arg 5.** *Tua (inquit) singulari bonitate & fide in præstandis promissis fretus ad te solum confugio, ut ope tua ab ijs angustis & miserijs, quibus penè conficior, liberari possim. ver. 6. in principio.*

*Liberationis igitur tantopere expetite postulatam, ne aspernè & Iehoua, sed mihi in eo pro tua admirabili misericordia facias satis. ver. 4.*

Superest propositæ supplicationis argumentum postremum: sed eiusmodi, cuius sensu affici Iehoua & promoueri solet. Etenim professionem complectitur ob beneficia siquando conferantur gratissimæ voluntatis.

**Arg. 6.** *Accepta à te (ò Iehoua) incolumitate & liberatione à periculis, quæ me undiquaque obsident, gloriam misericordie erga me tuæ per omnem vitam prædicabo. ver. 6.*

in medio.

Itaque ne gravare (ô Iehoua) seruo tuo de petitione exhibita assentiri: sed dissipatis eorum, qui ipsum persequuntur, consilijs, redde ei lumen vultus tui & salutem quam tanto & tam ardenti studio desiderat.

## PSAL. XIII.

**I** **M** Agistro symphonie ode Davidis. Dicit stultus in corde suo, Non est Deus. Corrupterunt, abhominandam quamque actionem perpetrarunt: non est qui faciat bonum.

2 Iehoua è cœlis prospectat super filios hominum, ut videat an sit ullus qui intelligat & qui requirat Deum.

3 Unusquisque recessit: simul putidi facti sunt: non est qui faciat bonum, ne unus quidem.

4 Annon sibi sunt conscij omnes qui dant operam iniquitati? comedunt populum meum, ut comedunt panem: Iehouam non inuocant.

5 Ibi exhauescunt pauore: quia Deus adest generationi iusta.

6 Consilium pauperis afflicti probro afficitis: quia Iehoua est receptus eius.

7 O si quis det è Sione salutem Israelis. Ubi reduxerit Iehoua populum suum captiuum, exultabit Iacob, letabitur Israel.

## ANALYSIS PSAL. I4.

David cum extingui in hominum animis studium religionis, & impiorum conatu ac scelere vocari in summum discrimen



discrimen salutem Ecclesie animaduertet, huiusmodi oratione apud Iehouam vituri

*O Iehoua, vindica & tuere aduersus impios Ecclesiam tuam, ut notum fiat esse Deum, qui in singulis orbem vniuersum administrat, & suum cuique tribuit. vers. 7 in principio.*

Hæc est illa pro salute Ecclesie petitio, quam vers. 7. sub voti seu optati cuiusdam forma propositam Psalmo decimo quarto exponit Propheta. *O si quis* (inquit) *det tibi Stone salutem Israelis?* Non est profecta oratio ista ab aliqua animi vel dubitatione vel desperatione de liberatione & incolunitate Israelis, id est, Ecclesie seu electi populi. Sed dum vehementius exorat, ut Dei populus e manibus impiorum & imminetibus periculis vindicetur, vult e metonymia adiuncti pro subiecto intelligi, precationem adhiberi a se ut id fiat. Habet siquidem instituta precatio adiunctam persæpe orationem, ut id quod precatione expetitur, concedatur precanti & eueniat. Hinc est quod metonymice oratio nonnunquam precatio significetur. Sed quid est (dixerit fortasse quispiam) quod precationi huic, qua pro salute Ecclesie Dauidem usum esse contendis, clausulam nescio quam de Iehoua in orbe moderando providentia affigetur, cum Psalmi versu septimo eiusmodi quid minime reperitur? Fateor expressam non esse clausulam illam de providentia diuina, sed intelligendam & pro adhibita precationis membro habendam esse contendo. Etenim aut inepta est, & inconcinna postremi versiculi cum precedentibus coherencia, aut si conuenienter & scite ex eisdem deducatur, necesse est quod antegressis versiculis vberius tractatur, ut id sensu & accommodatione quadam ad versum postremum diffundi ac pertinere existimemus. Docet Propheta iam inde a Psalmi exordio ad versum postremum eodemetiam impios deuenisse, ut & corde priuatim conculserint & actionibus publicè profiteantur, Deum hominum actionibus regendis non præesse: nulla cum cura affici distribuendi inter homines præmij vel pœnæ: sed pati ut quæ quisque velit cursum persequatur. Hæc cum luculenter & copiose Propheta exposuerit, subinde nullo alterius gene-

ris interiecto argumento precationem pro salute Ecclesiæ, sub oprati cuiusdam ardentissimi forma conceptam instituit & subiicit. Perinde ac si diceret: Cum actiones singulas singulorum hominum providentia & consilio tuo regi negent impij, atque ex eo nomini tuo insigne dedecus quantum in ipsis est & contumeliam inurant: cumque hac tam nefaria opinione imbuti & impunitatis confidentia nixi ad Ecclesiam tuam labefactandam omni studio & contentione ferantur: facito ut illustri & memorabili exemplo liberata per te Ecclesiæ, omnes intelligant administrari consilio tuo humanas actiones: tamē tibi cura esse munus tribuende iustitiæ, ut & pramys virtutem ornes & impietatem gravissimis supplicijs coerceas: paratum esse te ad succurrendum populo tuo, si quando tyrannide impiorum de salute periclitari cæperit. Hoc si præstiteris, tam horribile perditissimæ opinionis commentum egregie refelles.

Verumenimvero attendamus tandem quibus argumentis Iehoua de concedenda petitione persuadeat. Efficere id studet Propheta argumento duplici. Prius versu primo propositum per totos sex versiculos tractatur variè & eleganter. Posterius septimi versiculi posteriori clautula comprehenditur. Prioris argumenti conclusio hæc est:

Arg. 1. Impius est ita destitutus omni sensu pietatis & timoris diuini, ut non dubitet & cogitare animo & profiteri actionibus, non administrari Dei consilio & providentia res humanas. vers. 1. in medio.

Itaque aggredere o Iehoua, Ecclesiæ tuæ ab impijs oppressæ liberationem, ut inde omnibus innotescat esse Deum, cuius providentia res humanæ sapientissimè & iustissimè gubernantur. vers. 7. in principio.

Quod ad enthymematis antecedentem attinet: videndum est quibus verbis eam enuntiet Propheta. Dicit (inquit) stultus in corde suo, Non est Deus. Stultum appellat Propheta non eum, in quo natiuæ rationis lumen retusum iam & obscuratum prorsus euauit: nec hunc, qui non est perpolitus è schola, aut rerum maximarum usu instructus: sed eum qui Spiritu Dei nequaquam regegitus, facultate illa ingenij & prudentiæ, quam vel à natura hausit, vel ab eruditis libellis

& disciplinæ institutione accepit, vel vſu & obſervatione comparauit, ad impietatem & turpitudinem perpetrandam abutitur. *Stultus*, is inquam cui nihil præter ſtudium carnis & legis diuinæ violationem ſapit, *dicit in corde ſuo*, id eſt, ea mente & cogitatione eſt, quemadmodum ex ipſius actionibus deprauatiſſimi cordis indicibus conſtare poteſt, vt Deum eſſe neget ad eſt, fingat vel Dei nullam virtutem eſſe, vel eam cœli ſinibus circumſcribi, nec accommodari ad regendas hominum voluntates & actiones.

Sed quæ eſt antecedentis huius demonſtratio quam inſtruxit Propheta? ea ſic concluditur ab effectis:

*Si impio perſuaſum eſſet eſſe Deum, non ita ſtrenuè operam nauaret iniquitati.*

*At ſtrenuè operam nauat iniquitati. verſ. i. parte poſteriore.*

*Itaque impio perſuaſum non eſt eſſe Deum. v. i. parte priore.*

Aſſumptioni eam confirmationem ſubiecit Propheta, vt nulla neruoſior aut luculentior eſſe queat. Siquidem Iehouam ipſum è cœlis de aſſumptionis veritate teſtātem introducit. Teſtimonium Iehouæ, quo euincitur *ſultos iſtos* ſive ſint ex infima fœce homunculi, ſive ex aula aut foro purpurati & magnifici, ſummo ſtudio ad nequitiam incumbere, comprehendit quinque verſiculis, à principio ſcilicet ſecundi ad ſeptimum. Verſu ſecundo Iehouæ ad teſtimonium dicendum quaſi præparatio quædam inſtruitur. Nam induta perſona iudicis, cognoscere de cauſa & accuratius inquirere vult priuſquam ſententiam ferat. Præparatio iſta exornationem habet primū à loco, vbi Iehoua tanquam ſolio ſuo inſiſtens de præſenti controuerſia inquit: is autem eſt cœlum. Deinde à ſubjecto inquisitionis: illud verò eſt bipartitum. Nam Iehoua è cœlis proſpectat, id eſt, inquit partim vtrum filij hominum cognoscant Deum, partim vtrum Deum colant, pro eo ſcilicet cognitionis modulo, quem è verbo Dei conſecuti ſunt. verſ. 2. Vbi diuinæ inquisitionis ſubjectum iſtud diſertè notatur verbis *intelligendi Deum & eundem inquirendi*, id eſt, per ſynecdochē ſpeciei, eundem colendi: quod ſit diuini nominis inuocatione & celebratione, collocaſione in eum fiducia

& spei, &c.

Atque sic est explicata lehouz ad dicendum testimoniū præparatio. Testimonium ipsum proponitur primò generalitèr, ver. 3. deinde versiculis sequentibus specierum inductione illustratur.

Testimonium in genere propositum de rebus duabus loquitur. Docet siquidem homines non hos aut illos, sed quosvis à Deo turpiter defecisse & opinionem quam de veritate diuina concipere par est, & totius vitæ instituto ac cursu. *Vnusquisque* (inquit) *recessit*, id est, veritati receptæ & cognitæ renunciavit, *Omnes simul putidi facti sunt*, id est, in eorum vitam moresq; omnis impuritas & deprauatio immigrauit. Obstringuntur igitur filij hominum vniuersalis apostasiæ crimine, ac eius à Deo ipso grauissimè accusantur, vt qui adhibita inquisitione nihil sani in ijs aut integri possit deprehendere, siue ipsorum opinio siue vita spectetur.

Iam verò filios hominum à Deo prorsus defecisse, & specialium inductione ostenditur.

*Sunt rei & cuiusvis iniustitiæ erga hominem & cuiusvis impietatis erga Deum.* ver. 4. Vbi duas illas species, quæ nominatim exprinuntur, alteram scilicet de populo Dei auidè & alacriter comedendo, id est, seuitissimè & absque omni sensu conscientia opprimendo & vastando, alteram de reiicienda omni inuocatione lehouz, interpretari conuenit per synecdochen speciei, de quouis & iniustitiæ & impietatis genere.

*Itaque omnes à Deo prorsus defecerunt: non est qui faciat bonum, ne vnus quidem.* ver. 3.

Antecedens amplificatur primum, ab adiunctis circumstantijs perpetranda impietatis & iniustitiæ: deinde è notata singularis impietatis specie.

Adiunctæ circumstantiæ, quibus committendæ nequitie amplificatio perficitur, sunt triplices:

1. Prima est, quod non ignorantia aut infirmitate aliqua adducti, sed re cognita & explorata, scientes nempe se flagitiose & nequiter agere, ad se scelere contaminandum accedant. ver. 4. in principio.

2. Secunda,

2. *Secunda, quod utique scienter ad Legem Dei violandam proruant, tamen conscientie grauissimos aculeos & terrores persentiscant. vers. 5. Vbi huius circumstantiæ, nempe contremiscentis & vehementer percussæ conscientiæ, exornatio est & causa tanti terroris & cruciatus. Vident (inquit) impij Deum pijs semper adesse ac succurrere: ac proinde anguntur & metuunt ne Deus ipsos ob scelera perditurus sit.*

3. *Tertia ad eam nequitie speciem propriè spectat, quæ est iniustitiæ aduersus homines. Comedunt (inquit) populum meum ut comedunt panem: id est, ut elurientes summa delectatione & auiditate vescuntur pane: sic hij qd minori voluptate & ardore animi læuiunt in populum meum, eumque sine omni metu diuini iudicis atrocissime proculcant & obterunt.*

Atque hæc sunt adiunctæ circumstantiæ ad amplificationem antecedentis.

Hæ notatæ specie impietatis, impietas ipsorum sic concluditur:

*Impij fidelium pietatem inrisione & probris excipientes, omnem Dei colendi rationem ludibrijs & contumelijs prosequuntur. vers. 6. Vbi disertè assertitur, Consilium, id est, institutum morem seu cursum quem fideles sequuntur, dum opis & gratiæ obtinendæ causâ ad Iehouam Iehouæ promissis confisi se recipiunt, derideri ab impijs & probris affici: & consequenter omnem numinis diuini cultum. Itaque stultus iste, de quo Psalmus meminit, reus est nefariæ impietatis aduersus Deum.*

Hactenus institutæ petitionis de vindicandâ aduersus impios Ecclesia, ut inde notum sit esse Deum, argumentum prius per totos sex versiculos expositum est. Restat posterius. De eo iam videamus. Conclusum tali Eothymemate reperiemus:

*Arg. 2. Ecclesia tua accepto abs te tam excellenti salutis & liberationis beneficio, summa animi alacritate gloriam nominis tui celebrabit. vers. 7. in posteriore parte.*

*Itaque vindica & tuere, & Iehoua, aduersus impios Israël tuum,*

*tuum, ut publicè constare possit esse Deum, cui rerum humanarum procuratio singulari cura est. v. 7. in princip.*

## PSAL. XV.

**1** *Psalmus Davidis. Iehoua quis commoraturus est in tentorio tuo? quis habitaturus in monte sanctitatis tue?*

**2** *Qui ambulat integrè, exercetq; iustitiam, ac loquitur veritatem ex animo suo:*

**3** *Non obtrahit lingua sua, non afficit proximum suum malo: & opprobrium non recipit contra proximum suum:*

**4** *In cuius oculis contemptus est reprobus: timentes verò Iehouam honorat: iuratus in damnum suum non tamen mutat.*

**5** *Pecuniam suam non exponit fenori, & munus contra innocentem non accipit: qui facit ista, nunquam dimovebitur,*

## ANALYSIS PSAL. 15.

Ecclesia Dei haud dissimilis est ciuitati, in qua admisti sunt veris ciuibus inquilini. Vt facile non est inquilinum à ciue internoscere, siquando eadem vterque lingua & eodè habitu vtatur: sic in Ecclesia Dei vltu venit, vt cum multi sint qui eiusdem fidei & professionis societate externa deuinciuntur, perdifficile sit germanum Israelitam ab adulterino & irreptitio distinguere. Hinc est quòd Psal. 15. regius Propheta, cum infinitam hominum turbam obeundis ceremonijs & sacrificijs sollicitè incumbere videret, dozerique cuperet num è tanta multitudine singuli, prout vulgi opinio ferebat, in veris Ecclesiae membris censeri debeant, Iehouam



nam adeat, eumque de presenti quaestione consulat, quippe quæ res nulla quantumvis abditæ & retrusæ latere queant. Quæritur ergo:

*Quis sit Ecclesiæ sanguine Christi redemptæ verus  
& perpetuus ciuis.*

Quæstio proponitur versu primo: *Quis* (inquit) *commoraturus est in tentorio tuo? quis habitaturus &c.* Hic aspectabilis militansque Ecclesia nomine *tentoriij*, cœlestis autem triumphansque nomine *Montis sancti* appellatur. Quod ad commorationem habitationemque attinet: utrâque voce per quidem accommodatè vitur Propheta: illâ ad notandum curriculum, quod in hac vita conficimus, exiguum spatium, quale in militaribus tentorijs peragi solet: hac ad significandum petente tempus beatitudinis & gloriæ in cœlis: ubi non commorandi diuersorium, sed habitandi locus conceditur.

Propositæ quaestioni Iehoua, utcumque sit infinitæ maiestatis, non granatur tamen pro incredibili bonitate respondere. Responsio Iehouæ, qui solus rerum omnium cognitione & iudicio excellit, adeo ut illius in disceptandis soluendisque quaestionibus sententia omni exceptione maior habenda sit, est vnico duntaxat comprehensa axiomate: cuius pars antecedens versibus quatuor continetur, viz. 2. 3. 4. 5: pars autem consequens versiculi quinti extrema clausula, sed in genere addita expositæ antecedentis summa: *Qui facit ista* (inquit Iehoua) *id est, ea iustitiæ & veritatis officia præstat, quæ versiculis præcedentibus sunt particulatim explicata, is nunquam dimouebitur*, id est, commorabitur in tentorio Iehouæ, & habitabit in monte sanctitatis suæ: erit (inquam) Ecclesiæ & militantis in mundi tentorio & triumphantis in cœlesti sanctuario germanum membrum, eiusmodi scilicet quod nunquam auelli à corpore Iesu Christi aut interire potest: erit ex continuis sanctorum & domesticis familiæ diuinæ: immo hæreditatem cernet vnam cum Christo æternæ & amplissimæ gloriæ.

Sed Iehouam nobis de instituta quaestione respondentem & eandem pro summa authoritate dirimentem, summa animi

nimi attentione & humilicate, ut par est, audiamus. *Iehouæ* responsio illustrem propositæ questionis solutionem complectitur penam ab insigni descriptione hominis, cuius est frui excellenti illa prerogativa & iure hæredis in regno gratiæ & gloriæ.

Descriptio est ab effectis, ut è versu quinto liquet: non illis, quæ prima Legis tabula requiruntur, sed ijs quæ præcipiuntur secunda. Quod eo consilio fit, ut intelligamus repudiari à *Iehouâ* externi cultus officia in precum & sacrificiorum oblationibus præstita, nisi profecta esse constiterit ab eiusmodi fide, quæ veræ charitatis erga proximum officij est cotamendatissima.

Sed quæ sunt effecta, quibus germanus & perpetuus catholicæ ecclesiæ civis describitur? ea ad duo capita reuocantur: quorum alterum est,

*Cordis integritas*, quæ amore virtutis & odio vitij continetur. ver. 2. in principio. *Qui ambulat integrè*, id est, qui virtutem amore & vitium odio prosequitur.

*Actionum externarum ad cordis integritatem conformatio.*

Actionum externarum conformatio ista posita est in officijs

1. *Iustitiæ*. *Qui exercet* (inquit) *iustitiam*. ver. 1. in medio.

2. *Veritatis*. *Qui loquitur veritatem ex animo*. ver. 2. in fine.

Veritatis officia, utcumque posteriori loco nominentur, tamen antè explicantur, quàm officia iustitiæ.

Veritatis officia, quæ præstare proximo oportet, sunt quadruplicia:

1. *Studium veritatis in omni quo utimur sermone enunciande*,

adeo ut oratio conceptis animi notionibus congruens sit, earumq; fidelissima interpret & quasi effigies. ver. 2. in fine.

2. *Cauere ne ipse confictis calumnijs aliene existimationi detrahas*. ver. 3. in principio.

3. *Cauere ne oratio eiusmodi sit, quæ damno proximi afficiat in ijs, quæ victum, cultumq; ipsius aut libertatem spectant*.

ver. 3. in medio. Ut in principio versiculi consulitur existimationi proximi: sic in versiculi medio ipsius

bonis

bonis & libertati prospicitur, ne quando eisdem lingue  
temeritate aut petulantia noceatur.

4. Non suffragari aut applaudere excogitatis ab alijs, & disseminatis rumusculis, quibus alterius nomini labes aspergitur. ver. 3. in fine.

Iustitiæ officia erga proximum exercenda, sequuntur:

1. Seposita prosopolepsia, de impijs pessimè, de bonis sentire honorifice: illos ut Satanae mancipia pro nihilo ducere, hos ut membra Iesu Christi permagni facere & honore prosequi: cum illis nullam amicitiae & societatis coniunctionem inire: cum his versari familiariter ac mutuis beneuolentiae officijs deuinciri. ver. 4. in principio & medio.
2. Non violare fidem incommodi vitandi causa, sed fidei liberande, quæ interposito iuramento astringitur, studiosum esse. ver. 4. in fine.
3. Nullo ad facultates augendas illicito contractu uti, qualis sub specie Mutui in exigendis vsuris adhibetur, sed pecuniæ illegitimis modis corradende & cumulande seposito studio, priuatim ex arca profacultatum ratione alijs benefacere nulla expectata mercede. ver. 5. in principio.
4. In causarum iudicialium tractatione non abduci ab officio aut equitate acceptis contra innocentem muneribus, id est, nullius commodi contemplatione, non partium studio, denique non alio quouis respectu? sed id semper in omni causa iudiciali sequi, quod est equitati maxime consentaneum. ver. 5. in medio.

Qui veritatis & iustitiæ officia superius commemorata præstat ex illa animi integritate quam requirit Iehoua: is Iehouæ ipsius iudicio perpetuus erit Catholicæ Ecclesiæ ciuis. Nullus imminenti periculi terror, nulli rerum aduersarum impetus & angustia, nullæ mundi & carnis illecebræ, nulla fraus Satanæ, nulla mortis acerbitas, nulli Angeli aut principatus separare illum ab ea, quæ nos Deus Pater in Christo Iesu complectitur, charitate possunt.

## PSAL. XVI.

1 **I**Nsignis ode Davidis. *Serua me Deus fortis. Nam in te confido.*

2 *O anima mea: dicis Iehoua, Dominus meus es. Beneficentia mea non extendit se ad te:*

3 *Verum ad Sanctos qui in terra sunt, & ad magnificos. In his tota oblectatio mea est.*

4 *Dolores eorum qui alienum dotant, multiplicantur. Non libabo libamina ipsorum ex sanguine: neque assumam nomina eorum in labijs meis.*

5 *Iehoua est portio pradij mei & poculi mei. Tu sustentas sortem meam.*

6 *Funiculi acciderunt mihi in locis amenis: etiam possessio est elegantissima, qua obligit mihi.*

7 *Benedicam Iehoua qui dat consilium mihi: etiam per noctes erudiunt me renes mei.*

8 *Propono mihi Iehouam iugiter. Quia à dextera mea est, non dimonebor.*

9 *Idcirco letatur cor meum, & exultat lingua mea. Etiam caro mea habitat secure.*

10 *Non enim es derelicturus animam meam in sepulchro: nec permissurus ut dilectus tuus videat corruptionem.*

11 *Notam mihi facies semitam vite. Satietas gaudiorum in conspectu tuo est. Ad dextram tuam amenitates sunt in aeternum.*

## ANALYSIS PSAL. 16.

Quod attinet ad Psalmi titulum: variè exponitur ab interpretibus

terpretibus. Sed ea videtur interpretatio commodissima, quam Gallicæ versionis authores sequuntur. Cum Hebræa vox, si Burgentem audimus, significatione sua monile notet ex purissimo auro conflatum: non alienum fuerit si titulo comprehendit & significari dicamus Psalmi mirificam excellentiam, utpote qui eam doctrinam complectatur, quæ aurum purgatissimum & gemmas præstantissimi nitōris pretio & dignitate superat.

Psalmi partes duæ sunt:

1. *Petitio.*

2. *Actio gratiarum.*

Petitio comprehenditur versiculo primo, hijs ferè verbis:

*Serua me ô Iehoua, per omnem vitam,*

Petitionis suasio triplici argumento perficitur. Primum in hanc formam concluditur:

Arg. 1. *Qui in te omnem fiduciam suam collocant, eos conseruato.*

*Ego is sum qui in te omnem meam fiduciam colloco. vers. 1. in fine.*

*Quocirca, ô Iehoua, me conserua. vers. 1. in principio.*

Propositio reticetur: de qua tamen sic existimandura est, esse eam fundamenti instar quo innititur supplicatio Prophetæ. Nam Iehouam admonet tum de gratiæ promissione facta inuocantibus ipsum, tum de conditione promissi, quæ fiduciæ officio in Dominum reponendæ tota continetur.

Assumptio Syllogismi refert de impleta conditione. Ac proinde conclusione interpellat Iehouam Propheta de fide liberanda.

Sed prosequitur Dauid propositæ supplicationis suasionem altero argumento.

Arg. 2. *Si tu (inquit) Dominus meus sis, & ego vicissim seruus tuus: serua me per omnem vitam, ô Iehoua.*

*At tu Dominus meus es, & ego vicissim seruus tuus. vers. 1.*

*Serua igitur me, ô Iehoua. vers. 1.*

Ad Assumptionis confirmationem subiicitur testimoniū exhibitum ab anima & conscientia Prophetæ. ver. 2. in principio:

cipio: vbi animam suam in hunc modum affatur Propheta:

*Tu, o anima mea, confidenter profiteris Iehouam esse Dominum meum.*

*Quid ergo cause est cur ipsum pro Domino non agnoscam?*

Porro vt impetrate queat quod à Domino contendit Propheta, vrget ipsum ab expetita conseruationis fine. sic:

**Arg. 3.** *Conseruatus abs te benefacturus sum ijs qui te colunt.* vers. 3. Vbi proficitur Dauid se beneficentia suae officia & fructus in eos collaturum, quos sanctos & magnificos esse constat, id est, veros Dei cultores.

*Ac proinde conserua me o Domine: vt nempe tuis opera & benignitate adesse possim.*

Antecedens enthymematis amplificatur

1. *A fidelium descriptione, qui sunt beneficentia illius, qua vti Propheta vult, subiecta.*
2. *A designatione personarum, quas non vult esse beneficentia suae subiecta.*
3. *A notatione cause, cuius impulsu ad fidelibus beneficere faciendum accessurus est.*

Fidelium descriptio est ab adiunctis titulis, quibus ornat ipsos Iehouae Spiritus. Nam

1. *Sanctorum appellatio illis tribuitur: utpote quos sanguine Christi purgatos, Spiritus Dei ad obeunda pietatis & iustitiae officia formauerit & quasi seposuerit.*
2. *Magnificorum seu excellentium nomine insigniuntur: quippe qui iure & dignitate potiantur filiorum Dei: quem amplissimum esse constat & magnificentissimum in Dei populo gradum.*

Personae illae, quibus beneficentiae, qua vti Propheta vult, officia non communicantur, sunt duorum generum:

1. *Iehoua ipse: qui cum sit terrae caelique Dominus, sic bonis omnibus abundat, ei vt nihil desit: ac proinde non potest conditionem ipsius hominum beneficentia aut opera cumulatiorem reddere.*
2. *Vulgus prophanum & impium. Huius generis faciem ab omni communicatione in ijs bonis, quae à Davide proficiuntur, excludi, constat è Dauidis professione, partim confere*



rende beneficentiæ in Sanctos, ver. 3. partim odij suscepti aduersus impios, ver. 4. Dum igitur eos notat, ad quos benignitatis istius fructus non est peruenturus, perinde facit ac si in hanc sententiam concluderet:

*Aut Sancti aut Iehoua ipse aut impij communicaturi sunt in fructibus beneficentiæ meæ.*

*Non tu Iehoua: utpote cuius conditio inde melior reddi nequeat: nec impij, quos summo odio prosequor.*

*Itaque soli sancti communicaturi sunt in fructibus beneficentiæ meæ.*

Reliqua est causæ explicatio, qua inductus Propheta sanctis benefactorus est. Eam tali syllogismo propositam reperiemus:

*Qui mihi sunt in amoribus & delicijs, ijs ego benefactorus sum.*

*At Sancti mihi sunt in amoribus & delicijs. ver. 3. in fine. Sancti igitur ijs sunt quibus ego benefactorus sum. ver. 3. in principio.*

Quod ad Assumptionem attinet: est illa quidem illustrata à contrarijs:

*Idololatras & impios vehementius odi. ver. 4.*

*Itaque Sanctos & Dei veros cultores eximio amore completor. ver. 3. in fine.*

Antecedenti enthymematis subiicitur amplificatio partim à descriptione idololatrarum, partim à duarum actionum notatione, quibus patefieri vult odium erga ipsos suum.

Descriptio idololatrarum est

1. A similitudine: in qua cum ijs qui in uxores à se ductas conferunt dotem, aptissimè comparantur. Nam idololatras intercedente animi superstitioso cultu sese cum idolis, quasi matrimonio quodam sopulant, eaq; munere donant amplissimè dotis: ut constare potest cum è delubris, altaribus, imaginibus ad cultum idolorum magnificè & summo sumptu extructis, tum è multiplicibus ferijs, sollemnibus epulis, & varijs magni pretij oblationibus, quibus ornantur idola honorificè.

2. *Ab effectu & euentu infelici, qui adhibite idololatriæ nefarias rationes solet consequi. Qui alienum dotant (inquit Propheta) multiplicant dolores suos: id est, qui idololatriæ scelere se constringunt & turpitudine contaminant, ij iusto Dei iudicio infinitam vim angorum & miseriarum sibi accersunt. Vide Deut. 31. v. 16. 17.*

Actiones illæ, quæ de Prophetæ odio aduersus idololatrias concepto testantur, duæ sunt. Nam proficitur

1. *Se reiecturum omnem cum illis in sacrificiorum oblatione societatem. vers. 4. in medio.*
2. *Se vel ab ipsa mentione idolorum abhorrere vehementius. vers. 4. in fine.*

Prophetæ petitio exposita iam est: superest actio gratiarum à principio ver. 5. ad Psalmi finem. Subiectum igitur hisce tot versiculis tractatum huc redit, vt doceat Propheta,

*Se nomen Iehouæ & corde & ore prædicaturum. vers. 7. 9.*

Argumentum quo adductus Propheta est, vt Iehouæ nomen prædicet, in genere est cuiusmodi:

*Iehoua contulit in me varia beneficia. vers. 5. 6. 7. 8. 10. 11.*

*Ac proinde Iehouæ nomen & corde & ore celebrabo. vers. 7.*

& 9. Quod v. 9. de carnis suæ securo habitatione dicitur, intelligere oportet de totius personæ lætitia & exultatione. Perinde ac si diceret: non modò cor meum & lingua nomini tuo laudem tribuunt: sed etiam integra persona placidè, & nullo metu interrupta exultat.

Enthymematis pars antecedens non est disertis verbis comprehensa, sed deducta è particularium beneficiorum in Prophetam collatorum enumeratione. Beneficia, quibus affecit Dauidem Iehoua, proponuntur

1. *In genere.*

2. *In specie.*

In genere proponuntur ver. 5. & 6. vbi adhibitis rhetoricæ elocutionis illustribus formis, prædicat Iehouam cum esse:

1. *Quo autore quasi proprietatem & dominium obtinuit in concessæ felicitatis statu. Tu es (inquit) portio prædij mei,*

*mei, & calicis mei:* id est, solus author & princeps illius *foelicissimæ conditionis*, qua vel in terris fruor, vel *fruiturus sum in cœlis*. Tu mihi, non in terra *Canaanis* portiunculam distributæ *hæreditatis* tribuisti, sed te ipsum in *hæreditatem* concessisti. Quod *demensum* est *familiæ domesticis*, à *parretaurilis* in dies singulos impertitum: idem mihi tu es *ò Iehoua*.

2. *Cuius beneficio non modò dominium consecutus sum in hæreditate concessa, sed etiam perennem usumfructum.* Tu (inquit) *sustentas sortem meam*: id est, quem in me *beatitatis statum* pro singulari *miserico dia contulisti*, cum tueris ipse, nec pateris me ab assignata mihi *possessione depelli*.

3. *Cuius admirabili gratia, cum proprietas tum ususfructus possessionis, qua potior, efficitur mihi multo iucundissimus.*

ver. 6. *Funiculi* (inquit) *acciderunt mihi in locis amœnis: etiam possessa est elegantissima, quæ obligit mihi.* Voce *funiculorum* & *possessionis* norat attributæ sibi *foelicitatis conditionem*. Erat in more positum apud *anquos*, ut *adhibitis funiculis agrorum possessiones dimerentur* & *iacta sorte eadem distribuerent*. Ad hanc consuetudinem videtur allusisse *Propheta*. Inde est quòd *Iehouam* *possessioni* compareret, sed *eiusmodi possessioni*, quæ cæteris omnibus, si *amœnitatem ipsius* & *oblectamenta spectes*, *longissimè antecellit*. Qui igitur *Iehouam* *proprietas* & *ususfructu* obtinet, is ita *omni bonorum genere abundat*, ei ut *nihil ad summam foelicitatem desit*.

In specie proponuntur beneficia in *Dauidem* collata *versiculis* (textum consequentibus: in quibus *Iehouæ* *gratias* agit laudem quæ tribuit

1. *De sanctificatione cordis sui.*

2. *De resurrectione à mortuis.*

3. *De immortalitate vite.*

In *sanctificatione cordis sui* explicanda sic progreditur, ut illius partes interpretetur notæque faciat. Ex verò tres sunt:

1. *Illuminatio mentis ad intelligendum ea quæ oportet. ver. 7. in principio. Vbi ait consilium dari sibi à Spiritu Iehouæ.*
2. *Gubernatio cogitationum & affectuum. vers. 7. in fine. Per noctes (inquit) erudiunt me renes mei: id est, voluntatis meæ studia omnia affectionesque te authore & duce ad ea feruntur, quæ sequi par est. Sanctificationis membrum istud habet exornationem à temporis circumstantia. Vbi per synecdochen partis, quod de noctibus dicitur interpretari conuenit de tractu totius vitæ. Nam quos regenuit Spiritus Dei, ij Duce eodem quam pietatis & obedientiæ viam ingressi sunt, eandem persequuntur quoad integrum curriculum confecerint.*
3. *Perseuerantia in fide. ver. 8. Vbi asserit se ductu Spiritus vitam suam sic instituere, vt Iehouam sibi semper proponat: id est, in Iehouam semper collocet fiduciâ suam. Atque hinc deducitur insigne consecrarium & suauissimæ consolationis plenissimum:*

*Iehoua à dextera mea est: id est, Iehouam tanquam præsentem fidei oculo intueor, & fidei inanu apprehendo.*

*Ac proinde à gratia Iehouæ dimoueri aut excidere nunquam potero.*

Restat nominis diuini celebratio ob resurrectionis, & æternæ vitæ beneficium.

De resurrectione sua loquitur vers. 10. in cuius versiculi interpretatione Iunium sequor. *Non derelinques animam meam in sepulchro, &c.* Nomine animæ subiectum animæ intelligitur, in quo tanquam in domicilio quodam anima residet. Non est permissurus Iehoua vt dilecti sui corpus ad putredinem & puluerem redigatur. Dicit istud de Christo testatur secundum caput Actorum. Delituit ad tempus aliquod Christi corpus sepulchri terminis inclusum: impune tamen ab omni labe corruptionis. Sed extendi vaticinium hoc nihilominus ad Dauidem, & quæuis alia Iesu Christi membra debet: quæ ratione arctissimæ vnionis, quæ ipsi cum

cum Christo capite intercodit, fieri nō potest quin in Christi resurrectione tempore definito communicent, utcumque interea eorum corpora minutatim discerpantur & vi putredinis intereant.

Vitz æternæ beneficium vers. 11. comprehenditur: ubi in hunc modum tam excellentis beneficii nomine laudatur Iehoua: *Notam mihi facies semitam vitæ*: id est, postquam corpus meum dominio mortis & vinculis sepulchri liberaueris, tum demum actu compertum habiturus sum, ingressum esse me & corpore & anima in semitam æternæ vitæ & immortalitatis beatæ gloriæ.

Huius æternæ vitæ præstantiam amplificat Propheta,

1. *Ab adiuncta plenitudine gaudiorum.* Satietas (inquit) gaudiorum in conspectu tuo est: quasi diceret, *Quæ æternæ vitæ beneficio fruuntur, is nihil ad plenum diuinissimæ felicitatis cumulum deest.*
2. *Ab adiuncta perpetuitate gaudiorum.* Ad dexteram tuam (inquit) *amœnitates sunt in æternum*: id est, æternæ vitæ fidelibus donatæ illa singularis gloria nunquam deflorescit: nec de ineffabili gaudio electorum incipitur quid aut dilabatur.
3. *Ab efficiente.* Tanta dignitatis ac præstantiæ, quæ in æternam vitam cadit, ratio & origo à præsentia & conspectu Iehouæ repetitur. Nam quibus se Iehoua semper ac familiariter conspiciendum exhibet, eorum conditionem sic præstantem reddit & honorificam, ut nihil ad summam beatitudinem desideres.

## PSAL. XVII.

1. **O** Ratio Davidis. Exaudi Iehoua iustitiam: attende ad clamorem meum: aurem præbe orationi meæ, quam habeo absque labijs dolosis.
2. A facie tua ius meum prodeat: oculi tui videant

deant quæ recta sunt.

3 Explorasti cor meum : viftasti de nocte : examinasti me : nihil inuenisti. Cogitavi ut non transgrediatur os meum.

4 Quod attinet ad opera humana ex verbo labiorum tuorum : caui mihi à semitis effractoris,

5 Continens gressus meos in orbitis tuis, ne labantur pedes mei.

6 Ego inuoco te, Deus fortis : quia consueuisti me exaudire. Inclina aurem tuam ad me ; ausculta sermonem meum.

7 Redde admirabiles benignitates tuas, ô qui seruas recipientes se ad dexteram tuam ab insurgentibus.

8 Serua me tanquam nigrum pupillæ oculi : umbra alarum tuarum absconde me.

9 A facie impiorum, qui præstant me, & ab inimicis meis capitalibus qui cingunt me.

10 Adipem suum obefant : ore suo loquuntur superbe.

11 Gressum nostrum nunc circumdant nobis. Oculos suos posuerunt ut prosternant nos in terram.

12 Similitudo cuiusque est tanquam Leonis appetentis rapere : & velut iuuenilis Leonis residentis in latibulis.

13 Surge Iehoua : præueni faciem eius : prosterne eum : eripe animam meam gladio tuo ab improbo.

14 Ab hominibus istis eripe me manu tua, ab hominibus mundi, quorum portio est in hac uia : quorum ventrem implet recondito thesauro tuo : sa-

riantur



## ANALYSIS PSAL. XVII. III

*tiantur filij & relinquunt residuum suum infantibus suis.*

15 Ego in iustitia videbo vultum tuum: satiabor cum expergis car. effigie tua,

## ANALYSIS PSAL. 17.

Inscriptio Psalmi breuiuscula est, & eo consilio præmissa, ut nos de subiecto, quod Psalmo decimo septimo explicandum suscepit Propheta, admoneat.

Subiectum Psalmi petitio quædam est in hanc sententiam comprehensa: ut nempe *ab inimicis seruetur, & interea perdantur ipsi.* v. 8. 9. 13. 14.

Antequam petitionem institutam adhiberis argumentis persequatur, facit id quod in foro solent oratores. Hij siquidem ut iudicibus, apud quos agitur, de causâ æquitate satisfaciat & ad eandem attentè beneuolæque audiendam moueantur, de adhibendo exordio aliquo, accuratè quidem & ad conciliandam beneuolentiam instructo cogitant. Pari ratione Propheta noster, ne minus æquum postulatam attulisse videatur & parum facilè habeat in eo concedendo Iehouam, præmisit institutæ petitioni exordium. Est autem exordij quæstio huiusmodi:

*Exaudi me Iehoua ac ut mihi administretur iustitia videto.*

v. 1. & 2.

De Propheta audiendo loquitur versiculus primus & sextus. Ut Dauidi consulatur de obtinenda iustitia, agitur versu secundo. *A facie tua* (inquit) *ius meum prodeat: oculi tui videant quæ recta sunt.* Perinde est ac si diceret: Homines in iuris administratione, vel ignorance, vel partium studio vel muneris oblati ratione vel alio aliquo insigni sed deprauato respectu decuntur: ab ijs igitur ad te Iehoua prouoco: tu mihi de eo, quod ius est, obtinendo provide. Ut omnem recti & æqui rationem accuratissime calles: sic diligenter vide, ut quod rectum est & iustitiæ regulis consentaneum, id mihi tribuatur & obueniat.

Vt verò exaudiat Propheta & quod rectum est Iehoua

sententiam dicente consequatur, in hunc modum disserit; ab adiunctis scilicet causæ & personæ suæ:

**Arg. 1.** *Causa mea æqua est: ipse in hoc inuocationis officio ab omni simulatione liber sum: etiam innocens sum, non obiecti criminis reus.*

*Exaudi igitur me Iehoua ac ut mihi administretur iustitia videto. vers. 1. & 2.*

**Enthymematis** antecedens tria membra complectitur.

Præ illud de causæ equitate versiculi primi priori parte comprehenditur. *Exaudi* (inquit) *iustitiam*, id est, cum causa mea iusta sit, eam ne aspernere, sed pro singulari benignitate exaudias. Iustitiæ vocabulo duplex tropus inest. Cum iustitiam dicimus pro causa quæ iusta est, metonymice loquimur. At cum iustæ causæ nomine Davidis causam significamus, adhibetur Synecdoche generis.

**Secundum membrum**, quo docetur orationem Prophetæ ab omni fraude & simulationis artificio alienam esse, in primi versiculi exitu proponitur.

**Tertium de Prophetæ innocentia.** vers. 3. 4. & 5. diserte tractatur. Innocentia Prophetæ subiectis partibus distinguitur. Nam de innocentia loquitur & cordis sui & sermonis & factorum seu actæ vitæ. Cordis innocentia exponitur versiculi tertij priori parte: *Sermonis autem ac linguæ*, posteriori clausula eiusdem versus. *Omnes* (inquit) *cordis mei latebras & recessus perscrutatus es: omnes animi mei cogitationes ad examen reuocasti: nihil tamen in ipsis doli ac fraudis deprehendisti. Porro in id semper incubui, ut nihil mihi unquam in communi sermonis usu excideret, quod ab aduersariis meis iure reprehendi poterit.* vers. 3.

**De vitæ à Prophetæ actæ innocentia** agitur vers. 4 & 5. **Vi** in hanc sententiam loquitur. *Quod attinet* (inquit) *ad actiones & vitæ degende officia, quæ verbo tuo præscribuntur & ab hominibus præstari vis: dedi operam, ut tibi iusta & laudabilia præcipienti obtemperarem. Ac proinde effraCTORIS, id est, hominis impij vias & instituta semper desugebam: gressusque meos,*

meos, ne labi aliquando & inquinare me peccati turpitudine cogerer, velut intra curriculum mandatorum tuorum & legis tue cancellos continebam. v. 4. & 5. Vbi versiculum quintum sic interpretari conuenit, vt sensu cum quarto coherentem: immo utrumque versum vnico axiomate comprehensum existimare: ac si disertis verbis diceretur: *Non sum secutus semitas effractoris, sed continui gressus meos in orbitis tuis, &c.*

Sequitur aliud argumentum, quo Iehouæ persuadere vult de exauditione & de eo concedendo quod æquum est.

Arg. 2. *Opem tuam imploro Iehoua. ver. 6. in princ.*

Itaque præbe mihi aurem & ausculta sermonem meum. ver. 6. in fin.

Consequentia Iehouæ promissione nititur & fidelitate.

Pars antecedens enthymematis habet amplificationem huiusmodi: à causa scilicet, qua inductus Dauid ad Iehouam confugit.

*Consueuisti me antehac exaudire. v. 6. in med.*

Itaque opem tuam iam imploro. v. 6. in princ.

Hactenus adhibitz præfationis quæstio explicata est à versu scilicet primo ad v. 7. Prophetæ supplicationem, quæ reliqua parte Psalmi tractatur, videamus. Ea verò est hisce verbis comprehensa:

*Protege me Iehoua. contra inimicos meos eosque perde. vers. 8. 9. 13. 14.*

In persequenda suasionem petitionis huius multum adhibet operæ Prophetæ. Ac primò Iehouam admonet de accessione gloriæ, quæ est facta conseruatione Prophetæ & impiorum excidio ad ipsum peruentura est.

Arg. 1. *Me (inquit) per te conseruato & deletis inimicis meis, plurimum addetur ad gloriam bonitatis erga me tuæ. ver. 7. in princip.*

Itaque protege me aduersus hostes meos eosq, prosterne. ver. 8. 9. 13. 14.

Antecedentis sententia ver. 7. comprehenditur. *Redde (inquit) admirabiles benignitates tuas.* Non est nouum sub cohortationis formula, ei cui supplicamus de re concedenda persuadere: aut imperatum quem appellant modum loco futuri

futuri adhibere. Quod igitur Iehouam hortatur Propheta vt benignitatem suam reddat admirabilem : perinde est ac si diceret : *Illustris iam est apud omnes gloria nominis tui : sed eam longe, illustriorem reddes, si hostium meorum consilijs occurreris, si ipsorum conatus & vires protriuueris, meq; ab imminetibus periculis liberatum in tuto collocaueris.*

Dum ver. 7. Iehouæ suadet Propheta vt de gloria nominis sui amplificanda cogitet, ornat ipsum honorificæ appellationis titulo : quo Iehouæ descriptio ab effectis continetur, ita tamen vt insigne argumentum inde suppeditetur ad pervincendam concessionem instituti postulati.

Arg. 2. Tu (inquit) *ô Domine* profiteris esse te seruatore & vindicem eorum, qui promissis tuis de ope ferenda factis confidenter innixi ad te confugiunt. ver. 7. in fin.

*Quamobrem, cum ego ad te confugiam, præsta te eum, quem profiteris : id est, serua me & vindica ab insurgentibus, is scilicet qui ad inferendam mihi perniciem coierunt.*

Additur versu octauo propositæ supplicationis exornatio à notatione adiunctæ formæ, quam obseruari à Domino Propheta cupit in conseruationis, quæ expetitur, præstandæ negotio. Petit igitur vt non grauetur Iehoua in serui sui conseruationem omni studio & vigilantia incumbere. Quale studium & vigilantiam requirat, duplici similitudine allata exponit. Sic:

*Quali cura & vigilantia custodit quis oculi pupillam & pullos suos gallina:*

*Talem in custodienda salute mea ô Iehoua adhibeto.*

Pergit in supplicatione sua persequenda David. Ac quia supplici magnopere prodest ad gratiam consequendam si constiterit opprimi cum ab hominibus nequissimis & coniectum esse in summum rerum omnium discrimen : ideo differit apud Iehouam in hanc sententiam Propheta:

Arg. 3. *Me homines sceleratissimi sic persequuntur, vt de omni statu meo periclitet.* ver. 9. 10. 11. 12. 14.

*Exurge igitur ô Iehoua, meq; in pristina incolumitatis conditionem restituto hostes meos perde.* v. 13.

Enthymematis pars antecedens à ver. 9. ad ver. 15. tractatur

tur adhibita coniunctim descriptione & hostium Davidis & periculi in quo versatur. Descriptio est ab effectis, adiunctis & comparatis, in hanc formam instituta:

1. *Privarunt me omnibus vitæ subsidys & ornamentis.* v. 9. Vbi de illata sibi vastitate & spoliatione conqueritur.

2. *Vitam mihi eripere student.* ver. 9. Vbi cingi se docet ab inimicis capitalibus, ijs scilicet qui ad Prophetæ interitum meditantur.

3. *Opum ac potentie vim magnam obtinent:* adeo ut fastu & superbia intumescant: id quod ex ipsorum quotidiano sermone liquet: quippe quo & Deum & homines insectentur. ver. 10. Vbi sub vocabulo adipis opulentia & potentia ipsorum notantur. Hanc in dies singulos perinde augent, ac homines delicijs & otio indulgentes adipem suum.

4. *Observant & me & meos, quo nos cunque vertimus: immo in id unum soll. citè incumbunt, ut interitum nobis afferant.* ver. 11.

5. *Crudelitate & immani grassandi libidine persimiles sunt tum leonibus, qui ad prædā rapiendam vim adhibent, tum leonum cubulis, qui in latibulis suis delitescentes astu & dolo prædā intercipiunt.* ver. 12. Quæ hoc versiculo comparationes proponuntur, ad undecimi versiculi illustrationem aptissime inseruiunt.

6. *Sunt mundi mancipia: in hac vita tantum, non in celesti partem ullam habent: exquisitis huius mundi lautitys fruuntur ac satiantur.* ver. 14. Vbi mundi excellentes illæ lautitiz nomine reconditi thesauri appellantur. Thesaurus est quiddam apud homines permagnæ æstimationis & pretij. Ac Iehouæ thesaurus dicitur reconditus: vel quod recondita quadam ratione hominibus dispensetur: vel quod cuius non sic pateat, ut possit inde cum velit assumere: sed tum demum cum aperit Iehouæ manum, apprehenditur.

Sed ecce illustrationem subiecit Propheta eorum, quæ de impijs decimo quarto versiculo proponuntur. Clausula postrema illa nempe de rerum lautissimarum admirabili copia,

pia, qua fruuntur impij, priori loco illustratur, idque à comparatione Maiorum, sic:

*Faciunt ut filij sui & nepotes abundant lautissimis opibus, transmissa nempe ad ipsos insigni quadam possessionum & nummorum proportionem.*

*Non ergo mirum videri debet si ipsi dicantur locupletissimi esse & rerum splendidissimarum copia affluere.*

Secundo loco, versiculi decimi quarti priora membra exornationem habent à dissimilitudine, cuius protasis v. 13, comprehenditur.

*Ego secundum fœderis tui cum electis tuis initi iustitiam, locum in regno cœlesti habiturus sum & tue præsentiæ excellentissimis bonis satiabor cum à mortuis resurrexero.*  
ver. 13.

*At illis mundi huius & Satane mancipijs aditus omnis in cœlos interclusus est: ipsorum portio seu summum bonum est in hac vita: hic est, ubi exquisitissimis lautitjs satiantur.*  
ver. 14.

Quod ad dissimilitudinis protasin attinet: non sum necius in aliam sententiam à nonnullis explicari illam & intelligi. Sed quando cum præcedenti versiculo sic coheret, ut ipsi cum eodem illustris dissimilitudo intercedere videatur: facile adducebar ut quam securus sum interpretationem, eandem cæteris antefeream. Quod igitur ait, *se in iustitia visurum esse faciem Iehouæ*: perinde est, ac si ita loqueretur: *Ego fide illa, quam in fœdere gratiæ requiris, iustus existens, in eum locum recipiar, ubi una cum reliquis sanctis in regno cœlesti degentibus Maiestatis tuæ splendorem licebit intueri. Immo effigie tuæ satiabor, id est, ijs bonis & gloriæ ornamentis potiar, quæ à præsentiâ & familiari cōsuetudine gloriosissimi seruatoris suppeditari possunt.* Sed quando ad tantæ felicitatis gradum peruenturus est Propheta: certè (inquit) cum expergiscar, id est, cum à morte, quæ somni instar est, resurrexero. Ut mors somno, & resurrectio à mortuis excitationi à somno in Scripturis comparetur, nouum non est.

Descriptio impiorum & grauissimi periculi, in quo versatus est Dauid, exposita iam est, ad illustrandam nempe tertij  
enthy-



enthymematis partem antecedentem. Vnde constat sic op-  
primi Dauidem ab hominibus nequissimis, ut de vita &  
reliquo omni statu periclitetur: ac proinde non immerito  
à Iehoua vehementer contendere, *Ut exurgat, ipsumq; in pri-  
stine incolumitatis conditionem restituat deletis prorsus & per-  
ditis hominibus impijs.*

## PSAL. XVIII.

**M** Agistro Symphonie Psalmus Davidis ser-  
ui Iehoua: qui elocutus est Iehoua verba  
canticum huius, qua die eripuerat Iehoua eum è manu  
omnium inimicorum ipsius, etiam è manu Saxis:

2 Et dixit: Diligam te ex intimis visceribus  
Iehoua, qui es firmitas mea.

3 Iehoua est petra mea & propugnaculum meum,  
& liberator meus: Deus fortis meus, rupes mea:  
in eo sperabo: clypeus meus & cornu salutis mea,  
edictus locus meus.

4 Laudatum inuocaui Iehouam: & me ab ini-  
micis meis seruauit.

5 Circundederunt me funes mortis: & torren-  
tes sceleratorum terruerunt me:

6 Circundederunt me funes sepulchri: laquei  
mortis me affecuti sunt.

7 In angustia mea inuocaui Iehouam, & ad  
Deum meum clamaui. Exaudiuit è templo suo vo-  
cem meam: & clamor meus coram eo peruenit ad  
aures eius.

8 Tum contremuit & mouit se terra: funda-  
menta etiam montium commota sunt & concussa.

*Quia*

*Quia iratus erat.*

9 Ascendit fumus è naribus eius ; & ignis consumens ex ore eius. Carbones inde succensi sunt.

10 Et demittens cœlos descendit : & caligo sub pedibus eius.

11 Et ascendit super Cherub & volauit : & euectus erat super alas venti.

12 Disposuit tenebras pro latibulo suo , pro tabernaculo circa se : id est, tenebrosas aquas , quæ sunt nubes aëris.

13 Asplendore qui est ante eum nubes eius densa transferunt. Grando & prunæ igneæ erant.

14 Intonuuit in cœlis Iehoua : & Excelsus edidit vocem suam unâ cum grandine & prunis igneis.

15 Emisit sagittas suas & dissipauit illos : fulgura iaculatus est & fudit illos.

16 Conspiciebantur etiam imi aluei aquarum , & reuelabantur fundamenta orbis habitabilis , increpatione tua Iehoua , flatu spiritus nasi tui.

17 Extendens è sublimi , assumpsit me : extraxit me ex aquis multis.

18 Eripuit me ab inimico meo valentiore & ab osoribus meis , etiam tum cum essent robustiores me.

19 Praeuenierunt me in die calamitatis meæ. At Iehoua erat mihi pro scipione.

20 Eduxit me in latum : liberauit , quia deletatus est me.

21 Tribuit mihi Iehoua secundum iustitiam meam : secundum puritatem manuum mearum restituit mihi.

22 *Observaui enim vias Iehoua : neque impro-  
bè auerti me à Deo meo.*

23 *Quoniam omnia iudicia eius erant coram  
me : & statuta eius non amoui à me.*

24 *Et fui integer coram eo : & caui mihi ne ini-  
què agerem.*

25 *Restituit igitur Iehoua mihi secundum iusti-  
tiam meam, secundum puritatem manuum mearum  
coram oculis suis.*

26 *Benigno benignum te exhibes : viro integro  
integrum te exhibes.*

27 *Puro purum te prebes : & peruerso te per-  
sum exhibes.*

28 *Sic tu populum afflictum seruas : & oculos e-  
latos deiecis.*

29 *Quin tu illustras lucernam meam : Iehoua  
Deus meus splendentes efficit tenebras meas.*

30 *Per te enim perrumpo turmam : & per Deū  
meum transilio murum.*

31 *Huius Dei fortis integra est via : sermo Ie-  
houa purgatissimus est : clypeus est omnibus confiden-  
tibus in ipsum.*

32 *Nam quis est Deus prater Iehouam ? & quis  
fortis prater Deum nostrum ?*

33 *Hic Deus fortis est , qui accinxit me robore,  
& reddidit integram viam meam.*

34 *Disposuit pedes meos tanquam ceruarum :  
& in excelsis meis statuit me.*

35 *Docuit manus meas praelium : & frangitur  
arcus chalybeus brachijs meis.*

36 De-

36 Dediti etiam mihi clypeum salutis tue: & dextera tua sustentauit me: & mansuetudo tua adauxit me.

37 Dilatasti gressus meo locum meum: neque vacillarunt malleoli pedum meorum.

38 Persecutus sum inimicos, & affecutus sum eos: neque reuersus sum donec consumpseram eos.

39 Fregi eos, adeo ut non potuerint exsurgere. ceciderunt sub pedibus meis.

40 Accinxisti enim me robore ad praelium: incuruasti sub me insurgentes in me.

41 Fecisti etiam ut inimici mei terga verterint coram me: & osores meos deleui.

42 Vociferabantur, sed non erat qui seruaret: ad Iehouam, sed non exaudiuit eos.

43 Itaque contudi eos tanquam pulnerẽ coram vento: velut lutum platearum calcavi eos.

44 Liberasti me à contentionibus populi. Disposuisti me in caput gentium. Populus quem non noueram, seruiunt mihi.

45 Ad auditionem auris obedierunt mihi. Alienigena mentiti sunt mihi.

46 Alienigena defecerant, & metu cohorrerunt è conclauibus suis.

47 Vinat Iehona & sit benedicta rupe mea: & exaltetur Deus salutis mee:

48 Deus ille fortis, qui prestat ultiones mihi: & adducit populos subter me:

49 Liberans me ab inimicis meis: etiam ab ijs qui contra me insurrexerant extulisti me: à viro  
violento

*violento eripuisti me.*

50 Idcirco celebrabo te in gentibus Iehoua, & nomini tuo psallam :

51 Magnificam prestare salutem omnimodam Regi suo : & exercere benignitatem erga Vinctum suum : erga Dauidem & erga semen eius usque in seculum.

## ANALYSIS PSAL. 18.

Psalmi inscriptio versu primo continetur : Psalmi subiectum & subiecti explicatio reliquis versibus.

Psalmi inscriptio monet :

1. De Psalmi efficiente, Dauidе scilicet. Is autem ē relatis describitur : utpote qui Iehoue, quem celi & terra Dominum esse constat, seruus appelletur : id est, is qui à Domino suo sceptrum accepit, ut eidem pro Regi muneris ratione fideliter inferuiret.
  2. De Symphonie magistro, cuius fidei committitur Psalmus ut decantandum curet.
  3. De eo, in cuius laudem Psalmus à Dauidе pronuntiatus est. Sic enim clausulam illam, Elocutus est Iehoue, interpretor : id est, in honorem Iehoue.
  4. De adiuncta circumstantia temporis, quo Psalmum hunc meditatus est & concinuit. Id autem tum fuit, postquam suis hostibus & externis & domesticis, nominatim verò Saule prostrato & profligata factione ipsius, liber ab omni metu periculi & tumultus sine intestini siue aliunde accessu conquieuit.
  5. De causa, qua adductus Propheta se ad tā excellentis canticī meditationē retulit. Ea vero fuit suscepta à Dauidе multiplicium liberationum diuinitus acceptarum contemplatio : ut constare potest ex inscriptionis allatæ postrema clausula.
- Quod ad Psalmi subiectum attinet : illud professione quadam totum vertitur, ornandi ac celebrandi nomen Iehoue. Ac ut serio ad hoc munus non aliqua officij simulatione

tione accessisse videatur, exponit singillatim partes honoris ac gloriæ, quam se Iehouæ tributurum profiteretur. Partes sunt professio

1. *Diligendi Iehouam summo cordis affectu. ver. 1.*

2. *Collocandi in ipsum solum spem omnem opis & gratiæ. ver. 3.*

3. *Diuulgandi apud alios & publicandi res ab ipso gestas, ut neminem latere queant. ver. 50.* Hic versus non inmodò professionem Davidis complectitur de publicanda apud alios gloria Iehouæ, sed vaticinium insuper de vocatione Gentium. Vide Rom. cap. 15. 9.

Partes istæ honoris, quo prosequi Iehouam & ornare vult Propheta, hoc volunt in genere, ad hanc summam scilicet reuocatz:

*Ego tribuam Iehouæ honorem & gloriam. ver. 47. 50.*

Subiectum Psalmi hac summa generatim comprehensum, proponitur versu quadragesimo septimo: ubi in hunc modum loquitur Propheta: *Viuat Iehoua: & sit benedicta rupes mea: & exaltetur Deus salutis meæ.* Hæc vita, hæc benedictio, hæc exaltatio Iehouæ existit & quasi succrescit è partibus illis gloriæ & honoris, quas supra expolui. Nam dum actionibus hisce præclaris *Diligendi scilicet Iehouam, Collocandi in ipsum solum spem omnem opis & gratiæ, Diuulgandi denique apud alios res ab ipso gestas*, alimus gloriam Iehouæ illiusque memoriam studiose colimus: tum demum viuere Iehoua, tum benedici, tum exaltari dicitur. At contrà, si excellentes illæ actiones & honoris diuini partes vel penitus omissæ conciderint vel ad tempus intermissæ substituerint: videtur quasi interiisse Iehoua, & ex hominum memoria excidisse: videtur non exaltari, sed humi stratus miserè iacere: videtur denique non benedici à nobis, sed orbanus ornamentis iustissimi honoris excipi indignissimè.

Quemadmodum igitur in specie argumentum Psalmi, professione quadam continetur diligendi Iehouam ex corde, collocandi in ipsum solum spem omnem opis & gratiæ, denique publicandi apud alios res ab ipso præclare gestas: sic in genere subiectum Psalmi (ut supra monui) huiusmodi est:



*Ego tribuam Iehouæ honorem & gloriam. ver. 47. 50.*

Verumenimvero, quid illud tandem est, quod Prophetam ad tam insignem professionem impulit celebrandi nomen Iehouæ? certe recordatio beneficiorum, quibus ipsum affecit Iehoua, ut liquet ex vers. 48. 49. 51. Sic igitur ab effectis Iehouæ differit:

*Tu me Iehoua contra omnes hostium meorum impetus tutatus es: simulq; in me multiplicium & illustrium felicitatum ornamenta contulisti. ver. 3. 48. 49. 51. His versibus summam repetitur, quod apte expositum est vberius.*

*Tribuam itaque nomini tuo omnem honorem & gloriam, id est, diligam te ex corde: in te solum fiduciam meam reponam: & res abs te gestas passim diuulgabo. ver. 47. 50.*

Enthymematis antecedens constat duobus membris. Prius illud de conseruato Propheta & recto contra impetus hostium pluribus versiculis tractatur vberius, à principio tempore secundi ad finem vers. 18. Versiculo secundo, quam Dauidi præstitit Iehoua protectio, hisce verbis notatur: *Qui es firmitas mea*: id est per metonymiam efficientis, cuius potentia & robore tutus sum & incolumis, vicinque mei inimici mei summi viribus & acerrimo odio persecuti sint. Secundus igitur versiculus & membrum prius antecedentis & conclusionem inde deductam complectitur. *Tu es* (inquit) *is, cuius potentia tutus sum aduersus omnes hostium meorum impetus. Ac proinde te Iehoua summo cordis affectu diligam.* Conclusionem nam duntaxat partem honoris, quem se Iehouæ delatum esse proficitur, videmus comprehendi. Sed ex troppartes reliquæ intelligendæ sunt. Iam vero quemadmodum versiculo secundo & deinceps, antecedentis prius illud membrum de recto Propheta aduersus hostiles impetus proponitur: sic membri huius illustratio varijs modis perficitur:

1. *A comparatis similibus. ver. 3.* Vbi Iehoua in hoc præstitit defensionis actu comparatur cum petra, propugnaculo, clypeo, cornu, edito persugij loco.

2. A notatione cause instrumentalis, qua adductus Iehoua in-  
soluitatem Dauidi & salutem prestuit: Ea autem fuit  
adhibita à Dauidè inuocatio Iehoua, una cum accepta  
tam gratie predicatione. ver. 4. Laudatum (inquit) inuo-  
cavi Iehouam: id est, postquam agnoui debere me Ie-  
houz plurimum propter meritum ipsius erga me  
multiplex & singulare, suppliciter ad eum confugi  
opemque imploravi. Huius inuocationis repetitio est  
ver. 7. exornata à notatione temporis quo facta est, &  
effecti quod inde sequebatur.

3. Ab exposita periculi adiuncta magnitudine, quod Dauidi ab  
hostibus (quos v. 5. homines nequam ac sceleratos appel-  
lat) creatum est. Vt intentati periculi gravitatem expri-  
mat, hostium suorum nefarios conatus & impetus qua-  
druplici similitum collatione describit. ver. 4. & 6. Vbi  
comparantur primùm sinibus, quibus malefici ad  
mortem iudicis senectutis condemnati & lictori seu  
carnifici ad luendum capitis supplicium traditi con-  
stringuntur. ver. 5. Deinde torrentibus, quorum tanta  
vis est vt quicquid occurrit, id omne dissipent & pro-  
sternant: tum vinculis & fasciis, quibus funera sepul-  
chro imponenda inuoluuntur ac vincuntur. ver. 6.  
Postremò laqueis & tendiculis, quibus animalcula,  
de quorum interitu cogitamus, irretiuntur & impli-  
cantur. ver. 6.

4. A declaratione cause principalis, cuius vi Dauidè conseruato  
hostes prostigauit ac contriuit Iehoua. Ea vero fuit non  
aliqua ab homine profecta vis aut stratagema, sed Iehoua  
ipsius admirabilis & infinita potentia, quemadmodum  
disertis verbis exponitur. ver. 17. 18. 19. 20.

Iam verò vt liquiddò constare queat, Dauidis liberatio-  
nem non fortuito contigisse aut ab humanis viribus consi-  
lijsve profluxisse, sed Iehouam in eo liberando & hostibus  
ipsius proterendis infinitæ potentiz suæ instrumento vsum  
esse: Iehoua vim exerens potentiz suæ ad opem fidelibus  
& perniciem impijs afferendam, inductus à Propheta com-  
paratur Iehouæ tempestatem vehementer formidabilem  
excitanti

excitanti & continuo adhibenti ad idem conficiendum. In-  
stituta à Dauide comparationis summa huiusmodi est:

*Quemadmodum Iehoua formidabilis cuiusdam procellæ ex-  
citatione suos antehac liberauit & ipsorum hostes deleuit.*  
verf. 8. & inde usque ad verf. 17.

*Haud dissimiliter Iehoua usus instrumento potentie sue tan-  
quam terribilis cuiusdam tempestatis inopinato & vio-  
lento impetu, hostes meos pessundedit meq; liberauit.* verf.  
17. 18. 19. 20. &c.

Propositio allata comparationis perillustri quadam de-  
scriptione continetur tempestatis à Iehoua eo consilio ex-  
citata, vt prostratis impijs salutem pijs largiretur. In tempe-  
statis, de qua agitur descriptione notantur tria:

1. *Excitatio tempestatis.* v. 8. 9. 10. 11.
2. *Locus ubi residet Iehoua, dum tempestatis viribus id præstat  
quod vult.* verf. 12.
3. *Tempestatis excitatae quasi in ipsam aciem productio.* verf. 13.  
14. 15. 16.

Excitatio tempestatis describitur notatis partibus indu-  
ctæ tempestatis, quæ sunt huiusmodi:

1. *Terræ concussio formidabilis.* verf. 8.
2. *Crassæ Nubes.* verf. 9.
3. *Fulgura, & flammæ insuper permanentes.*
4. *Tonitru & grando.*
5. *Venti.* verf. 11.

Terræ concussio est amplificata partim à comparatis,  
partim ab efficiente.

*A comparatis sic:*

*Fundamenta montium, id est, ea quæ maximè stabilia &  
firma sunt, quatuntur & conuellantur à Iehoua: vel  
si placet, fundamenta montium, id est, terræ partes  
excelsissimæ, dimota conuulsæq; sunt.*

*Mirum igitur videri non debet, si ea quæ infirmiora sunt,  
contremuerint & locis suis deurbata sint: seu, mirum  
non est, si terræ partes inferiores ad tremorem redactæ  
è nativis sedibus se ad alias præcipitarint. Quæ hos  
Psalmo appellantur fundamenta Montium, ea*

2. Sam. 22. nominantur fundamenta cœlorum: quia nempe, si montium altitudo spectetur, cœlum ijs inniti videri potest. Vnde non absque probabili ratione conijcimus, intelligi Psal. 18. sub montium fundamentis, è synecdoche scilicet membra, montes ipsos, terræ nempe partes celsissimas.

*Ab efficiente. Concussionis, de qua loquitur Propheta, tam horrenda efficiens est Iehouæ ira iustissima aduersus terræ incolas ob ipsorum impietatem ac scelera. ver. 8.*

Quod ad Nubium excitationem attingit: ea ver. 9. & 10. explicatur. Per fumum & nariibus Iehouæ ascendentem significantur Nubes: quippe quæ crassiores fumum, quæ hominis vehementer irati & stomachantis nares exhalant, similitudine quadam referant. Versu decimo Nubium excitatio sub actionibus quibusdam Iehouæ per tropum attribuitur proponitur. Primò dicitur Iehoua cœlos demittere: id est, aeris regionis partem quamuis opplere nubibus: quæ per metonymiam subiecti appellantur cœlorum nomine. Non enim cœli machina inclinatione facta se demittit inferius, sed quæ cœli inferioris ambitu continentur & disperguntur corpora. Deinde *descendere Iehouam* ait: non quod actu descendat, sed quod deprelsis in aeris inferiorem regionem & per eam undiquaque dispersis nubibus, propius ad nos, demonstratione scilicet potentia: suæ & habitatione rei gerendæ accessisse videri queat: adeo ut descendere Iehoua ratione effectus sui non insigne dicatur, dum ab eo nubes deiectæ inferius passim transcurrentur & confluant. Huic nubium tam frequentium & crassarum in aeris inferiorem regionem deprelioni subiicitur amplificatio ab effectu mirabili, scilicet caligine inde oborta: ita ut lucem terræ incolis facile interciperet. Caligo ista sub pedibus Iehouæ esse dicitur, id est, inuasisse terram & operuisse, quam pedum Iehouæ scabellum nominat Scriptura.

*Fulgurum excitatio & flammarum itidem permanentium versiculo nono proponitur. Fulgur nomine ignis consumentis appellatur: eò quod vi sua comminuat & proterat, si quid eluctetur. Exire dicitur ex ore Iehouæ, id est, modis*

à Iehoua præscriptis formari & effici. *Flammæ vero permanentes* à Propheta dicuntur ardentes prunæ: quippe quæ non eodem momento euanescent quo occurrunt, vt fulgura: sed è crassiori materia conflatæ tumentur & subsistunt diutius.

De tonitruû & grandinis excitatione non ita expedita ratio est. Veruntamen cum ver. 13. & 14. vbi de tempestatis quasi in mediam aciem productione agitur, vitrumque nominetur & tanquam ad dimicationem incundam à Iehoua deducatur: non alienum fuerit si versiculis ijs, qui de nubibus, fulgure, prunis ardentibus loquuntur, ac quibus aëris habitus incredibiliter turbulentus & ingruentium calamitatum minis horrendus efficitur, excitationem vtriusque intelligendam esse dicamus: præsertim cum obseruatio testetur cœli faciem huiusmodi, esse gignendæ grandini & edendis fragoribus valde oportunam.

Ventorum concitatio traditur ver. 11. vbi Cherubinatorum appellatio ventis tribuitur, id est, Angelorum. Quod ideo fit vt eorum peregre iavis & celeritas in te conficienda notetur. Quod vero alis instructi dicantur, id etiam non vulgare argumentum est minuscæ celeritatis. Sed ventorum excitatio descriptione quadam significatur Iehouæ parantis ipsos & disponentis ad functionem impositi muneris. Videmus ergo descriptionem istam. Primò dicitur super Cherubinos Iehouam ascendisse: deinde vt constet quid sibi velint Cherubini & quo consilio ipsis insideat, statim subiicitur euectum esse super alas ventorum: & versiculi vndecimi medio de volatu Iehouæ meminit Propheta. *Ascendit* (inquit) *super Cherubinos & volauit*: id est, ventos iam creatos ad aërem flatibus violentioribus turbandum ac concutendum dimisit. Iehoua igitur ventos excitans & ad iniunctum munus obeundum disponens, comparatur Iehouæ in ventos tanquam in equum generosum & militarem ascendenti. Nam vt ascensu nostro in equum, significamus instructum esse ad id præstandum quod volumus: sic cum ascendisse Iehouam super ventos & euectum esse super ipsorum alas asseritur, subinde occurrit & cogitatione apprehendi-

tur, ventos à Iehoua ad conficiendum quid excitatos esse & paratos.

Excitationem tempestatis videmus tractatam esse à Propheta quatuor versibus, nimirum ver. 8. 9. 10. 11.

Locus sequitur, vbi residet Iehoua dum excitatæ tempestatis impetu hostes suos prosternit. Pro loco igitur vnde id præstiturus est, æris nubes Iehouam sibi delegisse constat è versu duodecimo. Vbi dicitur Iehoua nubes æris, quæ & tenebræ & aquæ tenebræ nominantur, ad duplicem vsum disposuisse, alium nempe quasi conclauis cuiusdam seu interioris cameræ, alium vero tanquam militaris tabernaculi. Vult Iehoua nubes esse sibi iustar secretioris cuiusdam conclauis, vt lumen vultus sui & gratiosissimæ præsentis testimonium incolis terre, hominibus scilicet nefariis intercipient. Atque hinc est quod nubibus nomen tenebrarum tribuatur. Vult porro Iehoua præstari sibi à spissis illis & tenebriosis nubibus commoditatem quasi militaris tabernaculi, vbi pro tempore prælij aduersus hostes suos inxi consistens, possit inde tanquam è locis vicinis potentis suæ vim profundere ad salutem piorum & impiorum interitum.

Restat excitatæ tempestatis quasi in aciem & ipsum certamen productio. ver. 13. 14. 15. 16. Hic versiculis igitur Iehoua ab effectis descriptus inducitur:

1. *Perrumpens nubes splendore Maiestatis sue.* ver. 13. in principio,

2. *Iaculans grandinem & prunas igneas.* ver. eod.

3. *Formidabili fragore intonans & simul grandine flammisq; ardentibus permiscens omnia.* ver. 14. Vbi tonitru vox Iehouæ dicitur,

4. *Intorquens fulmina & fundens hostes suos.* ver. 15. Vbi coniecta ab Excelso fulmina sagittis comparantur.

5. *Retegens alueos fluminum & maris, immo hominum oculis conspicua reddens ipsius terre fundamenta, vt eo maior hominibus nequissimis terror incutiat.* ver. 16. Vbi rei à Domino gestæ amplificatio est ab efficiente causa: quam constat esse Iehouæ iram. Quid enim aliud Iehouæ increpatione & spiritus flatu profuso è naribus signifi-



significari potest? Nam huiusmodi effecta sunt animi æstu iracundiæ concitati indicia. Hanc ego interpretationem non illibenter sequor, vtpote Prophetæ consilio valde consentaneam in hac tam magnifica descriptione tempestatis: quam à Iehoua indignante & stomachante excitari, atque etiam aduersus hostes suos explicari vult, vt liquet è vers. 8.

Propositio comparationis adhuc fuit, à principio scilicet versus octauum ad exitum ver. 16.

Redditio comparationis superest, tractata copiosè, ab initio nempe ver. 17. ad ver. 29. Tot enim versibus acceptæ à Iehoua potentiam exerente ad improborum interitum, liberationis lux narrationem complexus est Prophetæ. Prophetæ liberatio ver. 17. proposita & deinceps alijs versibus repetita, variè amplificatur:

1. *A subiecto loco, unde Iehoua admirabilem illam in Prophetæ sui liberatione potentiam exeruit. ver. 17. in principio. Vbi è sublimi, id est, cælis extendisse Iehoua manum suam & Prophetam liberasse dicitur.*
2. *A Simili. ver. 17. in fine. Vbi Prophetæ liberatio extractioni ex aquis, quibus facillimè quis obruitur, scitè comparatur.*
3. *A temporis adiuncta circumstantia, quo perfectæ est liberatio: id autem tum fuit, cum Prophetam homines improbi viribus longissime superarent, vers. 18.*
4. *A diuersis. ver. 19. Irruerunt (inquit) in me & circumuentum vndique tenuerunt: Attamen me Iehoua è periculis imminentibus eripuit. Enuntiati huius pars prior habet exornationem ab adiuncto tempore. Irruerunt (inquit) in me in die calamitatis meæ, id est, cum rebus afflictissimis vterer.*
5. *A similitudine. ver. 19. in fine. Vbi scipioni, cuius adminiculo sustinetur quis ne cadat grauius, Iehouæ potentia in liberatione Dauidis adhibita confertur.*
6. *A similitudine, qua Prophetæ liberatio è periculo mortis liberationi è singularibus locis alicuius angustijs in locum amplum nullis cancellis aut obstaculis circumscriptum comparatur.*

*paratur. ver. 20,*

7. *A causis, quæ Iehouam impulerunt, ut Davidi opem ferret hostesq; ipsius dissiparet. Causa duplex tam admirandi erga Davidem beneficij notatur: viz:*

1. *Gratuitus Iehouæ erga Davidem amor. ver. 20. in fine.*

2. *Habita ratio à Iehoua ad innocentiam Propheta in ijs, quorum nomine ipsum tam incredibili odio persecuti sunt. ver. 21. 25.*

Ac ne ipse sibi assentari vel alijs illudere existimetur, dum se à Iehoua vindicatum à periculis & incolumitati restitutum asserit, habita nimirum ratione ad integritatem ipsius: non alienum esse duxit illustri argumento id ipsum cuiocere, concluso in hanc formam:

*Qui integri sunt ac liberi à criminibus obiectis, cum ijs, si quando immerito periclitentur, agit Iehoua secundum innocentiam ipsorum dum ipsos liberat. ver. 26. 27. 28.*

*At ego integer eram & liber ab ijs criminibus quæ in me contulerunt. ver. 22. 23. 24.*

*Mecum igitur Iehoua, cum immerito periclitarer, secundum innocentiam meam egit liberans me ab interitu. ver. 21. & 25.*

Huius syllogismi, quem partibus omnibus instructū exhibuit Propheta, conclusio proposita primò est: deinde assumptio: tum demum propositio.

Assumptioni attextitur illustratio ab excellenti actione & munere quo defungi Propheta solebat:

*Ego (inquit) semper legem tuam meditabar: ea mihi ob oculos perpetuò versabatur. ver. 23.*

*Itaque integrum ipse me liberumq; præstiti ab ijs criminibus quorum accusor. ver. 22. 24.*

Propositio syllogismi, prout monui, postremum locum obtinet. viz. ver. 26. 27. 28. Vbi discretis verbis asseritur, Iehouam benigno se benignum exhibere: integro integrum, & puro purum: id est, ijs omnibus, qui ex integritate cordis ac studio quodam complacendi Iehouæ funguntur officijs iustitiæ in communi vitæ consuetudine, incolumitatem & suauissima subsidia largiri, si quando versentur in discrimine,

discrimine. Hanc esse versuum istorum sententiam, apparet e versiculo vicesimo octauo, qui est versuum præcedentium interpret optimus. *Tu (inquit) populum afflictum seruas & oculos elatos deiecis*: id est, *serui tui*, ij nempe qui iustitiæ vias consecretantur, oppressi interim ab impijs, & qui ver. 26. ac 27. *benigni, integri, puri vocantur*, eam apud te gratiam consequuntur ut si quando hostium suorum scelere in extremum discrimen conijciantur, incolumes tamen euasuri sint. Atqui verò improbi, qui ver. 28. ex arroganti & elato supercilio ad notandam cordis superbiam describuntur, franguntur & concident: quippe cum iustitiæ diuinæ consentaneum sit id efficere, ut vnusquisq; operum suorum mercedem auferat. Intelligimus iam ex ijs, quæ proposita sunt, allatæ propositionis sententiam.

Sed adiunxit propositioni amplificationem Propheta, comprehensam versiculi vicesimi septimi extrema clausula, & posteriori inciso ver. 28. repetitam. Amplificatio est à collatione contrariorum:

*Iehoua impias coercebit & prosternet.* ver. 27 & 28. in fine vtriusque Quod ver. 28 de impiorum subuersione dicitur, adiectum videtur ad id explicandum, quod de pœna hominis peruersi. ver. 27. continetur.

*Itaque gratiam ac salutem hominibus pijs largietur.* ver. 26. 27. 28.

Versu 7. ait Propheta Iehouam *peruerso se peruersum exhibere*, id est, agere cum eo pro ratione ac merito refractariæ in ipso naturæ & singularis contumaciæ: id autem fit, cum deiecit ipsum de statu suo Iehoua & grauissimis supplicijs afficit. Loquendi formula adhibita à Dāuide minime significat inesse in Iehoua peruersum quid & contumacem sed comparatè & è similitudine quadam hoc tantum arguit, ac si nimirum diceretur: Quemadmodum is, qui se contumaciter aduersus proximum suum peruersè que gerit, exercet in ipsum vim conceptæ iracundiæ: sic cum ait Propheta peruersè agere Iehouam cum peruerso, aliud nihil intelligi vult quàm ad morem & similitudinem hominum peruersorum & contumacium, iræ suæ vim in homines nefariæ

fariz & profigatz vitæ effundere.

Hactenus, à principio scilicet, ver. 2. ad ver. 29. de multiplici è periculis liberatione, quam à præpotente Domino accepit Propheta, ad illustrandam Iehouæ gloriam copiose & lucule, ver. peroratum, est.

Consequens est vt Dauidem accepta à Domino illustrium scælicitatum ornamenta prædicantem audiamus.

Illustres illæ scælicitates primum proponuntur in genere: deinde explicantur in specie.

In genere proponuntur ver. 29. *Quinimò (inquit) tu illustras lucernam meam & splendentes efficis tenebras meas*, id est, scælicitatis conditionem illam, quam varijs liberationibus à te acceptis consecutus sum, longè illustriorem reddidisti, ijs sublatiis impedimentis, quæ tenebrarum instar, quominus concessæ abs te dignitatis splendore fruerer, obstatere videbantur.

Sed quæ sunt illa, quibus illustrior reddita est Propheta? è grauissimis periculis liberati conditio? Insignes illæ scælicitates, quarum accessione longè ornatior euasit & magnificentior Propheta conditio, sunt triplices:

1. *Multiplex victoria.* ver. 30. ad ver. 44.
2. *Propagatio imperij victorias subsecuta.* ver. 44. 45. 46.
3. *Multiplicis gratiæ in Dauidis personam collatæ ad ipsius postereros transmissio.* ver. 15.

Quod ad multiplicem victoriam attinet, eam obtinuit Dauid contra hostes partim externos, partim domesticos.

De victoria reportata aduersus hostes externos loquitur ver. 30. *Per te (inquit) perrupi turmam & murum transilio*: id est, hostium instructas acies expugnaui, vrbesque muris septas & ad omnes impetus egregiè munitas, facillimè cepi. Caput istud de fuis hostibus & partis victorijs est à Dauide ad diuini nominis gloriam pluribus versiculis dispersum & repetitum, sed variè insuper amplificatum: viz.

1. *A principali efficiente & authore victoriæ: is autem est Iehoua.* Hinc est quod singulis ferè versibus reportata victoriæ gloriam Iehoua tribuat. vide ver. 30. 33. 34. 35. 36. 37. 40. 41. 44. 48. 49.

2. Ab adiuncta excellentia rationis ac modi, quo in Dauidis gratiam effecta victoria est à præpotente Deo. vers. 31. Vbi viâ Dei fortis integram esse Psalmista prædicat. Vix nomine rationem intelligit adhibitam à Iehoua exsoluendæ promissionis qua se Dauidi de hostibus vincendis obstrinxit. Hanc rei efficiendæ rationem integram esse monet, id est, sic omnibus numeris absolutam, ut nulla vi retardari, nullo consilio aut fraude intercipi possit. Ac ne imponere nobis videatur Psalmista dum tantopere ornat eam, qua vsus est Iehoua, rationem fidei liberandæ erga Dauidem de concedendis aduersus hostes victorijs duplici argumento docet, viam istam seu rationem, de qua instituitur sermo, esse eiusmodi ut ei nunquam succedat infelicititer, sed proposito euentu semper potiatur. Sic igitur primo loco dixerit Propheta:

Arg. 1. Iehouæ promissio sic firma est ut nunquam fallat. vers. 31. in medio. Vbi diuina promissio comparatur argento excocto & defecato, in quo nihil adulterini inest.

Ratio igitur adhibita à Domino præstandi promissi, quo se Dauid obstrinxerat de victorijs aduersus hostes, integra est ac libera ab omni incerto & fallaci euentu. vers. 31. in principio.

Enthymematis pars antecedens in hunc modum confirmata est:

Si Iehouæ promissio non sit libera ab omni fallaci euentu, sed anteheri possit & intercipi: non potest iure assumere sibi Iehoua id gloriæ, ut vindex defensorq; habeatur omnium, qui ipsius de ope & gratia promissionibus nituntur.

At potest iure assumere sibi Iehoua eam gloriâ, ut vindex defensorq; censeatur omnium, qui ipsius de ope & gratia promissis nituntur. vers. 31. in fine.

Ergo Iehouæ promissio libera est ab omni fallaci euentu, nec eam quid frustrari potest. vers. 31. in medio.

Secundo loco, ad rationem collaudandam, qua vsus est Iehoua, dum fidem suam de concedendis Dauidi victorijs liberat

liberat, sic disputatur:

**Arg. 2.** Si rationem adhibitam à Domino præstandi promissi, quò se Dauidi obstrinxerat de victorijs concedendis, interciperet quid possit & eludere: tum existeret quispiam præter Iehouam maxime ad quemuis conatum frustrandum potentie ac roboris.

At non est præter Iehouam quis maxime ad conatus frustrandos potentie ac roboris. *ver. 32.*

Itaque adhibitam à Domino rationem præstandi promissi, quò se Dauidi obstrinxerat de victorijs largiendis, nihil eludere potest aut interciperet. *ver. 31. in principio.*

Expolita præstantia viæ ac rationis, quam adhibuit Iehoua in prosternendis hostibus Prophetæ, redit Psalmista ad institutam de partis victorijs orationem. Tertio igitur loco additur amplificatio.

3. *A causa intermedia & minus principali adeptæ multiplicis victorie.* Ea autem in Dauidе fuit singularis animi magnitudo, qua instructus à Iehoua in aciem contra hostes processit. *ver. 33. in principio* Vbi tributam ipsi à Iehoua animi excelsi & inuicti robur balteo militari comparat.

4. *Ab adiuncta facilitate vincendi.* *ver. 33. in fine.* Et viam meam (inquit) integram reddidit: id est, ita mecum egit Iehoua, dum in campo & acie versabar, ut nullis occurrentium difficultatum molestijs implicatus, facile quod volebam consequeretur.

5. *Ab adiuncta celeritate victorias consequendi.* *ver. 34.* Vbi in re gerenda, in propugnaculis scilicet hostium occupandis celeritatem suam pernecitati ceruarum comparat. Excelsorum nomine de quibus versiculus iste meminit, propugnacula & arces munitæ significantur.

6. *Ab adiuncta scientia rei militaris, & corporis incredibili firmitate, quam à Domino ad belli obeunda munera accepit.* *ver. 35.*

7. *Ab adiuncta immunitate sua à periculis, utcumque in ipso dimicationis aestu hostium telis obiectus confisteret.* *ver. 36.*

Vbi



Vbi incolumitatis & salutis suæ gloriā ascribit Iehouæ: & se diuina clementia adauctum esse prædicat, id est, viribus & successu aduersus hostes suos valuisse.

8. *Ab euentu congressus militaris seu effecto finito. ver. 37. Dilatasti (inquit) gressui meo locum meum:* id est, quotiescunq; in aciem prodij ad manum, cum hostibus conlerendam, toties eos loco & statione cedere coegit: adeo vt nullis locorum angustijs conclusus liberè cum exercitu meo & quaquaversus spatiarer.

9. *Ab adiuncta immunitate defatigationis & infirmitatū quæ è labore militari solent existere. ver. 37. in fine.*

10. *A destinatis ad finem. ver. 38. 39. 40. 41. 42. 43.* Etenim susceptæ à Dauide actiones, quibus hostium copias in fugā coniectas persecutus est, fregit & tanquā puluerem contudit, erant expeditissimæ rationes ad consequendam victoriā destinatæ. Pro destinato etiam ad victoriā obtinendam interpretor hostiū desperatam conditionem illam, orbatam scilicet & prorsus destitutam omni subsidio tam diuino quàm humano. Quod ad diuinum subsidium attinet: constat è ver. 42. nihil opis diuinitus expectandum ab illis esse, vtpote quorum supplicationes penitus reiecerit Iehoua. Ac quæ tandem ab homine auxilij spes ijs potuit esse, quos armis persequebatur hostis tam potens & auspicijs Iehouæ in re gerēda tam fortunatus, vt ad nomen ipsius finitimæ gentes contremiscerent & de deditione cogitarent? Sed dum totidem versiculis media ad victoriā destinata commemorantur: facere non potuit Propheta quin de principe causa partæ victoriæ interea loqueretur. Hinc est quod ver. 40 & 41. solum Iehouam authorem agnoscat tantæ in bello felicitatis.

De victorijs aduersus hostes externos partis disseruit adhuc Propheta. Quemadmodum ei contra hostes domesticos successerit iam videamus. Non hîc rem gestam vberiori oratione persequitur: sed eandem paucis proponit.

*Liberasti (inquit) me à contentiōibus populi. ver. 44. Non est*

est obscurum quas conspirationes & turbas Saulis factio dederit : quas etiam tragedias & tumultus Absalomus aduersus patrem excitauerit. At hæ turbæ & tragediæ, quibus Dauid in discrimen capitis & sceptri coniectus est, diuinitus sedatæ & consopitæ sunt : id quod hoc versu agnoscit Propheta. Ac proinde ad nominis diuini gloriam prædicat debere se Iehouæ soli suam à populi contentione liberacionem.

Multiplicis victoriæ, quam concessit Dauidi Iehoua peracta narratione : sequitur alterius insignis sceleritatis in Dauid collatæ historia. Ea vero est imperij propagatio partas victorias subsecuta. ver. 44. 45. 46.

Imperij propagatio describitur à Propheta

1. *E causis, principali scilicet & instrumentali.* Causa principalis propagati imperij Iehoua efficitur. Disposuisti (inquit) me in caput gentium: id est, non solum me inter Israelitas ad regis maiestatis sedem extulisti, sed etiam varijs gentibus præfecisti, redactis scilicet per te in præstatem meâ. Causa instrumentalis, qua adductæ finitimæ nationes se imperio Dauidis subiecerunt, duplex notatur : Nominis siquidem celebritas, quam è rebus præclarissimè gestis affectus est Dauid : & grauisimus metus impendentis periculi, si qui de ditione detrectata obfisterent. Quod gentes Dauidici nominis celebritate & fama permotæ, Dauidem pro rege suo agnouerint, testatur versus 45. Quod grauisimo metu periculi è dilata aut recusata deditione secuturi, gentes aliæ se regis Israelitici scepro submitterent, docet versus 46. Vbi qui latebris & propugnaculis inclusi delinquerunt, dicuntur metu percussi ex eisdem prodisse & supplices Dauidi occurrisse.

2. *E subiectis.* Propagatio imperij fuit in populum alienum, qui antea sui iuris erat, nec eisdem legibus, quibus populus Israelis aut religionis professione denunciebat. Is tamen se Dauidis imperio adiunxit ut à tanto ac tam illustri principe regeretur. Sed præstita ab alienigenis istis subiectioni additur exornatio ab adiuncta simulatione subiectionis. Alienigenæ (inquit) mentiti sunt mihi : id est, se mihi subiecerunt

subiecerunt non alacri & integro animi affectu, sed fucato & e mentito obsequio, prout fieri solet in notri imperij accessione.

Restat & triplici felicitate, cuius addito splendore David extitit longe illustrissimus, postrema illa, nempe *Multiplicis gratie* in Davidis personam collatę ad ipsius posteros transmissio, ver. 51. in fine.

Quod ad versiculos præcedentes attinet, viz. 47. 48. 49. 50. 51. illis complexus est Propheta partim Psalmi totius subiectum, professionem scilicet tribuendi honorem & gloriam Iehoua, ver. 47. & 50. partim insinuat professionis summam rationem & fundamentum, contemplationem nempe beneficiorum à Iehoua acceptorum, v. 48. 49. 50. 51. Accepta à Domino beneficia duo in genere sunt: *Conseruatio nimirum* Prophete aduersus pericula, & *illustris insuper felicitatis adornamentum*, *Conseruatio* Prophete est, ver. 49. & 51. Illustres illę felicitates sunt partim victorię & propagatio imperij, ver. 48. & in principio, v. 49. ac 51. partim gratię præstite communicatio cum Prophete posteris, ver. 51. in fine. *Conseruatio* Prophete, *victoria* & *imperij propagatio* Descriptione Dei illius, quem sibi Propheta celebrandum proponit, comprehenduntur v. 48. 49. Præstite gratię communicatio pars est, bieiecti de quo David psallere instituit ver. 51.

## PSAL. XIX.

1 **M** Agistro Symphonie Psalmus Davidis.

2 **M** Cæli enarrant gloriam Dei fortis: & opus manuum eius indicat expansum.

3 **D**ies diei erultat sermonem: & nox nocti ostendit scientiam.

4 **N**on est sermo, neque verba eis: & sine hijs intelligitur vox eorum.

5 **I**n omnem terram prodeunte delineatione eo-

K

rum,

rum, simul prodierunt in extremitatem orbis habitabilia sermones eorum. Soli disposuit tentoria in eis.

6 Et ipse est tanquam sponsus prodeuns ex thalamo suo: letatur tanquam vir robustus decursurus viam.

7 Ab extremitate caelorum exortus eius: & revolutio eius ad extremitates eorum est. Nec est quod abscondatur à calore eius.

8 Doctrina Iehouae perfecta est, restituens animam: testimonium Iehouae verax, sapientiam afferens imperio.

9 Mandata Iehouae sunt recta, letificantia animam: praeceptum Iehouae purum, illuminans oculos.

10 Timor Iehouae sincerus, consistens in eternum: iudicia Iehouae sunt ipsa veritas: iusta sunt pariter:

11 Desideratissima, desiderabiliora auro & quidem auro purgatissimo quamplurimo: ac dulciora melle & quidem acie melle.

12 Etiam seruus tuus, illis circumspectus redditur: in eorum observatione retributio multa.

13 Quis est ille qui errores suos intelligat? me ab occultis absolue.

14. Etiam à contumacijs subtrahes seruatum, ne dominantur in me: tunc integer & infans ero à defectione magna.

15. Sint accepti sermones oris mei, & meditatio animi mei coram te, Iehoua rupes mea & redemptor mi.

## ANALYSIS PSAL. IQ.

De inscriptione supra diximus. Psalmi partes, prout versiculo

ficulo decimoquinto admonemur, duæ sunt: altera, instituta à Davide meditatio: precatio altera.

Meditatio præcedit, comprehensa versibus videremur: à principio scilicet secundi ad finem duodecimi. Reliqua Psalmi pars precatiōi tribuitur.

Meditationis institutæ subiectum est duplex: prius de Iehouæ gloria relucēte in creatis ab ipso cœli machinis, de verbi diuini præstantia posterius.

Propheta de excellenti illa Dei gloria meditati hanc quæstio disceptanda proponitur:

*Cœli gloriam Iehouæ prædicant. vers. 2.*

Ad huius quæstionis explicationem, Propheta notatis medijs & quasi instrumentis quibus vtuntur cœli in prædicatione diuinæ gloriæ, sic disserit:

*Cœli annunciant hominibus cuius vi & quàm admirabili artificio constituti sunt: inducta ab ipsis dierum & noctis perpetua successione de bonitate Iehouæ concionantur: denique Sole mediante de eodem loquuntur. v. 2. 3. 4. 5. 6. 7.*

Itaque cœli gloriam Iehouæ prædicant. vers. 2.

Antecedente Enthyematis comprehendi videmus membra tria.

Primum est vers. 2. in fine.

Secundum vers. 3. 4. & vers. 5. in prior. par.

Tertium vers. 5. 6. 7.

Quod ad primum antecedentis membrum attinet, de eo sic loquitur Psalmista: *Opus manuum eius indicat ex partem.* Hicce verbis & cœlestis machinæ efficientem & creatæ machinæ admirabile ac singulare artificio notari contendit. De efficiente, apertam rem esse & minime controuersam fateri necesse est, cum disertè affirmetur palam ab expanse prædicari, esse se opus Iehouæ ipsius manibus efformatum. De adiuncti artificij præstantis, quæ in cœlorum fabrica elucet admirabiliter, ambigi fortasse potest an de ea loquatur Propheta. Sed intuenti verba Prophetæ accuratius statim occurrer, nihil penè exploratius esse quàm illud Dauidem velle, vt notari putemus ab eo, quàm incredibili elegantia & artificio in cœlorum structura vsus sit Iehoua.

Nam dum refert fuisse cœli machinam Iehouæ ipsius manibus coagmentatam, num vulgare quid & petiitum è triuio nocet, an quiddam potius tanto artificio & expositione conformatum, ut nihil cogitari possit admirabilius? Hinc est quod Psal. 8. cœlos appellet *opus digitorum Iehouæ*: id est, opus tam scite & concinne fabricatum, ut nihil exquisiti artificij, aut elegantiz vspiciam fuerit, quod non in ipsum videatur transfudisse.

Secundum antecedentis membrum est de ordinata dierum ac noctium successione. Per eam quomodo cœli de Iehouæ gloria conceiuntur inquiramus. *Dies (inquit) diei eructat sermonem: & nox nocti ostendit scientiam*: id est, dies diei interposita nocte succedens perenne & copiosum argumentum ad nomen Iehouæ ornandum suppeditat. Hoc illud est quod eructandi metaphorâ significatur, sumpta à fontium perenniter & vberitum fluentium saturigine. Ut enim fons perennis abunde & absque intermissione aquas profundit, sic continua dierum & noctium successio quasi syluam quandam & infinitam materiem suggerit ad texendum de Iehouæ panegyricum. Sed quibus tandem modis materies ista diuinæ laudis suggeritur? inde certe, quod successione ista cœli pulchritudo, orbium cœlestium & syderum varius cursus, statæ ac distinctæ cuiusvis anni tempestates, oportuna tempora laboris & quietis obseruentur ab hominibus & dignoscantur. Atque hæc est illa scientia quam irradiant cœli: hæc concio quam habent de Iehouæ admirabili potentia, sapientia & bonitate. Ut enim potentiz & sapientiz infinitæ fuit tantum splendoris, tam discrepantes cursus, tam concitatos motus, tam incredibiles & salutare virtutes, tam excellentem facultatem discriminandi oportunitates & tempora, in cœlestem machinam illigare: sic non minus immensæ bonitatis fuit hæc omnia ad humani generis vsum creare ac transferre.

Quod de promulgatione diuinæ laudis habita à perpetua dierum & noctium successione dicitur, id amplificatum reperiemus.

*Primum à Diuersis, sic:*

*Etiamsi*



*Etiam si noctes & dies lingue beneficio destituta sermone non utuntur hominum more : tamen exaudiri ab hominibus & intelligitur vox earum. vers. 4.* Est autem vox ista qua dierum & noctium successio vitur, nihil aliud quam cœlestium sphaerarum fabrica insignis, excellens pulchritudo, motus & conuersiones admirabiles, & luce & motu incredibiles virtutes ac temporum discriminatione.

*Deinde ab adiuncto temporis & à subiecto loco. vers. 5.* Vbi in hanc sententiam loquitur Propheta: *Prædicatio ista diuini nominis, quam diei & nocti attribuiamus, non est illa quidem noua & nuper cœpta, sed inde ab initio creationis, ut primum scilicet cœlorum aspectabilis delineatio & descriptio prodit, existisse comperietur, neq; alligata certis locorum regionibus & definita, sed per omnes vniuersi partes transmissa.*

Restat antecedentis membrum tertium de Sole. Solis concio de laudibus Iehouæ, ita aperta est & illustris, ut ab omnibus animo & intelligentia faciliè comprehendi possit. Id ita esse, & Solis descriptione adhibita constabit. Descriptio Solis est:

1. *A subiecto loco, in quo est à præpotente Deo collocatus. vers. 5.* Vbi est exornatio à collatione similitum. Comparatur siquidem illa sedes Soli assignata magnifico palatio seu tentorio.
2. *Ab adiuncta dignitate & ornatu. vers. 6.* Vt Solis ornatum splendidissimum esse constet, similitudinem adhibet, in qua Solem confert cum sponso. Vt (inquit) prodeus è thalamo sponsus, apparatu nuptiali totus splendet oculosq; omnium in se conuertit : sic prodeus Sol ad terram luce sua collustrandam, ita claritate & fulgore præstat, ut eo nihil cogitari possit ornatus aut splendidus.
3. *Ab adiuncta in cursu celeritate & indefatigatione. vers. 6. 7.* Vbi similitudine ducta à cursoribus, qui olim quadrigis vel pedibus in stadio certabant, Solis in cursu suo conficiendo celeritatem & indefatigationem exponit. Nam ut cursor, quem viri robusti nomine appel-

lat Propheta, stadium decurrit & celeritate mirifica, & abique vlla propter singularem corporis firmitatem defatigatione: sic Sol curriculi sui demensum spatium tam incredibili velocitate conficit, vt instar miraculi cuiusdam videatur posse Solem tam longè disitos coelorum tractus tam breui tempore ac indefessum percurrere.

4. Ab adiuncta immensitate caloris: quippe quo non has illasve mundi plagas tantum afficiat, sed per vniuersum orbem diffusae res singulis recreet & foueat. *ver. 7. in fine.*

Hactenus institutae meditationis quaestio de publicata à coelis renouae gloria, dilectata est.

Consequens est adhibita meditationis caput alterum de verbi diuini praestantia.

Doctrinae sacro Dei verbo explicatae singularis dignitas, notatur versiculi vndecimi principio: vbi desideratissima esse dicitur, id est, tanti pretij & excellentiae, vt ad eam comparatae res ceterae sordere videantur. Sed praestantiam hanc verbi diuini quemadmodum persequatur, & tractet Propheta videamus. Primo quibus nominibus sacratissimae Scripturae doctrinam appellet non erit alienum attendere. Appellatio varia est & multiplex. Vocatur siquidè nomine *Legis, testimony, mandati, praecepti, timoris Domini, iudiciorum Iehouae*. Dicitur *Lex*, quia legis summam auctoritatem in iubendo ac vetando obtinet. *Testimonium*, propterea quod de Deo testetur quis sit & quomodo erga nos affectus. *Mandatum & praeceptum*, quod in ea mandetur ac praecipatur quicquid à nobis fieri Iehoua & praestari velit. *Timor Domini*, quia rationem complectitur timendi Iehouam, id est, obeundi omnes partes diuini cultus, siue externus fuerit siue internus. *Iudicia Iehouae*, eo quod in rerum humanarum administratione excellentissimas illas Iehouae vias & instituta commemoret & tradat.

En igitur vel ipso nomine tam accommodato & multiplici depictam quodammodo verbi diuini excellentiam. Sed abeamus à nomine ad ea, quibus doctrinae sanctissimae praestantia vberius & luculentius describitur. Descrip-

tio præstantiæ illius, primum adiunctis & effectis perficitur, ver. 8. 9. 10. 11. Deinde expolitio est & duplici comparatione Minorum, ver. 11. Tum subiicitur amplificatio ab experientia & observationis testimonio, vñ cum notatione quadam adiunctæ utilitatis, ver. 12. Est igitur huius excellentiæ, quæ legi diuinæ tribuitur, quæstio conclusa hoc epithymemate: cuius antecedens multis partibus constat.

*Doctrina verbi diuini est numeris omnibus absoluta, adeo ut nihil ei desit, quo declaretur Dei erga nos voluntas aut nostrum officium erga ipsum: est instrumentum vtridicandi hominis è malo peccati, & restituendi in libertatem filiorum Dei: Est, si promissiones aut comminationes in ea traditas species, longe veracissima: magistra etiam diuinissime sapientiæ. ver. 8.*

*Eadem verbi diuini doctrina continet rectissimam فرمانده vite normam: letas & pacatas è diuini amoris sensu reddit conscientias: est pura ab omni fœce prauarum opinionum; & dissipata mentis nostræ caligine eandem illustrat cognitione discriminis inter bona ac mala. ver. 9.*

*Eadem verbi sacri doctrina est sincera, admodum in singulis diuini cultus partibus, non inquinata hominum inuentis, non mutationi exposita: est veritatis & iustitiæ regula: nec quicquam complectitur, quod non sit summa approbatione pariter excipendum. ver. 10.*

*Eadem doctrina celestis, uterque purgatissimi auri plurimum & mel acetum, ultra scilicet ac sua vi stillans è fauo, sit magni utranque in suo genere faciendum, tamen & illud dignitate, & hoc suauitate longissime superat. ver. 11. Hic igitur duplici minorum comparatione illustratur verbi excellentia.*

*Ab eadem doctrina ipsum me seruum tuum in omni re gerenda eruditum fuisse experius sum & reflex: simulq; coniunctum esse cum observatione ipsius id privilegi, vt ex Ieboue pasto libero illo quidem*

*Et gratuito mercedem expetimus & feramus.*  
verl. 12.

*Itaque doctrina verbi divini sic excellit, ut sola abiudicatis  
ceteris omnibus desideranda videantur.* ver. 11.

*Adhuc Prophetæ meditatio fuit: superest precatio ver-  
ficulis Psalmi extremis.* 13. 14. 15.

Precationis capita duo sunt: primum de peccatorum ve-  
pia & sanctificatione: secundum ut adhibita meditatio &  
precatio, utraque scilicet grata Iehoux & accepta sit.

Peccatorum venia, eorum nempe quæ per errorem aut  
Satanæ ludibrijs inductus admisit Propheta, postulat  
ver. 13. ubi est postulati exornatio & prolepsis. Quæri enim  
potest quid caput sit cur in specie & singillatim delicta sua  
non exponat. Excusatio est ab adiuncta ignoracione deli-  
ctorum, quæ obstitit quominus speciali confessione perle-  
queretur singula & referret. Ut est per facile labi & errare:  
sic humanum est quid & quorupluciter peccetur nescire.

Sanctificationis petitio continetur ver. 14. *Subtrabe* (in-  
quit) *servum tuum à contumacijs, ne dominentur in me:* id est,  
eam mihi Spiritus tui gratiam largire, qua possim & resra-  
ctarios animi mei impetus coecere & continere me in  
præfinito curriculo persequendi mandata tua.

Iustificacionis & sanctificationis postulatam istud à Da-  
vide interpositum amplificatur à fine. *Tum* (inquit) *integer*  
*& insons ero à defectione magna:* id est, peto ab te & peccati  
veniam & animi sanctificati gratiam, ut liberatus Satanæ  
tyrannide & peccati dominatu omnem vitæ degendæ rati-  
onem legi tuæ conformem.

Restat precationis caput posterius ver. 15. *Sint* (inquit)  
*eloquia oris mei,* id est, petitio quæ ad gratiam iustificacionis  
& sanctificationis impetrandam usus sum: & antegressa me-  
ditatio cordis mei de publicata à cœlis gloria tua, & de sa-  
cro sancti verbi tui excellentia: *Sit* (inquit) *utrumque istud*  
*tibi à Iehoux, qui in Christo Iesu redemptor es meus, & adversus*  
*omnia pericula propugnator, gratum semper acceptumq̃.*

## PSAL. XX.

**M**agistro Symphonia Psalmus Davidis.  
 Exaudiat te Iehoua tempore angustie : te  
 in edito collocet nomen Dei Iacobi:

3 Mittat auxilium tuum è Sancto , & à Sione  
 fulciat te.

4 Odoretur omnia munera tua & holocaustum  
 tuum in cinerem redigat. Selah.

5 Det tibi ex animo tuo & totum tuum confi-  
 lium impleat.

6 Canemus de salute tua, & in nomine Dei no-  
 stri vexillis utemur, ubi implebit Iehoua omnes pe-  
 titiones tuas.

7 Iam cognoui Iehouam seruare Vnctum suum:  
 exaudire eum de cœlis sanctitatis sue: ex summa  
 fortitudine, salute dextera sua.

8 Hy currum & illi equorum, nos verò nominis  
 Iehoue Dei nostri recordamur.

9 Illi incruent se & cadunt : nos verò surgi-  
 mus & consistimus.

10 Iehoua serua: rex ipse exaudiat nos die quo  
 inuocabimus.

## ANALYSIS PSAL. 20.

Inscriptio Psalmi loquitur de Psalmi efficiente, Davide  
 scilicet: deinde de symphonia magistro, cui decantandus  
 tradebatur.

Cum Davidi non modò sceptrum regium in populo Is-  
 raelitico, sed etiam Prophetæ munus demandatum esset à  
 Iehoua,

Iehoua, mirum videri non debet dictatam ab eo fidelibus & præscriptam fuisse precandi formam. Siquidem quod erat prophetici muneris, id non minus præstandum esse censuit, quàm ea quæ ad reipublicæ Israeliticæ procuracionem pertinebant. Hinc est quod Ecclesiam & de officio admonuerit confugienti ad Iehouam pro salute Principis, si quando de ea ageretur, & de modo formandæ precationis instruxerit.

Sed quæ est precatio illa, qua dictata à Davide videtur populus Israelis, subditus nempe pro incolumitate summi in republica Principis? David ab Hammonitis singulari iniuria prouocatus, accepta nimirum in persona legatorum suorum insigni contumelia, & certior factus conscribi insuper ab ijs maximas ad bellum gerendum copias, ad coercedam Hammonitarum insolentiam & iniuriam vindicandam, de suscipienda aduersus ipsos expeditione militari statim cogitat. Vt vero in ea sibi & populo Dei scilicet eueniat: vult ab Ecclesia Israelitica precacionem adhiberi in hanc sententiam:

*Regem nostrum ô Iehoua, iam proficiscentem in aciem ad hostes suos debellandos exaudi & protege. ver. 2. 3. 4. 5. 10*

Petitionis capita duo sunt:

1. *Vt regis precatio exaudiat.*

2. *Vt regis saluti consulatur.*

Ut unque caput & separatim & coniunctim explicatur.

Petitionis caput illud de regis oratione exaudienda habet exornationem primum à circumstantia temporis: deinde à comparatione Maiorum.

Petit Ecclesia vt regis sui oratio exaudiat *tempore angustie*, id est, si quando in campo & acie rex de salute sua cum hostibus confligens periclitetur, ver. 2.

Maiorum comparatione tractatur Ecclesie petitio, dum contendit vt Iehoua non modo exaudiat regem suppliciter precantem, sed etiam aspectabili aliquo testimonio demonstret valere apud se orationem regis. Hinc est quod ver. 4. cupiat vt oblata à rege sacrificia in cinerem redigantur. Cum vi flammæ copiosis demissæ holocausta conflagrarent



rent & absumerentur, id fuit exaudita orationis, quæ una cum sacrificijs adhibita est, indicium singulare.

Ver. 5. est petitionis repetitio quædam & illustrior explicatio.

Petitionis caput alterum de Regis salute tuenda in ipso armorum æstu & certamine, amplificatur à simili ver. 2. tum à circumstantia loci ver. 3. *Colloca te* (inquit Ecclesia) *in edito nomen Dei Iacobi* id est, peto ut aduersus hostium impetus & suscepti belli varios casus ac discrimina protegere admirabili potentia & gratia illius Dei, qui se Deum Iacobi professus est, & quem Iacobus solum pro Deo agnouit & coluit: peto (inquam) ut quæadmodum ij. qui immunes à periculo esse volūt, se in excelsum aliquam arcem recipiunt: sic providentia tua, qua soles dissipatis hostium copijs eos qui ad opem tuam confugiunt incolumes aduersus pericula præstare, sit regi nostro instar arcis cuiusdam & propugnaculi.

Sed additur ver. 3. loci circumstantia, vnde nimirum quasi porrigendum regi & transmittendum auxilium sit. *Mittat* (inquit) *auxilium tuum* & Sancto & Sione succiat te. *E Sancto*, id est, e cæli domicilio, quod merito dici potest sanctissimum propter illius, cuius in eo admirabiliter repletur Maiestas, infinitam sanctitatem. *E Sione*, nimirum inde, ubi est illustris quædam representatio & aspectabilis sedes diuini Numinis.

Meminit huius circumstantiæ Ecclesia, ut apud Iehouam profiteri videatur non habere se aut Davidem populi Israelitici Principem spes suas aliunde suspensas, sed quicquid expectandum sit felicitatis & gratiæ, id omne à solo Iehoua, cuius est in cælis & sanctuarij Cherubinibus solium regale & magnificum, expectare se & requirere.

Sequitur vtriusque capitis petitione comprehensi coniuncta tractatio: quæ duobus argumentis perficitur. Primum eiusmodi est:

*Arg. 1.* Si futurum est ut conseruato abs te rege nostro, eo nomine celebraturi sumus gratissimis letissimisq; animis gloriam tuam: petimus ut minime graueris eum in aciem iam

iam contra hostes proficiscentem exaudire & protegere.

At conseruato ab e rege nostro, eo nomine gratissimis letissimisq; animis gloriam tuam celebraturi sumus. ver. 6.

Itaque ne graue rege nostrum in aciem contra hostes proficiscentem exaudire & protegere. ver. 13, 4. 10.

Assumptio est sexto versiculo proposita. *Canemus* (inquit) *de salute tua*: id est, Iehouæ nomen prædicabimus ob conseruatam salutem tuam. *In nomine Dei nostri utemur vexillis*, ubi implebit petitiones tuas: id est, postquam tibi salutem in medio armorum discrimine & victoriam contra hostes suppliciter petenti satisfecerit, erectis & explicatis vexillis, ut solent victores, summa animi læticia & exultatione de campo & acie in urbem Hierosolymitanam reuertemur, agnoscetes interim atque isto triumphandi & letandi actu proficentes adeptos esse nos salutem & victoriam in nomine Dei, id est, admirabili virtute & gratia præpotentis Dei.

Veru septimo prolepsis interponitur. Siquidem in hunc modum aduersus Ecclesiam obijci potest: video te ad Iehouam confugere singulari spe adductam, fore ut Regem Israelis ad bellum gerendum iam proficiscentem, velit tutum contra impetus hostiles præstare. Atqui verò ludis ipse te, dum Iehouam Regi tuo subuenturum esse cre-

Obiectionem istam refellit Dei populus à testimonio experientiz & obseruationis suæ. Sic enim ver. 7. loquitur: *E rebus antehac à Iehoua gestis obseruavi sapius atque expertus sum & esse ipsum summa potentia & suis, si quando versantes in discrimine ad ipsum confugerint, solere succurrere. Ac proinde non dubito quin unctus à se & constitutus in regio solio Dauid exauditus sit de cælis & parte victorie trophæis ornaturus. De hoc (inquā) persuasi ipse mihi, obseruata nimirum à me antehac & summa ipsius fortitudine & salute dextera. Iehouæ fortitudinē de ipsius summa ad rē efficiendā potentia interpretor & salute dextera notari statuo frequentes illas de periculis liberationes, quas pro infinitæ dexterae suæ potentia & singulari*

gulari gratia præstita.

Refutata obiectione redit ad persequendam petitionem Ecclesia: atque in hanc sententiam regis sui causam agit apud Iehouam:

Arg. 1. Nos à te Iehoua pendemus toti, non aliunde salutem attendentes. vers. 8. in fine.

Itaque nobis commendantibus tibi salutem regis & suscepti ab ipso belli pericula deprecantibus ne gravèris satisfacere. vers. 2. 3. 10.

Antecedenti enthymematis additur illustratio & dissimilibus fiducie subiectis:

Infideles curribus & equis confidunt. vers. 8. in principio.

At nos nomen Iehouæ recordantes in eo sola confidimus & acquiescimus. vers. 8. in fine.

Dissimilitudinis utriusque parti subijcitur vers. 9. conspectum ad notandum & similes euentus dissimilis fiducie:

Illi, quia humanis viribus & medijs nituntur, idcirco prosteruntur ac iacent. vers. 9. in principio.

At nos, quia in Iehouam spem omnem & fiduciam reponimus, idcirco liberati à malis consistimus incolumes. vers. 9. in fine.

Versu Psalmi postremo integra petitio repetitur, sed apud secundam Trinitatis personam exhibita. Nam rex ille, de quo meminit versiculus decimus, est Christus Iesus, cui omnis maiestas & imperium à Deo Patre demandatum est. Cum igitur is sit, qui solus author salutis est, & per quem res singulæ efficiuntur, illius opem optimo iure implorat Ecclesia.

## PSAL. XXI.

1 **M** Agistro Symphonie Psalmus Davidis.  
2 Iehoua, de robore tuo latatur Rex: & de  
salute tua quàm exultas valde.

3 De-

3 Desiderium animi dedisti ei, & quod protulit labijs suis non negasti. Selah.

4 Quin praeuenisti eum benedictionibus bonis: imposuisti capiti eius coronam auri purgatissimi.

5 Vitam petijt abs te: dedisti ei: etiam longitudo dierum in saeculum & sempiternum.

6 Magna est gloria eius per salutem tuam: decus & maiestatem posuisti super eum.

7 Nam posuisti illum in benedictiones sempiternas: exultauisti cum letitia à facie tua.

8 Quoniam ipse Rex confidit Iehoua, & in benignitate Excellsi, non dimouetur.

9 Assequeris manu tua omnes inimicos suos: dextera tua assequeris ocores tuos.

10 Disparis eos ut fornacem ignis tempore iratae faciei tuae: Iehoua in ira sua absorbet eos, quasi consumat eos ignis.

11 Prædictum eorum è terra pedes, & semen eorum è filijs hominum.

12 Quoniam intenderunt tibi malum: & commentisunt cogitationem quam non possunt perficere.

13 Idcirco ponis eos velut tumulum: nervis tuis aptatas sagittas iacularis contra faciem eorum.

14 Exaltare Iehoua robore tuo: cantemus & psallamus fortitudinem tuam.

#### ANALYSIS PSAL. 21.

Psalmo isto, quem à Davide sideramus ideo dictaturus esse ut eo uteretur Ecclesia, duo tractantur, Celebratio scilicet diuini nominis, & Petitio. Nominis diuini celebrationem proponit Ecclesia vers. 2. Deinde eam verficat pluribus per-

persequitur. De robore tuo (inquit) latatur rex, & de salute tua quam exultat valde! Admonet hic virtus de laudationis meditatz & institutæ subiecto. Id verò est bipartitum: nempe diuina bonitas erga regem, & diuina iustitia aduersus hostes Ecclesiæ. Vtraque salutis Davidi à Iehoua concessæ nomine comprehenditur. Nam liberatio ab hostibus, qua Deus Prophetam pro infinita misericordia cohortatus est, eiusmodi fuit vt sua secum hostium interitum afferret. Latatur iraque & exultat rex de salute Iehouæ: id est, cum propter acceptam liberationem ab imminetibus periculis, tum propter hostium copias euersas ac prostratas, summam gloriam tribuit Iehouæ, latissimo animo agnoscens deuinctum esse se rerum omnium Principi & moderatori singularibus beneficijs. Vocem igitur letitiæ & exultationis vt tropicis adhibitam interpretor ad laudationis, quæ instituitur, significationem.

Habemus ergo comprehensum vers. 2. laudationis propositæ subiectum: sed addita exortatione ab efficiente. Nam liberatio illa Prophetæ & hostium interitus, vtriusque inquam est à diuino robore & potentia profectum: adeo vt etiam admiranda potentia nomine Iehoua celebretur. Constat igitur quid illud sit, quod regi in suscepta laudatione proponitur. Perinde est ac sic diceretur:

*Contulisti in regem mirificæ bonitatis argumenta: & hostes Ecclesiæ ad interitum redegisti.*

*Itaque rex latatur & exultat: id est, agnoscens debere se tibi omnia, animo latissimo gloriam nominis tui prædicat.*

Quod ad enthymematis antecedentem attinet: constat illa duabus partibus: quarum altera est de bonitate diuina erga regem: altera de iustitia Dei contra hostes Ecclesiæ, scilicet Ammonitas. Ihs enim deuictis reuolit se ad gloriam Iehouæ prædicandam Prophetæ. Pars illa de bonitate Dei est à vertu secundo ad notum: de iustitia verò Iehouæ aduersus hostes Ecclesiæ tractatur vers. 9. 10. 11. 12. 13.

Diuinæ bonitatis erga regem explicatio perficitur inductione specialium. Notat siquidem bona & quæ pertine-

tur

tur a rege, & quæ ab ipso petita non sunt. Primum docet concessa esse regi bona quæ petijt vers. 3. Ac proinde nomen Iehouæ laudandum esse.

Antecedens illustrationem habet à collatione Maiorum, ven. 4. ubi loquitur in hanc sententiam Ecclesia: *Quin præuenisti eum benedictionibus boni.* Integra comparatio est huiusmodi:

1. Contulisti in regem etiam benedictiones illas & bona quæ non petijt. vers. 4. in principio.

2. Non est mirum ergo si regi in iis quæ à te supplex contendit, satisfeceris. vers. 5.

3. Comparationis propositio, adhibita particularium enumeratione explicatur. Nam in specie refert Ecclesia Iehouam regi concessisse bona quæ non petijt: nempe,

1. Accessionem imperij. vers. 4. in fine.

2. Vitæ immortalitatem. vers. 5. in fine.

3. Gloriam summam. vers. 6.

4. Ac proinde Iehouam omni laude efferendum esse.

Quod ad accessionem imperij attinet: prædicat Ecclesia impositam esse capiti Davidis coronam auri purgatissimi. Quod interpretari placet non de sceptro regni Israelitici (eo enim iam fruebatur cum Ammonitis bellum interret & illius nomine peritæpe gratias egerat) sed de patto in Ammonitis imperio. Hos enim fudit ac profligauit: immo, vt è 2. Sam. cap. 12 constat, ita scilicet David in dimicatione successit, vt caeso Ammonitarum rege coronam ipsius abstulerit, quæ erat & gemmarum nitore perinsignis & purgatissimi auri talento pergrauis.

De vitæ æternæ beneficio sic loquitur, vt illud comparatione Minorum amplificet: Nam in hunc solum ad laudem Iehouæ dissertit:

1. Insigne beneficium est quod Regi huius diti, quam in terris degimus, longiorem usuram concesseris. vers. 5. in principio.

2. At illud longè maius est, quod eum vitæ immortalitate donasti. vers. 5. in fine.

3. Summæ gloriæ in regem collatæ meminit versiculos

sexus,



sexus, notata insuper instrumentali causa tam singularis beneficii. *Per salutem (inquit) tuam magna est eius gloria & maiestas: ac si diceretur: Quid suffis & prostratis Ammonitis regem grauissimus periculis eripueris: ed regis nomen accessione scilicet recentis cuiusdam maiestatis insigniter honorificum & admirabile reddidisti. Etenim non modo vniuersis tribus Israelis, sed etiam exteris gentes, ad quas tantæ liberationis fama peruenerit, regem nostrum tanquam diuinitus missum & Iehouæ charissimum in summo honore habent, dignumque putant de cuius rebus gestis nulla ætas conticeat: & cuius maiestatem auctam iam splendore noui honoris magis magisque admiretur.*

Sed Regi Dauidi concessæ gloriæ præstantiam demonstrat Ecclesia duplicis effecti argumento: prius eiusmodi est:

*Gratia tua erga regem singulari, qua illi omnia assatim suppetunt & pro exemplari habetur inter homines diuina bonitatis, perfecisti & vis ut multiplicis erga alios benedictionis instrumentum & iam sit & semper esse possit.*  
ver. 7. in principio.

*Itaque in eum illustrissimi nominis gloriam & decus contulisti.*

Alterum concessæ gloriæ effectum versus septimi clausula posteriori comprehenditur. Vbi in hunc modum in Iehouæ laude ornanda progreditur Ecclesia: *Gloria, qua regem nostrum affecisti, facit ut incredibilem letitiam capiat, persuasus inde de tuo erga se egregio & perpetuo amore. Magnam itaque eam gloriam esse necesse est, que tam illustre testimonium exhibet diuina bonitatis, ut ex illius sensu perfundatur animus admirabili & perenni gaudio.*

Ad concludendam diuinæ erga Regem bonitatis explanationem, redditur ratio ver. 8. qua inductus Iehoua Dauidem tam excellenti gratia prolecurus sit. Fecit ergo fiducia illa, quam in Iehouam collocauit, ut regem dimoueri aut deici de statu, quo utebatur florentissimo, minimè pateretur: Immo fecit ut non modo consuleret Regi contra rerum angustias & casus aduersos, sed etiam eidem de subsidij

opum & honorum ornamentis prouideret. Atque hæc est illa Iehouæ, si quos promissionum suarum fide niti videris, in fide liberanda singularis alacritas & constantia.

Hactenus expositum est primum institutz laudationis caput, de Iehouæ scilicet erga Regem excellenti bonitate.

Sequitur laudationis pars altera, de iustitia Dei aduersus hostes Ecclesiz, à principio ver. 9. ad finem ver. 13.

Quod ad iustitiam Dei spectat: videamus primò quomodo describatur: deinde quo argumento iustitiæ istius executio asseratur & commendetur.

Iustitiæ diuinæ, id est, pœnæ impijs à Iehoua inflictæ descriptio est:

1. *Ab efficiente, nempe potentia Iehouæ, quæ vocabulo manuum & dexteræ exprimitur. ver. 9.*

2. *A subiecto, exercetur siquidem iustitia diuina in eos non qui simpliciter impij sunt, sed qui ed impietatis processerunt, ut ipsum Iehouam odio prosequantur & cum eo bellum gerant. Vnde perspicitur Dei erga suos amor illustris, ut ipse qui hostes Ecclesie suæ pro grauissimis gloriae suæ aduersarijs habeat. ver. 9.*

3. *Ab adiuncta grauitate pœnæ, qua hostes Ecclesie afficiuntur. Supplicij magnitudo similitum comparata in hoc declaratur. ver. 10. Nam ut sarmenta siue quæ res aliæ in fornacem ardentem coniectæ ardore flammæ absumuntur: sic hostes Ecclesie quasi in clybanum iræ diuinæ præcipitari, iudicij diuini æstu incredibili absorbentur & ad nihilum rediguntur. Comparationis apodosis exornatur notatione adiuncti temporis, quo ad pœnam impij rapiuntur. Id autem tum fit, cum eouque Iehouam suorum scelerum atrocitate homines nequissimi prouocauerint, ut eos non diutius ferendos esse censeat. ver. 10. in medio. Disponis (inquit) eos ut fornacem ignis tempore iratæ faciei tuæ. Vbi fornacem ignis per subiecti metonymiam interpretari oportet pro rebus in fornacem coniectis. Videmus igitur eleganti similitudine inflictæ pœnæ magnitudinem illustrari versu decimo: vbi vtraque similitudinis pars priori*

priori membro versiculi in contractam comparationem illigata proponitur: deinde eiusdem posteriori inciso apodosis explicatur apertius, repetita interim similitudine contracta.

4. *A comparatione Maiorum, ver. 11.* Quem versum sic interpretor, ac si ita loqueretur Ecclesia: *Non modo impiorum personas delendas esse censes, sed etiam quibus affluunt facultates & copias: immo eorum posteros funditus perdi & extirpari vis.*

5. *A collatione similium, ver. 13.* Similitudo cuiusmodi est: *Ut contra aggerem scopumq; aggeri infixum iaculamur & iaculando proterimus:*

*Sic Iehoua intmisit contra impios tanquam aggerem, & contra eorum faciem quasi scopum, ita sue telis, eos perdit & conficit.*

Descriptio iustitiæ diuinæ erga hostes Ecclesiæ sic est. Attendamus iam quo argumento insistit poenæ atrocitas contra omnium calumpniæ asseratur & pro iustissima statuatur. Conclusio talis est:

*Tibi & Iehoua bellum intulerunt: ad tuam maiestatem conuellendam incubuerunt: immo omnes insolentiæ ac superbiæ suæ impetus ad delendam nominis tui gloriam conuerterunt, utcunque irrita successu, ver. 12.*

*Itaque: meritissimò atrocibus poenis ipsos persequeris & ad interitum redigis, ver. 9. 10. 11. 12.*

Adhuc fuit celebratio diuini nominis ob singularem Iehouæ bonitatem erga Dauidem, & iustissimæ poenæ executionem aduersus hostes Ecclesiæ.

Supereft Ecclesiæ petitio, ver. 14. Petitionis summa est: *Ut Iehoua potentiæ suæ gloriam indices magis ac magis illustret pios protegendo, & perdendo impios.*

Ut valere apud Iehouam tam æquæ petitione possit Ecclesia, hac suatione vtitur:

*Nos decantare res tuas gestas & singularibus verbis ornare non desisemus, si p̃ys protegendis & perdendis impijs nomen tuum magis ac magis illustre reddideris, ver. 14. in fine.*

Quocirca exaltare o Iehoua robore tuo : id est potentia tua  
gloriam indies magis magisque, illustra piorum defensione  
& improborum interitu ver. 14. in principio.

## PSAL. XXII.

**M** Agistro Symphonia ad primam auroram  
Psalmus Davidis.

2 Mi Deus fortis, mi Deus fortis, quare dereliquisti me, longinquus à salute mea & a verbis rugitus mei?

3 Deus mi, innoco te interdum sed non exaudire etiam noctu, & non est silentium mihi.

4 Etiam tu Sanctus es habitator laudum Israelis.

5 Tibi confisi sunt maiores nostri : confisi sunt & liberaasti eos.

6 Ad te clamauerunt & erepti sunt : tibi confisi sunt, nec puduit eos.

7 At ego sum vermis & non vir : opprobrium hominum & contemptus populi.

8 Omnes videntes me subsannant me : diducunt labium : mouent caput.

9 Denoluit se ad Iehouam ( inquit ) liberet eum : eripiat eum, quandoquidem delectatur eo.

10 Cerè tu is es qui eduxisti me ex utero : faciens ut securus agerem ad ubera matris meae.

11 In terciellus sum è matrice : inde ab utero matris meae Deus meus es tu.

12 Ne procul absis à me. Nam angustia est propinqua mihi : etiam nemo est adiutor.

13 Circumdant me iuuenti multi : robusti iuuenti Basbanis cingunt me.

14 Dilatant contra me os suum , tanquam Leo rapiens & rugiens.

15 Sicut aqua effundor & disparant se ossa mea : est cor meum simile cera , liquefit in visceribus meis.

16 Aruit ut testa vis mea. & lingua mea adhaesit faucibus : & in pulvere mortis posuisti me.

17 Nam circumdederunt me canes : coetus maleficorum circumuenerunt me. Foderunt manus meas & pedes meos.

18 Enumerare possum omnia ossa mea : ipsi inuentur , respiciunt in me.

19 Partiuuntur vestimenta mea inter se : & pro indumenta meo proiciunt sortem.

20 Tu ergo Iehoua ne procul absis : virtus mea , ad auxilium meum festina.

21 Eripe à gladio animam meam , à cane unicam meam.

22 Serna me ab ore Leonis , & à cornibus Unicornium , exaudiens me.

23 Enarrabo nomen tuum fratribus meis : in media congregatione laudabo te : dicens ,

24 Timentes Iehoua , laudate eum : totum semen Iacobi honorate eum : & timeate ab eo totum semen Israelis.

25 Quia non spernit nec abominatur afflictio-

nem afflicti, neque abscondit faciem suam ab eo: sed cum clamaret ad ipsum, exaudiuit.

26 De te laus mea erit in congregatione magna: vota mea persoluiam coram reuerentibus eum.

27 Comedent mansueti & saturabuntur: laudabunt Iehouam querentes eum: viuet cor vestrum in sempiternum.

28 Recordabuntur & conuertentur ad Iehouam omnes fines terre: & incurnabunt se coram te omnes familia gentium.

29 Quoniam Iehoua est regnum: & dominum habet in gentes.

30 Comedent & incurnabunt se omnes pingues terre: coram eo procumbent quicunque in puluerem descendunt: etiam qui animam suam conseruare nequit.

31 Horum semen colet eum: accensebitur Dominus in quaque etate.

32 Aduenient & annuntialunt iustitiam eius populo nascituro, quia fecit illud.

#### ANALYSIS PSAL. 22.

De Psalmi inscriptione primò videndum est: deinde de Psalmi subiecto.

Psalmi inscriptione admonemur

1. De Psalmi efficiente, Dauidus esse dicitur. Et rectè: quatenus tamen personam sustinuit Christi Iesu.

2. De eo, cui canendus tradebatur.

3. De adiuncto tempore, quo cani debuit: nimirum summo mane, ut primùm caput diluere. Nam cum Psalmus hic vaticinium contineat de Messia perpeffissimis & re quo per Euangelij vocem propagando, mirum videri non debet, si ad alendam



*ad eundem de venturo Christo Ecclesie sue fiduciam, voluerit Deus Psalmum, de quo agitur, per dies singulos mane decantari. Hanc ego Hebræarum vocum quæ inscriptione comprehenduntur interpretationem auctore Tremellio perlibenter sequor.*

Subiectum Psalmi est petitio à Christo ipso exhibita. Is siquidem per omnes Psalmi partes inducitur Deum patrem suppliciter compellens, sed ipsa maxima ex parte argumentis, quibus partim de perpeſſionibus suis, partim de Iudeorum & Gentium ad Euangelij cognitionem vocatione vaticinatur: adeo vt hoc Psalmo luculenter depictum habeamus à Christo Christum ipsum, fungentem scilicet officio & Sacerdotis in sacrificio precum personæque suæ offerendo, & Prophetæ Regisque in promulganda Iehouæ gloria & regni Euangelici terminos ad omnes terræ regiones proferendo. Sed Psalmum istum de Christo intelligendum esse euincit historia de Christi passione ab Euangelistis conscripta. Nam hinc versiculos aliquot citant & Christo accommodant: vt versiculum nonum Mattheus cap. 27. versum 19. Ioannes cap. 19. Versum 23. epistola ad Hebræos cap. 2. Immo Christus ipse in cruce pendens & exclamans, *Deus mi, Deus mi, quare dereliquisti me*, de se non de alio Psalmum hunc intelligendum esse monet.

Sed quæ est illa à Christo instituta petitio? ea est in hanc concepta sententiam:

*Ne me desere (mi Deus) sed ad liberationem & salutem mihi præstandam accede. ver. 2. 12. 20. 21, 22.*

Hanc esse exhibitæ à Christo supplicationis vim ac sententiam, liquet partim ex eo quod totidem versiculis diserte comprehenditur, partim ex allatis ad propositæ petitionis suasionem argumentis. Quod ad versum secundum attinet: non est existimandum queri Messiam de absoluta aliqua & ad actum perducta desertione: sed vt de miseræ quam sustinuit gravitate moneat, ( quæ cuiusmodi fuit, vt in ipso spem obtinendæ liberationis interrompere ad tempus & quodammodo elidere videretur ) idcirco dum ad opem & salutem petendam accessit, ea orationis forma ad exprimendum

dum animi sensa & notiones uti visum est, quæ personæ hominis reiecti penitus & deserti aptissime convenire videbatur. Querela igitur quam adhibet Christus desertionis, sic intelligenda est, ac si discretis verbis à Deo patre contenderet, ne deseratur. Illud enim Christo tantopere querenti propositum est: ad id mente & cogitatione intendit, ut Deo Patri de testimonio exhibendo retenti erga ipsum amoris & gratiæ persuadeat. Ac proinde si eo consilio suscepta querela est: quis neget comprehendi ea petitionem operis ac misericordiarum?

Verum enimvero, quibus argumentis supplicationem institutam persequatur videamus. Primum huiusmodi est:

*Arg. 1. Qui te o Iehoua inuocat, non debet à te derelinqui, sed gratiam abs te operamque consequi. ver. 4.*

*Ego te Iehoua inuoco. ver. 3.*

*Ego igitur à te derelinqui non debeo sed gratiam & opem consequi. ver. 2.*

Propositio expressa non est: sed in omisæ propositionis locum substituta propositionis illustratio versu quarto. Etiam tu (inquit) sanctus habitator es laudum Israelis, id est per adiuncti metonymiam, habitator sanctuarii in quo nomen tuum Israelitæ colunt & laudant. Iehouæ sanctuarium inhabitare ideo visum est, ut inde testaretur se & promississe opem invocantibus & voluntatis paratissimæ ad præstandas quas fidelibus fecit excellentes promissiones. Sanctus habitator sanctuarii esse dicitur: quia nihil in ipso est fucatum aut mutabile; nihil ullis deficientiæ aut imperfectionis sordibus inquinatum. Omisæ igitur propositionis illustratio non ipsa propositio ver. 4. continetur: eaque hæc est:

*Tua sanctuarii inhabitatione testaris te & opem promississe invocantibus nomen tuum & esse sanctum ac constantem in præstandis promissionibus. ver. 4.*

*Ergo qui te Iehoua inuocat non debet à te derelinqui, sed gratiam abs te & opem consequi.*

Assumptioni Syllogismi subiicitur amplificatio ab adiuncta inuocationis ychementia. Hæc autem est declarata à qui:

quibusdam adiunctis & comparatione similium. viz.

1. Ab adiuncta geminatione verborum. ver. 2. Vbi ait, Deus mi, Deus mi.

2. A collatione clamoris suis cum rugitu leonis. ver. 2. in fine.

3. Ab adiuncta inuocationi querela desertionis. ver. 2.

4. A circumstantia temporis. vers. 3. Die, inquit, & nocte te inuoco.

5. Ab adiuncta irriti in clamando successus querela. ver. 3. in fin. Non exaudis, inquit, non est silentium mihi: id est, utcumque opem tuam vehementius implorem, nihil tamen inde leuationis aut solatii percipio. Ingratulent potius quam deferutescit acerbitas miseræ & ægritudinis meæ.

Sed arget Christus exhibitæ petitionis satisfactionem à comparatione parium:

Arg. 2. Patres nostros (inquit) non deseruisti; sed eisdem te inuocantibus succurristi. ver. 5. & 6. Vbi causam, quæ de patres ad inuocandum Iehouam & Iehouam ad patribus opem ferendam induxit, et repetitam compertum, fiduciam scilicet patrum in nomen Iehouæ.

Non debet igitur me deserere, sed mihi te inuocanti supuenire. ver. 2.

Quodd dicitur patres Iehouæ confisos esse, nec ipsos puuissile: perinde est ac si diceretur; eos nentiquam frustra ad Iehouam spe obtinendæ gratiæ confugisse: non fuisse opinionione & expectatione delusos: sed opem, quam Iehouæ promissis freni implorabant, consequutos esse.

Ecce persequitur adhuc Christus propositam supplicationem, nec supersedendum esse censet priusquam satis ipsi factum fuerit. Hinc est quodd duobus insuper argumentis utatur, quibus inest ad mouendum pondus singulare. Nam & quantas miseriarum acerbitates sustineat luculenter describit, & se gloriam Iehouæ celebraturum apud omnes proficitur, si liberationem è tanta & tam incredibili malorum abyssu consequatur. Passionum descriptio præcedit, à principio ver. 7. ad ver. 23. Deinde sequitur ob acceptum liberationis beneficium gratissimæ voluntatis professio, à princi-

pio ver. 23. ad Psalmi finem. Sed Christum passiones suas describentem attendamus. Eas triplici genere distinctas proponit. Sunt enim vel

1. Opprobria & ludibria.
2. Passiones apprehensionis & condemnationis.
3. Passiones crucifixionis & à crucifixionis acerbissimo sensu or-  
te.

Sic igitur apud Deum patrem ad gratiam & opem im-  
petrandam differit

Arg. 2. Omnis contemptu & contumeliis hostes mei me tum ver-  
bis tum gestu excipiunt: me apprehenderunt & condem-  
narunt: me crucifixarunt & dolorum vi infinita confecerunt. à ver. 7. ad ver. 23.

Ac proinde me me deferas mi Deum, sed mihi te invocanti sus-  
curras. ver. 2. & 20, 21, 22.

Enthymematis antecedens tribus membris constat. Ea  
separatim videamus: ac primò descriptionem opprobriorum  
& contumeliarum, quibus Christum perditissimi homines  
affecerunt. Descriptio est ab inductione partium, quæ sunt  
totidem hominum nequissimorum effecta: sic

1. Nihil ab eis fio: habeor pro vermiculo non homine. ver. 7.
2. Ludibrijs me & sannis prosequuntur. ver. 8. in principio.
3. Gestu etiam me contumeliose excipit, diducentes labia & ca-  
put mouentes. ver. 8. in fine.
4. Exprobrant mihi meam in te ô Iehoua fiduciam, & persuade-  
re volunt te minimè esse Deum meum. ver. 9.

Hic se Christus sustinet: ac priusquam reliquæ passionis  
sue historiam texit, objectionem illam v. 9. comprehensam  
diluit ver. 10. & 11. Obiectio sic est conclusa.

Iehoua non te diligit: non est te liberaturus: id est, Iehoua  
non est Deus tuus. ver. 9.

Itaque frustra in Iehouam confidis. ver. 9. in principio.

Negat Christus objectionis enthymemate conclusæ ante-  
cedentem, confidenter asserens Iehouam semper fuisse Deum  
suum. De eo autem ut aperte constare possit, sic ad refellon-  
dam objectionem ab effectis differit:

Accipisti me ô Iehoua ex utero matris, me: solutum in lu-

*cem me aluisti & sustentasti: in tutelam tuam recipisti. v.  
10. & principio 11.*

*Ac proinde Deus meus es, id est, me diligis & mea salus tibi  
cura est. ver. 11. in fine.*

Refutata iam obiectione & expositis, quibus affectus est  
contumelijs: Christus perpeſſionum suarum historiam per-  
sequitur: præmissa tamen & repetita institutæ supplicatio-  
nis quæstione: quam sic conclusam reperiemus:

*Perfor (inquit) in extremo capitis & verum omnium discrimi-  
mine. ver. 12. in fine. Vbi sic loquitur: Angustia propin-  
qua est mihi: nemo est adiutor: id est, omnibus subſi-  
dijs orbatus parum abest quin concidam prorsus &  
inteream, confectus scilicet incredibili asperitate dolo-  
rum & pondere oppressus grauissimæ miseriz.*

*Quapropter ne me deseras mi Deus, sed mihi adſis & nomen  
tuum impoſcat: succurre. ver. 12. in principio.*

Ad illustrationem antecedentis enthymemate compre-  
hensâ, describit Christus primò apprehensionem & condem-  
nationem suam: deinde crucifixionem & e crucifixione  
profectas incredibiles miserias.

Apprehensionem Christi & condemnationem habemus  
descriptam v. 13. & 14. descriptam scilicet ab efficientibus &  
efficientium adiunctis. Causæ efficientes administræ in pre-  
hensâ Christo adhibe dicuntur esse iuuenti multi: id est,  
Iudas ac cum eo virba multa instructi gladijs & fustibus,  
missi à pontifice maximo, scribis, phariseis & primoribus  
populi, quemadmodum testantur Evangelistæ. Hii iuuentis  
comparantur, non ijs quidem paucis sed numero per multis.  
His Christus sic se circumdatum queritur versu 13. vt nulla  
spes elabendi superesset.

Condemnatio Christi posteriori clausula versus decimi  
tertij & toto ver. 4. exponitur. Causæ principes seu authores  
condemnationis istius describuntur.

1. *A comparatis. Conferuntur siquidem cum tauris Bascianis.  
ver. 13. in fine.*

2. *Ab adiuncta potentia & viribus. Nam non tauri modò sed  
tauri robusti dicuntur. ver. 13.*

3. *Ab*

3. *Ab adiuncta immanitate & truculentia ver. 14.* Vbi tanta esse dicitur, vt comparetur cum singulari feritate & sequitia leonis rapientis & rugientis, immo os suum ducentis tanquam nulla interposita mora deuoraturi pradam.

Tauri isti Baschanis, quorum erat & summa potentia & insignis immanitas, Christum sic obsessum vndique & circumscriptum tenuerunt, vt expediendi sese e tantis periculis ratio nulla reliqua esset. Sed quinam erant robusti isti tauri Baschanus? Certe primum summus Pontifex, primarij Sacerdotes, Seniores & Scribae: deinde Magnates ethnici, Pilatus videlicet & Herodes, uterque cum assessoribus & milibus suis. Quod attinet ad summos Pontifices, Sacerdotes, scribas, Phariseos & ad reliquos eiusdem farinae: hij Christum bis circunderunt. In palatio siquidem summi pontificis coactum concilium est, in quo accusatus blasphemiae dignissimus morte de communi sententia indicatur. Tum coactio iterum concilio decreuerunt synagoga Sacerdotes cum senioribus, scribis & reliquis consensu vt damnatus iam a se victusq; Pilato ad crucifigendum traderetur.

Quomodo a populi Iudaici principibus circumdatus sit Christus videmus. Videamus quemadmodum cinxerint ipsum & obsederint Magnates ethnici Pilatus nempe & Herodes. Adducitur ad Pilatum compedibus & vinculis constrictus Iesus sedentem pro tribunali. Habetur quaestio. Accusatur seditionis. Sed nullus conuictus criminis tanquam insons ad Herodem ablegatur. Hic cum milibus suis innocentem obsidet, ludibrijs excipit & tandem remittit ad Pilatum. Pilatus conuocatis primarijs Sacerdotibus & principibus populi iterum hominem longe innocentissimum circundat & victus Iudeorum acrioribus contentionebus morti adiudicat.

Adhuc fuit Christi apprehensio & condemnatio, descripta nimirum ab efficientium adiuncta multitudine, singulari potentia, & immanitate incredibili.

Sequitur Christi crucifixio & orta e crucifixione miseriarum infinita acerbitas. Crucifixio Christi vna cum multiplicis



triplicis & acerbissimæ passionis sensu inde orto, est hæc descripta enthymemate:

*Affixerunt manus & pedes meos cruci: sic distenderunt corporis mei membra ut omnia ossa conspici & numerari possint: me in cruce pendentem summo gaudio intuentes maledictis & iudicijs prosciderunt: partiti sunt inter se vestimenta mea, & pro indumento meo iecerunt sortem.*  
ver. 17. 18. 19.

Itaque cruciatuum incredibilis acerbitas & angorum infinita vis me cepit & perculit, adeo ut tam animæ quam corporis vires uniuersæ attrita prorsus & exhausta conciderint: immo ad cadaueris in sepulchrum reponendi conditionem reductus sim. ver. 19. & 16.

Antecedens enthymematis illustratur ab efficientibus administris. Hij dicuntur ver. 17. Canes & cæteris maleficorum: milites nempe Pilati, & permulti è scæce populi Iudæici. Sed in profundendis conuitijs & lannis societatem cum plebe & milicibus coire summi Sacerdotes, Scribæ & Seniores. Mar. cap. 15. ver. 31.

Consequente enthymematis comprehensæ passionēs, in specie sunt huiusmodi:

1. *Effundi sicut aquam*: id est, omnibus artibus summo languore correptis dissolui gradatim & dilabi ad interitum. ver. 15.
2. *Habere ossa luxata, & quasi diuulsa è locis suis.* ib.
3. *Habere cor sensu ira diuina colliquatum, ut cera calore ignis liquefit.* ver. 19.
4. *Privari humido radicali.* ver. 16. Vbi corporis Christi siccitas confectur cum siccitate testæ.
5. *Singularis ariditas lingue & faucium.* ver. 16. Vbi ex ariditate ista orta sitis intelligenda est: ut constat ex Ioan. cap. 19. ver. 28.
6. *Expiratio Christi & sepultura.* ver. 16 in fine. Vbi in puluere lethali collocari, idem est quod obire mortem & esse instar cadaueris in sepulchrum inferendi.

Descriptio passionum Christi sic est: vnde concludi vult Christus debere se non derelinqui à lehoua, sed gratiam opemque

opemque consequi aduersus tam sauos cruciatus & tanti immanes hostes: quorum insignem feritatem & barbarietem comparat cum immanitate & sauitia taurorum, leonum, canum, vnicornium, & hominum gladio accinctorum ad vitam alijs crudeliter & protinus adimendam. Sic enim per metonymiam adiuncti vocem gladij ver. 21. interpretor.

Sequitur Christi professio illustrandi nomen Iehouae apud Iudaeos & Gentes, si de tanta & tam incredibili miseria a bysso liberationem consequatur. Professio illa tali syllogismo conclusa est:

*Si accepta abs te liberatione à miserijs, quibus opprimor, longè grauisimis, celebraturus sum gloriam nominis tui apud Iudeos & Gentes: non debes me, mi Deus, derelinquere, sed liberare ab ijs malis, quae me tantopere affligunt & conficiunt.*

*Ac recepta abs te liberatione à miserijs, quibus opprimor, longè grauisimis, celebraturus sum gloriam nominis tui apud Iudeos & Gentes. ver. 23. & 28. id est, vocatione facta Iudaeorum & Gentium ad cognitionem nominis tui, regnum Euangelij in vniuerso orbe consturam & propugnabo.*

*Ac proinde non debes, mi Deus, me derelinquere, sed liberare ab ijs malis, quae me tantopere affligunt & conficiunt. ver. 2. 13. 20. 21. 22.*

Assumptionis tractatio est à principio ver. 23. ad Psalmi finem.

Assumptionis prius membrum, de celebratione nimirum diuini nominis apud Iudaeos, seu Iudaeorum vocatio, est quinque versiculis comprehensa, viz. ver. 23. 24. 25. 26. 27. Sed videamus quemadmodum professio ista celebrandi nomen Iehouae apud Iudaeos tractetur à Christo & explicetur. Ad id, quod instituit, vberius persequendum, multiplicem amplificationem subiecit:

1. *A descriptione Iudeorum, quos vocaturus est. Hos describit, partim ab adiuncta dignitate in ipsos collata: utpote quos fratrum & coheredum loco habeat ver. 23. partim ab adiuncto studio colendi Iehouam ver. 24. & 25. partim denique*

denique à præcreantibus causis. Vult enim intelligi eos à stirpe Iacobi oriundos esse. ver. 24.

2. A circumstantia loci & temporis, ubi scilicet & quando celebraturus est nomen Iehouæ apud Iudeos. Laudabo (inquit) te in media congregatione ver. 23. & in congregatione magna ver. 26. id est, & in eo loco ubi ad colendum Iehouam conuentus populi habetur, & eo tempore cum celebris est ac frequens confessus, nomen Iehouæ prædicabo, sic ut ab omnibus exaudiri possim.

3. A subiecto concionis, quam apud Iudeos Christus habiturus est. Subiectum est instituta cohortatio ut Iudei unâ cum ipso se in laudatione Iehouæ coniungant, conclusa sic:

Iehoua exaudivit orationem afflicti & ei liberationem concessit. ver. 25. Vbi est expolitio à Diuersis.

Itaque unâ mecum celebrate nomen Iehoua. vers. 24.

4. Ab effectu seu excellenti euentu habitæ à Christo concionis. Effectum quadruplex notatur.

1. *Conuersio mansuetorum*: id est, eorum qui gratiæ extraordinariæ beneficio exculi ad motum disciplinam cœperunt sensu quodam & metu affici diuini numinis. Hij panem cœlestem Christi prædicatione oblatum non rejicient, sed de eo perlibenter comedent: id est, animo & voluntate conuersi doctrinam Euangelij amplexuri sunt. ver. 27. in principio.

2. *Progressus conuersorum in cognitione Euangelij*. ver. 27. Et saturabuntur, inquit: id est, non modò degustabunt panem cœlestem & exquisitissimas Euangelij delicias, sed de ipsi quotidie sument ad explendam sitim & famem quam habent iustitiæ. Liberalius ergo de tam excellenti pane comesturi sunt: id est, ampliori in dies singulos Euangelij cognitione imbuentur.

3. *Praxis obedientiæ ad proportionem adeptæ cognitionis conformata*. Laudabunt (inquit) Iehouam. ver.

27. in medio: id est, per Synecdochen partis, obibunt omnia pietatis & iustitiæ munera.

4. *Eternæ vitæ gloria.* ver. 27. in fine. *Vives* (inquit) *cor vestrum in sempiternum*: id est, Conuersi iam, Euangelij etiam luce plenius illustrati, & per omnes vitam fungentes officijs obedientiæ, hæreditatem æternæ vitæ cernetis.

Atque hæc de vocatione Iudeorum. Superest Christi professio de vocandis gentibus proposita primum versu 28. deinde reliquis Psalmi versiculis explicata. *Conuertentur* (inquit) *ad Iehouam omnes fines terræ ac familia gentiū.* Hæc de gentium vocatione thesini illustrat Christus partim ab efficiente, partim adhibita distributione à subiectis, partim ab effectu. Ab efficiente differitur in hunc modum:

*Iehoua est Dominus Gentium.* ver. 29. id est, quemadmodum gentes à Iehoua creatæ sunt: sic Iehouæ imperio & dominatui continentur: eas habet pro populo & ciuibus reipublicæ suæ.

*Itaque ad Euangelij cognitionem gentes vocabuntur.* vers. 28.

Distributio è subiectis sequitur. Vocabuntur (inquit) inter gentes ad Euangelij cognitionem:

1. *Pingues terræ:* id est, opulenti ac præpotentes. ver. 30.

2. *Descendentes in puluerem & qui animam suam seruare nequeunt:* id est, qui miserijs & ærumnis prope conficiuntur. ver. 30.

3. *Horum omnium filij & ex filiis nati.* ver. 31.

Effectum gentium ad professionem Euangelij vocatarum restat. *Annuntiabunt* (inquit) *iustitiam eius populo nascituro:* nempe & eam quæ impium pro infinita misericordia in Christo iustificat, & eam, quæ in promissionibus seruandis præstat. Sed quo argumento persuasæ gentes de Iehouæ iustitia apud populum nasciturum concionabuntur? Certe ad hoc munus accessuræ sunt adductæ contemplatione excellentissimæ cuiusdam liberationis à Iehoua in Messie persona præstitæ. Res est in hanc conclusa sententiam:

*Concessit Messie Iehoua à morte & miserijs omnibus liberationem*

tionem, & in ipsius persona, us omnibus qui in Messiam credunt. ver. 32. in fine. ubi dicitur, Quia Iehoua fecit illud, id est, hanc de qua agitur liberationem Christo concessit.

Itaque populo nascituro annuntiabunt Iehoua iustitiam. ver. 32. id est, singularia peractæ redemptionis beneficia, præstita (scilicet actu & re, pro ea qua est Iehoua erga humanum genus infinita misericordia, atque etiam in promissis seruandis fide ac constantia.

## PSAL. XXIII.

**P**Salmus Davidis. Iehoua pastor meus est. Non possum egere.

2 In pascuis herbidis facit, ut recubem: ad aquas lenes deducit me.

3 Animam meam quietam efficit: ducit me per orbitas iustitiæ propter nomen suum.

4 Etiam si ambulauero per uallem lethalis umbræ, non timebo malum, quia tu mecum es: Virga tua & pedum tuum ipsa consolantur me.

5 Instruis coram me mensam in conspectu hostiū meorum: delibutum reddis unguento caput meum: poculum meum exuberans.

6 Itaque bonum & benignitas prosequuntur me omnibus diebus vitæ meæ: & quietus ero in domo Iehouæ, quamdiu longa erunt tempora.

## ANALYSIS PSAL. 23.

Ut doceat Propheta quàm felici conditione utantur, quorum est in Iehouæ nomen spes omnis reposita, dispu-

tandum hoc Psalmo suscepit quæstionem per excellentem & plenam consolationis suauissimæ. Est illa quidem Davidis personæ accommodata in specie: sed quod ipse de se loquitur Propheta regius quatenus è numero fidelium est, id existimare oportet ad quosvis fideles pertinere generatim. Queritur an David ad usum præsentis & futuræ vitæ aliquid defuturum sit. Docet Propheta

*Nihil sibi unquam ad alterutrius vitæ usum defuturum.*  
ver. 1. & 6.

Quæstio conclusa est versiculo primo: eaque sexto repetita sed verbis magis illustribus & disertis. *Bonum* (inquit) & *benignitas* prosequentur me omnibus diebus vitæ meæ: & in æternum quictus ero in domo Iehouæ. Non putavit satis esse dixisse, non egebo. Potuit siquidem obijci fore ut etiam si hodie abundet vitæ subsidij, deinceps tamen eisdem destituatur: & utcumque ei in præsentis vitæ curriculo succedat felicitas, nihilominus multa ipsi desint ad consequentis vitæ beatitatem. Ut igitur de primi versiculi sententia aperte constet, rem eandem ver. 6. repetit & interpretatur explanatius. *Frui sum* (inquit ver. 6) *multiplicibus bonis & subsidij* non ad tempus aliquod, sed ad extremum. *Spiritus* immo non modo dum in terris peregrinor, sed in cœlis etiam per omnem æternitatem. Verum quo argumento demonstrat nihil sibi unquam, vel ad oportunitates vitæ præsentis, vel ad æternæ fruitionem defuturum esse? Demonstratio est istiusmodi:

*Iehoue* (inquit) *magne curæ sum: is mihi de bonis omnibus sollicitè prospicit.* ver. 1. in principio.

*Itaque nihil mihi unquam ad alterutrius vitæ usum defuturum est.* ver. 1. & 6.

Antecedens enthymematis illustratur partim comparatione similium, partim inductione effectuum. Comparatio duplex adhibetur. In priori collatio elegans est diuinæ erga Davidem curæ ac providentiæ cum pastoris boni erga oves studio & vigilantia: eaque metaphoræ continuatione à ver. 1. ad ver. 5. producit. In posteriori comparatio est diuini erga Prophetam amoris & benevolentia: cum  
summa



summa comitate, qua conuiuat ab amicissimo sympofiar  
cha feu hospite officio: ocifitio excipiuntur. ver. 5.

Sed de fimilitudine priori primum videamus.

*Ut Pastor (inquit) ouibus suis:*

*Sic mihi Iehoua de bonis omnibus prospicit follicitè.*

Vtraque pars fimilitudinis eft in vnum enunciatum in-  
clufa & complicata ver. 1. Ac fi enuntiatum, quod priori inci-  
pulo primi continetur, fenfum explicare volumus: con-  
ftabit illico tam de propofitione quàm de redditione fim-  
ilitudinis.

Posteriori à fimilibus comparationi præmittitur illa (de  
qua fupra nemini) ad demonftrandam enthymematis an-  
tecedentem partem inductio effectorum quorundam Ie-  
houæ, conclufa ad hanc formam:

*Si Iehoua mihi prospicit de ijs omnibus quæ & corporis mei  
& anime & totius perfonæ incolumitatem fpectant: tum  
Iehouæ magnæ curæ fum: tum is mihi de bonis omnibus  
profpicit.*

*At Iehoua prospicit mihi de ijs omnibus quæ & corporis mei  
& anime & totius perfonæ incolumitatem fpectant. ver.*

*2.3.4.*

*Itaque Iehouæ fum magnæ curæ: is mihi de bonis omnibus  
profpicit.*

Assumptio fyllogismi tria Iehouæ effecta excellentiffi-  
ma completitur.

De primo effecto loquitur verfculus fecundus: vbi par-  
ticularium actionum inductione generale illud Iehouæ of-  
ficium de procurandis ijs, quæ Prophetæ corpus attingunt,  
explicatur in hunc modum:

*Profpicit mihi Iehoua de alimonia, de loco ad quietem, oportu-  
tuno, de commoditate potus & refrigerij. ver. 2. Huius  
fententiæ expolitio continuatione fimilitudinis à pa-  
ftore petitz perficitur: Ac fi diceretur: vt ouiculis à  
paflore prouideretur de pafcu, de caulis, de adaquatione:  
fic mihi de ijs, quibus continetur falus corporis,  
diuinitus profpicitur.*

*Itaque diuino munere affequer vt nihil mihi earum rerum*

*desit quæ corporis mei incolumitati conducunt.*

De secundo Iehouæ effecto meminit versus tertius. *Ani-  
mam meam* (inquit) *quietam reddit*: id est, cum infirmitate  
carnis, sensu admissi peccati, & diuinæ iustitiæ intuitu ad-  
ductus languero totus ac contremisco: tum persuadet mihi  
Spiritus sanctus de Iehouæ erga me gratuita & præclara  
voluntate, de remissione scilicet delictorum omnium &  
adoptione in filium. Vnde enascitur illa animæ meæ in Ie-  
houæ erga me singulari amore conquietentis pax suauis-  
sima. Hic pastori comparatur Iehoua ouiculæ animam re-  
spicienti, ut libera à metu conseruetur. Est enim animal  
timidiusculæ naturæ, & ad strepitus quantumuis leuiore se  
facile commouentis.

Tertium Iehouæ effectum, de incolumitate nempe qua  
Dauidis personam coniunctim prosequitur, bipartitum sta-  
uitur:

1. *Aliud de Iehouæ studio conformandi Prophetam ad exercitia  
pietatis & iustitiæ. ver. 3. in medio.* Vbi est huius effecti  
amplificatio à fine, ut nempe in Iehouæ nomen nullo  
dedecore & labe violatum omnis gloria redundet &  
Prophetæ vita legi diuinæ congruenter acta. In hoc  
consertur pastori Iehoua, curanti nimirum ne aberraret  
& vagetur ouicula, sed intra cancellos viæ rectæ &  
expeditæ se contineat.

2. *Aliud de securitate præstanda Dauidi aduersus Satane infi-  
dias & periculosas offensiones. ver. 4. Non timebo* (inquit)  
*malum*: id est, *facis tu Iehoua ut in medijs malis & im-  
minentibus periculis securus sim.* Huius effecti exorna-  
tio est partim à diuersis, partim ab efficiente.

*A diuersis sic:*

*Etiamsi hominum fraude vel astu Satane in discrimen ex-  
tremum incidero, ver. 4. in principio;*

*Tamen in diuinam providentiam mente secunda admodum,  
& soluta recumbam. ver. 4. in medio.*

*Ab efficiente sic:*

*Tu mecum es: tu me consolaris: id est, singulari quadam  
providentia ad tuendam salutem meam excubas. v. 4. in fine.*

*Itaque*

*Itaque in medijs malis & imminetibus periculis securus sum. ver. 4. in medio.*

Ad expolitionem antecedentis protrahitur similitudo illa ducta à pastore: qua Iehouæ prouidentia ad Prophetæ salutem excubans virgæ & pedo pastoris comparatur. Virgæ ictu corrigitur ouicula aberrationis nomine, & ad ingrediendum vias faciles & expeditas propellitur. Pedo autem reuoluitur, & in pristinam conditionem restituitur, siquando periclitari cõperit. Haud dissimili ratione agit cum Dauide Iehoua. Delinquentem & à recta legis semita aberrantem corripit. Exceptum Satanæ insidijs aut in alia pericula coniectum extrahit, & ad se peramanter recipit: adeo vt merito affirmet Propheta, virgam Iehouæ & pedum esse sibi summae consolationi, id est, periclitanti sibi opem & subsidium afferre: ex quo non vulgaris consolatio suppeditatur. Consolationis igitur voce per effecti metonymiam intelligenda est consolationis efficiens.

Superest ad illustrationem diuinæ erga Dauidem beneuolentiæ & amoris posterior illa comparatio traducta ab authore & præfecto instruendi conuiuij. ver. 5. Comparatio est illa quidem contracta: at euoluta & partibus suis distincta erit huiusmodi:

*Vt amicissimus symposiarcha seu officiosissimus hospes conuiuijs suos adeo comiter & opipare excipit, vt nihil vel ad usus necessarios vel ad ornatum & splendorem desideres:*

*Sic mihi Iehoua de bonis omnibus & ad usum vitæ & ad elegantiam ac nitorem spectantibus studiose prospicit. ver. 5.*

Vbi versiculi primū tertiumque membrum de rerum, quibus vitæ sustentatio continetur, vbertate & copia loquitur: secundum de ijs, quibus venustatis inseruitur. Nam apud veteres, cum oleo & vnguentis conuiuij illustiores perfunderentur, habita ratio est non necessitatis sed splendoris & elegantiz.

Comparisonis reddidit, quæ eadem est cum primi enthymematis antecedente, notatione adiuncti honoris amplificatur. *Instruis (inquis) mihi mensam, meq; lautè admo-*

dum & splendide excipis in conspectu hostium meorum: id est, cum meo summo honore & singulari applausu omnium. Erat in more positum apud priuscos, ut qui gesto bello victoriam reportarent, hostes deuictos captosque, dum partem victoriae nomine opipare & magnifice epularentur, ante se ad gloriam reportatae victoriae luculentius ornandum starent. Sic egit cum Dauid Iehoua, dum scilicet ornaret ipsum eiusmodi testimonio curae & amoris sui, quod ipsi non minus honoris & gloriae apud omnes attulit, quam victoribus, dum exquisitis epulis accumbunt, asferre solet hostium captorum publica & solennis ostentatio. Est igitur in illam loquendi formulam (*in conspectu hostium*) inclusa insuper comparatio ad amplificationem honoris in Dauidem collati.

Hinc iam concludere Propheta meritisimè potest, fore ut ipsum Iehoua bonus omnibus non ad exiguum tempus sed in aeternum prosequatur.

## PSAL. XXIII.

**I** *Davidis Psalmus. Iehoua est terra & quod implet eam: orbis habitabilis & habitantes in eo.*

2 *Nam ipse super maria fundauit illam, & super flumina stabilauit illam.*

3 *Quis ascensurus est in montem Iehoua, & quis staturus in loco sanctitatis eius?*

4 *Innocens manibus & purus animo: qui non effert ad vanitatem animam suam, neque iurat ad fraudem:*

5 *Is reportat benedictionem à Iehoua & iustitiam à Deo salutis suae.*

6 *Hec*

6 *Hæc est generatio requirentium eum: quærentium faciem tuam, generatio Iacobi. Selah.*

7 *Attollite porta capita vestra, & attollite vos ostia mundi, ut ingrediatur Rex gloria.*

8 *Quis est iste Rex gloria? Iehoua robustissimus & potentissimus: Iehoua potentissimus bellator.*

9 *Attollite porta capita vestra: attollite (inquam) ostia mundi, ut ingrediatur Rex gloria.*

10 *Quis est iste Rex gloria? Iehoua exercituum: is est Rex gloria. Selah.*

## ANALYSIS PSAL. 24.

Complexus est Psalmo vicesimo quarto suasionem quandam Propheta ad Christum Iesum summo studio excipendum & amplexandum. Sed quinam illi sint, quibus de isto tam excellenti officio persuadere vult, nondum inter Psalmorum interpretes conuenit. Portas affatur ver. 7. & 9. Propheta regius: eas hortatur, ut recluso quamprimum & patefacto aditu Christum intromittant. Portarum nomine alij fores cœli, alij ianuas templi Salomonici, alij Ecclesiam, alij Principes ac magistratus intelligi existimant. Si quis à me sciscitetur quā ego e tam multiplici interpretatione maxime probabilem esse censeam: etsi alijs interpretibus plurimum tribuendum esse putem, nec de eorum autoritate quicquam detractum esse velim; tamen in duosum versuum, quos supra commemoravi, interpretatione primas Hen. Mollero deferendas esse arbitror. Quid ergo Mollerus portarum voce significari vult? Quos Mollerii opinione alloquitur & ad tam singulare officium hortatur Propheta? Alloquitur certe principes & magistratus. Hij illi sunt qui, quod in ciuitatum portis pro more apud veteres recepto magnarum rerum iudicia obirent & disceptandis controuersis præessent, idcirco per metonymiam portæ nominantur, id est, iurisdicendi in portis summi authores & principes. Suasio-

ne igitur, quæ Psalmo vicesimo quarto proponitur, summos principes ac magistratus compellari statuo: idque in hanc sententiam:

*Christum Iesum, illustrissimi principes & magistratus, summo studio quamprimum excipite & amplexamini. vers. 7. & 9.*

Videamus iam quibus argumentis cohortationem istam persequatur. Primum est tale:

Arg. 1. *Iehoua est terra & omnium terram implentium & incolentium Dominus. vers. 1.* Iehouæ appellatione Christum Iesum notari verisimile est, cum de eo agnoscendo ac colendo instituta cohortatio sit. Atque in hoc mihi Tremellium minime repugnantem habeo.

*Itaque Christum Iesum Iehouam vestram (principes & magistratus illustrissimi) summo studio quamprimum complectamini, illiusque imperio & legibus subiciamini. vers. 7-9.*

Antecedenti enthymematis amplificatio adiungitur ab effectu Iehouæ:

*Iehoua terram terræque complementa & incolas creauit & numine suo sustinet ac tuetur. vers. 2.* Vbi vocabulis fundandi terram & stabiliendi, actiones illæ creationis, sustentationis & administrationis significantur. Sed adicitur exornatio à terræ fundatæ & constitutæ subiecto loco, *Fundauit* (inquit) *illam super maria & flumina*, id est, sic eam statuit & fixit, ut depulsis in suos alueos maribus & fluentis, ipsa interim supra emineat & extet ad commodam hominum habitationem. Quamobrem Psalmo 104. maria appellantur terræ bases & velut statumina, quibus latera terræ circumquaque fulciuntur ac sustinentur.

*Itaque Iehoua est terra & omnium terram implentium & incolentium Dominus. vers. 1.*

Commoueri nonnihil argumento isto magnates ac principes populi necesse est, si paulo accuratius attenderint quid in ipsos iuris obtineat Christus Iehoua ratione creationis & Domini. Non tamen hic se Propheta sustinet: sed studio quodam



quodam accensus Monarchas & principes auocandi ab incredulitate & morte ad beatam spem immortalitatis & gloriæ; differit apud eos de subiecta persona, in quam cadit æternæ vitæ decus & felicitas. Non prohibentur reges exterrive optimates ab aditu in regnum cœleste: sed ipsi tamen patet aditus in regnum illud, non quatenus principes & magnates sunt, sed quatenus fide in Christum Iesum adoptati in filios Dei, ius hæredum vni cum Christo consecuti sunt. Hinc est quod apud clarissimos orbis terræ principes & magistratus Propheta contestetur, Solis pijs in regno cœlesti locum concedi, ut intuitu miserrimæ conditionis, cui mancipati sunt, moueantur ad inquirendum de Christo Iesu & quemadmodum sese e tantis periculis & miserijs, quibus constricti tenentur, explicare possint. Sed ut constet quantum sit in adhibito argumento ponderis: videamus quàm ad persuadendum aptè concludatur.

Arg. 2. Si pijs solis in regno cœlesti locus est: tum par est ut vos, serenissimi principes & magistratus, si beati regni hereditatem adire cupitis, Christum Iesum amplectamini & vias pietatis consecretimini.

At solis pijs in regno cœlesti locus est. ver. 3. 4. 5.

Itaque par est, serenissimi principes, ut Christum Iesum amplectamini & vias pietatis consecretimini. ver. 7. & 9.

Assumptio exhibetur figurata dialogismo. Interrogatio est ver. 3. responsio ver. 4. & 5. Quid de monte Iehouæ & loco sanctitatis eius versu tertio intelligi velit Propheta, docet versiculo quinto. Ascendere igitur in montem Iehouæ & stare in loco sanctitatis eius, idem est quod æternæ vitæ benedictionem & iustitiæ per Christi mortem adeptæ gloriam consequi. Hijs siquidē bonis liberat scilicet à maledictione crucis & æterna iustitia donati, fruimur in monte Iehouæ & loco sanctitatis eius, id est, in regno cœlesti. De hac interpretatione assentientur mihi si omnes, qui e quarto & quinto versiculo vnum duntaxat enuntiatum constituunt, existimantes subiectæ responsionis partem consequentem ver. quinto comprehendendi.

Atqui vero, cum ex infinita hominum multitudine soli pū

pui hereditatem celestis glorię adituri sint, iure quæri potest quosdam Propheta in album piorum referendos esse iudicet. In eo satisfacere nobis conatur ē descriptione piorum. Descriptio est.

*Partim ab adiunctis. Nam is pius est, in quo elucet integritas vite, animi, cogitationum & sermonum, ver. 4. Ac contra qui externę vitę actionibus peccat; cuius cor vel pravis opinionibus imbutum est vel inquinatum vitiosis affectibus vel cogitationibus vanissimis itretum; denique cuius oratio est aspersa iuramentis & fraudibus mendaciorum, is impius meritò dici potest.*

*Partim ab effectis: professione scilicet & studio obcundi muneris præscripta à Iehoua pietatis & iustitię, ver. 6. Vbi requirere Iehouam seu Iehouę faciem quærere, idem est quod sedulo operam dare pietati. Quomodo versiculi sexti posterior clausula reddenda & exponenda sit ambigitur inter Psalmorum interpretes. Nihil meo iudicio consequetur absurdi, si sic reddamus: *querentium faciem tuam* & Iacob Iacobi nomine verum ac sincerum Iehouę cultorem intelligo. Sed quæ est istius Iacobi facies? Certo ea, quam sollicitè quærere & intueri solet Iacobus: vt is Iacobi Deus est, quem inuocandum sibi colendum proponit. Priscis temporibus arca fœderis, in qua inter Cherubinos Iehoua gloriosus insidebat, rectè dicebatur facies Dei: vtpote quæ esset illustre, symbolum præsentis diuinę. Ad hanc faciem oraturi Iudei se conuerterunt. Ad hanc confugerunt, qui miseriis & periculis liberari voluerunt. Atque hæc est illa facies Iacobi: id est, ad quam recipere se & quam rebus afflictis studiosius requirere verus Dei cultor volebat.*

*Restat adhuc postremum institutę cohortationis argumentum: ductum nimirum à descriptione Christi Iesu, ea certo quæ singularem vim habet ad Principibus & Monarchis persuadendum de Christo intromittendo & comiter excipiendo, nisi insigniter refractarij & contumaces esse velint. Sic enim ē Christi descriptione concluditur proposita*  
cohor-

cohortatio eleganti dialogismo euornata:

Arg. 3. Christus Iesus est Rex natura sua maiestate & verum  
gestarum gloria longe clarissimus: est Iehoua, Deus nem-  
pe sempiternus, cuius numine creatata sunt & sustentur  
omnia: est ad bella conficienda & ad hostes cuiuscunque  
generis expugnandos potentissimus. adeo ut ad ipsius nu-  
tum quantumuis insula militum cohortes & exercitus  
consistant in acie vel concidant. ver. 8. & 10.

Quapropter, illustrissimi principes, nolite diutius aduenienti  
ad vos Christo Iesu aditum occludere: reserate cordium &  
urbium vestrarum portas, ut intromissus rex gloria vobis  
spiritu suo ac verbo praesit & tandem ad gloriam aeternam  
conducatur.

## PSAL. XXV.

1 A Leph. Ode Davidis. Ad te Iehoua animam  
meam attollo.

2 Beth. Deus mi, in te confido: ne pudeam, ne  
exultent inimici mei de me.

3 Gimel. Etiam vili expectantes te non puden-  
tiam: pudeant qui perfide agant immerito.

4 Daleth. Vias tuas Iehoua notas fac mihi: se-  
mitas tuas doce me.

5 He. Vau. Dirige me in veritate tua & doce  
me. Nam tu es Deus salutis mea; tu expecto totum  
diem.

6 Zaiin. Recordare miserationum tuarum Ie-  
houa & benignitatum tuarum: eas a seculo esse.

7 CHeth. Peccatorum pueritia mea & defectio-  
num mearum ne recorderis: secundum benignitatem

tuam

tuam recordare mei, propter bonitatem tuam Iehoua.

8 Teth. Bonus & rectus Iehoua est: idcirco docebit peccatores viam.

9 Iod. Faciat ut incedant mansueti ex iure, & docebit mansuetos viam suam.

10 Caph. Omnes semite Iehoua benignitas & fides sunt, custodientibus fœdus eius & testimonia eius.

11 Lamed. Propter nomen tuum Iehoua condonabis iniquitatem meam ut cunque magna sit.

12 Mem. Qualis futurus est vir ille, qui reueretur Iehouam? docebit ipsum quam viam eligat.

13 Nun. Anima eius in bono pernoctabit: & semen eius hereditario iure possidebit terram.

14 Samech. Arcanum Iehoua est pro reuerentibus ipsum: & fœdus eius, ut id notum faciat ipsis.

15 Hajin. Oculi mei iugiter ad Iehouam respiciunt: quia ipse educit ex reti pedes meos.

16 Pe. Respice ad me & gratiam fac mihi: quia solitarius & pauper sum.

17 Tladi. Oppressiones animi mei dilatant se. Ab angustiis meis deduc me.

18 Coph. Aspice afflictionem meam & laborem meum: & condona omnia peccata mea.

19 Resh. Aspice inimicos meos. Nam multiplicati sunt: & odio violento oderant me.

20 Sçin. Serua animam meam & eripe me; ne pudeam: quia recipio vire ad te.

21 Thau.

21. Thau. *Integritas & rectum custodiant me: quia exspecto te.*

22. Pe. *Redime Deus Israellem ab omnibus oppressionibus eius.*

## ANALYSIS PSAL. 25.

Hac ode multiplex petitio continetur: sed illa princeps est qua petitur liberatio ab aduersarijs: cæteræ sunt intertextu obiter.

Postulatum de liberatione ab aduersarijs proponitur primo in secundi versiculi medio. Deinde repetitur vers. 16. 17. 20.

Versu secundo petit regius Propheta ne pudeat: id est, ne spem, quam de liberatione sua concepit, irritam esse Iehoua patiantur. Quod petinde valet ac si verbis disertis à Iehoua contenderet, ut elusis & profligatis hostibus è capitis fortunatumque omnium periculo liberetur.

Quod ver. 16. postulat in genere, id ver. 17. & 20. petitur in specie. *Respice ad me* (inquit ver. 16.) *et gratiam fac mihi*: id est, *ex angustiis meis deduc me, et serua animam meam*, ut loquitur Propheta ver. 17. & 20.

Videmus iam huius hymni thesin principem liberationis petitione contineri. Sed quibus argumentis persuadet liberationem ab hostibus Propheta? In ipso Psalmi ferè exordio occurrunt tria, eaque momenti haud mediocria.

Primum est celebre illud & magnificum fidei effectum, ab ipso Iehoua tantopere approbatum.

Arg. 1. *Ad te* (inquit) *ò Iehoua bonitate tua fretus confugio.* ver. 1. & 2. Vbi attollere animam ad Dominum idem est quod ad Dominum omni cordis affectu se recipere: & non aliunde quam à Domino omnes animæ spes & cogitationes suspensas habere.

Itaque mihi de incolumitate consule liberatione concessa ab is, in quibus versor grauissimis periculis. Hoc enim vult ver. 2. dum vrget, ne pudeat. Atque hoc idem est, quod iteratur ver. 16. 17. 20.

Sed

Sed instat Propheta docetque. in liberationis suae negotio lehouae gloriam agi. Nam repudiat petitionis euentus eiusmodi futurus est vt eo de lehouae gloria plurimum detrahi necesse sit. Ac proinde e contemplatione euentus, qui e reiecta supplicatione consequetur, sic apud lehouam differit :

**Arg. 1.** *Si mihi periclitanti iam grauissime & ad opem tuam confugienti non succurris mihi insultabunt hostes mei insolentius, perinde ac si fiduciam in te serui tui frustra collocent.*

At occurrere te huiusmodi insultationi par est, qua tuo erga fideles tibi supplicantes misericordiae gloria imminuitur. **ver. 2.** Non patiere (inquit) me pudefieri, ne exultent hostes mei de me: id est, me qui ad te confugerim minime liberato, hostes mei illudent nubi de reposita spe in nomen tuum: & tibi ad subueniendum tuis aut voluntatem aut facultatem deesse praedicabunt. At hoc ad nominis tui decus neutiquam cessurum est, cum proficere esse te patrem & vindicem eorum, qui promissionum tuarum veritate nixi gratiam tuam operumque implorant.

Quapropter mihi grauissime iam periclitanti, & ad te confugienti succurre. **verf. 1. in medio, & verf. 16. 17. 20.**

Pergit adhuc & lehouam recenti argumento compellat, cum de fructu admonens qui e concessa liberatione ad fideles redundaturus est.

**Arg. 3.** *Me (inquit) erepto e periculis, & per te in integrum restituito, fideles omnes in fiducia promissae abs te gratiae & bonitatis confirmabuntur.* **ver. 3. in principio.**

Quamobrem noli deesse mihi in angustis constituto, sed pro tua bonitate subuenito. **ver. 2. 16. 17. 20.**

Enthymematis antecedens illustratur a dissimili, sic:

Inimici mei, qui nulla a me laceffitu iniuria me atrocissime persequuntur, spes suae & conatus omnes ad nihilum recidisse perspicientes, se mirari & desperatione conficiunt. **ver. 3. in fine.**



*At fideles omnes, ubi me liberatum è periculis cognouerint, ed maiori fiducia & spe ad te confugient, si quando in pericula & angustias inciderint. ver. 3. in principio.\**

Isthus progressus, institutæ supplicationis cursum inhibet Propheta. Etenim venit ipsi in mentem posse Iehouam ob-  
iicere. *Non esse scilicet cur de liberationis negotio tam actiue & importunè agat: nescire eum quid consilij sequatur Iehoua in excitandis aduersus ipsum aduersarijs.*

Hic ut ipse sibi satisfaciât Propheta, agnoscit ignorantiam suam: ac propterea petit ut de consilio diuinæ voluntatis erudiatur, in iis præsertim quæ immixtæ afflictionis tempore vitæ instituendæ & formandæ rationem spectant. ver. 4. & 5. Vix igitur & semitæ, quas exploratas habere cupit, sunt rationes illæ verbo diuino comprehensæ, ad quarum normam accommodatè incedere oportet, si quando affligamur. Eas si quis minus calluerit, facile in confusis capiendis errabit; facile abripitur vel æstu impatientiæ vel cupiditate vindictæ vel alio deprauato affectu: facile rerum desperatione prouocatus languescit & concidit.

Sed quo argumento persuadere Iehouæ vult David, ut in hisce tam excellentibus vijs instruat? ut Davidi tam æquum postulanti concedat Iehoua, duplex ratio affertur: altera ab adiuncto Iehouæ: ab effectu Prophetæ altera:

*Tu es (inquit) Deus salutis meæ, id est, cui salus mea summe curæ est, & qui solus omnes vias tenes expediendæ incolumitatis meæ.*

*Itaque erudi me de consilio voluntatis tuæ, quatenus facere id ad salutem meam possit, ver. 4. & in principio ver. 5.*

Ratio ducta ab effectu Prophetæ sequitur, conclusa sic:

*Te expecto totum diem: id est, non desino perenni studio attendere, dum erudiar de voluntatis tuæ consilijs salutem meam spectantibus. ver. 5. in fine.*

Placeat igitur tibi Iehoua erudire me de voluntatis tuæ consilijs salutem meam spectantibus. ver. 4. & 5. Dirige (inquit) me in veritate tua: id est, ut continuò interpretatur ipse, Doce me, seu fac me institui in monitis & præceptis

ceptis verbi tui, ijs scilicet quę salutem meam spectant  
qualia sunt ea quę loquuntur de promissionibus gra-  
tiz, de reponenda in Iehouam fiducia, de consilio Ie-  
houę in castigationibus adhibendis, &c.

Sed ecce: peccatorum conscientia adductus Propheta,  
etiam hoc posterius interrumpit postulatam. Occurrit siqui-  
dem, deliquisse se aduersus Iehouam multipliciter: ac proin-  
de nihil caulę tubesse, quemobrem Iehoua cum ipso consi-  
lia voluntatis suę communicaret. Obiectus Dauidi scrupulus  
& quo se non mediocriter pungi sentiebat, eiusmodi est:

*Peccatores non docebit Iehoua vias suas.*

*Tu es peccator.*

*Te itaque Iehoua non docebit vias suas.*

Quomodo expedit se hoc loco Propheta? Quomodo  
tollit quicquid impeditenti asserre peccata queant, quo  
minus id quod petit gratię consequatur? Primum de obie-  
ctionis Assumptione assentitur. Ac proinde ver. 6. & 7. de  
venia delictorum cum Iehoua agit. Ignosci sibi vult non  
modo hodierna peccata, quibus sese indies obstringit, sed  
etiam delicta ineuntis & anteaqtę iamdiu ætatis, labem  
nempe originalis deprauationis, & quę inde exortę sunt  
defectiones turpissimę. Ac ne Iehouam institutę petitioni  
aduersantem habeat, visum est admonere ipsum & pristinę  
misericordię iam inde à mundi creatione præstitę, & glorię  
quam ex adhibita clementia & ignoscendi facilitate adeptu-  
rus est. Argumentatur itaque primò in hunc modum:

*Exististi o Iehoua iam inde ab orbe condito longè clementis-  
simus & ad ignoscendum hominibus peccata facillimus.*

*ver. 6.*

*Quapropter pari iam erga me clementia & facilitate in pec-  
catis condonandis utere. ver. 7.*

Deinde è notata accessione glorię, quę tributam Dauidi  
à Domino peccatorum veniam consecutura est, in hanc  
sententiam ratiocinatur:

*Illustrabis o Iehoua bonitatis tuę gloriam concessa mihi pec-  
catum venia. ver. 7. in fine. Sic enim interpretor clau-  
sulam illam, Propter bonitatem tuam.*

*Itaque*

*Itaque ne recordere delictorum meorum, siue ea sint vite  
antecessæ siue presentis, ver. 7. in principio.*

**Hactenus de propositæ obiectionis Assumptione egit  
Propheta.**

Quod ad propositionem attinet, de ea assentiri David non potest, si de peccatoribus intelligatur generatim. Nam qui eius generis peccatores sunt qui mansueti dicuntur, id est, quorum animos Spiritus sanctus ad disciplinam & reuerentiam Iehouæ mitigauit & excoluit, eos Iehoua in vijs suis non grauatur erudire. Huius problematis confirmatio petitur, partim ab adiuncta natura Iehouæ vers. 8. partim à fine & genere.

**A Iehouæ adiuncta natura conclusio huiusmodi deducitur:**

*Iehoua bonitate & fide erga mansuetos liberanda excellit.  
ver. 8. in principio.*

*Itaque peccatores seu mansuetos erudiet in vijs suis, vers. 8.  
in fine.*

Versu nono subjicitur tractati problematis illustratio à fine. Docentur siquidem peccatores eo consilio vias Iehouæ, ut incedant ex iure, id est, ut vitam agant legi diuinæ congruentem, ver. 9.

**Restat confirmatio propositæ quæstionis à genere:**

*Nihil omittit Iehoua quod mansuetorum salutis possit conducere, ver. 10. Hanc decimi versiculi interpretationem instituto Prophetæ maxime accommodatam esse arbitror. Hic mansueti seu peccatores illi, de quibus loquitur ver. 8. describuntur ex eo quod fœdus Iehouæ & testimonia custodiant, id est, enituntur ut custodiant.*

*Itaque peccatores seu mansuetos docebit vias suas Iehoua, ver. 8. in fine.*

Præquam in disceptandis enthymematis antecedente progreditur, Prophetæ è peccati conscientia rursum suggeritur. *Esse nimirum peccata ipsius admodum graua, non offensiones leuiusculas: Ac proinde nolle Iehouam erudire ipsum in vijs suis.* Hic Propheta, versu nempe vndecimo, allatæ

obiectionis consequentiam negat, & animo confidenti respondet Condonatum iri delicta tua, utcumque atrocita & grauiata fuerint. Fore ut Iehoua ipsum hac gratia prosequatur, docetur à fine. Propter nomen tuum (inquit ver. 11) condonabis iniquitatem meam: id est, ad illustrandam gloriam misericordiae erga me tuae ignoscere mihi, utcumque grauius deliquerim. Si igitur Iehoua ad amplificandum decus clementiae & bonitatis suae concessurus est Dauidi veniam delictorum: non sequetur, si grauioris peccati conuictus fuerit, ideo nolle Iehouam instituire ipsum in cognitione legis suae.

Refutata obiectione de peccatorum grauitate, redit Propheta ad antecedentem enthymematis, eamque specialium inductione illustrat. Inductio est ver. 12. exornata dialogismo. *Qualis (inquit) futurus est vir ille qui reueretur Iehoua?* Perinde ac si diceret: Cum nihil omittat Iehoua, quod ad eorum, qui pietati student, salutem valere possit, necesse est ut qui Iehouam reuerentur, foelici conditione utantur. Sed inductionem videamus.

*Iehoua cultores suos docebit quem vitae cursum velit ab ijs teneri. ver. 12. conferet in eos ius & bona aeternae vitae. ver. 13. in principio. largietur ipsis suauissima praesentis vitae comoda, nempe propagationem sobolis & magnitudinem opum & possessionum. ver. 13. in fine. communicabit cum ipsis mysteria voluntatis suae, & capita excellentissime doctrinae fudere suo comprehensae. ver. 14. Itaque nihil omitteret Iehoua quod piorum saluti possit condacere. ver. 10.*

Disceptatae adhuc sunt, nimirum à principio versu 4. ad versum decimum quintum, obiectiones tres, & insertae obiter petitiones duae. Iam reuocat ipse se Propheta & ad principem supplicationem persequendam regreditur. Supplicat Iehouae de concedenda liberatione ab aduersarijs. Id urget variè: primum repetito, quod in Psalmi exordio proposuit, argumento: sed adhibita repetiti argumenti expolitione à testimonio obseruationis suae.

Arg. 4. *Ad te confugio (inquit) & à te solo opem expecto.*  
ver.

ver. 15. in principio.

*Itaque respice ad me, & gratiam fac mihi. vers. 16. id est, liberationem ab aduersarijs concede mihi.*

Antecedentis expositio est ver. 15 conclusa sic:

*Observaui antehac extitisse te semper mihi liberatorem è periculis. ver. 15. in fine. Sic ego authore Musculo hanc clausulam de educendis è reti pedibus interpretor.*

*Ad te igitur confugio, & à te solo liberationem ab aduersarijs expecto. ver. 15. in principio.*

Deinde ad id quod petitur impetrandum, proponit oculos Iehouæ adiunctas personæ suæ calamitates: nempe & miseram conditionem in qua versatur & magnitudinem afflictionis qua premitur. Vtrumque hoc Syllogismo concluditur argumentum:

Arg. 5. *Destitutor (inquit) omnibus humanis subsidys: & ea est præsentis miseriæ grauitas ut eâ penè obruar. vers. 16. in fine: & vers. 17. in principio.*

*Itaque succurre mihi ô Iehoua, & me ab hostibus libera. v. 16 in principio: & ver. 17 in fine.*

Vers. 18. Mali, quo se vers 17. tantopere affligi querebatur, magnitudo reperitur: sed iterata similiter petitione de remissione peccatorum.

Expositis personæ suæ calamitatibus: institutæ supplicationi gratiam conciliare vult à descriptione hostium suorum. Describuntur ab adiunctis.

Arg. 6. *Magnæ (inquit) sunt hostium meorum copie: magnæ vires: & immane erga me odium. ver. 19.*

*Itaque pro singulari misericordia opitulari mihi, nec patiari me eorum iniquissimis consilijs & conatibus opprimi. ver. 20. Vbi adhibetur repetitio argumenti. primi: & petitionis iteratio multiplex. Serua (inquit) animam meam: eripe me: ne patiari me pudefieri. Hinc constat versatum fuisse in summo discrimine Prophetam: & existimasse non alienum esse si è fiducia opis diuinæ in supplicando adhibeatur importunitas.*

Quemadmodum superioribus versiculis personæ suæ

calamitates exposuit, ut ex ipsarum contemplatione Iehouæ de petitione liberationis concedenda persuadeatur sic v. 21. personæ suæ adiunctam innocentiam ad instituti postulati suasionem proponit.

Arg. 7. Sum (inquit) nullius erga hostes meos culpe aut iniuriæ illatæ reus. v. 21.

Par idcirco est ut me à crudelitate inimicorum meorum vindices. vers. 21. Enthymematis huius pars utraque priori membro versiculi inuoluta exhibetur.

Consequentia enthymematis hanc illustrationem habet:

Nitor promissione auxilij tui facta ijs qui culpa vacant, & qui immerito opprimuntur. vers. 21. in fine. Sic enim interpretor clauulam illam, *Expecto te.*

Ac proinde cum vacem culpa, & nullo meo merito ab adversarijs opprimar, par est ut me ex istis miserijs eripias, & pristina incolumitati restituas.

Postremo Psalmi versiculo petitionem contineri affirmant interpretes pro salute totius Ecclesiæ. Probabile verò esse supplicari Iehouæ pro Ecclesiæ salute, constat è forma orationis, qua versiculi sententia enuntiatur. Sed liceat mihi bona cum venia dissentire ab interpretibus, & existimare comprehendi eo versiculo non tam supplicationem pro incolumitate Ecclesiæ, quàm argumentum ad Iehouæ persuadendum de concedenda liberatione, quam hoc Psalmi tantopere vrget Propheta. Neque obstat orationis forma quo minus in hanc sententiam versiculus explicetur: eritque istiusmodi interpretatio Prophetæ instituto valde consentanea: utpote quæ argumentum comprehensura sit ponderis apud Iehouam singularis. Præterea mihi non admodum credibile videtur Prophetam orationis & ardoris tantum in re priuata voluisse exprimere, & in publica interim afflictæ Ecclesiæ causa peroranda Laconismo uti & tantopere frigare.

Sed quale tandem argumentum est quod adhiberi dicimus à Propheta? Certè admonet Iehouam de excellenti fructu, quem Ecclesia, cui Israelis nomen attribuit, è libera-  
pione



nione sua perceptura est. Sic igitur à Davide differitur:

Arg. 8. Me, quem Israeli tuo præfecisti, erepto è periculis & pristina incolumitati restituto, una Israelem tuum libera- bis & redimes ab omnibus oppressionibus. vers. 22.

Itaque id gratie concede mihi ò Iehoua, ut liberatus ab ho- stibus pristina incolumitati restituar, vers. 20.

## PSAL. XXVI.

I O De Davidis. Iudicem meum age Iehoua: quoniam ego in integritate mea ambulo: & Iehoua confido me non vacillaturum.

2 Probame Iehoua & tenta me, examina re- nes meos & animum meum.

3 Certè benignitas tua coram oculis meis est: itaque indefinenter ambulo in veritate tua.

4 Non sedeo cum hominibus vanis, & cum dis- simulatis non conuenio.

5 Odi congregationem maleficorum, & cum improbis non sedeo.

6 Lauo in innocentia manus meas, & circumeo altare tuum Iehoua,

7 Personando voce gratiarum actionis & enar- rando omnia mirabilia tua.

8 Iehoua, diligo habitaculum domus tue, & locum tabernaculum glorie tue.

9 Ne aggreges penes peccatores animam meam & penes viros sanguinarios vitam meam:

10 Quorum in manibus scelus est, quorum dex- tra plena est corruptionis muneribus.

11 *At ego in integritate mea ambulo. Redime me & gratiam fac mihi.*

12 *Pede meo consistente in plano, in congregationibus benedicam Iehoua.*

### ANALYSIS PSAL. 26.

Subiectum huius Psalmi petitio est in hanc concepta sententiam:

*Saluti & existimationi meae consule ô Iehoua, aduersus improborum calumnias & tyrannidem, vers. 1. 9. 11.*

Petitur vers. 1. ut in causa Prophetæ ius dicat Iehoua. Prophetæ causa quænam fuerit, constat partim ex adhibita protestatione innocentie & integritatis, à principio versiculi primi ad nonum: partim ex eo quòd periculum vitæ depreceetur vers. 9. Salutem igitur Prophetæ & existimationem exquisitis calumnijs & contumelijs homines perditissimi oppugnabant. Iam in causa supplicis sic oppressi iniquissimis criminationibus ut de nomine & capite periclitetur, quale est ius illud quod à Iehoua iudice dici conuenit? certe illud, quo salus & existimatio supplicis contra hominum nequissimorum calumnias vindicetur. Si de hoc in ferenda sententia summus ille Iudex prouiderit, ius in causa litigantium præclarè dixisse videbitur.

Versu nono de tuenda Prophetæ salute agitur *Ne aggreges (inquit) penes peccatores & viros sanguinarios animam meam:* id est, ne patiarc vitam meam eorum libidini & potestati condonari, qui eam extinctam esse cupiunt. Atque hoc est aggregari penes sanguinarios, tradi nimirum in manus & potestatem eorum, qui de sanguine & cæde cogitant.

Versu vndecimo repetitur instituta supplicatio, sed verbis paulo generalioribus. *Redime (inquit) me, & fac gratiam mihi:* id est, cura in discrimine verser salutis & famæ, prospice mihi de conseruatione vtriusque pro tua singulari misericordia,

Intelligimus iam quid Psalmo isto tractetur à Dauidè. In columitati suæ aduersus impiorum conatus consultum esse vult.

vult. Sed quo argumento suadet, quod à Iehoua tantopere contendit?

*Sum (inquit) innocentis integreque vite: & confido te mecum ita benigne acturum ut non vacillem, id est, ab inimicorum meorum calumnijs & crudelitate vindicer.*  
verf. 1.

*Itaque saluti & existimationi mee consule ò Iehoua aduersus improborum calumnias & tyrannidem.* verf. 1. 9.

II.

Antecedentis duo capita sunt: vnum de innocentia & integritate Prophetæ: de ipsius in Iehouam fiducia alterum.

De Prophetæ innocentia & integritate caput illud tractatur pluribus: nempe à versu primo ad nonum. Demonstrationem innocentie & integritatis suæ orditur è prouocatione facta ab iniquis hominum iudicijs ad Iehouæ iudicium & testimonium.

*Si innocens (inquit) integerque non essem: te Iehoua, cui omnia mentis mee cogitata sunt exploratissima, iudicem ac testem innocentie mee non appellarem.*

*At te Iehoua, cui omnia animi mei cogitata sunt exploratissima, iudicem testemque appello innocentie & integritatis mee.* verf. 2. Vbi examen, cui se subicit Propheta, examini quo in excutiendis & dijudicandis metallis vtuntur aurifices, comparatur. Renum nomine quicquid est in corde abstrusum & reconditum significari obsecurum non est.

*Itaque sum innocens & integer.* verf. 1.

Persequitur innocentie & integritatis suæ demonstrationem Propheta, notata primum efficiente causa vitæ innocenter actæ: deinde adhibita inductione partium.

Ab efficiente argumentatur in hunc modum:

*Quantum bonitate excellas erga integre vite homines semper mihi ob oculos proposui.* verf. 3.

*Ac proinde operam dedi ut me innocenter integreque semper gererem.* verf. 3. in fine. Vbi ambulare in veritate Iehouæ, id est, quod in vitæ degendæ cursu verbi diuini præceptis obsequi. Satis liquet Iehouæ verbum nomine

veritatis appellari. Sermo meus (inquit Christus) veritas est. Qui igitur veritatis diuina legibus congruentor viuit, is in veritate lehoue indefinenter ambulat.

Versu quarto sequitur partium inductio ad concludendam Davidis integritatem.

*Praesto (inquit) & officia iustitiae erga homines & munera pietatis erga Deum. ver. 4. 6. 7. 8.*

*Itaque vitam integrè & legi tuae conuenienter dego. ver. 1. in med. & ver. 3 in fine.*

Inductionis antecedente comprehensae membrum prius de praestitis officiis iustitiae erga homines, significatur synecdochice Prophetæ effectus, viz:

1. *Declinatione societatis cum improbis tum in consiliis capiendis tum in suscipiendis actionibus. ver. 4. Vbi vocabulo sedendi notatur societas in adhibitis deliberationibus; vocabulo autem conueniendi seu ingrediendi, societas in obeundis actionibus.*

2. *Odio aduersus impiorum conuentus & habitorum conuentuum deliberationes suscepto. ver. 5.*

Duplici isto Prophetæ effecto notari e partis Synecdoche contendo praestita ab ipso officia iustitiae erga homines. Nam in cuius mente tam atre odium insedit improbitatis & nequitiae, vt improborum coetus, consilia & actiones auerferet & declinet: hunc studio duci necesse est id omne in vitae degendae ratione persequendi, quod iustum est & ad commoda humanae societatis augenda pertinet.

Quinetiam duo illa effecti ita proponuntur à Dauide, vt ex altero tanquam causa concludatur alterum. Nam si maleficorum coetum oderit, sequetur nullam ipsi communio- nem intercedere cum improbis in deliberationibus habendis aut in rei deliberatae executione. At profitetur David odisse se improborum coetus. Ac proinde ab ineunda cum maleficis societate siue consiliorum siue actionum, alienissimum esse necesse est. Huiusmodi conclusione vti Prophetam, non ipsi citè conicitur è versiculo quinto: vbi, quod praecedenti versu proponebatur de fugienda societate improborum repetitur tanquam conclusum ex eo, quod coetum malignorum odio prosequatur.

Porro

Porro quemadmodum homines nefarii & perditionis à Davide describuntur, non alienum fuerit animaduvertere. Dicuntur vani & occulti seu dissimulati. Vani, partim, quod metu diuini numinis vacui sint, partim quod res vanas confitentur & in earum adeptione applaudant ipsi sibi & stultissime gloriantur. Occulti seu dissimulati vocantur, quia naturæ affectus & sensa mentis suæ multis simulationum inuolueris regunt & quasi velis quibusdam obtendunt, adeo ut ad fraudes & versutias quodammodo facti videantur. Aliud igitur animo & cogitatione machinantur: aliud fronte & oratione profitentur.

Inductionis membrum posterius de obeundis muneribus pietatis erga Iehouam, (synecdochicè significatur & exponitur è duplici effecto Prophetæ, viz:

1. *Quod ad diuini cultus officia præstanda accedat. ver. 6.* Vbi sub actione circumeundi altare Iehouæ, actiones omnes, quibus reliquæ partes diuini cultus obeuntur, comprehendendi à Davide & per Synecdochen significari credibile est.

2. *Quod omnes diuini cultus partes amplectatur & diligat. ver. 8.* Vbi vocabulo tabernaculi seu sanctuarij, per subiecti metonymiam id omne intelligitur, quod ad nominis diuini cultum in tabernaculo peragitur. Tabernaculum appellatur Domus Iehouæ & Domicilium gloriæ diuinæ: propterea quod in eo Iehoua se inter Cherubinos insidens summa maiestate exhiberet, & quotidie coleretur.

Prior illa Prophetæ actio de circumeundo altare habet amplificationem partim ab adiuncta modi circumstantia quo perficitur, partim à fine.

Adiuncta circumstantia modi in sacrificiorum oblatione adhibiti notatur in principio versiculi sexti. *Lauo (inquit) in innocentia manus meas:* id est, cum sacrificiorum oblationibus & solemnibus ritu defungor, id præsto è corde puro, non simulato, ut ij qui lotis pro ceremonia instituta manibus, illotis animis, sordidatis affectibus, nullo sensu peccatorum frequentant & ingrediuntur sanctuarium Iehouæ. Legali  
illa

illa ablutione, ad quam hos versu alluditur, admonebatur populus de puritate mentis & sordibus peccati detergendis priusquam ad publica exercitia pietatis accederent.

Amplificatio à fine cultus in sanctuario præstiti continetur ver. 7. Is autem est vt agnitis & commemoratis Iehouæ beneficijs, ipsius nomen celebretur, nomen inquam bonitatis, potentiae ac sapientiae. Beneficia Iehouæ collata in Ecclesiam appellantur *Mirabilia*, eò quòd non ad normam & consilia humanæ rationis in procuranda salute Ecclesiae suae se gerat.

Posterior illa Davidis actio de singulis diuini cultus partibus amplexandis & diligendis sic explicari potest, vt intelligamus versu octauo argumentum contineri, quo inductus Propheta ad Iehouam in sanctuario colendum accessit.

*Diligo (inquit) quicquid ad nominis tui cultum in sanctuario peragitur, ver. 8.*

*Ac proinde altare tuum perlibenter circumeo: id est, cultum lege præscriptum tibi offero. ver. 6.* Circumire altare licebat populo, non autem attingere, immo ne ijs quidem è tribu Leuitarum, in quibus insrat labes aliqua aut deformitas.

Adhuc fuit partium inductio versibus quinis exposita ad quaestionem illam de Prophetae vita innocenter acta concludendam.

Sequitur ver. 9. Psalmi totius princeps quaestio, vt supra obseruatum est, sed exornata eleganti descriptione improborum. Descriptio eiusmodi est:

1. *Sunt peccatores: id est, qui violandae pietatis & iustitiae quasi artem quandam facitiant & profitentur.*

2. *Sunt viri sanguinum: id est, nullum crudelitatis genus omittunt.*

3. *In ipsorum manibus est scelus: id est, ita sunt instructi ab omni instrumento & facultate perpetrandi sceleris, vt nihil ipsis ad praesentem executionem desit.*

4. *Eorum dextra est plena muneribus corruptionis: id est, adeo insigni cupiditate rapiuntur augendi res suas, vt nulla æquitatis ratione habita ius omne prostituant & iniquissimis*



quissimis nundinationibus exponant. ver. 10.

Atque hæc est ab effectis & adiunctis descriptio improborum: quæ tractata sic est, ut pro dissimilitudinis argumento allata videatur ad illustrandum quod de integritate sua commemorat Propheta. Quod si in hanc sententiam descriptionem institutam interpretemur: tum dissimilitudinis redditionem priori versus undecimi clausula contineri dicendum est. Illud certè constat repeti ver. 11. principem Psalmi thesin unâ cum argumento illo vitæ à Propheta integrè & innocenter actæ, explicato à Davide versiculis pluribus.

Hactenus ad impetrandam gratiam adversus improborum calumnias & tyrannidem peroratum est à Davide de vitæ suæ integritate.

Superest versu postremo non exigui ponderis argumentum, quo persuadere vult Iehouæ Propheta de concedenda gratia expetitæ salutis & liberationis. Argumentum est ab effecto Davidis. *Pede meo (inquit) consistente in plano, benedicam Iehouæ in congregationibus.* Hæc verbis proficitur David, fore ut Iehouæ gratia & ope ab hostium calumnijs & tyrannide vindicatus, nomine tam excellentis beneficii omni studio incumbat ad celebrandam bonitatem Iehouæ, non modo priuatim sed etiam in publicis conuentibus. Sic igitur institutæ petitionis lusionem urget:

*Liberatus per te Iehoua ex hijs angustijs, in quibus versor, & pristinae incolumitati restitutus, celebrabo bonitatis & potentie tuæ gloriam non modo priuatim sed in publicis etiam conuentibus. ver. 12. Vbi quod de pede suo consistente in plano loquitur Propheta, intelligere conuenit de recuperata incolumitate pristina & restitutione in integrum.*

*Itaque redime me & gratiam fac mihi. ver. 11. id est, libera me ab improborum calumnijs & tyrannide.*

PSAL.

## PSAL. XXVII.

I **O** De Davidis. Iehoua lux mea & salus mea est, à quo timerem? Iehoua robur vita mea est, à quo expauescerem?

2 Cum malefici, hostes mei & inimici mei appropinquarent aduersus me ad exedendum carnem meam; ipsi corruerant & concidebant.

3 Si metarentur contra me castra non timeret animus meus: si insurgeret contra me bellum, in hoc considerem.

4 Vnum petij à Iehoua: id ipsum requiro, ut habitem in domo Iehoua omnes dies vita mea, ad videndum amœnitatem Iehoua, & visitandum templum eius.

5 Nam abscondit me in tabernaculo suo tempore aduersitatis: absit me in abdito tentorii sui: in rupem attollit me.

6 Iam verò extollitur caput meum supra inimicos meos, circumstantes me. Sacrificabo in tentorio eius sacrificia clangoris. Canam & psallam Iehoua.

7 Audi Iehoua me voce mea clamantem: gratiamq; fac mihi & exaudi me.

8 Dicit mihi cor meum à te: Requirite faciem meam. Faciem tuam Iehoua requiro.

9 Ne abscondas faciem tuam à me: ne auertas à me a faciem tuam. Auxilium meum fuisti: ne deseras me, neque derelinquas me, q̃ Deus salutis mea.

IO Nam

10 Nam pater & mater derelinquunt me. Itaque Iehoua recipiat me.

11 Doce me Iehoua viam tuam, & deduc me per semitam planam: propter observantes me.

12 Ne tradas me desiderio hostium meorum. Nam surrexerunt contra me testes mendaces, & qui sperant violentiam.

13 Nisi credidissem me fruiturum bonitate Iehouae in terra viventium, actum fuisset de me.

14 Expecta Iehouam: confirmare: & fortificabit animum tuum: itaque expecta Iehouam.

## ANALYSIS PSAL. 27.

Thesis hoc Psalmo explicato partim supplicatione continetur, partim cohortatione. Supplicatio tractatur à principio Psalmi ad versum decimumtertium: & est huiusmodi:

*Libera me ô Iehoua ab inimicis meis.* vers. 7. 9. 11. 12.

Recte ne petitio ista versiculis illis comprehendi dicatur, si placet videamus. *Audi me* (inquit vers. 7.) *clamantem ad te, & gratiam fac mihi.* Vt priori membro, quo audiri se cupit supplicantem de liberatione & salute consequenda, è Metonymia effecti destinati ipsum finem intelligit (est enim oblatae petitionis exauditiō medium destinatum: salus & ab hostibus liberatio finis) sic inciso posteriori, quo sibi gratiam concedi postulat, è Synecdoche generis gratiam notat erepta è periculis personae suae & incolumitatis recuperatae.

Vers. 9. *Ne abscondas* (inquit) *faciem tuam à me: ne me abijcias & deseras.* Deprecatio ista desertionis quid aliud vult, quam ut Iehoua Davidem prosequens studio pristinae voluntatis & misericordiae, prospiciat ipsi de liberatione è periculis? Versiculi noni interpretis optimus est versus duodecimus: in quo petitur ne hostium libidini & tyrannidi condonetur: id est, ab angustiis in quibus versatur, & inimicorum crudelitate liberetur. Non deseri igitur à Iehoua, idem est quod non obijci hostibus, sed ex eorum potestate eripi.

Sic

Sic versu undecimo dum viam Iehouæ doceri & per semitam planam deduci vult:annon de via loquitur, qua ad salutem & liberationem itur? Perinde est ac si diceret: *Confisso iam o Domine in ea, quæ ad interitum ducit via: versor in ea semita, quam hostes mei multiplicibus præcipitijs & insidijs valde periculosam reddiderunt. Ac proinde peto abs te vi subtractum me è via qua itur ad exitum, transferq; in viam tuam eam nempe qua hostium insidiæ declinantur & ad felicem liberationis exitum peruenitur.* Doceri igitur viam Iehouæ idem est quod actu statui à Iehoua & collocari in via liberationis ac salutis, vitæ scilicet quæ intendebantur periculis: quemadmodum vers. 11. Propheta interpretatur ipse. *Deduc(inquit) me in semitam planam:* id est, eripe me è semita qua ad certam perniciem inceditur, & transfer in eam quæ libera est ab ab omni hostium impetu & expeditissima ad salutem,

Ex hijs quæ dicta sunt, facile constare posse opinor, supplicationem Prophetæ versiculis illis quatuor, nempe v. 7. 9. 11. 22. propositam esse ac comprehensam.

Attendamus iam quibus argumentis institutæ petitionis suasionem persequatur. Argumenta affert sexuplicia, eâ quæ illustria, & ad persuadendum valde accommodata. Primum insigni quadam professione continetur fiduciæ in Iehouam suæ, tractatum copiose sex primis versibus, & conclusum sic:

**Arg. 1.** *Qui bonitate & ope tua confidentissimè nititur, eum par est ut tu Iehoua ab inimicis liberes.*

*At ego is sum qui bonitate & ope tua confidentissimè nitor,*  
vers. 1.

*Itaque ego is sum, quem par est ut tu Iehoua ab inimicis liberes* vers. 7. 9. 11. 12.

Assumptio versu primo exhibetur sub duplicis interrogationis formula. *A quo (inquit) timerem? à quo expauescerem?* Ac si diceret: Non me aut hominum singularis potentia, aut aliud quiduis utcuque formidabile & minitandum terret: sed posito omni metu, in Iehouæ bonitate & auxilio securè acquiesco.

*Assum.*

Assumptioni subiicitur illustratio multiplex: nimirum

1. A notata causa sue in Iehouam tam admirabilis fiducie.
2. A comparatione Maiorum.
3. A refutatione exceptionis quæ proponi ad eludendam Assumptionem potuit.

E notatione causæ, qua adductus est Propheta, vt Iehouæ bonitate & auxilio tantopere nitatur, in hunc modum describitur:

*Iehoua semper antehac pro singulari misericordia mihi liberator & propugnator extitit. vers. 1. Iehoua (inquit) est lux mea & robur vitæ meæ. Vt vocabulo tenebrarum notatur aduersa & afflicta conditio: sic voce lucis significatur liberatio e misera & luctuosa conditione. Hinc est quodd Iehouam sibi lucem extitisse gloriatur. Ac quia Iehouæ admirabilem vim & potentiam sæpius expertus est in propugnatione salutis suæ, idcirco ait eum robur vitæ suæ esse.*

*Itaque bonitate & ope tua confidentissimè nitor. vers. 1.*

Enthymematis pars antecedens, qua diuinæ erga se opus & gratiæ, cum afflictissimis temporibus vteretur, obseruationem & experientiam complexus est, illustratur speciali instantia seu exemplo. Instantia eiusmodi est:

*Etiam tum liberauit me Iehoua & incolumem præstitit, cum irruentibus in me incredibili impetu maleficis, de salute mea penè actum esset. vers. 2.*

*Iehoua igitur antehac pro singulari misericordia mihi liberator & propugnator extitit. vers. 1.*

Comparatio à Maiori, quæ ad Assumptionis exornationem allata est, proponitur vers. 3. in hunc modum:

*Si magnæ hostium copię aduersum me in acie consisterent & de me perdendo consilium inirent: nihil tamen mihi, quam in Iehouæ bonitate & ope colloco, fiduciam excuteret. vers. 3. In hoc (inquit David) considerem, id est, in Iehouæ potentia & paratissima ad mihi succurrendum voluntate: quam modò prædicavi, cum dicerem Iehouam fuisse mihi lucem & robur vitæ.*

*Multo igitur minus in minore periculo constitutus patiar detrahi*

trahi quid de mea in Iehouam fiducia.

Sequitur postrema Assumptionis illustratio & refutata exceptione: in qua duo spectanda occurrunt: viz:

1. Quid illud sit, quod ad Assumptionem conuellendam obijci-  
tur.

2. Quemadmodum propositæ obiectioni respondeatur.

Exceptio non est disertis verbis expressa: sed & subiecta responsione facile intelligitur. Est vero huiusmodi

**Except.** Si, utcumque à Iehoua è singulari in ipsum fiducia ne-  
bementer cõtenderis ut ad sanctuarium reducere, nullo-  
minus exules adhuc à sanctuario: tum frustra in Iehouam  
collocari fiduciam tuam fateare necesse est.

At, utcumque à Iehoua è singulari in ipsum fiducia contende-  
ris ut sanctuarij excellenti prerogatiua & oportunitate  
fruare, nihilominus exulas adhuc à sanctuario.

Itaque frustra in Iehouam collocari fiduciam tuam fateare  
necesse est.

Respondet Dauid propositæ exceptionis syllogismo: sed  
Assumptioni primum: deinde propositioni.

Quod ad Assumptionem attinet, duo sunt quæ agnos-  
cit Propheta.

1. Supplicasse se Iehouæ ut ad sanctuarium rediret.

2. Disiungi iam & exulare se à sanctuario

Supplicatio Prophetæ de reditu ad sanctuarium illustra-  
tur.

1. *Comparisonem similitum.* ver. 4. in principio. Quemadmo-  
dum (inquit) antehac ad vnum à Domino petij, nem-  
pe ut per omnem vitam excellentibus sanctuarij præ-  
rogatiuis mihi perfrui liceat: sic hoc tempore ut idip-  
sum concedatur magnopere contendo.

2. *Expositione finis cuius gratia instituitur supplicatio.* Finis e-  
iusmodi est: ut liber scilicet ab omni necessitate diutius  
peregrinandi & quaquaversus discurrendi, iam tandè  
possit nactus quantum satis est otij attendere sanctua-  
rio & referre se ad obeunda munera diuini cultus. Eò  
igitur spectat Prophetæ supplicatio ut sanctuarium  
inuisere & Iehouæ decorum ac pulchritudinè intueri  
queat.



queat. Iehouæ excellentem decorem & splendorem maiestatis tum intuemur, cum in verbi diuini lectione & prædicatione, in sacrificijs legis, in Euangelij sacramentis Iehouæ admirabilem potentiam, sapientiam, bonitatem & iustitiam conspiciamus & obseruamus.

Relegatio seu separatio a sanctuario, quam contigisse sibi agnoscit Propheta, vt populo Israelico minimè obscura fuit: sic est notata disertè ijs verbis quarti versiculi: *id ipsum requiro*. Postulat à Iehoua Dauid vt ad sanctuarium reducat. Relegatum igitur fuisse constat à sanctuario.

De assumptione allatæ exceptionis adhuc egit Propheta. Propositioni responderetur ver. 5. & 6. propositio seu propositionis consequentia à Dauide negatur. Negatio consequentiæ non est illa quidem disertis verbis explicata: sed ex ijs, quæ vers. 5 & 6. ad diluendam exceptionem proponuntur, facile intelligitur. Est autem in hanc sententiam informata.

*Vt cumque disjungor adhuc & relegatus maneam à sanctuario Iehouæ: non ideo tamen sequitur inane esse in Dominum fiduciam meam.*

Propositionis inconsequentiam sic demonstratam reperiemus.

*Iehoua mihi si quando in periculis versarer, vindex semper & propugnator extitit: communico vnà cum alijs in cultu diuino, si non personaliter, t fide & cordis affectu: & tandem actu ipso ac personaliter in eo communicaturus sum.*

*Itaque vt cumque corpore disjungor à sanctuario, non ideo tamen inanis est in Iehouam fiducia mea.*

Antecedens pars enthymematis constat tribus membris.

Primum est vers. 5. comprehensum: vbi refert quantæ curæ salus sua Iehouæ sit: vt qui ipsum tempore imminenti periculi in locum certissimi perfugij recipiat: id quod duplicis similitudinis comparatione ostendit. Nam præstiti à Iehoua auxilij actionem comparat partim cum occultatione sui facta in adyto tabernaculi & quasi sub expansis Cherubimorum alis, partim cum exaltatione sui in rupem aliquam ab hostili impetu & expugnatione tutissimam.

Secundum de Præphetæ communicatione in solenni illo

Iehouæ cultu, quæ fide & cordis affectu præstatur, continetur priori parte versiculi sexti: ubi, dum non obstante relegatione à sanctuario caput suum supra inimicos extolli prædicat, apertè testatur interesse se si non corpore ac cordis affectu & fide obitis in sanctuario cultus diuini muneribus, utcumque septum multitudine hostium & interclusum. Sic enim interpretor adhibitam à Propheta capitis sui supra hostes euecti prædicationem. Nam quamdiu relegatus à sanctuario & inimicorum copijs obsessus existeret, quæ tandem alia supra hostes exaltatio ei obuenire potuit, præter eam quæ fide & cordis affectu præstatur?

Tertium illud de sua deinceps actu futura communicatione in officijs diuini cultus, quibus Dei populus in sanctuario defungitur, posteriore inciso sexti versus includitur. *Sacrificabo* (inquit) *in tentorio eius sacrificia clangoris, &c.* id est, utcumque iam omni ad tabernaculum aditu prohibear, nihilominus tandem quantumuis fremant & tumultuentur inimici mei, ad sanctuarium reuersurus sum, & in eo Iehouæ nomen cum reliquo cœtu piorum celebraturus.

Adhuc insignis illa repositæ in Iehouam fiduciæ professio, quam adhibuit Propheta ad institutæ petitionis commendandam suasionem, tractata est. Sequitur secundum argumentum tali conclusum enthymemate:

**Arg. 2.** *Imploro opem tuam Iehoua aduersus inimicos meos, morem in eo gerens mandato tuo.* vers. 8. In priori parte huius versiculi proponitur mandatum de requirenda facie Iehouæ, id est, de ipsius ope imploranda si quando affligamur. In posteriore autem, Prophetæ obedientia mandato huic præstita subiicitur. Ut verò constet præcepisse Iehouam de requirenda facie sua, asserti David ad rei tantæ confirmationem testimonium non vulgare, testimonium scilicet cordis sui à Spiritu sancto informati. vers. 8. in in principio.

*Itaque exaudi me supplicantem tibi de liberatione ab inimicis.* vers. 7.

Sed pergit Propheta & à comparatione parium exhibitæ postulati concessionem vrget.

Arg.

Arg. 3. *Antehac (inquit) me ab inimicis meis liberaſti. verſ. 9. in medio.*

*Quapropter Iehoua, etiam iam libera me ab eiſdem. verſ. 9.*

Vbi ter quaterve Liberationis petitio repetitur,

Verſu decimo à perſonæ ſuæ adiunctis perſuadere Domino conatur de ſalute & incolumitate largienda.

Arg. 4. *Sum (inquit) ſi homines intuear, deſtitutus omni ope & ſubſidio. verſ. 10. Vbi ſe à parentibus derelictum conqueritur, id eſt, per ſynecdochen ſpeciei, ab ijs omnibus qui opem ferre poſſunt: ſubeſt verò argumentatio à comparatis in hanc ſententiam: Deſeror (inquit) à parentibus meis: Non mirum igitur ſi cæterorum hominum ope & auxilio deſtituar. In hunc ſenſum ſi Dauidem de orbitate & deſtitutione ſua conquerentem interpretamur: dicendum eſt comparationis propoſitionem redditionis loco ſubſtitutam eſſe: id quod non iufrequenter in diſſerendo uſu venit.*

*Succurre itaque mihi Iehoua aduerſus inimicos meos. verſ. 10 in fine, Vbi petit ut recipiatur à Iehoua, id eſt, eripiatur ab iminentibus perculis ac tutus præſtetur.*

Quintum ſuaſionis argumentum comprehenditur verſ. 11. ductum à contemplatione euentus, qui ex obſeruata agendi ratione exiſtet quam in ijs quæ Dauidem ſpectant ſequitur Iehoua. Obſeruatum eſt cum à pijs tum ab impijs quemadmodum cum Dauid ageretur. Illis, ſi diutius aſſigeretur Propheta, accideret id quidem longè grauiſſimum: hijs verò longè gratiſſimum. Hinc eſt quod in hanc ſententiam diſſerat apud Iehouam:

Ar. 5 *Si mihi nō ſubucneris, ſed me in hiſce tantis anguſtijs diutius herere patiaris expoſitum immanitati & libidini neſariorum hominum: pij eo obſeruato ſummum dolorem, impij ſammam letitiam percepturi ſunt. verſ. 11. in fine. Propter eos (inquit) qui me obſeruant. Quod non minus de pijs quàm de impijs exponendum eſſe iudico.*

*Itaque deduc me in viam, qua ad ſalutem & liberationem è periculis itur, ut me liberato omnis anſa præcidatur &*

*pijs dolendi & impijs insolenter triumphandi. vers. 11. in principio.*

Supereſt exhibitæ petitionis argumentum ſextum. Eo ſuis ille notatur, quem homines ſcelerati in perſequendo Davide ſibi propoſuerunt. A ſine argumentatio hæc eſt:

*Arg. 6. Inimici mei id vnum ſpectant vt mihi & exiſtimationem nominis mei & vitam eripiant. ver. 12. in fine. Vbi diſtingtis in duo genera hoſtibus ſuis, in calumniatores nimirum & homicidas, ex eo intelligi vult propoſitū ijs eſſe, vt ipſum dignitate nominis & vitæ beneficio priuent.*

*Quapropter ſuccurre mihi Iehoua aduerſus hoſtium meorum inſignem malitiam & tyrannidem. ver. 12. in principio.*

Hactenus expoſita eſt Prophetæ ſupplicatio. Reſtat cohortatio, qua ipſe ſe reuocat à diſſidentia & ad reponendum in Iehouam ſpem omnem ac fiduciam inuitat. Cohortatio eſt conſeſa primò ſic:

*Si ſpes illa quam animo certiffimam concepi, fruendi ſcilicet ante obitum promiſſa mihi à Domino benediſtione, ſecit quo minus adhuc languore & morte conficerer: tum expecta Iehouam & anima mea, & ſepoſito omni metu in ipſius bonitate ac miſericordia confidenter acquieſce.*

*At ſpes illa fruendi ante obitum promiſſa mihi à Domino benediſtione, ſecit quo minus adhuc languore & morte conficerer. ver. 13.*

*Itaque alacriter Iehouam attende & anima mea & ſepoſito metu in ipſum confidentiſſimè recumbe. v. 14. Vbi conſeſio iſta ter quaterve eſt iterata, vt oſtendat nihil habere ſe antiquius, quàm vt fide ac ſpe diuinæ bonitatis aduerſus omnes tentationum impetus muniatur.*

Aſſumptionis clauſulam illam, quæ eſt de benediſtione promiſſa, interpretor non modo de liberatione è periculis, ſed etiam de ſucceſſore in regiam dignitatem, quem Davidi daturum ſe Iehoua promiſit, è Davidis nempe ſanguine generatum. Atque hæc eſt illa admirabilis Iehouæ bonitas, qua ſe fruendum credidit Propheta in terra viuentium, id eſt, priuſquam ex hac præſenti vitâ migraret.

Cohor-

Cohortationis argumentum alterum extremo Psalmi versiculo includitur. Conclusio est in hunc modum:

*Tibi de gratia & consolatione assatim providebitur, si collocata in Iehouam spe omni & fiducia ipsum patienter attenderis. ver. 14. in medio. Fortificabit (inquit) animum tuum: id est, animo tuo quicquid opus est gratiæ & consolationis abunde subministrabit.*

*Itaque expecta Iehouam o anima mea, & in ipsum abiecto metu confidenter recumbe. ver. 14.*

## PSAL. XXVIII.

**I** *O De Davidis. Te Iehoua inclamo: rupe mea; ne surdum agas auersus à me: ne si mutus eris & auersus à me, consimilis fiam descendentibus in sepulchrum.*

**2** *Audi vocem deprecationum mearum, dum vociferor ad te, dum attollo manus meas ad adytum Sanctitatis tue.*

**3** *Ne trahas me penes improbos & penes operarios iniquitatis: qui loquuntur pacem cum proximis suis, malitia obtinente in animo eorum.*

**4** *Da istis secundum opus ipsorum, & secundum malignitatem actionum ipsorum: secundum opus manuum ipsorum da eis: redde retributionem suam eis.*

**5** *Quia non animadvertunt ad opera Iehouæ, & ad factum manuum eius. Destruat eos, nec ædificet eos,*

**6** *Benedictus sit Iehoua: quia exaudiuit vocem deprecationum mearum:*

7 *Iehoua robur meum & scutum meum. Cui confidente animo meo adiuuor. Idcirco exultat animus meus, ut cantico meo celebrem eum.*

8 *Iehoua est robur illis : & est robur liberationum Vncti sui.*

9 *Seruapopulum tuum , & benedic hereditati tue : pasce eos & extolle eos vsque in seculum.*

## ANALYSIS PSAL. 28.

Partes Psalmi duæ sunt : in altera refert David precationem, qua vsus est, cum grauissimis calamitatibus affligeretur : in altera, precationis suæ euentum commemorat. Precatio est ab initio versiculi primi ad sextum. Euentus precationis reliqua Psalmi parte comprehenditur.

Precationis capita duo sunt : vnum generale de exauditione instituta orationis : alterum speciale de salute sua & exitio aduersariorum.

Petitio exauditionis duobus primis versibus explicatur. Exauditionis questio eiusmodi est :

*Exaudi Iehoua petitionem meam : id est, Concede mihi quæ à te petiturus sum. vers. 1. in medio, & vers. 2.*

Exauditionis questio est primo versu & secundo proposita breuiter. *Ne surdum* (inquit) *agas auersus à me* : id est, ne patiare me tibi frustra supplicem esse, sed assentire mihi de iis quæ postulaturus sum. Apud surdos frustra causam dicimus : eisdem incassum supplicatur, Surdis verò non dissimiles sunt, si petitionis euentum spectes, qui vel oblata supplicationi refragantur, vel ad eandem concedendam tardissime accedunt. Non vult igitur Propheta, dum ipse supplicis officio studiosissime & demississime fungitur, ut Iehoua interim surdi partes agat.

Sed quo argumento suadet, ut à Iehoua exaudiat? Vnde argumentum duplex adhiberi. Prius est ab effectu Prophetæ, conclusum ita :

*Ad te Iehoua confugio : te unum inclama : tuam solius opem imploro.*



*imploro, vers. 1. in principio, & vers. 2. in medio & fine.*  
 Iteratio argumenti & eiusdem exprimendi modus per  
 phrasin clamandi & manus attollendi ad sacrarium  
 Sanctitatis, ardorem precandi, & periculi imminen-  
 tis gravitatem notat. Dum ait se manus attollere ad  
 adytum Sanctitatis Iehouæ, è Metonymia signi indi-  
 cat precari se, & precationem in cœlum dirigere. Ut  
 manuum sublatione significatur precandi actio: sic  
 adyto seu sacrario tabernaculi, domicilium cœli, ubi  
 se Iehoua gloriæ & maiestatis splendore infinitum  
 exhibet.

*Itaque exaudi precationem qua apud te pro salute mea &  
 excidio perditissimorum hominum usus sum. vers. 1.  
 & 2.*

Antecedenti enthymematis illustratio attexitur ab effi-  
 ciente causa: ea autem fuit observatio paratissimæ in Ie-  
 houa voluntatis ad propugnandam salutem Davidis.

*Tu (inquit) antehac incolumem me & tutum præstitisti  
 aduersus omnes impetus hostium meorum. vers. 1. Te in-  
 clamo (inquit) qui es rupes mea.* Rupes, in quibus arces  
 extruuntur (id quod olim fiebat defensionis causa)  
 præstant singulare perfugium ijs, qui ad eas se recipi-  
 unt. Huiusmodi rupibus comparatur Iehoua.

*Ac proinde ad te Iehoua confugio: tuam opem imploro. vers. 1.  
 & 2.*

Exauditionis argumentum posterius est ab euentu reie-  
 ctæ petitionis:

*Nisi valere apud te supplicationem meam patiære, interire  
 me necesse est. vers. 1. in fine.* Similis ero descendentibus  
 in sepulchrum. Periphrasis est hominum mortuorum:  
 qua significare vult Propheeta, illico actum iri de se, si  
 oblatam petitionem aspernetur Iehoua.

*Quapropter pro infinita misericordia, assensire mihi Iehoua  
 de supplicatione mea. vers. 1. 2.*

Petitio exauditionis, quam reliquæ supplicationi præ-  
 misit David, exposita est. Sequitur postulatum speciale ex-  
 hibitum à Davide pro salute sua & exitiò improborum.

Postulatum istud est axiomate discreto comprehensum versu 3. & 4.

*Ne tradas me (inquit) in potestatem hostium meorum: sed ipsos pro iusto iudicio tuo dele prorsus & excidito.*

Prius membrum petitionis continetur versiculo tertio: ubi petit David *ne trabatur penes improbos & operarios iniquitatis*: id est, ne permittatur ipsorum libidini & tyrannidi. Posterius versu quarto sub varijs loquendi formulis propositum, iteratur versu quinto verbis disertissimis. Vult Propheta vt hostes sui, homines scilicet e scelere & nequitia conflati, pro ratione & merito flagitiorum plectantur: vult destrui ipsos a Iehoua & nunquam extrui: id est, ea seueritate pœnæ in eos animaduerti, vt nec in sua, nec in posterorum persona pristinum dignitatis statum recuperare queant.

Sed quomodo tractetur proposita petitio videamus. Priori petitionis membro subiicitur exornatio a definitione hostium, in quorum potestatem tradi non vult Propheta. Quales ergo sunt hostes Davidis? Non ij certè quorum est aperta & in omnium oculis constituta nequitia, sed qui amicitiaz, virtutis & religionis simulatione incautos circumueniunt & opprimunt. Quo quid detestabilius fingi potest?

Posterius supplicationis membrum de excidio improborum, suadetur commemoratis ipsorum effectis:

*Admirabilia (inquit) diuinæ providentiæ opera, tum generalia in administratione totius humani generis, tum particulare illud quo unctus in regem Israelis & consecratus sum, prorsus despiciunt hostes mei & proculant. v. 5. Vbi per opera Iehouæ intelligi volunt interpretes generalia diuinæ administrationis effecta, siue ea sint documenta iustitiæ, siue misericordiæ erga humanum genus. Clausulam illam de facto manuum Iehouæ exponunt de conferenda in Dauidem dignitate regia.*

*Quapropter hostes meos pro iusto iudicio tuo dele prorsus & excidito. ver. 4. & 5.*

Explicata

Explicata iam precatione Davidis, precationis eventum videamus. Is autem fuit exhibitæ precationis exauditio seu concessio. ver. 6. vbi exauditum se esse prædicat.

Sed ecce: exauditio ista peperit in Davide duo peregrinia effecta. Nam tanti beneficii contemplatione admonitus retulit se & ad celebrandum Iehouæ nomen & ad testandum studium voluntatis suæ erga Iehouæ populum.

Laudatio diuini nominis, quam instituit hoc loco Propheta, tractatur primò ab efficiente, deinde è subiecto. Ab efficiente laudationis in hunc modum concluditur:

*Exaudiuit Iehoua vocem deprecationum mearum. ver. 6.*

*Itaque benedictus sit Iehoua. ver. 6. Itaque exultat animus meus ut celebrem Iehouam cantico meo. ver. 7.* Vbi principalis efficiens vni cum propositæ laudationis instrumento notatur. Nam ab animo tanquam à principali efficiente proficiscitur laudatio: ab ore verò canticum edente, tanquam ab instrumento. Canticum è metonymia effecti interpretor pro ore & lingua proferente canticum.

Laudationis subiectum est canticum illud seu enthymema, quod versu septimo proponitur: cuius antecedente comprehenduntur causæ, quæ Dauidem ad prædicandum Iehouæ nomen impulerunt.

*Iehoua (inquit) est robur meum & scutum meum, ver. 7.* in principio. Iehouam hoc versu appellat *robur suum* Propheta, eò quod instructus diuinitus incredibili robore animi non succubuerit ærumnis victis earum magnitudine, sed eisdem exanulandis par fuerit. Atque hæc est illa animi constantia & patientia, qua munitus David se inuictum à calamitatibus præstitit. Quod verò Iehouam scuto comparet, in eo eleganti similitudine viuitur. Nam ut scuto regitur corpus ne telis hostium perimatur: sic Iehouæ potentia & bonitate tectus est David aduersus omnes hominum perditorum impetus & infidias.

*Itaque exultat animus meus ut celebrem Iehouam cantico meo. ver. 7. in fine.*

Pars antecedens enthymematis est illustrata variè. Primò notatur causa, quæ Iehouam impulit ad succurrendum Prophetæ versanti in periculis. Ea autem fuit Prophetæ in Iehouam fiducia. *In ipsum (inquit ver. 7.) confidente animo meo adiutus sum.* Videmus concludi rem enthymemate. Nam perinde est ac si inuoluti syllogismi partes distinxisset apertius, sic nempe: *Confugi ad Iehouam cum periclitarer de vita, & in eo spem omnem reposui salutis mee. Itaque subuenit mihi Iehoua, meq; tanquam scuto tectum potentie sue & periculis vindicauit.*

Sed antecedentis illustratio est non solum è causa, sed etiam è duplici comparatione Maiorum. ver. 8. *Iehoua (inquit) est robur illis:* id est, non modò mihi operum tulit, sed ijs etiam qui meas partes secuti, in eodem quo ego, discrimine versabantur. Præterea, *Iehoua est robur liberationum Vncti sui:* id est, me quem à Samuele vnctum reipublicæ Israeliticæ præfecit non solum ex isto, quo dudum expositus sum, periculo eripuit, sed in quascunque antehac ærumnas & calamitates inciderim, ex eisdem liberauit. Est (inquam) Iehoua omnium, quæ mihi vnquam obtigerunt, liberationum author & princeps.

Exauditionis effectum primum adhuc fuit, *Laudatio nimirum diuini nominis.* Restat secundum, testificatio scilicet, qua vsus est Propheta, studij & voluntatis suæ erga Iehouæ populum.

Testificatio ista perficitur oblata supplicatione pro salute Ecclesiæ totius ver. 9.

Supplicationis capitula quatuor sunt:

1. *Vt in hac tanta rerum perturbatione conseruetur Ecclesia, non autem hominum potentum factionibus conuulsa dissipetur.* ver. 9. in principio.
2. *Vt vi benedictionis diuinæ numero & viribus augeatur.* ver. 9. in medio. Vbi Ecclesia nominatur hæreditas seu possessio Iehouæ: eò quòd eam Deus pater quasi emptam sanguine filij sui ipse sibi acquisierit & perpetuo excolendam curet.
3. *Vt cum Regi Sauli propofita sit non Ecclesiæ salus sed inuolutudo,*

letudo, Iehoua prouideat de Ecclesia curanda & pascenda vel ratione quadam extraordinaria vel per eum quem ad Sauli in regia administratione & dignitate succedendum unxit & designauit. ver. 9. in medio.

4. *Vt populi Israelitici nomen illustre reddat apud omnes gentes, easq; cogat cognoscere, Beatum esse populum, cui Iehoua est Deus. Atque hæc est expedita admodum & insignis ratio extollendi populum vsque in seculum. ver. 9. in fine.*

## PSAL. XXIX.

**I** *Salmus Davidis. Cedite Iehoua filij fortiss, cedite Iehoua gloriam & laudem.*

2 *Cedite Iehoua gloriam nominis eius, incuruate vos honorem exhibentes Iehoua in decoro Sanctitatis.*

3 *Vox Iehoua supra aquas, vox Dei fortis gloriosi intonat, vox Iehoua supra aquas multas:*

4 *Vox Iehoua potenter, vox Iehoua magnificè.*

5 *Vox Iehoua confringit cedros, perfringit etiam cedros Libani:*

6 *Et facit ut exilient sicut vitulus, Libanus & Schirion, ut pullus unicornium.*

7 *Vox Iehoua cedit flammæ ignis.*

8 *Vox Iehoua dolore afficit desertum, dolore afficit Iehoua desertum Kadeschi.*

9 *Vox Iehoua facit ut pariant cernæ, & denuadat syluas. Verùm in templo suo eloquitur totam gloriam suam.*

10 *Ie-*

**PO** *Iehoua in diluuio sedet: & sedet Iehoua Rex in seculum.*

**II** *Iehoua robur populo suo dat: Iehoua benedicit populo suo cum pace.*

## ANALYSIS PSAL. 29.

Subiectum P'salmi hortatio est, qua apud Magnates & Principes vitur Propheta: vt nempe,

*Iehouæ gloriam prædicent. ver. 1. & 2.*

Principes & eos qui illustrem sedem obtinent in republ. authoritatis & splendoris appellat filios fortium, id est, homines potentia & dignitate præstantes. Sic apud Hebræos iniquitatis filius dicitur, qui iniquus est. Suadet ergo ijs qui vel generis claritate antecellunt, vel authoritate & opibus pollent, vt seposito fastu & propriæ virtutis abiudicata opinionone, non abutantur diutius aut facultate ingenij aut potentia suæ viribus ad explendam sitim, qua laborant, iniquissimæ cupiditatis: sed quicquid asciuerint dignitatis ac potentia, id totum ad diuini nominis celebrationem afferant.

Sed quibus argumentis persuadere vult Propheta tam præclari muneris functionem? Certè à duplici comparatione parium disserit, vt eos ad diuinæ gloriæ prædicationem inuitet. Res conclusa est enthymemate, in hunc modum:

*Diuinæ prouidentia opera naturalia, vt tonitrua, publicant Iehouæ gloriam: de ea etiam concionatur Dei populus.*

*Quia ergo (illustriissimi Principes) & vos ad prædicandum Iehouæ nomen acceditis? v. 1. 2. Vbi est cōclusionis istius exornatio, primùm ab adiuncta qualitate honoris, quem Iehouæ deferri oportet: deinde è notata specie honoris: postremò è subiecto loco, vbi exhibendus est. Quod ad honoris adiunctam qualitatem attinet: honor is esse debet, qui Iehouæ illa tam excellenti maiestate non indignus censi queat. Atq; hoc est Iehouæ tribuere gloriam nominis eius: id est, longe amplissimā, qualis nimirum nomini ipsius conuenit. Species honoris, quam notat Propheta, incuruationis vocabulo comprehenditur. Incuruatio coram Iehoua est exter-*



na quædam Iehouæ adoratio : immo per adiuncti meronymiam eiusmodi adoratio , quæ sincero cordis affectu & fide perficitur. Locus ubi Iehouæ nomen prædicari vult , dicitur *Decorum sanctitatis*, id est, magnificum illud sanctuarium, quod erat diuinæ præsentis symbolum & ad eos cultus institutum de quibus in lege Domini præcipitur.

Enthymematis antecedens duo membra completitur: vnum de prædicatione diuini nominis per *tonitrua*, id est, diuinæ prouidentis opera naturalia, à principio versiculi tertij ad medium noni: alterum de laudatione Iehouæ per Ecclesiā, à medio noni versus ad Psalmi finem.

Quod ad antecedentis membrum prius attinet : non eris alienum admonere , vnam operum naturalium speciem tonitru proponi synechocicè, ad reliqua naturæ opera significandum. Quod certè summo consilio factum est. Etsi enim cætera naturæ opera eiusmodi sint, vt eorum contemplatione possimus facile prouocari ad decantandas Iehouæ laudes , dum scilicet in ijs admirabilem ipsius potentiam, sapientiam , ac bonitatem intuemur : tamen tonitruum ea ratio est, vt hominum sensus paulo vehementius afficiant: immo sic eos perecellunt fragore incredibili , vt homines quantumuis torpentes expergefiant & eisdem contremiscentibus ac inuitis extorqueant agnitionem quandam summæ in Deo potentis & sapientis.

Verum vnde constat promulgari à tonitribus Iehouæ gloriam? equidem è descriptione ipsorum, quam Propheta adhibet. Descriptio perficitur adiunctis & effectis. Adiuncta tonitruum vis proponitur versu quarto. *Vox Iehouæ* (inquit) *potenter & magnificè agit*. Tonitru appellat vocem Iehouæ, vt inde constet de efficiente tonitruum & quorsum excitentur, nempe vt per ea homines alloquatur Iehoua eisque de potentia sua & maiestate persuadeat. Hinc est quod tonitribus vim attribuat agendi potenter & magnificè, adeo vt admirationem & terrorem incutiant non mediocre, vt ea ferè solent , in quibus insigne aliquod vestigium apparet maiestatis & potentis.

Sed enim magnificam istam tonitruum vim & potentiam amplificat Propheta è comparatione Minorum. v. 3. Comparatio partibus distincta sic erit:

*Aque inundantes, eaq; & ventorum impetu vehementius, agitate & iniectos aggeres illidentes feruntur vi ac fremitu incredibili.*

*At tonitruum vis ac fragor longè maior & formidabilior existit. Vox Iehoue (inquit ver. 3.) est supra aquas multas: id est, viribus & fragoris horrore admirabili adeo insignis est, ut omnes omnium torrentium & inundationum fremitus quantumvis magnos & furètes longissimè superet. Hanc ego versiculi tertij interpretationem sequor Tremellio auctore & Iunio. Non alienam esse illam constat è versu quarto: in quo comparationis instituitur apodosis, quæ est ver. 3. summam comprehendens, disertius proponitur.*

Effecta tonitruum, quibus reliqua descriptionis propositæ pars conficitur, exponuntur ver. 5. 6. 7. 8. 9. Vbi docet Propheta nihil esse tanti roboris & firmitatis quod tonitruum vi non deturbetur & radicitus conuellatur: nihil insuper esse quod ad sonitum tam horrendum non contremisecat & conseruatione insolita percellatur. Sed particularium effectuum inductionem quæ commemorantur à Propheta videamus. Effecta igitur tonitruum in specie eiusmodi sunt:

1. *Confractio & deturbatio arborum etiam firmissimarum, ut cedrorum. ver. 5.*

2. *Concussio & tremefactio montium, ut Libani & Schirionis. ver. 6. Vbi est exornatio à duplici similitudine, qua montes illi qualitate tremoris conferuntur cum vitulo & pullo unicornium, utroque exiliente seseque quaquaversus agitante perniciousiter. Mons ille vterque erat Iudæis notissimus: Libanus à septentrione claudens Iudæam: Hermon vero (quæ hîc nomine Schirionis Propheta appellat pro more Sidoniorum, ut constat è 3. c. De. v. 8. & 9.) descendens à Libano versus meridiem & non nihil ad occasum vergens. Ut Cedrorum nomine arbores vniuersæ quantumvis proceræ & robustæ è speciei synechoche*

doche intelligitur. sic Libani & Schirionis appellatione  
mōtes alij quicunq; illi tandē sint, tropicis significantur.

3. Eiaculatio & per aërem dissipatio cornusationum & fulgurum. *verf. 7.*

4. Ferarum in desertis oberrantium eiusmodi consternatio, ut earum alie ad sonitum tam horrificum abortire cogantur, ut Cervæ: alie relictis saltibus & nemoribus sese in antra subinde recipiant & in latebras abdant, quousque remisit se tonitruum fragor & immissæ procelle impetus resederit. *verf. 8. & 9.* Versu octavo proponitur in genere exanimatio ferarum. *Vox Iehouæ* (inquit) dolore afficit desertum, id est, per metonymiam subiecti, feræ in deserto quouis versantes. Desertum illud Kadeschi tradit Moses Deut. 8. & 15. fuisse magnam & formidabile, ac abundasse animalibus quibusdam horrificis. Versu nono cōsternatio illa feris incussa è fragore tonitruum, explicatur in specie è duplici iniectæ consternationis effectu, altero nempe præcipitatae abortionis in Cervis, altero susceptæ fugæ in alijs feris ad sese in speluncas recondendum, ut munitæ ac tutæ esse possint aduersus cæli intonantis vim omnem & impetum. Sic enim cum Tremellio & Iunio sylvarum depudationem, de qua meminit versiculus nonus, interpretor, ut ea comprehendi & significari statuas non deturbationem aliquam arborum in saltibus & nemoribus succrescentium (nam hoc effectum *verf. 5.* expositum est) sed vacuitatem quandam & solitudinem à feris, quæ tonitruum fragore vehementius exanimatæ se è sylvis festinanter proripiunt uniuersæ, adeo ut ijs denudata iam nemora & exanimata videantur.

Hactenus explicatum est, quemadmodum tonitrua, id est, diuinæ providentiæ opera naturalia Iehouæ gloriam promulgent. Restat ut de eadem Ecclesiam concionantem audiamus. Concio Ecclesiæ comprehenditur partim incipit posteriori versu noni, partim duobus sequentibus. Ad eandem tractandam adhibetur primam dissimilitudo: deinde

inde inductio partium diuinæ gloriæ. Dissimilitudo adhibita ad illustrandum id, quod de gloria Iehouæ refert Ecclesia, eiusmodi est:

*Tonitrua, id est, providentiæ diuinæ opera naturalia Iehouæ gloriam prædicant ex parte & indistinctè. Quod versibus præcedentibus exponitur, id huc repetendum est ad constituendam dissimilitudinis propositionem.*

*At Ecclesia Iehouæ totam gloriam prædicat, idq, ita explanatè & distinctè, ut faciliè intelligi possint quæ dicantur. ver. 9. Vbi est exornatio è subiecto loco, in quo laudes Dei celebrantur.*

Inductio diuinæ gloriæ partes recenset, ut inde concludatur prædicari ab Ecclesia gloriam Iehouæ. Docet igitur celebrari ab Ecclesia has diuinæ gloriæ partes, nempe:

1. *Potentiam Iehouæ, siue illam in transmittendo diluuium per uniuersam terram & eodem rursus in suos alueos reuocando: siue illam in excitandis ac denuo compeſcendis oceanæ fluctibus & inundationibus. ver. 10. in principio. Hoc enim est sedere in diluuium, exercere scilicet eam in aquas potentiam, unde constare queat eiusdem præesse & dominari Iehouam.*
2. *Regium officium Iehouæ. Iehoua (inquit) est Rex. ver. 10. in fine.*
3. *Æternitatem Iehouæ. Iehoua (inquit) est Rex in seculum. ver. 10.*
4. *Bonitatem Iehouæ, partim in suggerendo robore populo suo belli tempore ad frangendos hostes: partim in communicando benedictiones cum Ecclesia sua tempore pacis & temporarias ad cultum præsentis vitæ & spirituales ad salutem animæ. ver. 11.*

## PSAL. XXX.

1 **P**salms Davidis, canticum dedicationis domus illius.

2 Ex.

2 Extollam te Iehoua : quoniam euexisti me neque letitia affecisti inimicos meos de me.

3 Iehoua Deus mi , vaciferantem ad te curasti me.

4 Iehoua eduxisti è sepulchro animam meam: reddidisti mihi vitam, ne descenderem in sepulchrũ.

5 Psallite Iehoua quos ipse benignitate prosequitur : & celebrate ad memoriam Sanctitatis eius.

6 Quum momento fuit in ira sua, vita adest beneuolentiã eius. Vespere si dimeretur fletus , mane adest cantus.

7 Ego verò dicebam in prosperitate mea, Non dimouebor in seculum.

8 Iehoua, beneuolentiã tua constitueras in mote meo robur. Te abscondente faciem tuam fui conturbatus.

9 Ad te Iehoua clamaui: & Iehouam deprecatus sum, dicens:

10 Quid lucri erit in sanguine meo , quum descendam in foueam? an celebrabit te puluis? nunciabit ne veritatem tuam?

11 Audi Iehoua & gratiam fac mihi: Iehoua esto adiutor mihi.

12 Conuertisti planctum meum in choream mihi: soluisti cilicium meum, & accinxisti me letitia.

13 Ut psallat tibi gloria mea ac non conticescat. Iehoua Deus mi, in seculum celebrabo te.

## ANALYSIS PSAL. 30.

De Psalmi inscriptione primò videndum est: deinde de ipso Psalmo.

Psalmi inscriptio ostendit

1. *Quis Psalmi author extiterit.* Nonnulli à Zacharia aut Haggeo compositum esse somniant : nec attendunt : interim inscriptione nomen Davidis exprimi , ei que attribui.
2. *Adiunctam temporis circumstantiam , quo dictatus fuerat :* nempe tum , cum de repetenda domus suæ consecratione cogitaret.
3. *Qua occasione adductus David Psalmi contextuerit :* Ea fuit palatij , quod aliquandiu inhabitauerat & vnde metu imminentis periculi profugerat , repetita dedicatio. Nam cum esset domus Davidis nefario incestu Absalom & multiplici insuper aliorum scelerum turpitudine egregiè inquinata : postquam deleto Absalomo & ijs omnibus profligatis , à quibus interitum metuebat , vidit restitutam sibi & maiestatem regij sceptri & facultatem redeundi ad illud quod reliquerat domicilium : tum Davidi in mentem venisse credibile est recenti ædium dedicatione opus fuisse , ne communicare cum filio in flagitiorum sordibus & inaudita obcenitatis vestigia probare videretur. Cogitasse eum de repurgatione domus suæ constat ex ijs quæ 2. Sam. cap. 10. v. 3. referuntur. Repurgationem autem illam regij palatij , si dignam putemus quæ suscipiatur à Principe tanto & tam excellenti pietate , quid aliud fuisse statuemus quàm eiusdem religiosam quandam consecrationem ? immò illam ipsam dedicationem , cuius meminit Psalmi inscriptio ? cum ad aliam nullà commodè referri possit.

Ædium dedicatio quibus ritibus peragi consueverit , minimè liquet. Fuisse eam institutam diuinitus , apparet è 20. cap. Deuter. Ad eam ornandam & Iehouæ vehementius commendandam accessisse preces & actionem gratiarum , docet murorum dedicatio adhibita Nehemi. cap. 12. Vtrum iam obeunda sit , si quis ambigat , consulat Apostolum differentem 1. ad Timot. cap. 4. aduersus supersticiosam à quibusdam cibis abstinendam , Non loquor de retinendis for-

mulis



mulis & ceremonijs, quibus in præstanda domorum consecratione fungebantur Iudæi: sed de eo omni in praxin reuocando, quicquid in illa fuit perpetuæ æquitatis & vñs. Diuini ergo nominis inuocatio, diuinæ erga nos beneuolentiæ agnitio, & diuini iuris in nos ac nostra omnia commemoratio, retinenda adhuc & studiosè colenda est, si quando ad ædium dedicationem meditemur. Profiteri conuenit Deum solum esse à quo sedes ad habitandum & hospitia nobis tribuuntur: esse nos Dei inquilinos ac quasi feudatorios, ipsique nomine concessæ habitationis annum redditum debere, redditum (inquam) piæ integræque vitæ, non autem impiæ & proiectæ ad turpitudinem: nihil esse posse in ædibus, quibus vti volumus, verè iucundi & ad vtilitates nostras opportuni, nisi de earum titulo & legitimo vñs constiterit: rei autem nullum esse vñs legitimum, quæ verbo & precibus non sanctificetur.

De Psalms inscriptione hæctenus. Videndum iam de Psalmo ipso.

Psalmi partes duæ sunt:

1. *Dauidis professio de celebratione diuini nominis, à principio ver. 2. ad 5.*
2. *Dauidis cohortatio vt idem præstetur à reliquo Dei populo. à ver. 5. ad finem Psal.*

Professio Dauidis huiusmodi est:

*Prædicabo ð Iehoua gloriam nominis tui. ver. 2. & 13.*

Sed quo argumento commotus Propheta ad hanc tam præclari muneris functionem accedit? Venit certè in mentem ipsi quoddam Iehouæ effectum singulare: vnde institutam professionem sic concludit:

*Liberasti me Iehoua è malis & angustijs grauissimis. ver. 2.*

*3. 4.*

*Itaque prædicabo gloriam nominis tui. ver. 2. in principio.*

Pars antecedens eutbymematis est expressa variis loquendi formulis. *Euexisti* (inquit) *me*: id est, coniectum me quasi in abyssum subuexisti, vt pristina incolumitate & splendore frui possim. *Non affecisti letitia inimicos meos de me*: id est per metonymiā effecti pro causa, concessa mihi liberatione ab

ijs in quibus versabar, periculis, præcipuisti aduersarijs meis omnem ansam lætitiæ, quam aliqui ex interitu meo percepissent. *Curasti me ad te vociferante*: id est, ut æger vi adhibitz medicinæ valetudinem recuperat: sic tu malis quibus conflictabar, acerbissimis remedium insigne & oportunum attulisti. Denique *eduxisti e sepulchro animam meam*: id est, cum penè actum esset de salute mea, tu mihi succurristi & ereptum tanquam e faucibus mortis ac inferorum pristinz saluti restituisisti.

Videmus iam quàm variè & concinnè liberationis acceptæ beneficium expresserit Propheta: sed addita nihilominus duplici exornatione, altera nempe à comparationibus, altera à notatione causæ cuiusdā instrumentariæ, qua adductus Iehoua Prophetæ cōfecto propè & ad extremū spiritum reducto subuenit. Comparationes, quibus ad acceptam à Domino liberationem orandam vitur, sunt binæ similitudines: quarum priorē liberatio Prophetæ à grauissimis quibus est constrictus angustijs confertur cum liberatione à grauissimo morbo. verſ. 3, in fine. Posteriore verò, cum liberatione ab illa misera & deploranda conditione, in qua iacent mortuorum cadauera. ver. 4.

Sed quid causæ subesse dicemus, quamobrem ad Prophetam liberandum accesserit Iehoua? *Vociferabar* (inquit ver. 3.) *ad te Iehoua Deus meus*: id est, confugi ad te opemque tuam summo studio & contentione imploraui. Ac proinde non grauare me ab imminetibus periculis vindicasti.

Sequitur ver. 5. Davidis cohortatio, qua persuadere vult pijs ad idem laudationis officium præstandum quo ipse fungitur.

*Psallite* (inquit) *Iehoue eumq; debitis laudibus celebrate.*  
ver. 5. in principio.

Suasionis argumentum primum est à contemplatione finis. *Par est* (inquit) *celebrari à vobis Iohouam, ut sanctitatis eius, qua tantopere excellit, memoria perpetuò vigeat in Ecclesia.* Sanctitatis vocabulo cōprehendi probabile est sanctissimas illas Iehouæ actiones, quibus & ad suos tuendos, & ad impios plectendos vti solet,

Verum

Verum vrget cohortationem suam Propheta ab excellenti Iehouæ effecto:

*Illico nos (inquit) ab afflictâ conditione vitæ ad secundam & florentem reuocat. ver. 6. Vbi sic loquitur. Quum momento fuit in ira sua, &c. id est, Nō patitur suos nisi ad tempus valde exiguum affligi: immo statim ipsis quasi depulsa caligine afflictionum affulget & de singularibus vitæ bonis prospicit.*

*Ac proinde unâ mecum de gloria Iehouæ concionamini. v. 5.*

Enthymematis antecedens illustrationem habet primò ab efficiente: tum à Comparatione: deinde à speciali instantia seu exemplo personæ iux.

Efficiens tam promptæ reuocationis à calamitosa & aduersa conditione ad optatissimæ vitæ statum, est illa Iehouæ admirabilis erga nos beneuolentia: quæ versiculi sexti medio notatur. *Vita (inquit) adest beneuolentiâ eius: id est, quia nos insigni amore & beneuolentia complectitur, inde fit vt parum diu in ærumnis & squallore iaceamus.*

Comparatio ad expoliendum enthymematis antecedens allata, similitudine continetur, qua afflictâ conditio comparatur fletui, secunda cantui, expeditissima alterius in alteram nempe aduersæ in prosperam commutatio commutationi promptissimæ cuiusuis fletus in cantum, putâ fletus vespertini in cantum matutinum.

Specialis instantia desumpta ab ipsius Prophetæ persona tractatur ver. 7. & sequentibus.

*Me (inquit) cum grauissimè affligeret, nempe oppressus pendè insidijs & perfidia Absalomi, illico Iehoua à fractâ & deplo ratâ conditione ad letam splendidamq; traduxit. v. 12. vbi meminit Propheta choreæ & cilicij. Vt chorea non ducitur nisi ab eo, qui animo admodum læto & soluto est: sic nec cilicium seu vestis lugubris induitur nisi à lugentibus. Ac proinde qui posito cilicio exercet choreas: is intelligi ex eo vult transisse se à deiecta & tristi fortuna ad illustrem & florentem. Quod Davidi contigit interempto Absalomo & Sheba.*

*Hinc igitur apparet, e meâ scilicet personâ exemplo, fideles ab*

*aduerso statu ad secundum traduci à Iehoua promptissimè. ver. 6.*

Antecedente Enthymematis comprehenditur ( vt videtis ) tum afflictissima conditio Dauidis , tum pristinae dignitatis ac lætitiæ recuperatio.

Misera illa & luctuosa Prophetæ conditio ( de qua meminuit vers. 8. in fine, & vers. 12. ) tractatur à principio versiculi septimi ad finem vndecimi. Sed tractationis institutæ partes duas esse video. Earum priore continetur explicatio causarum, quibus commotus Iehoua Prophetam tantopere afflixerit : posteriore verò , exponitur ratio à Dauide adhibita ad impetrandam e tantis miserijs liberationem.

Causæ, quæ Iehouam impulerunt vt Prophetam exciperet asperius , sunt carnalis securitas Prophetæ & inde orta Iehouæ erga ipsum grauis indignatio. Carnalis securitas Prophetæ versu septimo explicatur , amplificata partim ab adiuncto temporis, partim ab efficiente. *Non dimouebo* ( inquit ) *in seculum*. Ecce carnalem securitatem in tam excellenti Principe penè incredibilem. Sed quando tandem eo recordiæ processit, vt de regni sui fœlicitate perenni & immutabili somniaret? *Dicebam* ( inquit ) *in tranquillitate mea* : id est, tum securus esse cœpi, & somnio quodam perpetuæ fœlicitatis abripi, cum profligatis hostibus & rebus ad voluntatem fluentibus tranquille Hierosolymis desiderem. At quæ erat tantæ securitatis efficiens? *Beneuolentia tua* ( inquit ) *constitueras in monte meo robur* : id est, quia pro tua admirabili bonitate regnum meum ita validum ac florens effecisti, vt neque domesticis insidijs labefactari, neque externis viribus conuelli posse videretur, idcirco ( quæ est mea singularis amentia ) cœpi inolescere, & insigni quadam fiducia niti sapientiæ & potentia meæ , oblitus planè nihil esse regni splendore instabilius. *Montis* vocabulo per Metonymiam subiecti notatur arx illa regia quæ in monte aliquo munitiori solebat extrui, non solum vt minus oportuna esset hostium irruptionibus , sed vt maiestatem quandam præ se ferret, & eo facilius subditos in officio contineret. Atque hinc est , cum Mons principem illam regni sedem significet,

significet, in qua & maiestas imperij residet, & de reipublicæ totius procuracione plerumque agitur, vt voce montis regnum aliquando intelligatur.

Videmus iam quemadmodum tractetur à Propheta carnalis illa securitas, in quam delapsus est. Iehouæ indignatio inde nata, vers 8. in fine declaratur. *Abscondisti (inquit) faciem & sui conturbatus*: id est, lumen vultus & gratiæ tuæ, quo affulgere mihi & omnes sensus meos mirabiliter reficere solebas, interceptisti prorsus & retrahum à me homine indignissimo ad tēpus oclusisti: adeo vt ætū iustissimæ iræ undiæ totus ardere videreris. Hinc conturbatio mea, id est, inflicta mihi abs te grauissima pœna & inflicte pœnæ acerrimus sensus extitit.

Expositæ adhuc sunt causæ, quibus adductus Iehoua Dauidem afflixerit.

Ratio ab ipso adhibita ad impetrandam è tantis calamitatibus liberationem, comprehenditur. v. 9. 10. 11. Ea verò fuit suscepta à Dauide inuocatio Iehouæ, profecta illa quidem ab agnitione seria delictorum & singulari in Iehouæ misericordiam fiducia. *Clamaui (inquit) ad te Iehoua. v. 9.* Sed petitionis oblatæ subiectum, quodnam erat? *Gratiam (inquit ver. 11.) fac mihi & esto adiutor mihi.* Ecce institutæ supplicationis thesin principem. Versatus est Propheta in summa animi consternatione: sensu acerrimæ miserix percellabatur parum absuit quin confectus angoribus concideret. Implorat igitur opem Iehouæ: liberari cupit è mortis periculo, & pristinæ incolumitati restitui. Hæc est illa gratia quam tantopere efflagitat: gratia (inquam) liberationis ab imminente morte & restitutionis in integrum. Sed quo argumento persuadere Iehouæ vult de concedenda tam excellenti gratia liberationis & restitutionis?

*Erepta (inquit) mihi vita, non possum te apud viuos celebrare, nomine scilicet præstite fidei ac promissionis tuæ de hærede & successore regni mei. v. 10.* Quid lucri (inquit) erit in sanguine meo? an celebrabit te puluis? nunciabit veritatem tuam? Perinde est ac si diceret: Regni Israelitici, cuius principatū iam potior, hæredē mihi & successorē

cessorem promissisti. Gloria tua interesse video, priusquam moriar, tibi à me testimonium reddam liberatae fidei ac promissionis. At interitu meo priusbere testimonio isto & laude quae inde oritura est. Quòd si igitur in vita remansero, tantum ex eo lucrare percepturus es, quantum afferre potest gratia tuae constantiae in praestandis promissis celebratio.

*Ac proinde ne patiare eripi vitam mihi, sed libera me à imminenti morte & restitue in integrum. ver. 11.*

Hactenus exposita est afflictissima illa Prophetarum conditio. Superest narratio, quam adhibet de recuperata dignitate pristina & laetitia. *Conuertisti (inquit) planctum meum in choream mihi, &c.* Recuperationem istam pristini status amplificatam à fine reperiemus in principio. v. 13. *Psallat (inquit) tibi gloria ac non conticescat id est, eo consilio me à mortis imminuentis periculo expeditur, ut pristinae incomitanti restitutus praedicem nominis tui laudem ac de ea nunquam conticescam.* Vocabulo gloriae notatur per effectum metonymiam instrumentum publicandae gloriae & decantandae, nempe lingua.

Extremo versiculi extremi membro repetitur Psalmi princeps quaestio, Davidis nimirum professio de celebratione diuini nominis. At sicui membro illo postremi versiculi contineri videbitur non tam repetita professio celebrandi Iehouam, quam inducta comparatio parium ad persuadendum ut idem praestetur à reliquis fidelibus, non valde repugnabit. Nā à principio quinti versus ad Psalmi finem videri potest producta cohortatio, ut reliqui fideles se cum Davide in promulganda Iehouae gloria coniungant. Ad caetera igitur cohortationis argumenta non incommode addi potest & hoc, quod postrema Psalmi clausula comprehenditur.

*Ego (inquit) diuinae potentiae, sapientiae, misericordiae, & veritatis in promissionibus seruandis gloriam celebrabo in seculum. ver. 13. in fine.*

*Itaque & vos omnes, quos benignitate prosequitur Iehoua, unà mecum Iehoua nomen praedicite. ver. 5.*

FINIS